



XVIII. F. 2.




John Carter Brown
Library
Brown University

157
20.00° X. C.
Di Francesco Antonio

JOHN CARTER BROWN
LIBRARY

Purchased from the
Trust Fund of
Lathrop Colgate Harper
LITT. D.




RERVM
A SOCIETATE
IESV IN ORIENTE
GESTARVM
VOLVMEN,

Continens Historiam iucundam lectu omnibus Christianis, praesertim ijs, quibus vera Religio est cordi. In qua videre possunt, quomodo nunquam Deus Ecclesiam suam deferat, & in locum deficientium a vera fide, innumeros alios in abditissimis etiam regionibus substituat.

Nunc pluribus vltra omnes editiones priores locupletatum, vt sequens pagella demonstrat.



Græpen



COLONIAE,
Apud Geruinum Calenium, & haeredes Iohannis
Quentel, Anno M. D. LXXIIII.
Cum Privilegio Imperiali ad decennium.

D. PROB

DE REBVS INDICIS ad annum vsque a Deipara Virgine MD LXVIII, Commentarius Emmanuelis Acosta Lusitani, recognitus, & Latinitate donatus.

DE REBVS INDICIS ad annum vsque MD LXX, Epistolarum Liber I.

DE IAPONICIS REBVS ad annum vsq, MD LXV, Epistolarum Libri V.

OMNES item accurate recogniti, & in Latinum ex Hispanico sermone conuersi.

AD CALCEM operis, Epistolæ duæ separatim additæ sunt, de LII. e Societate IESV, pro fide Catholica nuper occisis.

ACCESSIT etiam specimē quoddam litterarum vocumq, Iaponicarum.

ADIECTI Indices locupletissimi.

CLARISSIMO

PRINCIPI,

AC DOMINO, D. OTHONI

Truchses a Vvaldburg, S. R. E. Cardinali,

Augustano Episcopo ac Prænestino,

Præposito & Domino El-

uuacensi &c.

IOAN. PETRVS MAFFEIVS

S. P. D.



QVOD te non fugit
omni liberali doctrina
eruditum, Otho Card.
Amplifs. India prouin-
ciarum omnium maxi-
ma, tametsi proprie dici
videtur pars illa terra-
rum, quam nobilissimus fluuius Indus in-
terfluit; vsus tamen obtinuit, vt etiam vl-
tra Gangem æque magnum ac celebre
flumen, immensi illi terrarum tractus, qui
ad Sinas vsque, & in extremo positos Ori-
ente pertinent Seras, Indiæ nomine cen-
seantur. Porro vltra Sinas, in Serico Oce-
ano, haud procul a continente, ingens cer-
nitur Insula compluribus minoribus adia-
centibus, quam nostri vulgo Iaponem vo-

2 2 cant,

EPISTOLA

cant, Zipangrim antiquis dictam fuisse
 nonnulli arbitrantur. Hac insula excepta,
 ceteras ferme regiones eas, cum alijs opi-
 bus, tum etiam pretiosissimis aromatibus
 odoramentisque refertas, constat priscis
 temporibus, Romano florente Imperio,
 cum Europæis hominibus, & commercijs,
 & hospitio fuisse coniunctas. traditum est
 etiam, multas Christiana quondam sacra-
 tum ab alijs, tum præsertim a duobus exi-
 mia sanctitate viris Thoma, & Barptole-
 mæo Domini Apostolis accepisse. Verum
 vbi Romani decus Imperij, conspiratibus
 vndique in ipsum varijs nationibus concidit;
 mercimonij vocumque, & litterarum
 cum illis gentibus communione sublata,
 Christi cultus, atque religio paulatim ex-
 tinctæ ac deleta sic est, vt nullum prope ipsi-
 us vestigium in illis iam regionibus appa-
 reret. Quo melius de Christiana meruisse
 Rep. Lusitani iure putandi sunt, quod cum
 terrestri itinere, sine summo vitæ discrimi-
 ne ea loca peti non possent, & vix quisquam
 reperiretur, qui peregrinationem eiusmodi
 suscipere auderet; ornatissimis ipsi clas-
 sibus extima legentes Africæ litora; Bo-
 næ spei promontorium ante id tempus pe-
 ne incognitum, Auream Chersonesum que
 Ma-

DEDICATORIA.

Malaca dicitur hodie, Taprobanā, quę Su-
matra, siue Samotra, Sinas deniq; præter-
uecti; ad ipsam de qua diximus Iaponis In-
sulā ingēti ausū, summaq; animi magnitu-
dine penetrarūt: ijdemq;ue, Indicę orę ma-
gna parte subacta, sinus etiā Persici fauci-
bus fortiter q;ue ac feliciter occupatis, A-
rabici vero nauigatione crebris incurfio-
nibus impedita, mercibusq; Indicis per A-
fricum, atq; Atlāticū Oceanum in Hi-
spaniam auersis; non modo Memphitica
Turcarum vectigalia grauissimis damnis
atque incommodis affecerunt: sed etiam
Christi liberatoris nostri cultum, ac no-
men, apud eos populos vel nunquam ante
id tempus auditum, vel diuturna vetusta-
te, atq; obliuione deletū, salutare prædica-
tione lōge lateq; ppararunt, adhibitis per-
ductisq; secū, Summi Pontificis iussu, mul-
tis Euangelij præconibus, tum aliarū fami-
liarū, tum vero præcipue Societatis IESV.
Quorum Epistolæ (huc enim rota spectat
oratio) quas vulgo Indicas nominant, in
Europā subinde perlate, minime dubiū est,
quin haud mediocrē vtilitatē pari delecta-
tione coniunctā hominibus nostris attule-
rint. Veruntamen ea volumina cū iam ni-
miū excrefcerēt, multosq; a legendi studio

EPISTOLA

retardarent; prudenter mihi simul, ac pie fecisse videtur Emanuel, is cuius nos scripta cōuertimus, qui circuncisis ijs quę minus necessaria videbantur, cetera breuem in commentariū retulit, vt essent parata & in promptu, quę quis de rerum Indicarum statu, progressūve, quod attinet ad religionē, scriptione maxime digna, cognoscere cuperet. Quam nos etiam, aliqua ex parte, circuncidendi castigandique, siue diligentiam, siue licentiā, in Iaponicis Epistolis ita pręstare conati sumus, vt historię fides ac veritas omnino integra permaneret: quod facile perspiciet si quis hęc exempla cum ceteris accurate contulerit. Volumen autem ipsum, Rerum in Oriente gestarū, ob eam causam inscribitur, quod eiusdē Societatis homines etiam in Brasilia regione, & in Occidentali quę dicitur India, varijs locis, atq; prouincijs magna cū animarum vtilitate, fructuq; versantur: & res ad Christi Domini gloriā ita multas, eodem duce atq; adiutore perficiūt, vt proprio, & quidem iusto volumine ipsę per se ad explicandum indigeant. Quam nos in historiam, & in eas quę supersunt ex Oriente colligendas epistolas, quidquid otij, quidquid possumus operę, deinceps conferre decreuimus.

DEDICATORIA.

uimus. Profecto enim digna res est, in qua
 nō mea solum, verum optimi cuiusque, ac
 litteratissimi viri libentissime desudet in-
 dustria: quippe quæ nō modo plurimarum
 rerum variam, & iucundissimā afferat co-
 gnitionem, sed etiam veritatem Catholi-
 cę religionis, & sedis Apostolicę maiesta-
 tem, summamq; Romani Pontificis pote-
 statem (quæ hac præsertim ætate omnibus
 tormētis ac machinis oppugnatur) huma-
 nis, & diuinis testimonijs, atq; miraculis,
 egregie tueatur, & cōprobet. Interea, hæc
 quę habebamus absoluta, tibi potissimum,
 Otho clarissime, pluribus de causis dicere
 statuimus. primum, quòd hoc veræ atque
 orthodoxæ fidei ornamentū ei deberi ma-
 xime videbatur, qui sese calamitosis his-
 ce tēporibus contra perditorū hominum
 insānias, Catholicæ sinceraęque religionis
 defensorem acerrimum præbuisset: deinde
 quòd ipsimet Societati Iesv, quæ plurimū
 tibi debere se profitetur ac prædicat, in pri-
 mis id gratum fore mihi persuaseram. Tu,
 pro tua excellenti humanitate, munuscu-
 lum hoc quaecunq; libēter accipies, me-
 quę in tuorum numerum adscribes æquo
 animo. Vale. Romæ. 15. Kalend. Decem-
 bris. M D L X X.

INDEX EPISTOLARVM.

ALOISII Almeidae	pag. 279. 315. 357. 382. 390.
Aloisij Goueani	89.
Aloisij Frois	350. 368. 418. 433. 439. 446.
Ariæ Blandonij	191.
Ariæ Sanctij	311.
BALTHASARIS Gagi	210. 257. 336.
Bungi Regis	453.
CANGOXIMANI reguli	328. 329.
Christophori Acoftæ	86.
Confalui Ferdinandi	275.
Cofmi Turriani	147. 170. 227. 290.
D VARTIS a Sylua	199.
EMANVELIS Tefseriæ	93.
FIRANDI Regis	226.
Francifci Henrici	463.
Francifci Xauerij	150. 156.
GASPARIS Vilelæ	177. 230. 252. 298. 331. 347.
Gulielmi	256.
HIERONYMI Ruizii	131.
IAPONIÆ Regis	226.
Ioannis III. Lulitaniæ Regis	5.
Ioannis Baptiftæ Montij	364. 366.
Ioannis Ferdinandi	174. 254. 378.
LAVRENTII Iaponij	269.
MARTINI Syluæ	129.
Melchioris Nunnis	188. 217. 247.
NICOLAI Nunnis	95.
ORGANTINI Brixienfis	72.
PAVLI Iaponij	143. 169.
Petri Alcaceuæ	178.
Petri Dia	458.
Petri Mafcareniæ	99.
SEBASTIANI Ferdinandi	105.

INDEX RERVM ET VERBORVM MEMORA- bilium, quæ in hoc volumine continentur.

- A** Bbas Aethiopiæ cō-
uertitur cum alijs,
pag. 42.
Academia Banduens 168.
Academæ sex insignes la-
poniorum 167.
Aceni populi bellicosi 14.
Adamas rex Aethiopiæ
Patriarcham cum socijs
capit 41. eiusdem crude-
litas in Christianos 41.
& 42.
Aethiopiæ primus Patriar-
cha Societatis moritur
41. eidem alius sufficitur,
ibidem. Abbas conuer-
titur 42.
Aethiopiæ rex Adamas, vi-
de Adamas.
Aethiopiæ rex Claudius schi-
smaticus 46. cupit recon-
ciliari Pontifici Roma-
no 41. Impietatis pœnas
luit, ibidem.
Agni Dei cerei benedicti ve-
neratio 369.
Agonizantibus opera Soci-
etatis impenditur 106.
Aianis regio & incolæ de-
scribuntur 341.
Aitan rei maritimæ apud
Sinæ præfectus 221.
Alcara Societatis Pater
mergitur 73.
Alexandri Iaponij Christi-
ani virtus 255. 256.
Alfonfus Castrius martyr
55. eius mortē quæ mi-
racula secuta 56. percus-
siones misere pereunt 56.
57. Reges barbari de eius
morte dolent 56.
Allifuri homines sylue-
stres 68.
Aloisij Almeidæ res gestæ
225. 226. 318. patientia
& constantia 361. mille
ducentos conuertit 382.
Aloisij Frois patientia &
fructus 350. 370.
Aloisius Mendes martyr
efficitur 70.
Amaconæ Societatis sedes
88.
Amangutiū vrbs 107. ha-
bet multos Christianos
186. 211. eius incendium
& bellum 227. 239. Rex
eiusdem occiditur 249.
Amboinis prædicat Xau-
erius 9. quinquaginta mi-
lia conuertuntur 58. 95.
incolarum in fide con-
stātia 65. 87. multi occi-
dunt ob crucē Christi 67.

INDEX

Amediua vrbs 129.

Amida. Iaponiorum Deus
171. 206. 422.

Andreas Ferdinandes In-
hambanae cum fructu &
periculo versatur 43. Ca.
frensum sacra coram re-
ge cōculcat 44. Maurum
libere increpat 77. diui-
nitus ex insidijs liberatur
77. 78. in mare proiectus
emerfit 74.

Andreas Ouiedus Societa-
tis Episcopus fit Aethio-
piae Patriarcha 41. capi-
tur cum socijs, ibidem.

Antonius Confalvus in Ra-
um oppido versatur fru-
ctuose 96.

Antonij Criminalis studi-
um propagandi fidem 68.
virtutes, ibid. orat tricies
quotidie 70. fit martyr,
ibidem.

Antonius Dionysius multa
patitura praedonibus 84.

Antonij principis Iaponij
Christiani virtus 257. 268.
288. 349. 371. 372.

Antonius Quadrius Mano-
morapam vocatur 53.

Aqua benedicta sanant icti-
a serpentib' 62. varij curā-
tur infirmi. 207. 213. 275.

Aqua e terra erumpēs San-
ciā prouinciā obruit 248.

Arx Sanctij labores & fru-
ctus 311.

Armenius Episcopus 26.

Arx Damana 27.

Arx miri artificij 320.

Arx Onoris expugnata 130.

B

B Actionibus praedica-
tur 97. eorum pia de-
sideria 96.

Bactionis Rex fidei propa-
gator 97.

Badagius tyrannus perse-
quitur Christianos 30. 31

Balthasar Gagus captus a
Mauris liberatur 81. item
a latronib' 21. in Iaponē
tendit 178. periclitatur
180. libertas eius a rege
commendatur 203. fru-
ctus 340. 294.

Banduenlis academia 168.
diocesis 167.

Baptisantur Goe militum
tria milia 21. alia item
duodecim milia 22. ali-
bi item tria milia ducē-
ti 128. innumeri 24. 55.
sex milia 61.

Baptisatur senex lachry-
mans 125. Rex Manomo-
tapæ cum regina & alijs
48. Inhambanense re-
gnum 43. Rex Soloris
cum suis 60. Rex San-
guim cum suis 100.

Baptisandorum seruor 24.

Baptismi quatuor celebres
126. 127.

Baptismo morbi pelluntur
varij

R E R V M.

- varij 203. paralyticus & mutus curantur 189. paralytici & dæmoniaci 234. 240. Cæcus illuminatur 182.
- Baptismum expetunt centum milia Barachinorū 102. varij itē populi 88. 300. non assequuntur ob personarum inopiam 98.
- Baptismus magno cum apparatu confertur 126. 135.
- Baracaque Bonziorum scēta 271.
- Barbari pacem petētes sanguinem e suis eliciunt corporibus 14. seminudi incedūt, in arboribus habitant &c. 148. dæmonem consulunt 156.
- Bartholomæus Rex quomodo conuersus sit 274. regno spoliatus persistit in fide, & restituitur 416. eius crux miraculis clara 391. pietas erga reliquias sacras, ibidem & 352. templum erigit Bonzijs pulsis 354. Regine vxori baptismum suadet 353. eius humilitas 352. liberalitas in pauperes 353. coniuratos punit 355.
- S. Bartholomæi templū 114.
- Barachini baptismum petunt 102.
- Bazanenses fidem petunt 61.
- Bengaiianenses fidem sitiunt 61.
- Bengaiensis rex baptifari nequit propter inopiam sacerdotum 98.
- Bianensis regis filius conuertitur 55.
- Bibliothecę Bonziorū 421.
- S. Blasij templum. 114.
- Bolonēses expetūt fidē 61.
- Bolonus rex propensus ad fidem 102.
- Bongi quot Christiani 186. 228. 240. 312. eorum pietas 256. 367. puerorum pietas 281. multi ibidem dæmonis martyres 189.
- Bongi Rex perit concionatores 180. 189. eius affectus erga patres & fideles 346. 362. periclitatur propter coniurationem principum 181. cōmendat se Patrum orationibus, ibid. eiusdem diploma Iaponico charactere 453.
- Bonziorum Monachi 160. 161. habitus eorundē 161. Episcopus Ninxit 162. scētæ 185. 274. quingenta & amplius cœnobია, olim tria milia triginta 300. alia item quinquaginta eorum monasteria 442. Legis peritus cōuertitur 203. Sacerdotū vita 274. præfectus monaste.

INDEX

- nasterij conuertitur 312.
 eiusdem pij labores 314.
 illorum in Societatis pa-
 tres odium 203. 205. 240.
 descriptio 423. et seq. 432.
 mores 444. fraudes & ha-
 bitatio 421. Princeps Cō-
 bendaxis 425.
 Bonziji a Iaponijs qui co-
 lantur 308.
 Bonzie 420.
 Bori concionatores gentili-
 lium 125.
 Brachmanes baptisantur
 117. principes superstitio-
 num conuertuntur 22. pri-
 marij alios etiam addu-
 cunt ad fidem 23. 113 117.
 119. alij item cōuersi 122.
 herbam quandam super-
 stitiose colunt 119. prin-
 cipis filia fit Christiana
 119. 120.
 in Brasiliam mittuntur So-
 cij 458. 463.
 C
 Cæremoniæ hebdo-
 madæ sanctæ 312. 362.
 440.
 Calviniani præcipue ode-
 runt Societate Iesu 459.
 eorum ferocia in Catho-
 licos 461. 467. eorundem
 facinus in res sacras 461.
 466. occidunt quinq-
 uaginta duos Societatis
 460. 466.
 Cambainum regnū a Do-
 minicano fratre fructu-
 ose excolitur 61.
 Cāpanæ vsus Iaponijs 409
 Cāgæ regni descriptio 419.
 Cangoxima vrbs 159. quot
 ibidem Christiani 187.
 ibidem versatus Xaueri-
 us 10.
 Cangoximæ regulus suis
 permittit Christiani-
 smū 168. 170. 180. per lite-
 ras fidem petit 318. 321.
 sui baptisantur 322.
 Carauela nauigij gen^o 217.
 Carnerij Episcopi Lepros-
 sorium 89.
 Castrum, vide Arx.
 Catechismi doctrina fre-
 quens 97. 109. 135. cū de-
 cantāt pueri in vicis 109
 Catechumeni instruuntur
 140.
 Catholicos Hæretici Papi-
 stas probrose vocāt 459.
 Cauripani fidē expetūt 61.
 Ceilanij fidei nostræ siti-
 entes 61. nobiles Christi
 fidem suscipiunt 32. Re-
 gis fili^o iussu patris mar-
 tyrio afficitur, & mar-
 tyr diuinitus comproba-
 tur 32. alius eiusdem re-
 gis filius & nepos con-
 uertuntur, ibidem, eius
 Tyrannide multi mar-
 tyrium subeunt 32.
 Cengecu Europeos vocant
 Iaponij 176. 273.
 Cha-

Chæn prætor Sinarum 221.

225.

Chauræl Cantonis præfectus

248.

Chia portio pretiosa Iaponi-
orum 399. 400.

Christianorum multa milia
vnius Patris Societatis cu-
ra commissa 71.

Christiani multa a lauaris oc-
ciduntur 8. alius quidam
fit martyr 267.

Cinceus portus obsidetur a
piratis 159.

Ciorani insula Christū pro-
fitetur 114.

Claudius Aethiopie rex schi-
smaticus 40.

Cobucui phanum 405.

Cocini regis diploma multos
in fide confirmat 134. 139.

Cocinensis Episcopus 135.

Cocinæ insulæ fidem recipi-
unt 26.

Cocinenses multi baptisan-
tur 135. 141.

in Cocino collegium Socie-
tatis 26. 131.

Cochinoci ecclesia Christia-
norum 377. 389.

Cœcus baptismo illumina-
tur 182.

Collegium Societatis I E S V
Iaponense 146. Cangoxi-
mani reguli 171. Malacen-
se 33. Malucense, ibidem.
Conimbricense 2. Goen-
se 20. Cocinum 26. 131. Ba-

zainum 34. Talamum

34. Colanum 29. 88. 89.

Diui Pauli 146. vide et-
tiam in Domus Socie-
tatis Iesu.

Combadaxi Bōzius 308.

Combendaxis Bonziorū
princeps 423.

Comorini promontoriū
margaritis abundans
3. incolæ a S. Thoma
Apostolo conuersi 3.
Xauius illis prædicar,
ibidem. plura illic quā
centum triginta Chri-
stianorū milia 3. mul-
ta alia his accessere mi-
lia 30. 89. eorum con-
stantia, ibidem. virtu-
tes 91.

Cōmunionis sacrae vsus
132. 133. 238. 244. 254.
258.

Conciliū provinciale E-
piscopi Malacensis 86.
ad Conciones sacras mul-
ti confluunt 132.

Concionandi modus Ia-
poniorum Monachorū
155.

Confessionis vsus 132. 133.
208. 236. 238. 244. 254.
258. 402. 464. 466.

Conimbricense Societa-
tis collegium a Rege
fundatur pro ducentis
Patribus 2. seminari-
um Indiæ, ibidem.

Con

INDEX

- Coniuratio principum in**
 Bongi regem detegitur
 180. occiduntur coniura-
 ti 181.
- Consalius Silueria prædi-**
 cat primus Inhambanis
 & Manomotapis 43. ma-
 ris tempestatē sedat 44.
 patientia & paupertas
 eius, ibidem. abstinētia,
 orationes, & piæ lectio-
 nis studium 45. munera
 amplissima repudiat 47.
 centum boues a rege sibi
 donatos largitur paupe-
 ribus 49. falso accusatur,
 ibidem. prædicat mor-
 tem suam 50. rapitur ad
 mortem cum quinquaginta
 quos recenter conuerterat 52.
- Constantia insignis Chri-**
 stianorum 133. 134.
- Conuersio mira** 118. 120.
 121. Neophytorum quo-
 modo adiuuetur 23.
- Conuertuntur ad fidē mul-**
 ta milia 4. in vno oppi-
 do viginti quinque mi-
 lia, ibidem. a Xauario ve-
 no mense decem milia
 9. sperat eodē anno cen-
 tum milia se conuersu-
 rum, ibidem. Goe vigin-
 ti milia 22. & alij multi
 204. 205.
- Cosmi Turriani pij labores**
 148. 227. 249. 314. peri-
 cula 315. gaudium de ad-
 uentu sociorū 350. quo
 ipse in honore sit 314.
 315. virtutes 249. vocatio
 ad Societatē 147. eccle-
 siæ administrandæ Goe
 præficatur 148. Iaponica
 prouincia ei destinatur
 149. comes Xauerij 150.
Crucem adorant morti ad-
 iudicati 109.
- Cruce adorata, sereno cælo**
 cadit expetita pluuia 63.
- Crucis causa Christiana ab**
 hero trucidatur 277.
- Cruce deiecta, cælitus appa-**
 rent cruces 253.
- Crucis templum** 118.
- Crucis vsus** 25. 216. 237.
 244.
- Crux Bartholomæi regis**
 miraculis clara 391.
- Crux in hiatu terræ, &**
 ignei coloris in cælo vi-
 sa 32. 326.
- Crux Macazari claudogref-**
 sum tribuit 59.
- crux pie adorata, ornata, mi-**
 raculose victoriā tribuit
 64. demonē pellit 115. 152
- Cutamæ in agro Christia-**
 ni quot 235. Rex fidem
 oprat 318. subditi etiam
 fidem petunt 319.
- Cubacama Imperator Ia-**
 poniorum 421. 422.
 434.
- Cubo honoris præfectus a-**
 pud

R E R V M.

pud Iapones 333.
 Cingues ministri Impera-
 toris Iaponij 422.
 Cunna nomen honoris a-
 pud Iaponios 270.

D

D Acmō fatetur se S.
 Ioanni Baptista cede-
 dere 25. infestat ho-
 spitium 152. quomodo a
 Meacensibus honoretur
 307. eius martyres apud
 Bonzios 189. adoratur a
 Iaponijs in tribus tem-
 plis specie horribili 438.
 Dæmonis per simulacrū
 responsa 157. 158.
 Dæmoni septem milia coe-
 nobiorū Iaponij struxer-
 unt 307.
 Dæmonē consulunt Brach-
 manes 156. nautę 157. 58.
 Dæmoniaci liberantur mi-
 raculose 206. 213. 317.
 Daibut idolum 408.
 Daimaogini idoli festum
 quomodo colant Sacai-
 iani 309. 310.
 Daimaoginus Sacaiēsum
 sanctus 309.
 Damano in castro Patres
 cum fructu versantur 27.
 Dedicatio templi annuer-
 saria 125.
 Damianus Iaponius 325.
 Delubrorum tredecim mi-
 lia 86.
 Denichi delubrū 294. 423.
 Diazembus Bonzius 269.

P. Didacus Magacianēs in
 Tolana diocēsi agit 96.
 P. Didac⁹ Meneses Societa-
 tis maritimæ classis præ-
 positus 132.
 P. Dionysius naufragio li-
 beratur 80.
 Dominicani multos con-
 uerterunt in noua Hispa-
 nia 147.
 Domus magnificæ Iaponi-
 orum 439.
 Domus Societatis Iesv as
 pud Sinas cū templo 94.
 in Sanguim insula 100.
 Amangurij 210. a Bon-
 gorum rege erecta 183.
 Bongi 228. apud Bonzi-
 os 203. Facatæ 262.
 Duartes Sylua proficiscitur
 in Iaponem 178. quos in-
 signes conuerterit 199.
 eius paupertas 200. 388.
 morit⁹ clarus virtute 234.
 388.

E

E Cclesias multas con-
 stituit Franciscus Xa-
 uerius Romano Pon-
 tifici obediētes 9.
 Emanuel Tesseria Euange-
 lij causa in Sinas tēdit 94.
 Episcopus Nicen⁹ in India
 e Societate Iesu 26. Ar-
 menius diuinitus a mor-
 te liberatur 26. Cocinen-
 sis ipsemet baptizat 135.
 Goc 148. Bonziorum no-
 mine Ninxit 163.

INDEX

Ethnicorū monachus con-
uertitur 120. idem de-
scribitur, ibidem & 121.
conuertit alios 121.

Ethnicus occidere volens
Patrē Societatis repente
moritur 31.

Ethnici tres morti adiudi-
cati conuertuntur 103.
cōcionatores tres fidem
suscipiunt 125.

Eucharistiam Lusitani o-
mni die dominico susci-
piunt 127. eadem susci-
pitur cum lacrymis 440.
447.

Exequiæ Iaponiorum 184.
427. 428. Regij Oecono-
mi 202. celebres aliæ
208. 212. 418. Francisci
Xauerij 19. 193. 194. 195.

Exhæredationis metu qui-
dam ab impietate auo-
cantur 125.

F

Facata ciuitas cum vi-
co, in quo templum
erat, capitur 262. Pa-
tres mire liberati resti-
tuuntur 264.

Facatæ Christianorum pi-
etas 254. 261. 282. 283.

Facatēses vestigia Patrum
Societatis osculātur 289.

Fachimanum delubrum
407.

Ferdināus Aluares in Ba-

tionis regno prædicat
97.

Ferdinandus Mendozius
mittitur ad Iaponiæ re-
gem cum muneribus 189
eius virtutes, ibidem.

Festum Daimaogini idoli
quo ritu Sacaiiani cele-
brent 309. 310.

Fidei impediendæ consul-
ratio in augmentum ces-
sit 24.

Fiducia in Deum Dæmo-
ni inimicissima 158. quā
sit homini necessaria 163

Firandum vrbs 170. quot
ibidem Christiani 186.

246. 216. 252. eorum in
morte oppetenda con-
stantia 246. mira pie-
tas & liberalitas illorum
370. apud eos tria tem-
pla ex delubris facta 253.

Firandi Rex petit concio-
natores a Prorege Indiæ
186. eiusdē epistola 226.
ex proceribus eius pri-
marius etiam in perse-
cutione fidē expetit 306.
quæ concesserit rex Chri-
stianis 377.

Flagellant sese noui Chri-
stiani pietatis ergo 237.
254. 255. 257. 261. 280.
312. 317. 366. 372. 440.

Fombexet Sinarū vox 214.
Foquequius Xacē liber 273.

294.

Foto

R E R V M.

Fotoqui Iaponiorū hæreti-
ci 242.

Fotoquiorum Iaponiorum
sanctorum sacella 421.

Foxequu familia Bonzio-
rum 274.

Frāciscani in Hispania no-
ua multos conuerterunt
147.

Francisci principis Christi-
ani pietas 410. & sequen-
tibus.

Franciscus Lopes Societa-
tis fit martyr 27. fusc
narratur eius martyri-
um 83.

Franciscus Peres fidem præ-
dicaturus Sinas petit 94.

Franciscus Stephanus per
cruis imaginem libera-
tur a multis periculis 80.

Frāciscus Viera ex naufra-
gio liberatur 75.

Frāciscus Xauerus Vlyssi-
ponam venit 1. cū Paulo
Italo in Indiam profici-
scitur 2. 154. in itinere
& India quid egerit 3. 6.
7. a Mauris & Ethnicis,
Pater sanctus vocatur 4.
multa milia cōuerit 4.
gesta eius rex Lusitaniæ
iubet litteris mandari 5.
Paupertas eius 6. quantis
se periculis causa salutis
proximi obiecerit 7. 10.
151. in Tolo oppido tri-
bus mensibus plus quam

viginti quinque milia
cōuertit 9. in alio regno
vno mense decem milia
9. Iaponis regnum cum
Iaponio ingressus primum
prædicat, ibidem humi-
litas post miracula patra-
ta 12. prophetiæ habet
spiritum 13. 14. 15. 16. in
Missâ cognoscit absen-
tis mortē 16. qualis in cu-
randis hominū vitijs 17.
carne & vino abstinens
18. orationi multum, so-
mno parum indulgens
18. Sinis prædicat 18. 192.
mori 19. eius exequiæ,
ibidem. mortui corpus
in viuâ calce sepultū ma-
net integrum 19. gratum
spirat odorem 193. post
mortem inuocatus vari-
os a morte & peste libe-
rat 19. Goësis ciuitas cor-
pori eius occurrit 19. pi-
etas in eius sepultura, ib.
corpus illesum castitatē
indicat 19. per librū eius
& flagellum fiunt mi-
racula 320.

Fulgentius Frerius quæ pe-
ricula in Aethiopia adi-
erit 42.

G

Gaspar Belga primus
Ormutij fidem Chri-
sti annunciat 138. au-
reos plus vices mille cō-
b
quirat,

INDEX

quirit, vt meretrices ad
honestatem reducat 39.
dexteritas eius in fla-
gitiosis reducendis 39.
officia varia erga prox-
imos, ibidem. tres tātum
horas quieti tribuit, imo
integrali bimestro vnā
tantum horam 39. Mau-
rorum impias cantiones
tollit 39. Cruces figit in
fano Maurorum, ibid.
Mahumeticas mulieres
duas nobiles baptizat 39.
multos conuertit 276.
in sacrificio mortuum
fufcitāt 39. Dæmonia-
cam S. Ioannis Euan-
gelio liberat 39. Persecuti-
ones fufinet 276.

Gasparis Vileæ pij fructus
230. 235. 252. 298. 303.
337. 347. 439. pericula
235. patientia 433. humi-
litas ac pietas 253. 302.
Geiholi regis Mauri de Mar-
tyrio Patris Societatis
testimonium 56.

Genguis religiosi Iaponiorum 422.

Genxuenses secta Japonio-
rum 402.

Giloani fidem Christi siti.
unt 61.

Gibon Iaponiorū ludi 305.

Giloe rex Maurus Christi
fidem petit regno suo in-
ferri 45.

Goæ Episcopus 148.

Goa Indiæ vrbs a Xauerio
visitatur 3.

Goa insula 106.

Goense Collegium fundat
rex Lusitaniæ 20. in eo
Neophyti aluntur 21. pu
eri nationum diuersa
rum erudiuntur 21. stu
dia varia, ibidem, idem
Collegium Indiæ semi
narium 21. Orphano
rum Collegij curam ge
sit 105. præest Catechu
menis 106.

Goenſes multi conuertun-
tur 22.

Gorentalius rex baptismū
petēs nō assequitur pro-
pter inopiam operario-
rum 98.

Grana a Pontifice benedi-
cta quanti fiant 136. 298.
318.

Guilhelmi pij labores &
fructus 256.

Guiuani phanum Iaponio-
rum 444.

H

H Aereses variæ lap-
norum 214. 242.
421.

Heremitæ apud Hormu-
tios magna obseruantia
39.

Hexadoni principis fami-
lia conuertitur 320. Arx
miri artificij 320. pro-
pen.

R E R V M.

pendet ipse in fidē Chri-
sti 324.

Hexandonus princeps Ias-
ponius 319. 320. 322.

in Hispania noua multi
conuersi a Dominicanis
& Franciscanis 147.

Historiæ sacræ exhibitæ
cum fructu 312.

Homanorum cōstantia in
fide 64.

Homundis simulachrum
408.

Honoris præfectus apud
Iaponios 333.

Hormutiū, vide Ormutiū.

Humilitatis dignitas 163.

Humilitas Xauerij 12.

I

Iacobi Apostoli templū
112.

Iai populi Lusitanię re-
gis 87.

Iamambuxæ dēmonis cul-
tores 241.

Iaponem venit Xauerius
9. eius ibidem existima-
tio 11. illis ostium fidei
aperitur 151.

Iaponiæ regis Epistola 226

Iaponiorum laus 171. 172.

mores 159. 160. 177. ab-

stinentia 165. Sacerdo-

tum abstinentia 166. A-

cademiæ sex, & studio-

forum frequentia 167. sc.

ctæ 279. studium cōuer-

tendi alios 182. 183. 180.

la præcipua 242. Regis
ad fidem propensio 198.

mulieres cur infantes

occidant 225. 245. Cœ-

nobitæ utriusque sexus

eorumque habitus 242.

420. Tres ordines prima-

rij in republica 242. Ma-

gistratus sacri & politici

291. 292

Iaponiorū Gazæ 399. 400.

Iaponij Neophyti tres ba-

ptizantur 151. pietatis

eorundem officia, ibid.

quidā Solem & Lunam

adorant, ibid. eorum se-

ctæ & doctrina 214. 421.

293. 242. ecclesię eorum

præcipuæ 295. 290. pie-

tas & in fide constantia

297. quomodo instruan-

tur 362. seipsos in mare

ex superstitione præcipi-

tāt 335. 431. sumpto cibo

gratias agunt nixi geni-

bus 400. quanti faciant

vasa fictilia & gladios

401. anni initiū vnde su-

mant, & muneribus tunc

regem honorāt 434. mul-

ti monachorū more vi-

uunt 154. eorundem con-

cionandi modus 155. qui-

bus modis a Dæmone

fallantur 183. 214. 241.

242. 424. 425. nobilis

senis conuersio mira-

200. quosnam idem suo

INDEX

- trahat exemplo 201. statuit edificare templū, ib.
- Iaponis regni descriptio 9. 142. 177. 291. 420. imperium olim in sexaginta sex regna diuisum 421. a Lusitania sex milibus leucarum abest 162.
- Iaponius quidam Meacensis Societate ingreditur 259. ab eo compositi libri aegris ad moti sanitati restitunt, ibidem.
- Iauari Christianos multos occidunt 8.
- Idalcanes Maurorum rex 118.
- Icoxos secta 308.
- Idola evertunt & detestantur neophyti 25. amplius quam trecenta comminuuntur 25. alibi itē cum phanis euersa 267. 276.
- Ienxuani Bonziji 274.
- Ignarius Azebedius Brasiliæ Prouincialis 459. præfentit martyrium suum & sociorum, ibidem. hortatur Catholicos ad constantiam 460. confossus imaginē sacram manibus retinet 461. in mare cum triginta nouem socijs a Calvinistis conijcitur 461.
- Ignatius Loiola cum socijs Paulo tertio obedientiā detulit 1. eius documentum 154.
- Imaginē B. Virginis Ignatius Azebedius etiā confossus in manibus retinet 461.
- Imago cerea agnus Dei, vide, Agnus &c.
- Imago Christi & B. Virginis colitur a Cangoxime Regulo 164.
- Indulgentiarum usus 106. 132. 347. 439. 447.
- Infirmorum quantā curam habeant Patres 258. 259.
- Inhambanensium rex cum regno conuertitur 43.
- Templum S. Mariæ extruit 243.
- Inhamiorense fidem sitiunt 61.
- Insulæ Maldiuarū & Cocino vicinæ Christi fidem amplectuntur 26.
- Ioannis Baptistæ templum 24. 111.
- Ioannes Cabralius submergitur 74.
- S. Ioannis Euangelistæ templum 124.
- Iogui Ethnicorum monachi 106. 120.
- Iondaxuenses Bōziji Amidam colunt 274.
- Iquichuchēses Christiani, eorumque pietas 286.
- Iubilei usus, vide, Indulgentiarum usus.
- Iuncus nauigij genus 336. 337.

L

Lecticæ vsus apud nobiles Iaponiæ 398. 421
Leprosus mundatus 283.

Leprosorum valetudinarium statuitur 80.

Litanix decantata 244. 288. 320. 323. 339. 418. 451.

Luce Christiani pietas 344

Lusitanix Prorox liberalis in Neophytos 129. Onoris arcẽ expugnat 130. preces tempore belli petit, ibidem.

Lusitani plerique pro fide occumbūt 461. 462. multa patiuntur fidei causa 127. eorundem pietatis studia, ibidem.

Lusitanix regis Collegia Societati fundata, vide, Collegia Societatis.

Lusitanix rex Ioannes a Pontifice petit Patres societatis pro India 1. eorundem aduẽtu lætatur, ibid. illius ad Paulũ 111. Legatus 1. Legatus eiusdem ad Sinarum regem 223. Iaij populi cum vicinis insulis illi parẽt 87.

M

Macafaris regio 59. incolæ eius fidem sitiūt 61. itẽ rex 59. Mæalis regis filia inuitis parentib. conuertitur 22.

Maldiuanus rex conuertitur cum suis 26.

Maluacẽsum iuuenũ constantia 66. piratæ occumbunt 81. multi etiã pueri propter fidem occiduntur 76.

Malucenses fidem expetūt 61. ijs prædicat Xaverius 9. habent Societatis collegiũ, eiusque fructus 53. 68. 95. Christianorum constantia 76.

Malucensis Rex cum nobilibus fidem suscipit 53.

Manadienses fidem postulant 61. eorum item rex conuertitur 55.

Manganaio saxo honores diuini tributi 123.

Manomotapæ petūt fidem 61. 49. rex etiam fidem expetit 46. munera præmittit 45. persuasus Cõsaluum cum alijs quinquaginta occidit 52. dolens de cæde accusatores iubet interimi 52.

S. Maria Virgo apparet Ethnico dormienti 140.

S. Mariæ templa 112. 116. 197. 230.

Mariſtenis Dei militaris delubrum 356.

Martinus alfonſus Sofa Indix præfectus 2.

Martyrium Patris Confalui & aliorum quinquaginta

INDEX

- ginta 52. Alfonso Castrij
miraculis clarū 56. An-
tonij Criminalis 70. I-
gnatij Azebedij cum tri-
gintanouem 461. alio-
rum duodecim 466. A-
loisij Mendis 70. Mau-
rinorum 67. Malucensi-
um etiam puerorum 76.
Martyrium suscepturi cō-
fitentur 464. 466.
Mauri regio multos habet
fideles 57. 96.
Mauri difficulter conuer-
tuntur, conuersi autem
constantes sunt 28. duo
miraculose seruati con-
uertuntur 13. multi no-
biles conuersi 22. 112.
Meacense bellum 332.
Meacensis iudex veneficus
cōuertitur cum alio 380.
verbis & libris scriptis
fidē prędicant 380. quin-
que milia cōuertunt 381.
Meacensis sacer antistes ha-
bet domi Idola trecenta
sexaginta sex 422.
Meacum regni Iaponis ca-
put 166. eius academia,
ibid. habet multa vicina
monasteria 301. illic ver-
satus Xauerius 10. quę
Patrum illic patientia
271. multi ibidem cōuer-
tuntur 303. 304. 446. con-
uersorum pietas 347. Ec-
clesiæ 378. 381. Patres ibi-
dem exulant 451.
Meacensium rex locum Pa-
tribus societatis assignat
270. superstitio in sacris
Deorum ludis 305. Dijs
manibus quantū ipsi tri-
buant 306. ædificia, pha-
na, & horti 405. 406. 441
Meacēsis rex vt sanctus co-
litur 186. regis cum suis
cædes 449.
Melchior Carnerius Epi-
scopus 89.
Melchior Moralis moritur
191.
Melchioris Nunnis pericu-
la 217. 118. 119. fructus, ib.
Michaelis Christiani Iapo-
nij virtus 260.
S. Michaelis templum 117.
Militū pietas insignis 22.
132. Confessio & cōmu-
nio ante bellum 132. 133.
Lusitanorum religio 27.
Militum pietas victoriam
obtinuit 133.
Mingoaxanes Giloe rex 45.
Mini rex 412.
Minguames Maurorū an-
tistes 49.
Mioxindonus Meacensū
præcipuus 271.
Mioxindon⁹ militaris præ-
fectus fit Christianus 380
381.
Miraculo crucis visę in æ-
re multi conuertuntur 32.
Miraculis varijs confirmā-
tur

tur Neophyti 62.
Miracula Xaucij varia 11.
12. 13. 19.

Monachi Ethnicorū, vide
Ethnicorum Monachi.
Monicæ virginis studium
castitatis mirum 397. 398
Moridon dynasta Amān-
gūgium capit 239.
Moridonus tyrannus 381.
Mortuorum animæ preci-
bus commendantur 109.
Mosambici insula 2.

N

NAuari filia sub-
mergitur 157.
Nautæ Dæmoni sa-
crificant 157.

Neophyti aliorum conuer-
sioni student 125. gaudēt
de ea 122.

Nequiron Bonzius 309.
Nīcenus Episcopus in India
e Societate 25.

Ninxit Episcopus Bonzio-
rum 162.

Nobiles triginta octo con-
uertuntur 125.

Nuptiarū solēnia sacra 145.

O

ONoris castrum 130.
Orationes subsecu-
tis miraculis exau-
ditæ 62. 63. 64. 209.

Orationes tēpore belli 130.
pro mortuis 109.

Ormutij incolarumq; de-
scriptio 38. res fidei cum

periculo Patres promo-
uent, ibid. Rex aquā, qua
heremita pedes abluit, bi-
bit 39. P

PAnarucanū regnum
fidem sitit 61.

Papuanī Christianā
religionē desiderāt 61. ba-
ptismū petūt 88. Iaponijs
nō inferiores, ibi. Reges
baptismum petunt 98.
Passio Christi quātum mo-
ueat Goenses 106.

Patriarcha societatis prim⁹
in Aethiopia morit⁹ 41.

Patriarcha alius e Societa-
te capitur cum socijs 41.

Pauli Iaponij cū famulo cō-
uersio 143. erga Xauciū
affectus 145. 164. in mor-
te oppetenda feruor 146.
studiū in cōuersione ho-
minum 146. virtutes &
mors 245.

Paul⁹ Iaponi⁹ alter multos
suo exēplo cōuertit 200.

Pertinaces conuersi 111. 112.
113. 118. 119. 123. 149.

Petrus Martines e naufra-
gio liberatur 80.

Petrus Mascarenias Legat⁹
regis Lusitaniæ 1. Selebē-
siū regū Christianorū cu-
rā gerit 98. fructus eius in
gētib. 102. Sionēsis regis
filiū educādū suscipit 102

Petrus Touarius cum socio
liberatur 80.

b 4 Præfati

INDEX

- Præfecti pietas humilitasq;
admiranda 113. eiusdem
constantia 117.
- Principum & præfectorum
nobilitumq; cōuersio 22.
- Principum in fide constan-
tia multos excitat 22.
- Proregi Indiæ mandatur,
vt vitam Xauerij curet
scribi 5.
- Puer Maurus miraculose
conseruatus baptisat 137.
- Pueri variarum nationum
permulti Goe erudiuntur
21.
- Pueri Sacaiensis mira pie-
tas 327.
- Puerorum pietas 63. 281.
284. exercitia 35.
- Punicalensium in fide con-
stantia 30.
- Q** Vanis Amidæ filij
delubrum 294.
- Quequidonus con-
uertitur 379. 380.
- Quæstiones Bonziorū va-
riæ 173. 174.
- Quanonis delubrum 294.
- Quenxu Bonzius 272.
- Quilanensium constantia
in fide 64.
- R** Regis Bianensis filius
fit Christianus 55.
- Regis Bongij litterę
charactere Iaponico 453.
petit prædicatores, Eu-
angelij 180.
- Reges Iaponiæ ad fidē pro-
pendent 198.
- Reges Manadēsium & Si-
anorum cōuertuntur 55.
- Reges Paguani petunt ba-
ptismum 98.
- Reges Selebenfes cupidi fi-
dei 97.
- Regis Cocini præfectus ex-
truit templum 137.
- Regis Mēalis filia conuerfa
diuinitus 22.
- Regis Tidorensis cognati
conuertuntur 55.
- Regulus Cāgoximanus su-
is permittit Christiani-
smum 168. 70. 180. fidem
per litteras petit 3. 8. 321.
eius familiares baptisan-
tur 323.
- Regulus quidam fidem pe-
tit 137. alij item duo 138.
- Reliquiarum sacrarū cul-
tus 461. 466. earundem
cōtēptus apud hereticos.
- Restitutio male partorum
106. 132.
- Rex Bengaiensis postulat
baptisari 98.
- Rex Bolonus ad Christi fi-
dem propensus 102.
- Rex Ceilani Christian⁹ 22.
- Rex Claudius, vide Claud.
- Rex Firandi concionato-
res petit 186.
- Rex Gorentalius cupit ba-
ptismum 98.

R E R V M.

Rex Lusitaniæ vult Xaue-
rij res scribi 4. ei9 libera-
litas in Tana9 incolas 36

Rex Macafaris cū suis, vi-
cinoque rege petit fidem
excitatus miraculo 59.

Rex Maldiuanus cum suis
conuertitur 26.

Rex Meacensis tanquam
sanctus colitur 186.

Rex Manomotapæ S. Ma-
riæ visione conuertitur
cum regina 48.

Rex Ormutij, vide Ormu-
tij.

Rex Sanguim cum multis
desiderat fidem 100. eius
pietas, ibidem.

Rex Sinarum ad Cantonię
diocesis præsidium cen-
tum milia alit 222.

Rex Sionis conuersus 99.
recuperat oppida rebel-
lium 102. eius pietas 104

Rex Supanorum Christia-
nus efficitur 59.

Rex Tacanamalis Christi-
anus 22.

Rex Trauācoris templum
Christianis erigit 29.

Rimano regno Christi fi-
des infertur 357. eius rex
fidei addictus 389.

Rosariorum vsus 351. 352.
S

Sacaiensium supersti-
tio 309. ad fidem pro-
pensio, ib. pietas 313.

331. medicus Societati se
dedit 413. Neophytus
multa ad structurā tem-
pli confert 403. Nobiles
oçto baptisantur 403.

Salseranorum Christiano-
rum duo milia 81. singu-
lis eorū ecclesijs bini So-
cietatis præsumt 81.

Sancij plage diuinæ 248.
Sanctij Christiani pietas
394. 395. & sequen.

Sanguim insulæ rex petit
Christianus fieri 110.

Sauæ Christianorum eccle-
sia 410. nobiles conuer-
tuntur, ibid.

Sectæ Iaponiorū duæ præ-
cipuæ 422.

Selebes fidei nostræ sitien-
tes 61. eorum terræ de-
scriptio 97. eius multi
reges fidem petunt 97.
tres eorū Christiani 98.

Senex cum lachrymis ba-
ptisatur 125.

Sianorū rex conuertitur 55,
Simon Rodericus retinetur
in Lusitania 2. Conim-
bricensi Collegio præfi-
citur, ibid.

Sionij fidem petunt 61. eo-
rum rex cum multis con-
uertitur 99. recuperat
oppida rebellū 103. eius
pietas 104.

Sinis prædicat Xauerus 18.
regionis & incolarum
b 5 descri-

INDEX

- descriptio 93. propen-
dent ipsi ad fidem 93. a-
pud eos sex milia Chri-
stianorum 94. quibus
modis sint ipsi conuer-
tendi 223. Regis eorum
potentia 222.
- Societatis** Patres quas di-
gnitates ecclesiasticas re-
cipiāt 26. capti & vulne-
rati 27. 31. regū discordias
sedāt 91. a rege ethnico li-
bēter audiuntur, ib. qua-
tuor cū alijs multis mer-
guntur 73. 74. Duo ex
naufragio diuinitus li-
berantur 79. alius captus
a Brachmanibus confer-
uatur 82. alius Martyrio
afficitur Amboinis 68.
alij duo quanta passi, ibi-
dem. Tres tamē mortui
69. quadraginta a Calui-
nistis occiduntur 461. itē
alij duodecim 463.
- Socotoræ** insulæ incola-
rumque descriptio 33. il-
lis S. Thomas prædica-
uit, ibidem. duo e Socie-
tate eo profecti 33.
- Soloris** regni descriptio 59.
rex Christianus fit 60. fi-
lium mittit ad Collegi-
um Malacense 60.
- Sofala** insula 43.
- Spiritus sancti** templū 117.
- Supanorum** rex fidem sus-
cipit 58.
- Supplicationes** Christiano-
rum 91.
- Syluestres** homines Iapo-
niæ 426.
- Syluestri** Iaponij Christia-
ni in Patrem Societatis
amor 263. 264.
- T
- T**Acana malis rex fit
Christianus 22.
- Tacaxomæ** Christi-
ani 283. 368. 374. eorum
liberalitas mira 283. pie-
tas 369.
- Tanaxæ** oppidi ciues pleri-
que baptisati statim mor-
iuntur 35. incolæ vt ex-
erceantur 35. quomodo
proficiant in fide 36.
- Tamondea** vnus cæli præ-
ses 408.
- Templa** gentilium trede-
cim milia 186.
- Templa** varia erecta 9. 24.
25. 29. 35. 43. 61. 86. 90. 91.
92. 94. 97. 100. 102. 112.
114. 116. 117. 118. 122. 124.
137. 233. 252. 282. 286. 288.
- Templum** Neophyti con-
tra Mauros tuentur 63.
- Tendaui** Bōziorū festa 271.
- Ternatensium** propensio
in fidem & societate 96.
- S. Thomas** in Socotora in-
sula prædicauit 33.
- Tidorēses** fidem expetunt
61. Regis cognati con-
uertuntur 55.

R E R V M.

Timoris insula 61.
 Tono præfecturæ nomen 351.
 Tonus nobilis insignis cõ-
 uertitur 393.
 Trauancoris regnum Xau-
 rius excoluit 4. eius rex
 templum extruit 29. in-
 colæ fidem petunt 61.
 regis mira in fidem &
 Societatem pietas 92.
 Tūdi Episcopi Iaponij 291.
 292. 293.
 Tungæ vrbs 43.
 Typhonis v̄ti vis, & quā-
 do spiret ipse 74.

V

Valerudinarium 118.
 Leproforum 89. 235.
 in ijs seruiunt Patres 351.
 Veronica imagines 350.
 Victoria insignis pietate
 militum obrenta 133.
 Vincentij ardor, Martyrij
 398.
 Virtutes vitijs contrariæ
 exercentur a Neophytis
 134.
 Vlatenses octingenti ba-
 ptisantur 64. eorum con-
 stantia in fide, ibidem.
 Vo honoris præfectus apud

Iaponios 333.
 Vocoxiuræ Christianorum
 pietas 326. 350. 368. vt fi-
 des augeatur 383.
 Vosuqui rex locum & fa-
 bros pro templo tribuit
 414.

X

Xacan Iaponiorum
 Deus 294.
 Xamaxinodon⁹ præ-
 festus conuertitur 379.
 380.
 Xacæ idoli commenta 171.
 libri 273. 443.
 Xauerius, vide Franciscus
 Xauerius.
 Xeques præfectus Maurus
 Socotoræ 33.
 Ximabaræ Christiani mil-
 le quingenti 351. 360. 363.
 391. 414. Rex vt fidei de-
 ditus 360. & seq. eius fi-
 lia baptisatur 364. Neo-
 phyti martyrium expe-
 ctant 417.
 Xingouini Bonziorum se-
 cta 274.
 Xintani Bonzij item 274.
 Xixi idolum 408.
 Xuicaidonus conuersus 380.

Z

Zoiolis idolum 409.

INDICIS RERV M

FINIS.

INDEX

INDEX PROPRIORVM Locorum & Populorum.

A

ACENI populi Taprobanæ 14. 89. 342.
Ainanis insula Sinarum 340. 341.
Allifuri homines syluestres 65. 68.
Amacan 341. **Amaconis** portus 88.
Amangutiū vrbs Iaponiæ 170. 186. 210. 211. 249. 296. 359
Amboini insula 9. 16. 58. 65. 67. 87. 95.
Amediua vrbs 129. **Angunis** portus Iaponiæ 319
Antilas 464. **Aquita** vrbs 426.
Atiuenfis populus 62.

B

B ACTIONICVM regnum 96. 97.
Badagaa gens 7. **Bana** portus cubę insulæ 463
Banduenfis diœcesis 67. 167. 168.
Barochense regnum 28.
Batachini populi 102. **Bati** vicus 24-
Baticala 194. **Bazani** insula 53.
Bazainum vrbs 34. 79.
Bazanenses populi 61. **Bengaiani** populi 61.
Bengai regnum 98. **Bengala** vrbs 60.
Bisnagæ regnum 7. **Bolonis** regnum 103.
Bonæ spei promontorium 43.
Bornei Syrtes 338.
Bungi regnum & vrbs 179. 183. 210. 295.

C

CAFRES populi 44. 98.
Cafres fluuius 47.
Calanga regia insulæ Sanguim 102.
Calecu vrbs 60. **Callaica** ora 466.
Cambaianum regnum 61.
Canaquapolem æditum vocant Indi 91.
Canga insula & regnum 419. 451.
Cangoxima insula Iaponiæ 10. 159. 178. 179. oppidum
 9. 296. 325.
Canton vrbs Sinarum 93. 192. 220. 223. 248. 341.
Cafunga

INDEX LOCORVM ET POP.

Cafunga 287.

Cantonius portus Sinarum 18. 159. 192. 220.

Cauaxiris oppidum 386. 388.

Cauripa 61. 102. 103. 159.

Ceilana Syrtis 343. Cēilani scopuli 343.

Ceilanum regnum seu insula 22. 33.

Ceilonis oppidum 349. Chetuchis pagus 46.

Cinceus portus 16. 159. Cioranum insula 114.

Cochinocum oppidum Rimani regni emporium 358.

377. 389. 391. 414.

Cocinæ insulæ 26. Cocincina terra 157.

Cocinum oppidum 26. 73. 192.

Coia locus Bonziorum 423.

Colanum vrbs 29. 89. 192. Colanus portus 343.

Colimanes fluuius 44.

Comorinum promontorium 3. 30. 89. 91. 343.

Coranenses populi 25. Coranum insula 21. 25.

Cuba insula 463.

Cutamus vicus Iaponiæ 233. 235. 295. 344. 392.

D

D A M A N V M castrum 27.

Damon vrbs 78. Diuarenenses populi 62.

Diuaris insula 21. S. Dominici insula 147.

F

F A C A T A vrbs Iaponiæ 229. 262. 295. 296.

Facunda portus Rimani regni 414.

Farima vicus 273.

Firandi insula 246. 262. 295. 325.

Firandum vrbs 170. 180. 186. 230.

Fore portus & oppidum 393. 431.

Frenoiama mons 269. 300.

G

G E N A N V M regnum 426.

Goa insula & vrbs 3. 20. Gomera insula 466.

Gorentalium regnum 98.

H

H E X A S I prætor urbanus Sinarum 221.

Hispania noua 147. Hiu insula 393. 431.

Homani

INDEX

Homani 64.

Hormutium, vide Ormutiū

I

S. IACOBI castrum 114. portus 463.

Iaę regnum Panarua 61.

Iai Maurorum natio 87.

Iantanę regnum 342.

Iapon insula 142. 291.

Iauari 8.

Icabus pagus Iaponiæ 208.

Ida pagus Iaponiæ 209.

Imoriscastrum 380. 381. 399. 402. oppidum 413.

Inhambanis regnum 43.

Inhamioris regnum 46.

Iogui religiosi Ethnicorum 106. 120.

Iquichuchi Iaponiæ pagus 287.

Iquichuchi insula 283. 285.

Ira 286.

L

LABONAMA vrbs regia 60.

Lafquarini 129.

Lindes sinus 45.

M

MACAZAR regio 58.

Macua oppidum 42.

Madera insula 458. 462.

Mafuta fluuius 44.

Malaca vrbs 53. 178. 192.

Malauares Maurorum gens piratica 64. 78. 79. 133. 139.

Maldiuanę insulę 339.

Maluci insulę 16. 53. 75. 87. Maluum vrbs 59.

Manadi ora 99. 102.

Mangalora vrbs 79. 80.

Manomotapę regnum 43. 46.

Margon oppidum 117. Maurica ditio 96.

Mauri regio 57.

Meacum vrbs præcipua Iaponiæ 10. 166. 253. 296. 307.

Mingoaxanes Giloę rex 45.

Mini regnum 446.

Mogastanes oppidum 38.

Morotai insula 96.

Mosambici insula 43.

Mosens

LOCORVM ET POP.

Mofengeffe fluuius 51. Mura oppidum 353. 415.

N

NARA vrbs 403. 409.

Naires milites 76. 136. Naram vrbs 349.

O

OMANGVS portus 328.

Onoris castrum 129. Ormutium vrbs 38. 80.

Oruium promontorium 466.

Ozaquam oppidum 395.

P

PALMA infula 458. 459.

Palotima infula 218. 219.

Palurtensis 134.

Panaruca regnum 61.

Pantanaates Mauri 217.

Papua gens 88. 98.

Pataue infula 218.

Peguenfis ora 192.

Perficus finus 3. 8.

Petra alba 341. 342.

Ponchafi præfectus pecuniæ regis Sinarum 221.

Ponda vrbs 82.

Porcadæ regnum 139.

Pulónandaris infula 218.

Punicalenfes populi 30.

Q

QVILANENSES populi 64.

Quinftanus pagus Iaponiæ 208.

R

RACIOLVM castrum 109. 118.

Rau oppidum 96.

Recaniuis oppidum 65. 58.

Remanancoris vada 69. Rima regnū 353. 357. 383. 389.

S

SACAIVM vrbs Iaponis 297. 300. 309. 331. 332. 413.

Salferanæ infulæ 81. 82.

Sancij Sinaum prouincia 248.

Sanguim infula 100.

Santianum infula 220.

Saomotus vicus 269.

Saya castrum 410. 412.

Sedenrem vrbs 59.

Slebum infula 97. 98.

Scn8

INDEX LOCORVM ET POP.

Sena vicus 45.

Sinarum regio 93. 144. 220. 221.

Sincapuranum mare 217. 342.

Sionis portus 73.

Sion vrbs regia 99.

Socotora insula 33.

Sofala insula 43.

Soloris regnum 59.

Sophala terra 49.

Sofala insula 43.

T

TACAXVMA insula 283.

Tacuxim oppidum Bungenfe 368. 385. 386. 392.

Tamaris portus 319. 321.

Tanaa oppidum 34.

Taprobana insula 89.

Ternate castrum 95. 96. 99.

Tertiariæ insulæ 463.

Tibis vicus 16.

Timor insula 61.

Tochis 409.

Tolana 96.

Tolum oppidum 9.

Tonge vrbs regia 43.

Trauancoris regnum 4. 92.

Tricanamalis regnum 22.

Tungæ vrbs 43.

Tutan præfectus supremus Sinarum 222.

V

VENDENAVM insula 147. 148.

Veniaga portus 336 341.

Vlatæ vicus 62.

Vmbra vrbs regia 353.

Vofuqui oppidum 385.

Vocoxiura portus Iaponiæ, vicus & Emporium 324. 325.

326. 348. 355. 366. 383.

X

XACA idolum Iaponiorum 171. 206.

Ximabara vrbs 351. 357. 391.

Xiuaquim portus 394.

Xixi Iaponiæ pagus 286.

FINIS.

DE

DE REBVS

INDICIS

COMMENTARIVS.



VO tempore Ignatius Loiola parens auctorq; Societatis IESV, Romam vna cum socijs venit, ad obedientiam Pontifici maximo (qui tum erat Paulus hoc nomine tertius) rite deferendā; eo ipso tempore apud eundem Pontificem Petrus Mascarenas pro Lusitania Rege Ioanne legati munere fungebatur. is, cognito eorum vitæ genere atque instituto, quod ita in mandatis habebat ab Rege, qui de ipsorum virtute ac pietate, ex amicorum litteris tam ante cognouerat; egit cum summo Pontifice, vt ex ijs aliquot promulgandi Euangelij causâ mitterentur in Indiam: cuius prouinciæ ab Idolorum cultu ad Christianam fidem traducendæ, Rex Catholicæ religionis cultor egregius, magno in primis desiderio tenebatur. Misi ex decem, qui tum erant, Socijs duo (nec enim plures concessit Ignatius, cuius arbitrio totam rem Pontifex ipse permiserat) Franciscus Xauerus Nauariensis, & Simon Rodericus Lusitanus, Vlyssiponem attigere anno a Deipara Virgine 1540. quorum non aduentus modo Re-

A

gi acci-

suscipit

gi accidit exoptatus & carus, sed etiam, interim dum nauigandi tempus expectant, varijs in actionibus atq; muneribus pia sedulitas et industria ita probari ac suscipi cepta est, vt vulgo nō nisi Apostolorū nomine appellarentur. Inde hoc Societatis in Lusitania cognomētum est ortum, quod ipsa quidem sibi non modo non arrogat, verum etiā recusat, ac refugit. Latus eo rerum euentu Rex, Indorumq; iam propemodum oblitus, cum reliquos octo, qui Romæ remanserant, suum in regnum accipere potius, quā hosce duos ab se dimittere cuperet: ipsi autem contra, diuini amoris igne succensi, multa pro Christi nomine perpeti, remotis illis ac barbaris nationibus Euangelij lumen inferre, & quo consilio profecti fuerant, id ipsum assequi atque obtinere contenderent; diuisa tota res est. Francisco Xauerio India prouincia destinata; Simon Rodericus quamuis inuitus in Lusitania retentus, vt quoniam ad Ignatium alij multi se iam adiungere ceperant, instituendo in Conimbricensi Academia ipsorum Collegio præsset, quod tanquam seminarium foret eorum, qui deinceps in Indiam supplementi causa mitterentur. Ei Collegio Rex vectigalium annuorum quod satis esset ad Socios centum alendos (qui numerus postea duplicatus est) literisq; & profanis & sacris erudiendos, attribuit.

Xauerius igitur, anno post Christum natum 1541. cum India præfecto Martino Alphonso Sosa Vlysipone discessit. itineris comitem secum duxit e Societate Italum Sacerdotem præstanti virtute virum, nomine Paulum. In Indiam peruenerunt Maio mense anni insequentis. In ea nauigatione, Xauerij vitæ ratio, rerum ab ipso deinde gestarum quoddam quasi pro ludium fuit. Et enim ex quo die conscendit, tū in ipsa nauī, tum in Mosambico Insula, vbi hyematum est, eam in egrotos pauperes,

egen-

egentesq³, assiduitatem ac diligentiam, dies ac noctes, tanta cum alacritate, & incunditate animi præsinit, vt sanctus perfectusq³, vir haberetur ab omnibus, & qui præsentes viderunt, re verbis haud satis exequi possint. Goam simul atque peruentum est, omni statim conatu ad ethnicos Christianis praeceptis imbuendos, Christianos vera & Lusitanos, & incolae in fide atq³, officio retinendos ac promouendos incubuit. Ad hac, egrotos, & vinctos inuisere, valetudinaria frequentare, vel in ijs habitare potius, quo commodius agris ministrare posset, quibus & viuentibus interdiu noctuq³, summo cum labore cunctis admirantibus, praesto erat, & mortuorum cadauera suis ipse manibus funebri linteo rite ad sepulturam insuebat, proq³ eorundem animarum expiatione sacrum missa faciebat: quod ille semper, vbicumq³, terrarum fuit, in India solenne seruauit. Nec tamen interea confessiones audire, publicis concionibus, priuatisq³, colloquijs hominum vitam moresq³, corrigere, similitates ac dissidia tollere, aliaq³, id genus facere multa desistebat. quocirca magno in honore, ac veneratione habebatur a populo.

Aliquot menses Goa magno cum rei Christianae adiumento versatus, in eam India oram discessit, quae vulgo Comorini caput, seu promontorium dicitur: ab vrbe Goa passuum sexcenta millia. Regio est piscatu margaritarum insignis. Gens autem ipsa quondam a D. Thoma Apostola ad Christum adiuncta, sed quae iam Christiani praeter nudum nomen haberet nihil. Interroganti quippe Xauerio de religione fideque, illud vnum dumtaxat respondebant: Christiani sumus. Hoc igitur Domini vinetum in filium Xauerius plane degenerasse cum cerneret, acri studio, & accuratissima diligentia pro viribus colendum suscepit, vno Dei fretus auxilio, quem ille in eo praesentem

sertim negotio ita propitium ac liberalem expertus est, vt breui plurimos homines ad Catholicam Ecclesiam aggregauerit: qui ad eam deinde virtutis frugem peruenerunt, vt qui ijs præsunt hoc tempore Socij affirmant, eas ecclesias, etsi a Lusitanis destituantur, suis iam nunc posse viribus niti, captumq; virtutis ac religionis cursum tenere. Censetur in præsentia maritima illa ora, Christianorum amplius centum & triginta millibus, eorumq; numerus non mediocriter augetur in dies. Quae fere omnia vni secundum Deum Xauerio praeipue accepta referenda sunt, qui non illam modo plantauit rigauitq; vineam, sed alias quoq; in eo tractu permultas: in ijs, Trauancoris regnum pæne totum, et Bringanum inter ac Permanelem, decem ferme pagos, & circa Beadalam ac Tramanancorem, vicos circiter septem. Neq; vero, cum in aliorum salute procuranda vigilantissimus, tum in sui ipsius custodia remissus erat, aut negligens. vitam quippe ducebat eiusmodi, quae satis ostenderet, nihil omnino sibi præter vnam Dei gloriam, suamq; salutem & proximorum, esse propositam. Itaque res quas gerebat, sanctitas morum, laboresq; perpetui, & insectationes, iniuriæq; quas vel in cõuertendis barbaris, vel in tuendis neophytis ac Lusitanis subibat, Goam ceterasq; in India regiones non dubio sermone perlatae, tanta cum admiratione celebrabantur ab omnibus, vt vel ab ipsis Mauris, ethnicisq; Pater sanctus appellaretur. Qui rumor cum etiam in Lusitaniam permanasset, cumq; Ioannes Rex eadem a multis certisq; auctoribus tum ipso adhuc viuentem Xauerio, tum multo magis mortuo, cognouisset; permotus rerum magnitudine atque præstantia, Proregi India per litteras mandauit, vt Xauerij res gestas atq; miracula omnibus vestigijs indagata quam diligentissime ad se perscriberet.

Regis

Regis ipsius litterarum subijcietur exemplum, e quibus quid ille de Francisci virtute, atque præstantia senserit, facile appareat.

IOANNIS TERTII LVSI- taniæ Regis ad Proregem Indiæ litterarum exemplum.

Prorex amice : ego rex tibi multam salutem. Francisci Xaverij vita, gesta^q res, adeo salutaris exempli fuere, vt eas in lucem edi palam^q proponi, ad gloriam Domini Dei nostri pertinere magnopere existimem. Cuius editionis quo maior auctoritas fides^q sit, mando tibi plane, vt de præclaris omnibus viri illius actionibus, de que ijs rebus, quas per eum siue adhuc viuentem, siue defunctum, Dominus noster supra naturæ vires effecit, vbiunque testes idonei fuerint, tabulas publicas seu instrumenta autentica conscribenda quam studiosissime cures, & ad me primo quoque tempore perferenda. Id erit mihi vehementer gratum. Ac licet rerum ipsarum dumtaxat tabulas imperauerim, tu nihilo minus efficies, vt ipsamet inquisitione in publica monimenta recte atque ordine referatur. Inquisitionis autem erit eiusmodi ratio, vt omnibus istis in regionibus, quicunque earum rerum probe conscij extiterint, ij de vita, factis, moribusque Francisci, quibus in terris atque oppidis infidelium fuerit, quid in ijs gesserit, interrogati, & iurati respondeant. Eius porro inquisitionis exemplum scriba relationis ipse desumito, tuoque chirographo subscriptum, adhibito etiam Auditore generali, complicato, obsignatoque: tu deinde ad

nos id ipsum triplici via transmittito. Vlyssipone. V. Kal.
Aprilis 1556.

Regis epistola perlata in Indiam, ministri sedulo imperata fecerunt, atque ita multa de Francisco Xauerio ad Regem probe comperta atque explorata miserunt, ut singula hoc loco persequi nimis longum sit. Summatim nonnulla perstringam. Xauerus cum apud Comorinenses degeret, in Christiana doctrina tradenda tenebat hanc regulam. Mune post preces horarias recitatas, puero vno comite, qui signum gestaret Crucis, vias oppidi circuibat, querens vbi nam essent egroti curandi, vel mortui sepeliendi, vel infantes adultive baptismo lustrandi. Si quid occurrebat eiusmodi, manibus oculisque sublati in calum, elata voce concionatoris instar, admodum pie pronuntiabat Symbolum Apostolorum, vna cum Decalogo &c. eo statim magna vis hominum consuebat. Si pro egroto vel neophyto faceret, vniuersam precationem Euangelio, sin pro defuncto, Psalmidia funebri, siue mortuorum officio concludebat. Ad sextam ferme horam diei versatus in opere, quamquam summa corporis defatigatione, nullum tamen intermittebat diem, quin aliquid pueris e Catechismo explicaret. Inde vbi cibo se refecisset, Christianis omnibus copiam sui faciebat: quaestiones ipsorum nodosque dubitationum expediens, omnia discordiarum semina tollens, pacemque concilians: cum etiam sub vesperam, atque interdum noctu sese in coetus hominum frequentiores concionabundus infereret. Augebant autem laborem ac lassitudinem tum calores in ijs regionibus maximi, tum summa viri paupertas, cuius ille semper adeo studiosus fuit ac tenax, ut in tam crebris ac longis terra marique peregrinationibus sine sacculo & perambu-

ambulare solitus fuerit. Quin etiam in vrbe Goa regio procuratori multa ad iter necessaria liberaliter offerenti, instantique vt acciperet, omnino remisit, & non modo viatico prorsus nullo conscendit, sed etiam impedimenta nulla in nauem imposuit prater Breuiarium, & alium libellum, & superpellitium. In ipsa autem navigatione precario victitabat, aliorum benignitate sese sustentans. Iam vero Christianos, quos in Comorini tractu CHRISTO pepererat, a barbarorum Regum & ceterorum iniurijs defendebat egregie, proque ijs & CHRISTI religione tuenda saepe sese obtulit in apertum vita discrimen. Gens est in regno Bisnaga, quos Badagaas vocant. horum permagna manus cum ad neophytos diripiendos, occidendisque in regnum Tranincoris irrupisset; cognita re Xauerius ex alio quodam oppido, vbi tum morabatur, Tranancorem prouolat: nihilque mortis metu perterritus, summo animi ardore, atque constantia scelus hostium increpans, in mediam Christianorum turbam vitro se conijcit, vt ipsum reueriti reliquis parcerent. Quamquam alioqui sane ipsius capiti asidue poene tendebantur insidia. itaque & ab ethnicis quibusdam aliquando conquistus ad necem, arborem scandens, ibique pernoctans, manus eorum effugit. Tanto autem desiderio flagrabat vniversa barbaria ab interitu reuocanda, vt nullos labores, vel pericula subterfugeret, nullamq; ferre partem caperet quietis. Insula Mauri sunt vltra Malucum. in ijs ille versatus est omni plane humano presidio nudus, multis vndique cinctus veneni cadisq; periculis quo ille cum discedere pararet, non modo ab amicis frustra deterritus, ac renocatus est, sed etia veneni multa remedia (cuius est vsus in ijs insulis frequentissimus, atq;

etiam iccirco multos iam annos sacerdote, atque pastore caruerant) sibi ab ijsdem oblata diuino magis quam humano fletus auxilio, cuncta repudiavit. Qua de professione, precibusq; amicorum ipse in Lusitaniam ad suos scripsit his verbis: Ego ipso in me beneuolentia ac studio ingentes egi gratias: sed ne ipse mihi solitudinem struerem, ac multo magis ne quid de mea spe in vno Deo penitus fixa ac locata remitterem: amuleta, quae mihi peramanter lacrimantes donabant, omnia recusavi, rogans eos, vt pro me DEVM obsecrare ne desisterent: eo veneni remedio nullum certius inueniri. Exstat de eadem professione eiusq; difficultatibus, de terra natura & inopia, ad Socios Romanos alia item ipsius epistola, cuius illa clausula est: Hec ad vos eo scripsi, vt sciatis quanta sit in hisce insulis caelestium solatijs copia: namq; omnia haec pericula ac labores vnius DEI causa vltro suscepti, thesauri sunt ingentibus referti spiritualibus gaudijs, ita vt haec apprime facta & apposita provincia sit ad oculorum aciem paucis annis e suauissimi fletus vbertate perdendam. Equidem in vita mea, nec vlla vmquam animi tanta tamque perpetua voluptate sum affectus, quanta in his locis afficior: nec tam leuiter corporis vexationes, atque molestias pertuli; cum tamen hostes circa fixitimi sint, incolae ipsi non amici simi, regio vero ita infelix & sterilis, non modo vt cunctis valetudinibus aduersa subsidijs, sed etiam consuetis alibi vitae praesidijs fere omnibus careat: sic prorsus, vt haec mihi videantur insula, Diuina spei verius appellanda, quam Mauri. Nec vero populi in his partibus desunt (Iauaros vocant) qui posse hominem interficere, summa beatitudinis instar putent, a quibus cum alij, tum Christiani multi occiduntur.

Tres menses apud eas nationes Xauerus posuit, par-
 tim Christianorum loca circumiens (quæ iam diu lustra-
 uerat nemo, siue quod absunt ab India leucas amplius
 mille, siue quod, quem præfulem habebant, ipsimet insu-
 lani peremerant) partim etiam in barbaris conuertendis
 ad Dominum ita multis, ut in vno duntaxat oppido To-
 lo, Christianorum omnis ætatis amplius viginti quinque
 millia ab eo facta fuisse dicantur: idq; anno post Christū
 natum circiter 1547. Nam ex eo tempore is numerus per
 Socios qui in opere successerunt, valde auctus esse credē-
 dus est. His rebus peractis, cum intelligeret Xauerus, q̃
 vehementer insula Maluci & Amboini cultorum inopia
 laborarent, cessare nescius eo se contulit, ibiq; Christiana
 re præclare gesta, regnum aliud petijt, in quo intra men-
 sem hominum plus decem millia ad cultum Christi per-
 duxit, & significauit suis ipse litteris, sperare se eo anno
 plus centum millia Christianorum esse facturum. Multis
 igitur in eo tractu institutis Ecclesijs, quæ sacrosanctæ
 Sedi Apostolicæ Romanoq; Pontifici obteperant, & mul-
 tiplicantur in dies, relictisq; ad earum tutelam aliquot
 e Societate custodibus; ipse, quod alijs India locis morta-
 les plurimos doctoribus destitutos in æternum perire in-
 telligebat, reuertitur in Indiam. Iaponis regnum paucis
 illis annis aperuerant Lusitani, cuius incolæ sunt ingenij
 ac docilitatis laude præstantes. Id ille vbi didicit, nequa-
 quam loci longinquitate deterritus (abest enim id regnū
 ab vrbe Goa leucas plus mille) quamquam dissuadenti-
 bus cunctis, intempestiuo ad nauigandum mari, nauigio
 barbarorum Sinarum sese commisit, difficilq; ac pericu-
 losa nauigatione maritimam Iaponis urbem Cangoximā
 tēnuit. Comitē habuerat Iaponium quendam Lusita-
 nicæ linguæ peritum. Eo vsus interprete, capita Christia-

na religionis in Iaponicum sermonem transtulit primū :
deinde Christi Euangelium in ijs terris inauditum pro-
mulgare, nec sane frustra, aggressus est. Cangoxima cū
neophytis aliquandiu moratus, ad magnam illam urbē
perrexit Meacum, regni totius caput, leucas trecentas
ab eo loco positam, Christi notitia nulla. Iler habuit in
primis laboriosum, atque difficile. In viā se dedit Octo-
bri mense, cum frigora in Iapone scire incipiunt, tanta
niuium copia geluq³, vt in syluis concreta ex glacie mo-
les passim ad instar trabium rigeant. Mari non semel in-
festa piratis loca triniecit, in infima nauium propter ob-
scuritatem ac nouitatem nominis sui a nautis saepe con-
iectus. Terra autem, ne erraret ignarus viarum, indige-
nas equites citato cursu prosequabatur; & quidem pedi-
bus nudis, quod eo anni tempore flumina multa vado su-
peranda sese crebro offerrent. Itaq³ saepe niuium & al-
goris iniuria pedes intumescabant: saepe etiam asidua
sacrorum instrumentorum gestatione defatigatus, aspe-
ritate via fallentē vestigia, cōcidebat. Nocte vero, aqua
madidus, frigore fameq³ cōfectus, cum ad hospitium per-
ueniret; humana solatia nulla reperiebat: nam cele-
stia illa ac diuina (credo) non deerant. In ipsis vero pa-
gis, & oppidis, qua transibat, ad alias cōtumelias & in-
gratia illud etiam accedebat, vt per plateas crebro lapidibus
peteretur a pueris: nec tamen iccirco a sacrosancta fidei
Catholica praetio desistebat. Meacum vt venit, omnia
offendit bello tumultibusq³ flagrantia. Itaq³ re infecta
Cangoximam reuerti coactus est, Christianis aliquot in
reditu factis. Annum circiter in Iapone versatus est: in
Meacensi peregrinatione menses quattuor posuit. Tum
instituti ibi quoque Socijs, qui capta promouerent, in
alia regna discessit. Magnum vero nomen, magnam sibi
venc-

venerationem apud Iaponios peperit, plane vt illum Europæis omnibus anteferrent. tanta enim fuit vitamque innocentia, vix vt in ijs quisquam vel venialis noxa maculam deprehenderit. quin etiam ea re aiebant illum a ceteris differre Socijs, quod illi sigillatim ad varias multorum interrogationes, deinceps, atq; ordine responderent; Xauerius, decem duodecimve maxime inter se diuersis propositis questionibus vno eodemq; responso simul ita satisfaceret vniuersis, vt si eorum vnicuique separatim ac proprie respondisset. Illa vero de Xauerij actis supra humanas vires admirabilia celebrantur, quodd varijs temporibus in Iapone muto cuidâ ac pedibus capto vsu lingua, & ingressum, surdo auditum, item alteri surdo mutôve sanitatem diuinitus reddidit. Atque hac in Iapone. In Comorini autem regione dum ageret, non solum agros complures a medicis desperatos morbo diuinitus liberauit, spiritusq; fugauit immundos, sed etiam mortuos reuocauit ad vitam. Iuuenis quidam obierat multis affinitate coniunctus. hunc oppidani mortuum magnis clamoribus frequentes ad Xauerium afferunt, quem ille manu apprehensum viuentem erexit. idq; Goam constâtî fama perlatum est. quo Xauerius etiam cum non multo post rediisset, ad Didacum quendâ magnâ auctoritatis virû diuertit. is cum rem gestâ cognoscere de ipso Xauerio admodum cuperet, Cosmum Ioannē regium procuratorē inuitat, vt ambo simul id a Xauerio sciscitentur. Cosmus pudore deterritus, rem ad ipsum Didacum reijcit. qua ille recepta, paucis post diebus Xaueriû nomine cōpellans, Ad gloriâ (inquit) ac laudē Domini, cedo magister Frâncisce, quidnam fuit illud de adolescente, quem defunctum in Comorini promontorio reuocasti? Ad ea verba

Xaue-

Xauerius nimirū erubuit, hominemq; amplexatus, atq; subridens, IESV bone (ait) egone vt mortuos excitauerim? O me nequam, iuuenem ad me, mortui specie, attulerant: iussus à me surgere nomine Dei surrexit: ea videlicet populo noua res visa. Hæc deinde Cosmo referens Didacus, Noli (inquit) dubitare, quin ope diuina iuuenem illum Xauerius reuera mortuū suscitauerit. Ibidem mulier Christiana ad Xaueriū accedit, rogat vt ad filium suum vita functum venire ne grauetur. Ille eo se confert: pueri cadauer flexis genibus Deū precatus crucis signo lustrat: puer statim exsurgit in vitam, ac sanitatem pristinam restitutus. Christiani qui aderant, miraculum exclamant: illos vero Xauerius obsecrat, rem vti silentio contegant.

Ex Iapone decedens, nauem conscendit Lusitanī cuiusdam, qui Colani presidio præfuit. In ea nauigatione cū in oram Sinarum e regione Chincei iam peruenissent, aurox & periculosa procella coorta, scapham, vna cum duobus Mauris e nauali turba, retinaculo rupto, ex omnium oculis tanto impetu abripuit, vt paulo post ne e summo quidem ipsius mali carchesio speculātibus apparet. tum vero ea deplorata, cursum prosequi nauta decernūt. Id vbi sentit Xauerius, magistrum nauis ductoremq; obsecrat, vt dolones, qui ob venti vehementiam non erant omnino sublati, demittant, & scapham expectent. Negare ductor primo, magnum esse affirmans in mora periculum: exiguo illo contracto velo, quo maris impetū fugerent, haustum iri nauigium fluctibus. Ad extremū tamē victus Xauerij precibus, submitti dolones imperat. Verum vbi nihil profici ea re intelligunt nauta, tumido præsertim ac saeuiente mari, vela rursus expediunt. Contra Xauerius niti, serio affirmare scapham breui incolumem

mem affuturam. Cum illi nihilo minus desperata re dolones erigerent, ex templo Xauerus ad proram accurrit, manuq³ antennis iniecta, nautas per Christum dominum, eiusq³ vulnera obtestatur, ne ex eo loco discedant: confidere se plane fore, vi par illud animarum, quæ Christianæ esse possent, Deo miserante, non interiret. His auditis nauta denuo vela submittunt. Interea Antonius Dias Xauerij rogatu rudentes ascenderat, nihilq³ dispiciens, descendere iam parabat, cum illum adhuc paululum expectare Xauerius iubet, simulq³ ipse ad nauis marginem sublatiis manibus se in preces effundit, nauarchum & ceteros bono animo iubet esse. Cum hac maxime fieret, ecce tibi repente aduentans scapha conspicitur. Tum ad eam expectandam, cursumq³ facilius inhibendum, nauis contra maris impetum in obliquum locatur nec mora: duarum triumve horarum interuallo scapha neutram in partem declinans recta ad onerariam appropinquat: cui cum funem eminus iniicere pararent, nihil opus esse ait Xauerius, ipsam per se placide ad oneraria latus accessuram: itaque factum est. Duo qui vehebantur, in nauem accepti, scapha, quamquam minime sedata tempestate, retinente nemine, tam diu stetit, quoad eam nauta ad onerariam reliigarunt. Mauri illi duo ad Christum deinde conuersi baptisino lustrantur. Res tota summa omnium admiratione animaduersa ac notata est.

Fuit vero Xauerius utique ipsius etiã Prophetiæ dono conspicuus. multa post futura, multa longe remota prædixit, quæ humanitus sciri nullo pacto possent. Ex Iapone tendens Malacam, quingentarum amplius leucarum itinere, in portum Sinarum delatus, e Duartis Gamma oneraria in Didaci Pereria nauem transcendit: is, quod Malacam in discessu ab hostibus circumuentam obsef-

samq³

se jamq; reliquerat, nihilq; postea de euentu rei cognouerat, percontari de Sinis magnopere cupiebat, num quid de Malacensi obsidione audissent. Simul etiam cum vectoribus in eius vrbis subsidium arma sedulo comparabat. quos ita sollicitos metu conspicatus Xauerius, iubet, (idq; sepius) sine cura esse, pro certo affirmans otium esse Malacæ. Idem Didacus cum animo suspensio metuere, ne omnes naues in Indiam Malacæ soluisent, quod bona iam pars idonea ad nauigandum tempestatis effluerat, Nihil est (inquit Xauerius illi) cur timeas. Antonium Pereriam etiam num reperiemus Malacæ, sublatis ad velificandum antennis, nos ipso iam triduo præstolantē. Ad quē deinde Xauerius e sieto Sinicapurano passuū nonaginta millibus Malacam litteras de suo aduentu præmisit: quo simul atque peruentum est, omnia prorsus ut ille prædixerat, res Malacenses pacatas, Antonium Pereriam tertium iam diem profectiōne parata ipsos opperientem inueniunt.

Simone Mello Malacæ præfecturam gerente, cum ibi Xauerius esset, Aceni, immanis ac bellicosus agens, celocibus fere sexaginta, noctis silentio Malacæ portū inuecti, ut onerarias, quæ in eo iactis anchoris stabant, inflammarent, atque diriperent, Bandensem nauem iam prope ceperant, cum Lusitani qui in oppido habitant, biremibus circiter quinque raptim instructis decemque dierum dumtaxat imposito commeatu, intra decimum diem redire iussi, coniectos in fugam piratas ad Parlem usque annum ducentas ab vrbe leucas persequuntur. iamq; mensem totum ultra finitum sibi temporis spatium absuerant, cum interea nullus de ijs nuntius venerat Malacam. Quin etiam cōplures ad explorandū litres a præfecto dimissi, nihil omnino retulerant. Quocirca magna erat suspicio, male pugnatū esse: auxitque

suspicionē rumor a Mauris incolis dissipatus, nostros ab hostibus plane victos ac deletos esse. Cum mesta atq; afflicta eo metu ciuitas esset, matrona etiam maritos vt mortuos effuse lugerent, in concionem populum Xauerius aduocat, & ad extremum, nonnullorum fidem in Christum requirens, & inconstantiam increpans: Sunt, inquit, in hoc cœtu cum alijs, tum mulieres quadam, qua sortibus iactis, cōsultisq; veneficis, persuasere sibi, classem nostrā ab Acenis captā, maritosq; lugent. At vos fratres mei amiciq; omni merore deposito, exhilaramini, & gaudete vehemēter: namq; hodierna die fratres nostri pugnarunt, insigniq; de hostibus parta victoria cum opimis spolijs reuertuntur ad nos. Certo die (ipsumq; notauit diem) adiuuāte Domino incolumes aderūt, nō plus tribus e nostris, aut quattuor in pugna desideratis. Proinde tantam victoriā Deo gratulātes semel orationē Dominicā, & salutationē Angelicā recitemus, iterumq; pro ijs quī vitā in certamine profuderūt. Hac ille solita vultus orisq; serenitate cū perorasset, ingēs omnium stupor & motus animi cōsequutus. tantaq; fuit de viri sanctitate auditorū opinio, vt nemo plane dubitauerit, quin illa Xauerius diuino afflatus spiritu vere pronūtiasset, cū nec terra nec mari nuntij eo tempore ad urbē venissent, nec vero tam breui ex tam lōginq; regione venire potuissēt. Eodē die sub vespērā in ade Maria Virginis incliuo, separatim ad matres familias verba fecit, ipsum nominatim definiens diē, quo die certum de suorum incolumitate ac victoria nuntiū essent acceptura. itaq; factum est. Nuntium victores ipsi cum ingēti prada paulo post subsequenti, nauigijs, & myoparonibus, tormētis, apparatūq; bellico, multis denique ex hostium numero captiuis adductis. Appropinquanti ad oppidum classi Xauerius vna cum vrbis pra-

præfecto, & reliqua multitudine ad litus obuiam prodiit, signum crucifixi Christi Domini tenens: descendentem ducem, ceterosq; primarios gratulabundus amplectitur. In ea celebritate atque frequentia, Mellus vr̄bis præfectus quid paucis illis diebus de suggestu Xauerius dixerit, clasiarijs publice exponit. rei gesta seriem cum Xauerij verbis ad amussim cōuenire comperiunt. tātum de nouo admirationis, atque admurmurationis exortum, vt aliud fere nihil per eos dies in ore sermoneq; omniū versaretur. Neq; vero Malacensibus lata solum ac prospera, sed etiam aduersa tristiaq; vaticinatus est. Attenderunt eum sæpenumero quidam, cum pro concione solutos accusaret Malacensium mores, neglectamq; iustitiam, imminetia vr̄bi mala pœnasq; deprecātem eas, quibus deinde statim Malacenses affecti sunt. Proximo quippe anno Malaca ab Iais Mauris obfessa, & agri vastati. belli cladem contagiosa ac dira morbi lues excepit, quæ per vniuersum grassata populum, perpetuis funeribus vr̄bē propemodum exhausit.

Idem Xauerius alias cum ad Chincheū Sinarum esset, Lusitanis, qui ibidem aderant, repente, Deum (ait) pro fratribus nostris Malacensibus deprecemur, qui ab hostibus graui obsidione cincti premuntur, vosq; ad opem laborantibus ferend, p̄ nulla interposita mora contendite. Profecti, quo in statu Xauerius dixerat, rem Malacensem offendunt. In Maluci insulis missa sacrificium facienti aperuit Dominus, vita excessisse in Amboino insula, vico Tibi, Ioannem Darausium, Lusitanum. Conuersus igitur ad populū oblationis tempore, Ioannes, inquit, Darausius, qui erat in Amboino, extremū obiit diem: vos eum, quæso, Deo Domino commendate. mirati qui audiere, celitus id patefactum Xauerio statuunt;

cum

eum Maluco distaret Amboinus ducenta quadraginta millia passuum, nec per eos dies quisquam terra marive ex ijs locis venisset. Spatio deinde interiecto dierum ferme duodecim, Ioannis Deiroi litteris cognitum est, Drausium ea ipsa hora, qua Xauerus dixerat, e vita migrasse. Rursus in Amboino dum concionaretur, auditores iussit genibus nixos orationem Dominicam recitare pro Didaco Aegidio, qui Maluci eo ipso tempore animam ageret. quod ita fuisse nauibus deinde, litterisq³ e Maluco rescitum est.

Sed illa praesertim laude Xauerus praestitit, animos hominum a vitijs atq³ libidine ad virtutem pietatemq³ traducendi. Urbis vicos tintinnabulo circumiens pueros quot quot poterat, Maurosq³ sexus viriusq³ conuocabat in templum: ibi post Catechismum peractum, verbis, ut poterat, e Lusitanico, Mauricoq³ sermone mistis, querebat ex ijs, quisnam concubinas haberet. quibus tres vel plures esse compererat, ijs vnā, miscens imperio preces, demebat, satis esse reliquas inquiens. atq³ ita, subducens decimo, vel vigesimo quoq³ die singulas, non ante desistebat, quam cunctas omnino dimitterent. Hoc ille artificio nouem circiter scorta cuidam paulatim detraxit. Quos flagitijs huiusmodi coopertos reppererat, cū ijs hac ratione utebatur & via: blande primum & familiariter compellare, nihil in vultu seueritatis, nihil asperitatis in verbis ostendere, vltro etiam ad conuiuium semet offerre. vbi sese arcta cum ijs & iucunda familiaritate coniunxerat, tum eos, quo vellet, denique perducebat; atque ita aggrediebatur ad alios. hoc maxime modo complures pæne perditos a flagitiosa vita consuetudine reuocauit. ut Xauerus ab ijs, qui eum norunt, plus familiari sermone atq³ colloquijs, quam publicis ad populum

cōcionil us profecisse iudicetur. Victa fuit cultuq; corporis tenuissimo. carnibus nō fere, nisi si quādo vt morē conuiuiū gereret, vefcebatur. totum saepe biduum ac iriduū vix vno panis obolo irāfigebat : vino autē abstinebat maxime : cuius vas a Martino Alphonso Sosa cum alijs quibusdam donis sibi missum neque gustauit, & pauperibus cūcta distribuit, in quos vbicunq; terrarum esset, quae sibi donaretur ab alijs, erogabat. quieti id solūmodo tribuebat, quod a quotidianis ex instituto muneribus otij supersuerat : vix autem hora dua trēsve ferme supererant : nec ijs quide plane viebatur, sed aliud agens, natura ipsa den. ū necessitate cogēte cedebat somno. Obseruauit eū saepe de industria quidā externi, cum in cubiculum se reciperet, obfirmato semper animo precationi insistentē, quoad somno oppressus, ac pene cōcidens, ad saxū pro cervicali recuberet. Christiana sacra cum Indicis insulisiā fere omnibus impertisset, summa ope sibi intendū putauit, vt eadem in amplissimā quoq; illā Sinarum regionem inferret. Eā igitur ob causam ex Iapone reuerit in Indiā, vt se ad hāc expeditione pararet. nec, quāuis multis iter illud vel dissuaderibus, vel etiā impedire (praesertim Malaca) conāibus, de suscepta sentētia potuit dimoueri. Insula est in ora Sinarū, quā Santianū appellāt, a contineti passu milibus nonaginta, quo Lusitan mercatores ad negotia cum Sinis contrahēda cōmeant : nam Sinarum mediterranea penetrare aduenis capitale est. Eo Xauerius negotij ipse quoq; sui causa contedit, nullis terroribus cedere solitus, vbi Christiana res, & animarū salus ageretur. Cum Sionio quodā, vt se Cantonij portus in litore exponat, emēdicatis ad eam rē decidit aureis nūmis trecentis. Sed nimirū interea Xauerij laborū finis obrepserat : & qui sese in medio versari

stadio rebatur adhuc, ad calcem atque ad paratā victo-
ribus a iusto iudice coronam gloriæ peruenierat insciens.
Dum enim hac maxime gerit, grauissima opprimitur
febri, ex qua paucis diebus est mortuus in eiusdem insula
monte quodam deserto, summa rerum omnium inopia,
sensibus animi ad extremū vsq; spiritū integris, verba illa
sepe intermortuis vocibus iterans, Miserere mei fili Da-
uid, Iesu fili Dauid miserere mei. itē illa, Mater Dei me-
mento mei. atq; ita e mūdi tēpestatibus atq; procellis ere-
ptus, portū Dei beneficio tenuit, lōge Cantonio tutiorem,
quarto Nonas Decēbris, anno Christi nati 1552. Indica
vero sua peregrinatiōis, vndecimo. Corpus humatū ami-
ctu sacerdotali, viua calce, quod ipsemet iusserat, amici
eo consilio contegūt, vt ossa nuda in Indiā deportēt. Inde
mense circiter tertio effodiūt: nō modo nō absumptam,
sed etiā integris vestimentis, ea insuper auctū dote repe-
riunt, vt varios efflaret odores miræ suauitatis. Ac nihilo
minus in eadē calcis arca reconditū, in nauē imponant:
transuehuntq; ex eo loco Malacā summa populi venera-
tione. quo vt illatū est (mirū dictū) seniens per eos dies
pestilentia in vrbe, famesq; statim sedatur. Malaca de-
niq; (vbi menses aliquot sepultū iacuit) Goā delatū est,
magno viq; nautarū bono: quippe ex multis, certisq;
nausfragij periculis, artemonis malo diffractio, ipsaq; one-
raria bis per imprudentiam in Syrtes mucta, eius im-
plorato subsidio, cuius vehebāt corpus, erepti sunt. Goam
aduentanti vniuersa sese obuiā effudit ciuitas, ingentiq;
pompa, ac celebritate in D. Pauli templo depositū, inq;
omnium conspectu locatum per aliquot dies omnium
ordinum viri feminaq; religionis causa celebrarunt, &
eo quidem concursu, vt ad arcendam ex ade multitudine
ne, arca inclusum terræ mandare necesse fuerit. vbi

illa sum ab omni tabe hodieq³ persistens, non leui argumento indicat castimoniam viri, ac virginitatē, cui dant testimonium etiā ij, qui confessiones illius excipere soliti sunt. Hactenus de Xauerio, pro instituta operis breuitate, & angustijs tēporis, multa: pro illius meritis ac dignitate, perpauca. Nunc quoniam eiusdem præcipue ductu, atq³ cōsilio Collegia Societatis IESV aliquot in illis partibus instituta sunt, ex quibus deinde stationibus, Euāgelij causa, diuersa ac remotissima Oriētis loca Socij penetrarunt; sequitur vt de singulis aliquid breuiter dicendum esse videatur.

GOA INSVLA ET VRBS.

ATq³ vt a Goensi ducatur initiū, quod in Asia fundatum est omnium primū, (distat autē a Lusitania litoribus Goa, recta quidē linea leucarū duo millia, cōsuetā vero nauigatione, circiter quattuor) cū Ioannes tertius Lusitania rex in vrbe Goa perāptas ades, quæ D. Pauli vocatae sunt, & vectigalibus certis instructas ideo cōparasset, vt in ijs aleretur proborū doctorumq³ hominū copia, qui in vnā barbarorū conuersionē toto pectore incūberent: Didacum quendā magnæ existimatiōis virū, piūq³ simul, ac literatū vniuersæ procurationi proposuit. Is, vt primū Xauerius in ea loca delatus est, viri institutis vitæq³ ratione mirabiliter captus, factaq³ ex eo de reliquis coniectura, secū ipse statuit, Societate IESV maxime dignā esse, cui eiusmodi prouincia delegetur: totamq³ rem per literas cū Rege cōmunicat. Rex, qui optime de eo hominū ordinē iam ante sentiret, haud grauate cōcedit in eandē sententiā. Goanas ades vna cum instrumēto, vectigalibusq³ cosectim Societati attribuit, idq³ Collegiū nouis deinceps bene-

beneficijs liberalissime cumulauit, auxitq³, non Socij solum, sed etiam neophytis nutriendis ampla decreta pecunia. Misi eo statim concionatores, Confessarij, doctores, & ceteri ad vsus domesticos necessarij. Versantur autem hoc tempore in eo contubernio (ex quo in ceteras India partes identidem supplementa mittuntur) Socij amplius centum: qui cum nulli rei dent operam, nisi Christiana fidei propagandæ, tantis occupationibus distinentur, vt saepe non nisi tres quattuorve ex omni numero domesticos intra parietes, & ij quidem valetudine aduersa retenti, remaneant. neq³, vero, si multo plures eo mittantur, cunctis negotium desit. Theologia scholas habent, artiumq³, liberalium: nec humanioribus modo literis, verū etiā Indica linguæ vsu exercētur, quo facilius, sine interpretis opera, Euāgelij promulgatio sit. Eadē opera instituūtur etiā pueri amplius sexcēti e diuersis regionibus oriūdi, Brachmanes, Persæ, Arabes, Aethiopes, Cafres, Canarij, Guzarates, Dacarij, Malauares, Bengala, Canara, Pegui, Patanes, Chingola, Iai, Malai, Manancabi, Macazari, Malucij, Sioni, Mauri, Sina, & alij, qui q³ præclara fere indole sunt, & eorū cōtubernio præfident certi homines e Societate, magna spes est, fore, vt in terras quisq³ suas dimissi, Euāgeliū lōge lateq³ disseminent. Nec sane laboris est cur pœniteat. nam ex quo tēpore Socij in ea loca profecti sunt, vniuersam pœne Insulā Goam, finitimasq³ Diuarē & Coranū ad Ecclesiā Catholicā aggregarunt. Magnumq³, etiā in hac vita fructum industria sua tum saepe alias cepere, tum anno post Christū natū 1557. cū illis humanissime Cōstātinus Prorex bellū eo tēpore cōparans, tria armatorū millia, quos ijde in vrbe Goa salutari aqua perfuderāt, sub signis ostēdit. Militū est autē ea cōsuetudo atq³ animi pietas, vt quo

die in expeditionem ituri sunt, noxis per confessionē elutis, prima luce ad sacram adem agmine veniant; hastisq; & sclopis ad ianuā templi religiose depositis, vbi Eucharistia Sacramentum ordine singuli acceperint, altera ianna egressi arma sumant, seq; inde firmiores, & alacriores ad signa recipiant.

Anno vero, qui fuit a Christo nato 1560. hominum millia plus viginti conuersa, quorum duodecim millia & septingentos in adibus suis ydem qui Christianis preceptis imbuerant Socj sacro fonte lastrarunt. Mocadani tres sue praefecti, pictorū, nautarum, aurificū, vna cum domesticis Christiana religione suscepta, ad eadem sacra vitaeq; institutū magnā sui quisq; ordinis multitudinem perduxere. Sunt praeterea in ijs qui conuertuntur, cum alij nobiles multi Mauripaganiq; & Brachmanes Indicarū superstitionū antistites, tū vero principes ac dynastae: quo in numero fuit filia Mealis regis natione ac moribus Mauri, qui, vt in Idalcanis regnum restitueretur, ex quo fuerat exactus, Goā ad Lusitanos opis imploranda caussa confugerat. Haec pueros Catechismū decantantes per urbem Societatis instituto, dedita opera sapius magna sua delectatione atq; animi voluptate cum attendisset, afflata diuinitus, parentibus quamquam iniuriis ac renitentibus, Christiana sacra suscepit anno post Christi natalem 1557. Sirennus etiam in primis eques ac nobilis, cui in baptismo Alphonsi nomen fuerat inditū, hoc anno mortuus est in eo bello, quod Antonius Prorex cum Mauris Paganiq; Malauaribus habuit. Rex Tricamalis viuit adhuc, honorificeq; a Lusitania rege tractatur. Rex vero Ceilani Ioānes, etiā Vlyssipone deinde versatus, & Societatis hospitio ibidē est vsus. Atq; haec de principibus, ac potētibus viris: qui sane in Catholica fide

mira-

mirabiliter stabiles, fixiq₃ persistunt, exemplōq₃ ipsi suo plurimos ab erroribus in semitam veritatis adducunt.

De Brachmanibus aut duos precipue in mediū asserā: quorū alter in ampliſſimo dignitatis gradu locatus, eruditionis, & Astrologia præsertim fama præcelles, tantum sibi nomē pepererat, vt a remotissimis etiā nationibus consuleretur, multiq₃ ab eo noxarū absolutiones suppliciter peterēt. Is tantū sua cōuersione profecit, vt cu eo nemo fere ethnicus ageret, qn victus illius rationibus cederet, seq₃ ad Christū adiūgeret. Alter itē in primis insignis & locuples, qppe qui e sacerdotio quod gerebat, barbaria illius totius decimas, atq₃ primitias caperet: omni pecunia cōmodisq₃ Christi cāussa neglectis, ceteros quotquot poterat, ad Euāgelij veritatē omni conatu atq₃ opera perducebat: quod idē studiū in alijs quoq₃ ferme neophytis aque summis atq₃ infimis cernitur. Institutū est etiā eiusdem Regis Lusitania sumptibus cōtuberniū frequens eorum, q catechizātur, atq₃ hospitalis domus, in quā vtriusq₃ sexus agroti, magno Christianæ rei incremento, sese recipiūt. In his porro collegij domicilijs quadringenta fere capita numerātur. Atq₃ illa etiā Christianā rem non mediocriter adiunāt, vel quod baptismū quāmaxime solenni ritu ceremoniāq₃ peragūtur, Proregibus atq₃ Præfectis magna animi delectatione latitiāq₃ præsentibus: vel quod Proreges neophytis habet honore, quacūq₃ re possunt benignissime cōmodant, immunitates ac privilegia tribuunt, inclinantq₃ ab illis onera in barbaros, idq₃ tum sua ipsi sponte ac iudicio, tum Regis vere Christiani mādato, tum etiam Sociorum monitis ac suasu. Quod quoniam notum in vulgus est, sic fit vt Societate nēophyti magnopere diligant, ethnici valde reuereantur, ac timeant.

In eadē insula oppidū est insigne phano D. Ioāni Baptista dicato. eius oppidi principes (Gansaras vocāt) tam secūdo Christiana rei progressu cōturbati, ac vehemēter attoniti, in consiliū de Republica veniūt. Tres dicta sentētia. Prima iubebat, quoniā tāto impetu insulā vniuersam religio Christiana peruaderet, fortunis animarū saluti posthabitis, in continentē migrare. Suadebat altera, tēpestatis eius transitū exspectandū: id fore, cum primū Prorex Constantinus ex insula decessisset. Tū vero surgens e senioribus quidā prācipua existimatione vir, Non tam nobis (inquit) de Cōstantini discessu, q̄ de Sociorum māsione cogitandū est: qua quandoquidē erit perpetua, nec minori apud ceteros, qui succedēt Proreges auctoritate futuri sunt, cōmodius multo nobis vtiq; fuerit, relictis Idolis vni Deo nos dedere, & Christiana sacra suscipere. Salutare omnibus consiliū visum. itaq; tāti per eos dies ad baptismū facti cōcursus, vt mortales plurimos, nō sine magno quidē ipsorū marore, in aliud tēpus reijcere necesse fuerit. mira est enim cādicatorū in Christi sacris capeffendis alacritas. In Bati vico primarius quidā Camotis nomine, sub vesperā admonitus, vt postridie (qui dies erat sancto Ludouico Regi Gallie sacer) bene mane ad baptismū vna cū suis prāsto esset, Proregē ipsum affore, proinde nō esse tali tēpore somno indulgendū, ecce tibi intēpesta nocte ad sacerdotis hospitiiū venit, & ianuā pulsāt. Sequebātur eū cognati ac necessarij omnis etatis circiter ducēti viri vittis tēpora more patrio redimiti plumis infertis, quorū erāt sclopetarij ferme triginta, mulieres auro pretiosissq; lapillis ornata. Ipse autē Camotis torque aureo insignis & sclopo, purpureisq; femoralib; sericis, argēteo ense ex humeris depēdēte, militari ornatu, in primo agmine erect⁹ nūtiat se, vii cōdictū fuerat, paratū adesse

adefse cū tota familia, quoniā quidē ea nocte dormiendū non esset. Collaudata hominis vigilantia studioq₃, domū redire, & in lucē quiescere iussus, vt primum Prorex cum Episcopo Malacēsi aduenit; magna omnium gratulatione gaudioq₃ cū suis est baptizatus. Petrus Almeida e Societate est Goæ. Is Deorum signis demoliendis, diffringendisq₃ mirifice delectatur. Id quoniam neophyti intelligunt, certatim in ea re magistro gratificari conantur. Cum e Bardensibus quidā contumelijs crucem affecissent, id vbi rescire Coranenses Christiani, iniurias vlisci constituunt. Noctē Bardem ingressi lapidea simulacra aliquot furto surripiunt, statimq₃ ad Almeidam afferunt. Laudat hilari vultu diligentiam Almeida, nec patitur quemque, prius se in simulacra manus inycere, quā vbi ipse comminuit, Christianos deinde iubet inspuere, pedibusq₃ calcare. illi imperata faciunt alacres: quin etiam iniussu, iurgia & probra ingerunt, maledictisq₃ proscindunt, quā tanto nuper cultu ac superstitione venerabantur. Iidem neophyti cum a quodam e Socijs valde petissēt, vt crucem Corani defigeret, cumq₃ ille rem differret diutius, quā desiderium ipsorum pietasq₃ ferre posset, delubrum antea sibi valde religiosum irrumpunt, detracta materia Crucem ipsimet fabricantur, eamq₃ a magistro consecratam magna animi voluptate gaudioq₃ in vico publice statuunt. & sane idola sua, ritusq₃ barbaros mirum quanto odio prosequantur. Anno quidem a Virginis partu 1567. in agro Salfettano (vbi præcipue florebat Brachmanica prauitas) delubra plus trecenta deturbata, & solo æquata per litteras nuntiantur, sacris Dei templis eorum vice resectis, quorum curam gerit Societas, idq₃ partim Proregis imperio, partim etiam Fratrum Franciscanorum, & Societatis instinctu, quo facto

vici plane octo & quinquaginta idolis nudati, purgatiq;
sunt. Ganferes vero, de quibus supra meminimus, affir-
mabant sibi Demonem aperte dixisse, Diuus hic Ioan-
nes, qui in meo colitur phano, maior atque prestantior
est me: quocirca ei cedere, vosq; deserere, & in conti-
nentem abire cogor ex Insula.

COCINVM.

Societatis IESV Collegium aliud est in vrbe Co-
cino, passuum ab Goa trecentis millibus, quan-
quam minori Sociorum numero, ysdem tamen
occupationibus atque laboribus. Ac tametsi in
pacatis numeratur hoc oppidum, non tamen omnino va-
cat insidijs. Melchior quidem Carnerius e Societate
Nicenus episcopus, (nametsi ecclesiastica honorum in-
signia ac titulos, atque opulenta sacerdotia legibus suis
omni conatu Societ. is refugit, huiusmodi tamen episco-
patus ac munera, quæ certos habent labores atque peri-
cula, redditus ac vectigalia nulla, mandante Pontifice
maximo recipit) is igitur cum per eos dies versaretur
Cocini, eodemq; se contulisset Armenius episcopus nescio
quis, dum studiose prouidet Melchior, ne Armenius Ca-
tholicæ fidei integritatem ac puritatem schismatica pra-
uitatis labe contaminet: diuinitus factum est, quo minus
improborum scelere occumberet. Emissa quippe in caput
eius sagitta, transfixum pileum capite illaso decussit. E
regione Cocini, ingens insularum numerus visitur, quas
Maldiuanas appellant. Harum Rex anno post Christum
natum 1551. magna cum popularium multitudine
Christiana sacra suscepit. Alie item Cocino vicine insula
conuersti ad Dominum capta. Recentissimis vero litteris
cogni-

cognitum est, quatuor e Societate Goam Cocino petentes, in piratas Mauros incidisse. Dnm igitur nauta sese ad defensionem comparant, tormentario pulveri casu ignis iniectus, nauem, quæ alioquin hostibus restitisset, intestino malo consumpsit. Vectores in mare desiliunt, multiq; ex ijs, ne mergerentur, ad ipsa hostium nauigia necessario confugere. quo in numero Franciscus Lopes e Societate sacerdos ex capitis tonsura a Mauris agnitus, & sollicitatus etiam atque etiam ad Christiana sacra deferenda, cum constanter in fide persisteret, latera hastili transfixus, caputq; gladio vulneratus, exiguam hanc vitam cum illa perpetua commutauit. alius e Socijs captus, ac deinde redemptus est. reliquis duobus quid fuerit, incertum est: eundem exitum, quem Franciscus Lopes, sortiti putantur.

DAMANVM.

Damanum est castrum, de Mauris a Constantino Prorege captum. id quoniam in ipsis Lusitanici imperij est finibus, valido presidio Proreges tuentur Lusitanorum interdum mille. ibidem etiam e Societate nonnulli magno cum rei Christiana adiumento versantur. Sunt autem Lusitani milites tanta pietate ac religione, atq; ita bene de Societate sentiunt, vt nunquam fere in expeditionem exeant, (exeunt autem saepe) quin ex ijs aliquem secum adducant, qui confessiones ipsorum excipiat, Crucisq; vexillum ferens tempestiuus eos in ipso certamine cohortationibus animet. Quæ sane officia Socij magnis corporis vexationibus, periculisque mercantur: atque id ipsum alijs quoque in regionibus, cum sese offert occasio, quanquam in tanto capitis discrimine, non tamen sine caelesti quadam animi voluptate & gaudio, faciunt.

Simul

Simul etiam in Damanenſi agro Mauri aliqui ad cultum Chriſti domini perducuntur: in ijs illuſtri loco nata mulier Mauro marito coniuncta, qui Damani quondam Praefectus fuerat, ingenti ſuorum admiratione a Mauricis erroribus ad Chriſti veritatē tranſiit, neq; a ſuſcepta vita ratione ſuorum artifiſijs, ac blandimentis deduci vllaratione potuit. Barochenſis reguli ad eā legatus venit marito rogatu; nec Luſitanus praefectus, fretus constantia mulieris, aditum illi negauit. Maurus mulieris fidem oppugnare aggreſſus, cum vna Luſitanus praefectus, & mariti cubicularius, & e Societate vnus aſſeſſent; nonnulla primum de muliere percontari, deinde nobilitatem generis, mariti ſplendorem, diuitias, opes in memoriam reuocare. Illa vero non modo manus non dat, ſed nereſponſo quidem dignatur legatum. namq; a magiſtro iam ante praemonita, quaſi aliud agens, preces quas didicerat, interim recitare, ſeq; ſigno Crucis capit munire. quod ſimul atque Mauri viderunt, Crucem auerſati, extemplo ſe inde proripiunt, ardentesq; dolore diſcedunt. eadem animi virtute, ac robore, matris quoque ab ſe repulit inſidioſas preces: quae cum ad eam adyſſet, multisq; blanditijs ad Mauricas leges reducere conaretur: Satiſ (inquit filia) fuerit, ſi alteram ſororem tecum adduxeris, & Chriſtiana ſacra amba ſuſceperitis. ſin minus, neque ego te poſthac matrem, nec vero tu me filiam dixeris. his verbis auditis, anus abiit mærens, nec vnquam poſtea rediit. Et ſane conuerſio Maurorum eo pluris eſtimanda eſt, quo difficilius a ſuis ritibus, prauisq; opinionibus abducuntur.

COLA-

COLANVM.

Item Colani, quod oppidum abest ab vrbe Goa triginta ferme dierum nauigatione, Societatis domicilium est, ex quo cum in cetera loca finitima, tum præcipue in oram Trauancorensem excurrunt. qua in ora ante quattuor annos, quinque & viginti numerabantur Christianorum vici, & in ijs nonnulli sane quàm celebres: quibus, cum Societas adeo late dispersis, propter paucitatem suam cunctis adesse non possit, ex incolarum numero (sunt autem Christiani veteres & honesti viri permulti, habentq; inter se more Europeo Sodalitiarite instituta, quas vulgo Confratrias dicimus) ex incolis igitur Christianis probata virtute deligunt, quos templu tuendis, tradendoq; plebi patria lingua quotidie Catechismo, præficient. quas tamen Domini vineas ipsi etiam Soc. ex interuallis quàm sæpius possunt, reuifunt. Et quoniam vsu compertum est, tenera ingenia quanto facilius, quàm robusta ac iam confirmata, Christianis præceptis ac moribus informantur; Colani quoque vt Goa, & Malaca, pueris præsertim erudiendis inuigilant.

Allatum est nuper Trauancoris Regem, pace inter ipsum & Lusitanos Sociorum opera in perpetuum facta, eo beneficio ita deuinctum fuisse, non modo vt neophytos vexare desierit, sed etiam templum, quo ad sacra conueniant, suo ipse sumptu exadificandum curauerit: multis præterea principum discordijs toto regno tollendis tantam ab illis gratiam Socios inisse, vt magna spes sit, totam eam regionem impio: demonum cultu deposito, in Christi fidem esse venturam.

O R A

ORA COMORINENSIS.

DE Comorini promontorio, de quo toto eo tractu iam diximus. quo Franciscus Xaverius cum ex urbe Goa se contulisset anno post Virginis partum 1542. ea sparsit fidei catholica semina, ut vberimam deinde tulerint animarum frugem. nunquam enim ab eo colendo agro Societas postea destitit. idque tanto cum rei Christiana incrementum, ut cum summa Christianorum multiplicetur quotannis, certus eorum numerus hoc tempore tradi non possit. Anno quidem Christi nati 1554. censa dicuntur Christianorum capitum centum viginti quattuor millia. anno autem 1555. centum triginta millia. porro litteris anni 1565. cognitum est, Comorinenses Christianos, & Goenses, & ex montana regione Cocini plus trecentorum millium summam in uniuersum efficere: ex quo tempore ad eum numerum millia deinceps multa accessere. quorum pars maxima atque optima Comorinensium est, adeo spectata virtutis hominum, ut cum Europaeis Christianis si minus antiquitate; constantia quidem certe, simplicitate fidei, ac religione certent. Punicenses quidem neophyti, cum ob suscepta Christiana sacra a tyrannis finitimis vexarentur assidue, et sedibus patris ad alia loca migrare, quam Christum deferere maluerunt. ei migrationi cum Proregis Lusitani iussu praesent quidam e Societate, anno post Christum natum 1560. immanis tyrannus Badagaa cum equitum peditumque plus viginti millibus, & magno elephantorum numero subito superueniens, vix spatium Christianis reliquit, se in naues cum vxoribus liberisque

recc.

recipiendi. Cum Lusitanis quanquam imparatis leuia quadam fuere certamina. Ioannes vero Mesquita e Socijs vnus, septem octoꝛe plagis affectus est magnis & grauius; inde omnibus vestimentis præter intimam tunicam & femoralia exutus, summa corporis vexatione captiuus auehitur. idemq; rursus in ipsa, qua affortabatur biremi, in capite vulneratus, & fuste percussus, semianimis in mare prolabitur, atque inde magno labore viuus extractus, vbi peruenit ad Regem, in carcerem truditur, custodibus multis appositis. ingens quippe ex eo redemptionis pretium (quod iam e vulneribus conualuerat) animo & spe deuorauerat Rex. In ipso autem carcere pessime acceptus est. catena primum ferrea in collum iniecta, non plus laxa quàm palmum. quo factum est, vt sanguinis multum e naribus funderet. alia item catena femora ac tibi colligantur: crassa adduntur compedes. denique mortis & equulei insuper accedunt mina. Sed ex ijs incommodis omnibus absque vlllo pretio paucos post dies diuina ope est ereptus. Comes autem ipsius, cum eius tumultus initio, manus hostium nando effugisset; alias deinde captus a barbaris, paulum absuit, quin occideretur. cuidam præterea Socio districtum gladium dynasta barbarus intentauit. Alius, quod impiam delubri adificationem impediret, ethnicus eius adificationis curator, illum occidere voluit, haud tamen impune: paucos enim ipse post dies repentina morte sublatus est.

Alius etiam in ijsdem regionibus fustibus casus, rursusque per amicitia simulationem aureis diuentus mille & ducentis. Franciscus vero Henricus, & Balthasar Nunnes a barbaris capti ambo, ac pæne perempti, alter etiam in ferrea vincla coniectus est religatis ad pedes manibus, membrisq; adeo intumescens,

vt ex eo morbo aliquot deinceps dies admodum laborauerit.

In eadem regione Ceilanum est insula, vbi res ad Dei gloriam contigit sane memorabilis. Reguli cuiusdam filius natus maximus, quod Christiana sacra suscipere statuisset, patris iussu necatus est. quem Lusitanus quidam Christiano more sepelijt, tali obita morte martyrem certum existimans. Lusitani iudicium DEVS illustri testimonio comprobauit. Si quidem eius nutu factum est, vt qua principis corpus humatum erat, in Crucis figuram terra fatisceret; qua bis barbarorum opera glabris oppleta, iterum atque iterum in eundem hiatus est resoluta. aiunt etiam per eos dies Crucem ignei coloris visam in celo. quibus miraculis commota magna hominum vis ad CHRISTVM accessit, quorum multi Regis immanitate eandem martyrij coronam adepti sunt. In eo numero fuisset alius quoque Regis filius, itemq; sororis filius, ad quem regni hereditas pertinebat (sororis enim, non Regis ipsius filios succedere in regnis Ceilani mos est) horum igitur vterque ad Christum propensus, Regis imperio mactatus esset, nisi eos praesenti periculo Regis soror mature exemisset. ambos enim ad se vocatos recenti adhuc miraculo, interrogat; velint ne fieri Christiani. cum se viiq; velle dixissent, cum Lusitano transigit mulier eodem ipso, qui de mortui principis funus curauerat, vt eos quam occultissime Goam vsque perducatur. quo vt venire, fidei praeceptis imbuti baptizatiq; magnum pietatis ac religionis specimen praeuere. Hos imitatus regius quidam praefectus, & alij decem nobiles viri, vxoribus, liberis, bonis denique omnibus sponte relictis, magno suo incommodo, corporisq; defatigatione passuum amplius sexcenta millia terrestri itinere emensi,

no dilig.
ut neglig.
a se niti
ni uidi
ex pella.

si, Goam baptismi causa cum venissent, Catechismo instituti, sacroq^{ue} fonte lustrati sunt. id accidit anno Christi nati 1545.

SOCOTORA INSVLA.

Socotora est Insula in faucibus Mecani freti, duodecimo in septentrionem gradu. distat ab vrbe Goa in occidentem leucas trecentas & sexaginta: porro quinquaginta colligit ambitus: infelix regio & sterilis, ac valde montosa, incolis infrequens, usque partim Mauris, partim etiam Christianis, qui a Diuo Thoma cognominantur, propterea quod Euangelium ipse in ea loca primus inuexit. Complures Iudaicos ritus, ac caeremonias retinent. gallinam aut quamlibet auem manu contingere, nedum gustare, est religio. statos habent ieiuniorum dies, quibus carne populus abstinet, sacerdotes vero etiam lacte & butyro, quo maxime cibi genere vescitur vulgus. palmarum succo dumtaxat ac pomis eo tempore victitant. Lingua cognitu difficillima, nec vllum habet cum Arabica Aethiopicaue commercium. Litterarum vsus apud eos nullus omnino. Maurum habent Xeguem, siue praefectum, qui ab incolis valde timetur, tametsi neminem vi ad Maurica sacra compellit. Ita porro de se magnifice sentiunt, vt nullam aut terram, aut vita rationem, sua vel meliorem, vel beatiorem existiment. ad quos e Societate duo, rei Christiana causa profecti cum essent, saeva statim febris in summa egestate, ac solitudine vterque correptus, alter etiam extinctus est.

BAZAINVM VRBS.

NEc Bazaini, Societatis Collegium deest, eiusdem Lusitania Regis beneficentia constitutum. Ibi tum iuuentute humanioribus litteris excolenda, tum ceteris omnibus ad Christum vocandis præclare admodum opera ponitur. nam & adolescentes quàm egregia sint indole atq; ingenio pradi, vel vnus Brachmanis primarij filius declarauit, annos circiter septemdecim natus: qui cum iam litterarum Indicarũ duo genera vel tria teneret, Arithmeticaque peritissimus esset suæ; litteras nostras & legere & scribere mensis vnus spatio perdidit; nunc autem Arithmetica nostra vacabat: idem pietatis ac religionis laude ita præstans vt reliquos ipse ad virtutem atque officium hortaretur.

TANAA OPPIDVM.

TAnaa est oppidum a Bazaino passuum millia sexdecim, vbi etiam Socij aliquot ingentem Christianorum numerum partum ab se, tuentur, atque augent. Ad eos venit e remota continentis regione senex, annum, vt videbatur, agens prope octogesimum, ita deformatus & squallidus, adeo torrida cute & strigosa, vt anachoretam referret pellibus camelinis indutum. Is ades Sociorum ingressus, ait velle se fieri Christianum. edisserit illi ex ijs quidam pro captu hominis summatim articulos fidei, deinde querit, optetne ex animo Christianus esse. Cui senex: Atqui nullam (inquit) aliam ob causam hucusque contendi. Crede igitur (inquit Socius) sistitq; eum ad sacratissi-

ma virginis, puerum I E S V M inter vlnas habentis, imaginē pictam in tabula. quam senex vt vidit, summa animi iucunditate ilico amplecti, puerum I E S V M venerabundus exosculari, tum vehementer petere, vt nulla interposita mora baptizaretur: atatem suam ne vnum quidem praterea diem recipere. postridie igitur baptizatus, prima luce insequenti migravit ad Dominum. Multi etiam pueri ac puellae de barbaris parentibus empti, quos ipsi parentes alioqui Mauris venditare solent, ad Christi familiam aggregantur. quorum aliqui e vita discedunt, I E S V M in extremo spiritu pronuntiantes. vnus ex ijs, denarijs tribus & semis, alius sesquidenario stetit, vt hinc satis appareat, quam sint incomprehensibilia Dei iudicia.

In eadem Tanaati mansione, magna puerorum manus partim litteris instituitur, & Christiana doctrina praeceptis, partim etiam varijs in vsus hominum artibus atq; opificijs: alij quippe calceariam, alij vestiariam sutrinam, alij texturam, alij ferrariam fabricam exercent, noctēque se in ades Collegij quietis & cibi causa cum receperunt, Catechismum ac Litaniae alternantibus choris religiose admodum concinunt. Sunt etiam qui agro colendo dent operam: ij gausapinis induti per hyemem in opus exeunt ad Trinitatis vicum tria passuum millia ab vrbe distantem, quo in agro batem (fugis nomen id est qua fere victitant) ceparum in modum ferunt, capita singula manibus collocantes, ingēti sane labore: qua opera simul & ipsi agriculturam addiscunt, & ceteros incolas Christianos artifices interim adiuuant, vt cū maturū deinde fuerit, ipsorum agricolarum filias in matrimonium ducāt. Appellatur autē hic Trinitatis vicus, propterea q̄ in eo cāpo delubrum in primis celebre, quod operis magnificētia & elegantia, eius regionis delubra, quae multa ac per-

ampla sunt, omnia superabat; a Socijs area coempta ex-
piatum, & sanctissima Trinitati dicatum est. Campus
autem iuxta phanum ipsum a Christianis incolitur ope-
rarijs, quos ijdem Socij conuersos ad Dominum maxima
ex parte pauperes in ea pradia deduxerunt, omnibus ad
victum cultumq; necessarijs rebus benignitate Lusitaniæ
Regis instructos. nam & vestimenta ipsis, vxoribus, libe-
risq; & oryza in cibum cum opus est, & ad serendum se-
mina & boues cum aratris assatim præbentur ex amplo
adificio ad rem pecuariam instituto, pastoribus etiam ad-
hibitis, qui armenta curent. Ex eo adificioeducta mane
bouum iuga quotquot ei sunt opus, Christianus quilibet
(quingenta enim aluntur ibidem & eo amplius)
perfecto opere in tectum idem reducit.

Empti sunt etiam fundi quidam e quibus annui capi-
untur aurei nummi fere trecenti. quæ pecuniæ summa
partim in viduas erogatur, & orbos orbasq; quibus quoti-
dianus labor in victum haud sufficit, egrotosq; pauperes
et Catechumenos interea dum erudiuntur; partim etiam
ijs qui reddendo soluendoq; sunt, mutuo commodatur.
Caprarum præterea greges, earumq; custodes aluntur,
casa excitata vnde patres familias suam quisque lactis
portionem quotidie filiolis petant, cuius toto anno copia
suppetit: binos quippe ternosve quotannis hædos fere
singula pariunt. Iam vero fruges spatiosus ager large sup-
peditat, vt nihil omnino ad sustentandam vitam illis de-
esse videatur. Sunt autem omnes & boni coloni, & boni
viri. itaq; mores eorum barbari valde suspiciunt. Chri-
stianæ fidei mysteria præceptionesq; assidua magistrorū
diligentia exercitati callent egregie. quotidie ad signum
Angelicæ salutationis cuncti conueniunt, & sane pie Chri-
stianæ doctrinæ elementa viri feminaq; pronuntiant.

quin-

quinetiam in syluis, pueri, & e summis palmarum arboribus viri exaudiuntur praecepta Decalogi decantantes. Atque ita circo etiam minus grauate, quanquam in summis occupationibus, non plus quattuor aut quinque Socij totum illud rei familiaris negotium, ceteroqui ab eorum instituto valde alienum, sustinent, quod per eam occasionem Ecclesia Domini in annos non mediocriter crescit. Iam vero ex ipsis vnus Chirurghi quoque munere fungitur, curatq; DEO adiuuante vlcera & apostemata aequae aspectu horribilia, ac genere ipso periculosa.

In medio Trinitatis vico horti sunt in communem vsum, valde spatiosi, & irrigui, perpetua saliente, multis vitibus, ficubus, medicis malis, & plantis alijs confiti.

Tanaates autem incolae etiam ipsi multiplicantur in dies. ij quoddam maritimis copijs adiuuantur, ijdemq; vel opificijs vel agriculturae satis impigre dediti sunt, propter ea nec lactis, nec publici pecoris tantus apud illos est vsus. illud sedulo curatur, vt in virtute ac pietate proficiant. Semel profestis diebus, festis vero bis etiam, Catechismus illis exponitur. habent etiam supplicationes valde religiosas, candidatis pueris carmina sacra psallentibus: quo in genere ij pueri adeo excellunt, vt ad celebriores supplicationes Bazainum euocentur. ijdem elata ad sepulturam fidelium cadauera cum psalmodia funebri prosequuntur Cruce praelata: nam feretrum ipsum gestant Christiani quattuor, solenni Misericordiae sodalitijs ornatu. quae funerum caeremonia & Christianis & ipsis ethnicis vehementer probatur.

Denique circa Bazainum urbem ad passuum triginta circiter millia Socij castella regia inuisunt, magno & Lusitanorum bono, quos in officio ac pietate corroborant; & barbarorum, quos ab erroribus as-

que superstitionibus ad cultum CHRISTI perducunt.

HORMUTIVM INSV-

la & vrbs.

Hormutium est insula in sinu Persico, urbem eiusdem nominis continens. Ea quod vel propter inquilinorum colluviem mistam e varijs nationibus ethnicis, Mauris, Iudaisque, Christianorum qui moratur ibidem, fidei sinceraque religioni valde periculosa, vel propter nimium solis ardorem aestusque grauissimos, humanis corporibus est vehementer infesta; iccirco ibi fere semper aliqui e Societate versari soliti sunt per intervalla sibi inuicem succedentes, ut cum rei Christiana, quoad fieri potest, sine intermissione prospicerent, tum etiam eadem siue incommoda, siue merita ad plures sui ordinis homines pertinerent. Idem Socij cum opus fuit, clasium quae in expeditione educerentur sese comites praeuere, ut naualis turba ac propugnatorum animas curarent simul & corpora. quo in officio, vitam Alexius Dias posuit in eo bello, quod aduersus Turcas superioribus annis est gestum. Alius vero, quo tempore Hormutium obsidebatur a barbaris, cum neophytos ex eo periculo ad Mogastanem oppidum haud longe ab vrbe positum ingenti labore traduceret, varias agere personas coactus est, Ducis parentis, magistri pro discipulis semper ad mortem parati: ea cum ab hostibus pericula, tum ab incendijs calig, ipsius intemperie & corruptione imminabant. Verum ut ad res Hormutianas reuertar, primus in eam urbem e Societate Gaspar venit, ortus in Belgis, moresque hominum plane solutos ac perditos summa adhibita diligentia breui magna ex parte correxit. furta, faenora, contractus nefarios sustulit ita multos, ut ex fraudata

data pecunia nummi aurei plus vices mille in publicum redacti collocandis in matrimonio legitimo compluribus fœminis ad honestatem a flagitioso questu traductis, opportuno sane subsidio fuerint. Idem in tractandis hominum ingenijs tanta dexteritate fuit, vt neminem fere grauibz vitijs laborantem curare sit aggressus, quin ad sanitatem DEO adiuuante perduxerit. Quendam, cum alia ratione non posset, mercede ac pretio a turpi vita consuetudine reuocauit, emendatis ad eam rem aureis ferme viginti: tanta enim summa cum illo transegerat. Alium vero cum ad sacram confessionem frustra saepe cohortatus fuisset, domum artificiose perductum, apud se tam diu continuit, quoad ille confessionem rite serioq; perageret; magno utiq; Dei beneficio: paratam quippe nauem habebat, quam, simul atque expiatus est, conscendit extemplo, paucosq; post dies cum hostibus nauali prælio dimicans cecidit.

Iam vero, æstate media, caloribus maximis, quo anni tempore Hormutij aqua collo tenuis mersi vulgo homines iacent, Gaspar singulis hebdomadis bis tẽrve concionari; cum Iudeis, Mauris, ethnicisq; de religione concertare atque differere, quæstiones de officijs, quos casus conscientia appellant, publice explicare, Catechismum pueris Maurisq; vicatim ære campano coactis quotidie expone-
re, discordias atque inimicitias tollere, mulierculas e cœno flagitiorum extrahere, valetudinaria inuifere, agrotisq; sedulo ministrare, quieti non plus quàm tres horas, ferme tribuere. Accedebat ad hæc tam varias & assiduas occupationes ingens præterea peccata confitentium vis, vt agroti cuiuspiã agentis animam lectulo interdũ assidens, simul & illum in extremo certamine confirmaret, & valentis alterius confessionẽ vno eodemq; tempore

exciperet. Idem, spatio pœne bimestri, dum contra hostes classis instruitur, militum confessionibus audiendis ita distentus est, ut ad somnum vna dumtaxat hora superesset, ipsumq₃ biduum nullo cibo traduceret. res difficillimas eximio fidei Christiana tuenda studio ardoreq₃ perurpuit. Maurorum cantica, sacrilegasq₃ vociferationes non modo comprescit, sed etiam e Corano (ita enim incolæ Mahometis phanum appellant) quod aiunt fuisse Hormutij celeberrimum omnium, eiecit ac sustulit contra omnium spem, vi tumultuq₃ nullo, Crucibus tantum sex cum agmine psallentium puerorum in eodem Corano defixis. qua re Mauri vsque adeo perterriti fractiq₃ sunt, ut deserto confestim phano diffugerint. Barbari etiam multi a diaboli seruitute in Christi libertatem asserti. in ijs loques seu heremita, cuius erat ea sanctitatis fama, ut qua pedes lauisset, aquam Rex ipse Hormutij religionis causa biberet. Et sane præstanti erat ingenio vir, insolitisq₃ visis quibusdam diuinitus ad Christiana sacra pœne compulsus videtur fuisse.

Baptizata sunt etiam a Gaspare femina duæ, Maura, mater & filia, claro in primis genere, locoq₃ nata, e Zeidenfi familia Mahometica stirpis. Idem sacrificio missæ adolescentem quendam pœne defunctum a morte reuocauit. Alienata mente mulierem & a damone obsessam, diui Ioannis Euangelio rite corpori ipsius imposito, liberauit.

AETHIOPIA.

Claudius Aethiopia Rex, professione Christianus ille quidem, sed a Catholico grege se iunctus atque schismaticus, cum ad Ioannem Lusitania Regem litteras dedisset, in

in quibus erat, velle se omnino ad Catholica Ecclesia sacrosanctæ gremium redire, & in Romani Pontificis potestate esse, ab Rege se petere, vt cum eodem Romano Pontifice de reconciliatione ageret; rem Ioannes suscepit, & primum a Iulio Tertio; mox, eo per id tempus demortuo, a Paulo Quarto, qui in Pontificatu successerat, impetrauit, vt Ioannis ipsius sumptu aliqui ex Europa in Aethiopiam cum mandatis atque auctoritate Apostolica mitterentur. Declaratus Aethiopia Patriarcha Ioannes Nunnes e Societate spectata vita sanctimonia vir, cum Socjjs multis profectus e Lusitania anno Christi nati, circiter 1556. Goam incolumis tenuit, ibiq; antequam captum iter perageret, excessit e vita. Suffectus in eius locum e Societate Andreas Ouiedus episcopus, quem ille Goa ad Claudium cum quattuor aut quinque comitibus iam ante pramiserat. quibus tamen Rex ille ceteroq; non illiberalem se præbuit, promissa tamen fidemq; Regi Lusitaniæ datam minime præstitit: cuius perfidia pœnas ab eo videtur exegisse Dominus: paucis enim post Andree aduentum diebus, ab hostibus victus atque peremptus est. Rex inde creatus Adamas Claudij frater, desertor olim fidei Christianæ, vir immanis, ac ferus, & Apostolicæ sedis hostis acerrimus, Patriarcham in vincla coniectum, semestri spatio atq; eo amplius male habuit: quippe quem vinctum secum in castra bellumq; raptauit, comites etiam Andree contumeliose tractauit, viuosq; igne se concrematurum esse minatus est. populares vero suos, qui veritati Catholica fauere videbantur, varijs pœnis affectit. A Turcis denique, quorum arma Aethiopes ipsi rebelles in regnum ascinerant, ingenti accepta clade fusus atque fugatus est. Socj cum Patriarcha ab hostibus capti, quod ipse per ea bella quater iam ante contige-

rat, crudeliterq³ direpti, semel etiam igne in hospitium iniecto, magnū adiere discrimen. Nec iam Andrea quicquam reliquum, ne vestis quidem erat, qua personam pontificiam tueretur nec vinum tantum in sacrificia deerat (nam vites ibi fere non feruntur) sed & charta ipsa ad scribendum. Declarant id litteræ ad Lusitania Regem ab ipso data schedula non plus digitali magnitudine, e vetusto (vt videtur) aliquo commentario excerpta. Tosto dumtaxat hordeo vesciebantur; tanta demum inopia premirerum omnium capti sunt, vt ad vitam tolerandam, ne ex ijs locis re prorsus infecta discederent, bobus & aratro quasitis terram suis ipsi manibus colerent. Nec tamen in tot tantisq³ difficultatibus nihil omnino profectum est. Initio quidem certe, concertationes de fide ac religione cum litteratis habita, multorum confessiones audita, cō plures etiam celesti Eucharistia conuiuius excepit. Cognitum est præterea ex Abbate quodam magnæ auctoritatis viro, qui per eos dies Catholicam fidem receperat, plurimos idem esse facturos, si Lusitanorum exercitus, qui præsidio illi esse possit, in ea loca mittatur. Recentibus vero ex Aethiopia nuntijs spes etiam meliorum rerum affertur, cui ne desit Andreas omnia experiri constituit. Labor autem ipsius & perseuerantia alijs quoque multis de Christo benemerendi materiam præbuit. Misi quippe ad statum ipsius explorandum ex India Lusitani sexdecim, a Turcis occisi: alij deinde vulnerati captiq³, in ijs quidam e Societate Fulgētius Frerries ad fines Arabia in freto maris rubri a Turcis oppressus multis acceptis vulneribus catenatus Macuam in seruitutem abductus est, addictusq³ triremibus: quem Socij deinde, Regis Lusitania benignitate ab hostibus redemerunt, cum in seruitute Christianos fecisset sex, e quibus

bustres continuo e seculi ærumnis ad gaudia migrare
calestia.

INHABANES, ET MA- nomotapa.

ANno Christi nati incunte 1560. Consalius
Silueria Lusitanus cum Socijs duobus, Goa
discessit in regna quæ dicuntur Inhambanis
& Manomotapa, Sofalam inter & Mosam-
bicum, in extremis Africa oris ad Bonæ spei promontorium
posita; vt nationibus illis Euangelium nuntiaret, quod
concionatorum inopia nunquam probe cognouerant. Re-
gio utiq; auro abundat, sed care admodum emitur, ea lo-
corum insalubritas ac pestilentia, ea rerum ad victum ac
valetudinem pertinentium est difficultas. Fæoli quip-
pe & oryza præcipuo sunt in honore mensarum. Itaque
vt primum Inhambanem attigere, in morbum incidere
ita grauem, vt Consalius omnium natura valētissimus,
oculorum acie vehementer hebetata fractisq; viribus,
propemodum extinctus sit. Vbi paulo melius habere ce-
perunt, ad urbem regiam Tongen iter intendunt; ibiq; Re-
gem vna cū vxore, sorore, liberis, cognatis, regniq; pro-
ceribus, populo deniq; pæne toto intra paucos dies ma-
gna omnium gratulatione atque lætitia sacro fonte lu-
strarunt. Rex Constantini, Regina Catherine, soror
Elisabetha nomen assumpsit. Inde Consalius Manomo-
tapam ire pergit, Socijs apud regem relictis, qui statim
eodem assumptioni MARIAE virgini sacram exadifi-
candam curarunt: quorum alter cum ex imbecillitate
corporis, calidam intemperiem diutius ferre non posset, redi-
re in Indiam est coactus: alter, Andreas Ferdinandus
nomine, amplius biennium in iisdem locis, quanquam
grauē

graui iam atate, versatus est. Et quoniam non modo regio infelix, & maxime sterilis, sed etiam incola, quos vulgo *Casras* appellant, inhumani & moribus asperi, ac monitorum impatientes fere sunt; *Andreas* & morbo frequenter implicitus, & fame graui saepe vexatus, in populis erudiendis colēdisq; multas minas & cōtumelias pertulit, magnumq; cum alias adiit vitæ discrimen, tum quibusdam praesertim diebus, cum *Casres* armati se ad ludos & sacra nefaria comparassent. cui spectaculo cum *Rex* ipse affuturus esset, cognitare *Andreas* eo se contulit, ardensq; amore Domini, ingens edidit facinus: apparatum omnem sacrorum suis ipse manibus ita disturbauit, atque dissoluit, vt pedibus etiam proculcaret. Dum hac ab *Andrea* geruntur, interea *Consalvus* *Mozambico* insula superata, *Lusitanis* circiter sex comitatibus, oram biremi legens, ad *Mafuta* fluij ostium, leucas nonaginta a *Mozambico* procefferat, cum atrox adeo repente coorta tempestas, vt magnam aquae vim acciperet nauis, omnesq; de se actum iam prorsus putarent, ingenua procumbente *Consaluo*, manibusq; & oculis sublati in calū suppliciter deprecante, sedatur atque comprimitur. Inde exscensione facta, die qui fuit *Diuo Hieronymo* sacer, plicatilis ara in ipso litore ad sacrificium exstuitur, ita vehementi *Solis* ardore, vt calceati *Lusitani*, ipsius quam pedibus calcabant terræ calorem ferre vix possent; *Consaluo* autem inter sacrificandum ex toto capite pustula erumperent: quas cum ad curandas medicamenta suppetere, praclaro sui ipsius odio incēsus cuncta repudiavit, seq; natura dumtaxat sanandum permisit, ac tempori. Triduum ibi morati, pergunt tranquillo mari ad *Colimanem* fluuiū. ibiq; rursum aduerso vento repente vexati, & in ipso fluuio subeundo valde periclitati,

clitati, ad Mingoaxanem Giloa regem amicum Lusitanorum contendunt, ab eoq³ benigne ac liberaliter accepti, facta etiam promulgandi Euangelij potestate, quoddam Rex tametsi Maurus, Mahometicos tamen ritus superstitionesq³ negligeret, & religionem Christianam toto suo regno disseminari magnopere cuperet: diutius tamē ibi non substiterunt, quod ad Manomotapā Regem festinarent, quo ad Christum adiuncto, finitimos reges longe viribus atque auctoritate inferiores facile ad eadem sacra perducī posse cōsiderent. Ex eo loco ad amnē ingentem Cuamam tendūt, leucas a Sofala triginta, ubi rursus periculosa procella in Lindem proximum sinum compulsi, tredecim dies steterunt: quoddam vero actuariū, quod a Mozambico eos caperat comitari, cum se ab ijs disiunxisset, postridie periit. A Linde cum ad Cuamam peruentum esset, in ipso introitu fluminis re diuina peracta Cōsaluus a Lusitanis comitibus petijt primū, vt quoniam fines Manomotapā ingredi inciperent, totū legationis suae negotium Domino suppliciter commendare ne grauantur: deinde vt equi boniq³ facerent, si reliqua tota nauigatione se, vt precibus vacaret, ab eorum conspectu atq³ consuetudine remonisset: in rebus praesertim grauioribus consulto potissimū Deo exoratoq³ opus esse. tum iubet in certa nauigij parte circa se pretendā cortinam, ibiq³ octiduo ipso delituit, cum semel tantum quotidie tostī ciceris pugillo, & exigua haustu frigida se se reficeret, & quicquid a precatione supererat temporis, in euoluendo libro consumeret, qui scriptas sanctorū continebat vitas.

Octauo igitur die, cum ad Senam (qui terminus nauigationis erat) venissent, vicum sane frequentem; ibi descensum est, nuntiusq³ a Cōsaluo ad Regem de suo aduen-

aduentu in intima regni missus. a quo dum responsum expectat, interim Christianos aliquot inquilinos a peccatis per confessionem absolutos, a turpi concubinarum consuetudine ad sacras nuptias legitimasq; traduxit, catechismum publice docuit, & e Lusitanorum seruitijs ibidem capta fere quingenta baptismo lustrauit. Regem etiam Inhamioris, Regis Manomotapa stipendiariū, tribus passuum millibus a vico Sena, cum aliquoties adisset, cohortationibus suis ita permouerat, vt se vna cum vxore & liberis quos habebat octo, libetissime Christianum fore profiteretur. Sed Consaluus, partim quod non habebat quem apud illum catechismi causa relinqueret, partim etiam ne Manomotapa Regis animum offenderet, si prius stipendario ipsius quā ipsi Christiana sacra imperisset, Inhamioris regem vt potuit consolatus hortatusque, vt ipse cum suis Dei bonitate fretus in suscepto consilio permaneret; totam rem in tempus aliud distulit. Iamq; alter mēsis effluerat, cum Antonius Caiadus Lusitanus, qui morabatur in vrbe Regia Manomotapa, Legatus a Rege ad Consalū aduenit Manomotapam perducendum. Consaluus sacrorum ornatu cum sacro latipide & calice in sarcinam colligato, sublatoque, in humeros, se in viam dedit. Cum ad fluuios ventum erat, qui multi in ea regione sunt, si quidē vado superari possent, quamuis ad iugulum vsque pertingerent, transibat, elata manibus seu capite sarcina: sin minus, vasi ligueo impositum per amplo Consaluum, natantes ipsi propellentesq; traiciebant Cafes. sub noctem natalē Domini ad Cheruchin pagum haud longe a Manomotapa ventum est: factumq; ter sacrum summa Lusitanorum animi voluptate. Inde Natalium feriarum octaua, cum vrbe Manomotapam introissent, misit confestim Rex qui Consaluum

saluum cum muneribus viseret, auri pondere ingenti, bou-
busq; permultis, & famulatu ad ministeria quotidiana :
quippe qui de Lusitanis mercatoribus iam ante cogno-
uerat, Consaluum non modo vita sanctitate virtuteq;
prastantem, sed etiam generis claritate ac nomine in pri-
mis esse cōspicuum. Consalvus gratijs actis, muneribusq;
repudiatis, ex ipso legato Regem cogniturum esse respō-
dit, quod genus auri, quāsve diuitias quasiturus in ea
loca venisset. Obstupuit ea animi magnitudine Rex, ve-
nientemq; ad se deinde Consaluum tanta gratulatione
& significatione honoris excepit; quanta neminem vn-
quā antea. Nam & in ipsa penetralia, quo nulli est ad-
itus, introduxit; & assidente matre, confidere Consalūū
etiam in tapete iussit, Antonioq; Caiado e conclauis ia-
nuā interprete adhibito, Rex quattuor continuo scisci-
tatur, quot fœminas, quid auri, prædiorum, boum deni-
que vellet, quos incolæ non minoris quā aurum ipsum
æstimare dicuntur. Cum nihil se præter ipsum Regem
respondisset optare, conuersus ad interpretem inquit
Rex, Profecto necesse est, qui nihil horum accipiat quæ
a cæteris tantopere adamantur, longo interuallo a reli-
quis distare mortalibus: & nihilo minus ad extremum
multa benigne pollicitus, amantissimis verbis Consal-
uum domum remisit. Vbi dum ille manere facit diui-
nam, e principibus quidam prætereuntes cum e foribus
aspexissent in ara propositam perelegantem MARIAE
sacratissima Virginis imaginem, quam in tabula de-
pictam ex India Consalvus aduexerat; specie dece-
pti ad Regem deferunt, Consaluum egregia forma
puellam apud se habere, hortantur vt ab illo deposcat.
Haud surdis auribus dicta. Misit ille confestim, qui
Consaluo renuntiaret, audisse se, illum vxorem secum
adduxif-

adduxisse, vehementer cupere, ut eam sibi sisteret. Tū Consalvus tabulam pretiosa veste inuolutam ad Regem affert. Cuius desiderium quo magis exacuat, antequam tabulam detegat, præsatur illam esse effigiem matris Dei, cuius in ditione ac potestate sint omnes Reges, & Imperatores orbis terra totius, tum denique tabulā aperit, Regis quoque matre præsente. Rex imaginem veneratus, Consaluum etiam atque etiam obsecrat, ut eam sibi largiatur, domi habere se velle. Libenter vero Consalvus annuit: quin etiam ipsemet in regio cubiculo collocat, ibidemq₃ quasi sacellum quoddā precandi causa peristromatis pretiosis exornat. Narrant qui inde venire Lusitani, noctibus deinceps circiter quinque, Reginā calorū ea ipsa specie quam tabula ostenderet, diuinā circumfusam luce, suauiq₃ splendore fulgentem augustissimo simul ac iucundissimo aspectu, dormitanti Regi astitisse. quod ille mane matri narrabat, rei nouitate vehementer attonitus, itemq₃ Lusitanis, qui rem statim Consaluo renuntiabāt. Postremo Rex Consaluum ipsum accersit, ait se mirum in modum angi, quod sermonem Reginae eius quā secum singulis noctibus loqueretur, non intelligeret. Cui Consalvus cum eam esse linguam diuinā dixisset, quam nemo nosset, nisi qui sacrosanctis eius Reginae filij legibus pareret, quippe qui DEVS esset, generisq₃ totius humani redemptor; Rex in præsentia quidem, si minus verbis, vultu certe ac significatione se Christianum velle fieri ostendit: bidui deinde spatio interiecto, per Antonium Caiadum Consaluo aperte denuntiat, certum esse sibi matriq₃ Christiana sacra suscipere: proinde ad se baptizandum quamprimum veniret. Consaluo tamen dies aliquot supersedere satius visum, dum Rex Christiana fidei praeceptis ac rudimentis imbuitur.

quibus,

quibus, cum satis iam operam dedisse videretur, quinto circiter & vigesimo post aduentum suum die Consalvus regem simul & matrem non sine solempni pompa & gratulatione baptizat. Regi, Sebastiani: matri, Mariae nomen est inditum. Eo ipso die Rex Consaluo, quoniam aurum respueret, boues centum donauit: ille ad Antonium Caiadum misit mactandos, ut in frustra dissecti distribuerentur in pauperes. Quam eius liberalitatem ac beneficentiam populus ingenti admurmuratione probauit atque suspexit. Regem imitati trecenti ferme e regni proceribus, Christo sese pariter addixere. Hi nunquam a Consalui latere discedebant. adferebantur etiam dona Consaluo lac, oua, butyrum, hœdi, aliaque id genus; quæ ille nec aliud genus carnis omnino gustabat; cocto dumtaxat milio quodam exiguo, herbisque, & syluestribus fructibus victitans. Iamque spectata vite morumque sanctorum studiaque salutis humane, tantam sibi summorum infimorumque benevolentiam conciliauerat, tantisque in omnium animis motus effecerat, ut in Christianam religionem vniuersa multitudo videretur incumbere; cum a Mauris quattuor potentibus & callidis viris, & apud Regem gratiosis, ipsidemque veneficis, damonis instinctu Consaluo parantur insidia. Auctor conspirationis fuit Mosambicanus Minguames Mauricæ superstitionis antistes, siue, ut ipsi appellant, Cacicius. Hæ Regi partim coram ipsi, partim per idoneum internuntium valde sibi dolere demonstrant, quod tantum in capitis regni que discrimen ultro se ipse demiserit. Consaluum, cui tantum fidei & honoris habeat, missu Proregis India, terrarum Sophalæ regulorum, ad explorandum Regis statum, sollicitandosque ad defectionem populorum animos aduenisse, ut motibus excitatis ipsi dein-

de infesto exercitu subsequuti, Regem opprimant. Addunt insuper fabulosa portenta, Consaluum veneficum esse teterrimum omnium, & sagacissimum, varia veneficia ac medicamenta secum attulisse ad incolarum animos occupandos, Regemq; mactandum. quicunque caput suum aqua perfundi paterentur, conceptis praesertim verbis Langariorum (sic enim Lusitanos vocant) a Consaluo pronunciatis, confestim volentes nolentes in eius potestatem venire: id ipsum alibi contigisse. proinde videret etiam atque etiam Rex quo progredereetur, cui se suaque crederet. Si Consaluum abire permittat incolumem, fore ut ciues mutuis inter se cadibus amētes atq; lymphati miserandum in modum grassentur atque concurrant. His aliisque id genus mendacijs onerato Regi, adolescenti praesertim, ac matri, facile persuasum est, ut Consaluum primo quoque tempore interficiendum curarent. Nec dum ea consilia eruperant, clandestinis agitata colloquijs; cum ad Antonium Caiadum Consaluus, Haud ignoro (inquit) mihi, nec imparato, mors instat ab rege. Caiado autem ita incredibilis visares, ut subridens prorsus negaret. iamque dies aduenerat necis, vel vita potius, qui dies natalis erat idem D. Susanna virginis martyrisque: Consaluus ab Antonio magnopere petit, ut Lusitanos duos tresve ad se confestim accersat. Confessionem (inquit) illorum tuamque simul excipere, & sacra Eucharistia hodierno die reficere vos omnino constitui: nec enim postea potero. Hos ille dum absentes euocat, Consaluus ad meridiem vsque praestolatus, cum non adessent, consecratas consumpsit hostias duas, factisque eodem die Christianis circiter quinquaginta, vestem ijs ad corporis cultum, rosaria ad precandum diuisit. Lusitanos vero sub vesperam redeuntes, confes-

onis Sacramento, quoniam Eucharistia non licebat, purgatos, mira vultus hilaritate animiq, tranquillitate animabat inscios quid Consalus conditum haberet in animo. Iisdem sacrorum apparatus dat in ades Antonij deferendum. ipse lintheatus cum effigie Crucifixi, domi remansit, reuertentiq, rursus Caiado, pectus hominis manulenter apprehendens, Antoni Caiade (inquit) profecto paratior ad mortem obeundam ego sum, quam ipsimet inimici ad inferendam: Regi autem ac matri libenter ignosco: Maurorum quippe artificijs ac dolis inducti sunt. Hac ille serena facie atque hilari cum dixisset, Antonius ab eo digressus, tametsi vix fieri posse putabat, vt Rex tam nefario scelere sese obstringeret; tamen, quoniam ex recenti quodam sermone, eius animus exulceratum, contra quam existimasset, offenderat; famulos duos ad Consaluum custodiendum ea nocte misit, a quibus ea quae sequuntur, accepta sunt: Consaluum, cum secus hospitium in area ad multam noctem, quasi e corporis custodia exire gestienti mora nimis longa videretur, ita citatis gressibus ambulasset, oculis semper intentis in calum, manibus modo sublati ad sidera, modo Crucis in figuram extensis, ducens ex intimo corde suspiria; suum denique tugurium subijisse, habitaque coram Christi simulacro oratione, quod vnu solatium illi supererat, in arundineum stratum decubuisse, & in somnum incidisse iustorum: id enim ex insidijs conspicati satellites octo circiter, ilico irrum-punt: in ijs barbarus nobilis nomine Mocrumes, qui saepe cum Consaluo conuiuuium inierat, iacentis pectus opprimit insidens: arreptum inde pedibus brachiisque humo tollunt alij quattuor: sublato collo, reliqui

duo funem iniiciunt, quo utrinque adducto, Consalvus expressam ex ore naribusq, magnam sanguinis copiam effudit, & spiritum simul DEO Domino reddidit. Tum vero CHRISTI simulacro sacrilegis manibus comminuto, defuncti corpus recte ligatū, attractumq, interfectores in praterfluentē Monsengeßem deiciunt, ne videlicet (quod Mauri consinxerant) cadauer ipsum tam malefici hominis sub dio relictum veneni sui tabe cunctos inficeret. Hunc habuit exitum pia Consalvi legatio: quo sublato, Rex eadem scuitia percitus Christianos pariter quinquaginta, quos ille exiremo die suo pepererat Domino, magistri donis exutos iubet occidi. Id simul atque cognitum est, regni proceres, quos Encosfes vocant, rei atrocitate permoti consensu conveniunt Regem, & aiunt: Si hominibus hisce mors iccirco debetur, quod aquam infundi capitibus suis a Consaluo permiserint; eadem & omnium nostrum, & vero tua quoque causa. Rex est, omnibus vno eodemque letho occumbendum. Qua denuntiatione repressus Regis furor cum aliquantulum resedisset, eum biduo post Lusitani quoque adeunt, docent quā graui scelere sese obligauerit: terrores insuper addunt, non Deum modo indignam innocentissimi viri necem debitis pœnis, sed etiam homines ipsos nobilissimi, bello atque armis ulturos. Ad ea Rex diligenter excusare sese, culpam in suos impulsoresq, reicere, magnum perpetrati facinoris dolorem ostendere, denique ut factis verba consentiant, e quattuor consiliarijs duos confestim interficit: nam reliqui duo, quorum alter fuit princeps nefarij consilij Minguames, rem odorati, mature diffugerant, qui tamen quod summa diligentia conquirebantur, nequaquam euasuri potentissimi Regis manus existi-

mabantur. Hisce rebus perlatis in Indiā, Antonius Quadrius ei prouincia pro Societate præpositus, id ipsum vehementer optante Prorege, idoneam nauigandi tempestatem expectabat, vt Socios aliquot Manomotapā mitteret ad capta promouenda, quæ felicem omnino progressum habitura sperabant, eius Ecclesiæ fundamentis tam innocenti castoq; sanguine positis.

MALACA.

IN Vrbe Malaca inter Mauros ethnicosq; posita, (auream Chersonesum antiquis aiunt fuisse) Societatis item Collegium Regis Lusitaniæ sumptibus alitur, iisdem & iuuentutis instituendæ, & promulgandæ Euangelij muneribus occupatum. Baptizatus est præter ceteros nuper barbarus quidam insignis vir nomine Bandara, iuri ethnicis dicendo præpositus. is multos e suis, ipsumq; filium vna secum ad baptismum adduxit, qui Christiana rudimenta sane breui ac feliciter didicit. Conuersus est etiam superioribus annis Iudeus quidam, qui ab ipsa vrbe Roma eo vsque contenderrat, in primis eruditus, multis concertationibus de religione cum Socijs habitis.

MALUCI REGIO.

IN Malucensi regione complures insulæ numerantur: quarum quæ Ternates vocatur, habet ipsa quoque Collegium frequens, ex quo in omnes illas prouincias operarij dimittuntur: quorum industria quamplurimæ ad Christum accessere. In ijs Bazani insulæ Regulæ, Regis Maluci gener anno 1558. Mauricis sacris desertis Christiana suscepit, ipse, fraterque eius, sorores tres, & spuria vna cum matre filia, affines præterea & cognati, & nobilitas vniuersa. Idē

finitimas insulas cum vno e Socijs circumijt ipsemet omnium ordinum viros, ac fœminas, ipsaque seruitia in Domini rete compellens. quorum longe maior vtique numerus fuisset, nisi periculoso morbo Socius oppressus, Ternatem inde viginti leucarum itinere se necessario recepisset. Agebat Rex eo tempore annum quintum circiter & vigesimum, & oris dignitate, & corporis agilitate conspicuus. nostratem, si paulo candidiori esset colore, dixisses. Baptismo magna ipsius ac suorum gratulatione peracto, Sacerdos noster paulo post rem diuinam fecit, cui tanta cum attentione cuncti affuerunt, ac tanta religione sacram Eucharistiam supplices adorauerunt, vt nequaquam tyrones viderentur in fide. Confestim etiam Mahometis phanum dirutum est. ea res in oppido Maluco, audita Lusitanis & ceteris Christianis ingentem letitiam attulerunt; quatum solemni supplicatione, tum bellicorum tormentorum displosione declarata est; Mauris contra tantum dolorem inussere, vt castrum Ternate Christianorum oppugnare confestim aggressi fuerint. sed frustra. nam & Lusitani, qui in praesidio erant, egregie se defenderunt; & rex ipse Bazani, offensionem soceri minime veritus, obses Lusitanis non semel subsidio venit. Anno vero circiter 1561. Amboinensibus quoque Christianis contra Mauros opem tulit, Deo valde propitio: classe quippe sex dumtaxat Caracorarum profectus (genus nauigiorum id est) cum ad expugnandum quoddam hostium oppidum descendisset, pœne ex insidijs oppressus a Mauris, qui eodem Caracoris quadraginta deuenerant, paucos admodum e suis amisit. Comitem expeditionis vnum e Societate habuerat, cuius brachium in eo pralio sclopi ictu vulneratum est.

Varijs præterea temporibus ad Christum adiuncti sunt
 e principibus, Elisabetha Regum Maluci Tidorisq³ soror,
 sœmina prudens, atq³ vna omniũ quotquot in yis erant
 insulis Maurorum, iuris Mahometici peritissima, quæ
 Francisci Xauerij disputatione victa, simul & in Chri-
 stiana religione ita cõfirmata est, vt exemplo suo ceteris
 ad virtutem atque ad officium praluceret, filij quoque
 ipsius, itemq³ Tidorensis regis cognati sex, e quibus vnus
 dynasta magnaq³ apud Regẽ auctoritate, in Tidorensi
 bello contra Lusitanos exercitum duxerat. is regẽ quoq³
 ipsum ad ecclesiam propediẽ perducturus existimabatur.
 Accessit ad hos magna sua cum animi voluptate atq³ læ-
 titia, Selebum quoq³ rex ipse, multiq³ ex eius regni pro-
 ceribus. Reges item Manadensium (quæ gens in primis
 bellicosa ac strenua totius eius regionis putatur) & Sia-
 norum, item regis Bengaiensium filius, & vniuersa pœne
 Cauripana nobilitas. Nam cetera multitudo tanto vn-
 dig³ studio certatim ad baptismum accurrit, vt Didaco
 Magaliano ex Societate eas insulas peragranti, ex oppi-
 dis sese obuiam mira alacritate descendenti ad litus ef-
 funderent, baptismum sibi liberisq³ suppliciter postulan-
 tes. quorũ optimis studijs cum propter paucitatẽ Sociorũ
 responderi non potest, tum propter asiduos Maurorũ fi-
 nitimorum impetus & insidias, qui Christiane religionis
 progressum omni ope impedire conantur. Iisdem in regi-
 onibus Alphonfus Castrius e Sociorum numero Lusitanus,
 cum annum iam vndecimum eam prouinciã summo
 labore administraret, gloriosam vtig³ pro Domino mor-
 tem Maurorum scelere oppetiit, anno post Christum na-
 tum 1558. Cum enim eo tempore Maluci Tyrannus
 Christianorum hostis acerrimus Ternatem obsideret, vbi
 captus a Lusitanis pater eius in custodia detinebatur, Al-

phonsus ex insulis Mauri Irim Insulam Ternati proximā
 naui petens, a nautis Mauris in Tyranni gratiam omni-
 bus primum vestimentis exiit: deinde pedes eius ma-
 nuq; crasso fune colligantur. dies quinq; ita vinctus in
 nauigio crudeliter habitus, atque inde ad collum eius
 graui admodum arboris viridi trunco ad instar iugi de-
 ligato, nudus exiguo tantum velo femoribus obductis
 sub dio constituitur, ibiq; interdū noctuq; relinquitur
 natura imbecillus, caliq; iniurijs quanquam leuibus, ve-
 hementer obnoxius: tunc autem magna corporis vexati-
 one & cruciatu multorum dierum spatio ibidem deten-
 tus prope nullo cibo, cum viuus iam custodiri posse nō vi-
 deretur, ne suo periret letho, violentas manus illi infer-
 re Mauri decernunt. Ille brachijs ad tergum reuinctis
 per asperas cautes aliquandiu ductus, appropinquante
 iam exitu vita, ad terrā sponte procumbit, lignoq; sibi
 subiecto, quod suspensum e collo gerebat, a Mauris ense
 conficitur. Corpus ab illis in mare proiectū, tertio post
 die repertum ibidem vnde proiecerant, insolito quodam
 radians fulgore, vulneribusq; ita recentibus, vt si ea tūc
 accepisset. quares eo admirabilior visa, quoddā estus ma-
 ris eo loco, fluminis instar est rapidissimus. Eius viri mors
 ipsis quoq; barbaris regibus dolori fuit. magna enim erat
 apud omnes nomen eius in admiratione. Regem quidem
 Geiloli Maurum, grauemq; Christianorum aduersariū,
 de Alphonfi exitu atq; animi fortitudine verbis honorifi-
 cis differentem ad eos qui aderant inter cetera ferunt
 dixisse: Quid simile nostri Cacitij? Nec vero Domi-
 nus tam iniustam necem, ne in hoc quidem seculo in-
 ultam reliquit. quippe ab Iris insula praefecto ac ma-
 gistratibus pro certo cognitum est, paucis diebus omnes
 non modo parricidas illos, sed etiā parricidarū propin-
 quos

quos vario ac miserabili mortis genere perisse. namq;
 alij foedissimis toto corpore pustulis enascentibus paula-
 tim excoriati horribiliter ululantes igne sacro consum-
 pti sunt: alij tormentis in bello discerpti: deniq; is etiam,
 qui abreptum Alphonfi vendiderat calicem, membris mi-
 randum in modum intumescens, vitam finijt. quos
 aiunt, sublatis ad sydera manibus, tum denique diuinum
 auxilium supplices implorasse.

REGIO MAURI.

Vltra Ternatem leucas 60. regio Mauri
 cernitur diuisa bifariam; altera pars in
 continenti est, & Morotia dicitur, octo
 Christianorum loca complectens: altera
 Morotai nominatur, constatq; duabus insulis, quarum in
 vna minore vici Christianorum tres anno post Christum
 natum 1552. in altera maiore, octodecim visabantur.
 Christianorum porro capitum numerus erat quinque &
 triginta millium: qui ex eo tempore maiorem in modum
 multiplicatus est. anno quippe 1563. Christianorum vi-
 ci sex & triginta fuisse dicuntur, & in ijs aliqui famili-
 arum ferme octingentarum, anno vero 66. ad septem cir-
 citer & quadraginta: qui nullos habent pastores magi-
 strôsve, nisi e Societate, cuius in ea prouincia non sine ma-
 gnis assidujs laboribus, atq; periculis in summa egestate
 versatur industria.

AMBOINI INSVLAE.

AD Maluci prouinciam Amboini quoq; terra
 sicuti Mauri pertinet, abestq; Ternate leucas
 80. Malaca autem (ex quo loco nauiganti-
 bus

D 5 bus

bus Malucarū insularum prima Amboinus occurrit) tre-
centas & quinquaginta. Christianorum pagi erant in ea
septem dumtaxat anno 1545. cum Franciscus Xaue-
rius eo se contulit : Sociorum deinde opera factum est, vt
anno 1562. plus triginta numerarentur. anno vero 63.
Christianorum plus decem millia facta : quo ipso tēpore
Socij ad alia oppida duo baptismo lustranda profectio-
nem parabant, incolarum circiter quadraginta millium.
Vni eorum Lucebata nomen est, cuius principes ad cete-
ros in proposito continendos iam baptizauerant. In ea-
dem insula est insigne oppidum Recaniue Maurorum : ij
a Mahometis cultu ad Christiana sacra conuersi, cum a-
lijs vitijs, tum illo precipue purgati sunt : multas habe-
bant singuli vxores, qui quidem per diuitias poterant.
nam in Amboino vetus erat consuetudo puellas a parenti-
bus in vxores dote persoluta coemere : id quoniam pauci
poterant, duplex inde sequebatur incommodum ; vt &
diuites multis nuptijs per libidinem miscerentur ; & pau-
peres vel calibem vitam agere, vel quas alij respuissent,
in matrimonium ipsi ducere cogerentur. Hic mos quan-
quam infimis pro virili adiuantibus, resistentibus ta-
men vi summa potentioribus, magna Sociorum conten-
tione sublatus est.

SOLOR, MACAZAR &c.

Macazaris ampla regio leucas 300. abest
Malaca, & spatij tantundem occupat am-
bitu. felix admodum terra, auriq; ferax et
sandali, & aquilani cuiusdam ligni odora-
ti pigmentiq; eius quod lacre vulgo appellatur, cuius tum
ad

ad pingendum, tum ad obfignandum vsus egregius: ita quippe materiae subiecta adhærescit, vt inde nulla ratione possit nec auelli, nec elui. Seruitijs multis, & omni copiarum genere abundat. Inde Malucum dierum octo, Amboinum vero ferme quatruidi est cursus. Primus in ea sese publice ad Christum adiunxit vna cum vxore ac liberis alijsq; compluribus Rex Supanorum, gener imperatoris cuiusdam opulentissimi, qui mediterranea plagâ illius incolit loca, vrbemq; præcipue Sedenrem maximam ac celeberrimam. hæc in plano sita, carnibus, piscibus, fructibusq; est referta. lacus est proximus multis nauigationibus frequens, copiosis vrbibus vndiq; cinctus, cuius longitudo leucas viginti, latitudo quinque circiter colligit, ple- nus varij generis pisciū. ex eo effluens annis, per mediterranea triginta dierum iter emensus in mare sese effundit ad vrbem orientis Maluum, cuius ora aiunt regem in primis potētem dominari, qui Lusitanorum amicitiam vehementer expetat. Alia est regio eodem Macazaris nomine, sed inferior. regem habebat cum alijs multis Christianū: cui de mortuo successit ethnicus frater, quem tamē aiunt cum suis omnibus velle fieri Christianum. Huic finitimus est Rex alius item Christianus, eius propinquus, qui doctores Euāgelij apud se habere percipit: atq; id ipsum ij populi fere vniuersi, cum alijs rationibus, tum vero miraculi cuiusdam nouitate permoti. cum enim Frāciscus Nunes Lusitanus nauarchus in ea loca venisset, membris ita debilitatis, vt non nisi furculis innixus ingredi posset; ope diuina repente conualuit, Crucemq; religionis causa de- fixit, ex qua eius rei monimentum furculas suspendit.

Solor aut, gradus octo cum tribus quadrantibus in meridie obtinens, leucas a Malaca distat trecētas. valde salubris est regio, multa circa sunt oppida. Christianos vero
habet

habet complures, quos ibidem Lusitani ipsi negotiatores aduene faciunt.

Anno quidem circiter 1559. Lusitanus quidam mercimonij causa cum eo venisset, Regem cum vxore ac regni proceribus baptizauit, ac deinde mortuus est. Rex autem cum Socios per litteras inuitatos propter eorum penuriam ad se venire non posse cognouisset, fratris ipse filium Regem designatum Malacam ad ipsorum Collegij rectorem cum mandatis misit, vt quoniam magistros ad se populumq; docendum legare non posset; heredem saltem hunc suum in adibus Collegij Christiana fidei preceptis ac doctrina institutum ad se deinde remitteret, qui doctoris apud eos populos munere fungeretur. Huic Laurentij nomen inditum est, & vt praestanti erat ingenio, precandi formulas, & Catechismum breui tempore didicit. Insinuat vero se in eam insulam Mahometica etiam prauitas. anno quippe Christiani 1559. tres quatuorve Cacitij ex oppidis Calecu & Bengala profecti, Meschitam Maurico more habere iam ceperant, barbarosq; multos eiusdem superstitionis infecerant labe, dum Christiani defunt, qui errantibus rectum salutis ac veritatis iter ostendant. Magno tamen labore Malacenses Socij effecere, vt Cacitiorum princeps ex ijs locis pelleretur in Indiam.

E regione Soloris ad tria millia passuum, permagna cernitur insula habitatoribus frequentissima, aliasq; habet vicinas. nullus ibi deorum cultus, delubra erant nulla. iatque illata Christiana sacra ita auide arrepta, vt rex cum omnibus optimatibus, alijsq; prater ea ducentis in vrbe regia Labonama baptismum suscepit, & concionatores pastoresque vehementer efflagitet ad ceteram multitudinem instituendam, ac baptizandam.

Ne Timorenses quidem insulani ab Solore leucis minus quadraginta disiuncti, religionem aut superstitionem habent ullam: gens totius eius tractatus maxime rudis. Solorem Timoremq₃, Malaca petentibus terræ Iae regnū occurrit nomine Panaruca, quod ethnicorum est vniuersum. ij multis Maurorum bellis vexati, vt impia Mahometis sacra susciperent, obfirmato semper animo restiterunt. ijdem Lusitanis admodum sese amicos demonstrāt, profitenturq₃, palam, se nullam nisi Christianam religionem legemq₃, Euangelicam accepturos. & sane vix dici potest, gentes illa pæne omnes, Mauris ferme exceptis, Christianam fidem quantopere sitiant. Cambaianum regnum amplum ac celebre, compluribus ibi a Dominicano quodam fratre, qui aliquandiu apud eos fuit, baptismo lustratis, Euangelicos ministros postulare non desinunt. eodem studio ac desiderio tenentur Macazarenſes, Amboinenses, Morotiani, Morotaienses, Bazanenses, Papuani, Bengaiiani, Selebes, Siani, Cauripani, Bolanenses, Manadij, Tidorenses, & vniuersi pæne Malucenses, Manomotapani, Inhamiorenſes, Giloani, Aethiopes, Ceilani, Trauancorenſes, aliaq₃, plurima nondum bene cognita, vel explorata nationes atque prouincia.

Insulam quidem aiunt esse leucarum circiter ducentarum, e regione Amboini, quo cum Lusitani aquationis causa descendissent; ab incolis vi prope retenti, & tum quidem capitum quattuor millia, deinde rursus amplius duo millia baptizare coacti sunt: atque inde abiere, quod miserandum in primis est, vna tantum elata Cruce, magistro ibi nullo relicto. Nec sane, cum in Christiana fide amplectenda ij fere quos diximus, populi faciles alacresq₃, tum vero in exercenda vel in retinenda segnes infirmive magna ex parte cernuntur. Multi aduersa va-

letu-

letudine, ac præsertim febrî vexati, ad templū confugi-
unt statim, & aqua piaculari seu benedicta, qua datur a
Socijs opera vt nūquam desit, epota, eadem ipsa hora sa-
nantur. Idem virtutis expertæ remedium Diuarensibus
est contra venenatos serpentium ictus. Bazanius neophy-
tus quidam, cum filij eius duo baptismo lustrati confestim
in febrim grauissimam incidissent, vna cum vxore ad sa-
cerdotem e Societate expostulatum accessit. Sacerdos
malitia demonis cognita, querit ex ijs, putarent ne filios
ob Christiana sacra susceptæ periclitari. Annuentes ius-
sit piacularis aqua paululum bibendum laborantibus da-
re: sanos statim futuros. Neque sefellere promissa. hau-
sta quippe aqua, eodem temporis vestigio discussa febrî ac-
fugata, magna & parentum gratulatione & sacerdotis
lætitiâ sanus vterque surrexit. atque in ijs regionibus
eiusmodi multa sæpe contingunt. Atiuensem vero popu-
lum recens ab impietate reuocatum, illa etiam res valde
roborauit in fide, quod cum antea infantes lethalibus
vesiculis erumpentibus vulgo perirent, postquam eo Chri-
stiana sacra illata sunt, diram luem illam magna sua
cum admiratione sedatam viderunt. In Amboino autem
insula, cum diuturna siccitate valde laboraretur, ex neo-
phytis quadam mulieres ad vetustiore Christianam
accedunt, rogantes qua ratione placare Dominum præ-
cibus & pluuiam salutarem exposcere debeant. Crux
erat a Francisco Xauerio, in litore posita. ad eam mu-
lierculas illa perducit. Cruceramis virentibus exornata,
solo scopis diligenter purgato, nixæ omnes genibus, Tu
(inquiunt) Domine, qui quibus indigeant rebus homi-
nes, quos tua ipse morte & cruciatibus redemisti, scis
optime, da nobis aquam; Christiana sumus. Mirum di-
ctū. Sereno tunc calo, coactæ momento nubes, tantam re-
pente

pente vim imbrium profudere, vt mulieres in Christiana religione magnopere confirmata potentiam Dei predicare non desinerent, factaq; manu, deturbatum ephano simulacrum, a quo nuper tanquam Deo pluiam supplices petere consueuerant, multis probris ac iurgijs laceratum atque confissum raptantes, in profluentem denique consensu proiecerint.

In pago quodam Socij templum exstruxerāt. id Mauri cum audissent, incolis renuntiari iubent, sibi certum esse, vel rerum suarum periculo exstructum apud ipsos templum incendere: continuoq; bellici apparatus rurem de industria dissipant. ijs terroribus ad Christianos perlatis, sacram adem lateribus suis oppositis defendere omnino constituunt. idque tanto omnium ardore, vt ipsi pueri puellaq; communi consilio vim saxorum iaculandis causa separatim vterque sexus in loca opportuna congereret.

Sed eo periculo, cum Mauri consilium mutassent, diuina ope liberati sunt. Vlate est eiusdem regionis vicus, qui quoddam in conspectu Maurorum est positus, habetq; trecentos incolas qui armis vti possint, assiduis pœne bellis implicitus est. Vnus e Socijs trimestri spatio apud eos versatus, narrat, eo tempore toto, quotidianis pralijs cum hoste certatum, ijsque Dei beneficio & Vlatensium pietate, fere secundis. vt enim viri in pugnam exierant; pueri signum Crucis ibi collocatum religiose petentes, positis genibus, percutientes pectora, manusq; tollentes in caelum, diuinam misericordiam, idque saepe iniussu, supplices implorabant. quo in numero erant, qui vix adhuc eloqui possent. Fœmina quoque detractos sibi lapillos & margaritas ad Crucem Deo offerentes, aiebant, Hec omnia tua sunt Domine: tu nobis ea dedisti: noli hoc oppi-

oppidum perire pati, Maurosque tuos inimicos, rerum nostrarum potiri. Quid mirum, huiusmodi fultos praesidijs Vlatenses, superiores fuisse? ydem inita aliquando pugna, cum e recenti pluuia tormentarius puluis igni resistens repente sclopos inutiles reddidisset; consternati animo, atque ope humana diffusi, cum ab hostibus admodum vrgerentur, multi gladijs & scutis humi depositis manus tollentes in calum, nixique genibus, Respice nos (inquiunt) Domine Christianos, & pro tuo nomine precliantes: fer opem: ne nos tua clementia deserat. Haud incassum missae preces, nulla accepta illatae clade, contra omnium opinionem exercitus vterque diuersi in patriam reuertere. Et ea sane gens esse dicitur miti admodum ingenio, & minime contumax, ac natura ad omne officium ac virtutem propensa. itaque magistros etiam eximio quodam amore prosequitur.

Alij eiusdem tractus pagani, e quibus nonnulli baptizati iam fuerant, cum infesta sibi Maurorum arma ob id ipsum imminere sensissent, e Socijs euocarunt, qui populum vniuersum baptismo lustraret, quod Christiani potius vitam sponte profundere, quam Mahometani libertatem retinere decreuissent. itaque duorum mensium spatium plus octingenti Catechismo instituti, & sacro fonte abluti sunt. Alij multi eiusdem orae Christiani, a Mauris, in quorum ditione habitabant, ad Mahometica sacrilegia sollicitati, patrijs fundis, adibusque relictis, cum vniuersa familia in Christianorum loca migrarunt.

Quilanenses autem, cum in montis iugo, vnius religionis causa obfessi a Mauris tenerentur, nullis vnquam periculis aut minis ad deditionem potuere perducere.

Nec minor fuit Homanorum in fide constantia, qui cum oppugnati ab Regis Maluci copijs aliquandiu forti-

ter restitissent, cum iam hostium impetum ac multitudinem sustinere non possent, trecentis pactolis, qui mille circiter aurei nummi sunt, transegere, ut Christianam religionem retinere sibi liceret. Quin etiam praefecti Homanorum filia ab hostium duce ad matrimonium inuitata (quod per eam putaret se facilius oppido potiturum) respondit fieri quidem posse, ut ad ipsum accederet, sed viua nequaquam. Iam Recanienses, in quibus bellatores mille numerantur, cum naues aliquot Maurorum ad eos venissent, minantes, nisi ad cultum Mahometis redirent (quem non plus anno ante reliquerant) validam Iaaui regis classem ad eorum excidium esse venturam; illi nequaquam ea denuntiatione deterriti, responderunt, se nec mortis, nec rei familiaris, nec patriae periculo, a vera IESU CHRISTI religione ullo unquam tempore discessuros; malle se in hac vita labores & vexationes, quam in altera, sempiterna subire supplicia. Interim Iaaui classis nauium ferme viginti infesta superuenit. Tum Recanienses, quod in humanis viribus haud satis praesidij cerneret, primo sane perculsi, deinde vero Sociorum praecipue cohortationibus animati confirmatique, certum sibi Dei subsidium polliciti sunt. Nec eos sane fefellit spes. naues enim hostium, cum oram Recaniensium legerent, atrox tempestas coorta fudit, atque disiecit. statimque Lusitanorum classis Recaniem magna omnium gratulatione peruenit. Inde cum assidue sese propter Christum vexari Amboinenses neophyti cernerent, communi fidelium omnium indicto concilio, decretum est, ut contra Maurorum impetus inuicem sibi cuncti succurrerent; publiceque polliciti sunt se omnino Christianos esse morituros. In ora aut Comorinensi, cum neophytus quidam regem barbarum, cui eanatio vectigalis est, vita sanctum lugere ethnico

ritu, barbāq₃ simul, & capitū recusaret abradere, directis bonis est a barbaris interemptus.

Anno vero Christi nati 1566. Christianorum Comorinensium navis Cocinum petens, a Mauris prædonibus capitur, statimq₃ sex e Christianorum numero primarijs viris iniecta vincula cum mortis minis, nisi a Christianis ad Maurica sacra deficiant. Illi vero se quidlibet per se suos respondent potius, quàm tantum sceleris admissuros. Mauri ubi se nihil proficere intelligunt, victos atrociter vexant primum, deinde, Agite, Cruces, inquit, (nam collo suspensas gerebant) ocyus auferte: ceruices præcidenda sunt vobis. Tum Christiani, Ecce, capita præsto sunt: Cruces, si vultis, vos ipsi detrahite: nos enim citius vtiq₃ moriemur. atque ita flexis genibus quinq₃ ex ijs obruncantur, egregiam ipsorum constantiam Lusitanis compluribus, ceterisq₃ qui aderant valde admirantibus. Sexto pepercere Mauri, qui Socijs Cocini deinde narrabat, se in eo discrimine intimum quoddam robur, atque virtutem contra terrores illos diuinitus sibi suppeditari sensisse. Circa Persicum finem anno a Deipara virgine 1554. Turcæ nauem cepere, quæ præter Lusitanos neophyti vebantur, Malauares adolescentuli sex circiter, & triginta, ab nono ætatis anno ad septimum vsq₃ decimum. Hos Mauri a Christo ad Mahometem traducere summa ope alternis blandiendo minandoq₃ frustra conati, ad verbera deniq₃ & varios cruciatus descendunt. Adduntur ad ceteram immanitatem atq₃ sauitiam stillæ adipis igne liquati. quæ cum tormenta, multasq₃ præterea iniurias, puerorum egregia virtus fidesq₃ contemneret; vi deniq₃ arreptum vnum ex ijs circumcidunt inuitum ac renitentem. quem deinde cum Mahometanum esse iam Turcæ dicerent, cauillantes atq₃ tentantes; ille vtiq₃ per-

negare, corpus tantum violatum esse, non animum affirmare: proinde se non minus Christianū esse quā antea.

Iam in ijs insulis, quas Mauri appellari iam diximus, ingens neophytorum numerus, quod susceptam religionem deserere nollet, patrimonijs spoliati, partim contumelia causa ipsimet sub hasta diuenditi, partim etiam perempti crudeliter sunt.

Illud vero quod in Amboino annis superioribus contigit, cum veterum utique martyrum illorum fide, ac fortitudine comparandum videtur, non modo quod multi neophytorum vici pro veritate Evangelica saepe direpti, omnes etiam incolae alicubi ad vnum crudeliter caesi, verum etiam quod plurimi a barbaris genere feritatis inaudito consumpti sunt. praefatos quippe viventibus brachiorum toros, ac tibiarum articulos inspectantibus ipsis igne torrebant barbari, vorabantque, paulatim cetera quoque corporis membra laniantes, quoad neophyti lento cruciatu confecti animam Domino redderent, quorum aliquot ad extremum usque spiritum, salutare illas voces IESVS, MARIA, exaudiebantur iterantes identidem. ut interim illos omittam, qui in acerbam seruitutem alio atque alio abducti sunt. atque hoc propterea maxime, quod a Mauris obsessi, Crucis signum (quod in singulis Christianorum vicis publice collocari consuevit) refixum, atque ad mororis indicium atra veste inuolutum, ne in Maurorum contumeliosas manus veniret, humi defoderant.

Neque vero eiusmodi euentus, atque pericula neophytorum dumtaxat propria, sed cum ipsis quoque eorum doctoribus (ne videlicet sit discipulus supra magistrum) communia sunt.

E Socijs quidam, dum in Amboino rem Christianam

fideliter administrat, Maurorum insidijs subinde appetitus, semel etiam domi flamma ab ijsdem iniecta viuis pœne combustus, veneno denique fertur esse sublatu, vir in excolendis tuendisq; neophytis, etiam contra barbarorum impetus ita fortis & impiger, vt ipsimet hostes eius animi magnitudinem admirarentur. idem in pauperes, ita benignus, vt cum ipsam quoque subuculam in eleemosynam erogasset, in extrema valetudine, quod nulla sibi vestimenta suppeterent, stragulo tectus ad Christianos de more visendos vicatim circumire non intermitteret.

Alius dum sibi commissam egregie tueretur ecclesiam, a Mauris aliquoties contumeliose tractatus, & fustibus cæsus, cum ad oppidum quoddam baptismi causa euocatus mari contenderet, vna cum ipso nauigio demersus est. Comes vero ipsius (vt hoc etiam obiter addam) agere ac periculose natans ad saxum allisus a fluctibus, in litus euasit, corpore lacerato, vt quadrupedis instar humi reptare cogeretur. in hunc ille modum cum vastas solitudines nullo prorsus obuio triduum peragrasset, in syluestrem denique incidit hominem, ex ijs quos Allisuros nominant, a quo sublatu in humeros, & ad pagum vsque Christianorum delatus est. Verum adeo humane fertur ab illis exceptus, vt ad eum visendum concurrerent vndique spectaculi miseratione collacrymantes, certatimq; cibum, ac vestes, & alia quacunque poterant, ad eum leuandum reficiendumq; conferrent.

Tres alij Socij Hispani anno post Christi natalem 1555. cum ex Europa in Indiam nauigarent, cumq; oneraria quingentas circiter ab vrbe Goa leucas in Syrtis incidisset, vectores plurimi, scaphis enaufragio raptim exstructis, litus incolumes tenuere. ipsi vero quanquam liberaliter inuitati, tamen ne in extremo illo periculo ce-

teram

teram turbam defererent, quam capere scapha nequie-
rant, ibidem certa sibi pœne morte proposita remansere
cum reliquis, & fame consumpti sunt. Antonius vero Cri-
minalis in Cisalpina Gallia Parmanatus, cum anno 1544
ad Franciscum Xauerium in opere subleuandum cum
Socijs aliquot in Indiam missus esset, vir spectata vita in-
nocentia, acrig³, studio Catholicæ religionis augendæ; a
Xauerio in alias regiones Euangelij caussa decedente,
Comorinensi Ecclesiæ vniuersæ præpositus est. quod ille
inunus in summa rerū difficultate, assiduūq³, belli tumul-
tibus amplius triennium alacriter obiit, cum semel saltem
singulis mensibus passuum millia amplius ducenta percur-
reret, idq³, pedibus fere semper nudis, noctem sæpe humi
transfigens, in quotidiano cibo potuq³, parcissimus. Is igitur
dum ad Remanancoris vada quæ appellantur, Cate-
chismo dat operam, subito affertur infestas adesse Bisna-
gensium copias. Erant in portu vicino parata nauigia, in
quæ ille si vellet, tuto confugere posset, multis præsertim
id ipsum hortantibus. Sed pastor, capitis sui cura præ ou-
um salute neglecta, puerorum ac mulierum turbam,
quod ea maxime opportuna iniuria videretur, ne in bar-
barorū manus magno cum religionis fideiq³, periculo ve-
niat, quanta maxima potest diligentia, insistit in naues
imponere. quo in officio dum suimet oblitus magno animi
ardore versatur, hostes interea superveniunt. Ille extre-
mo periculo animaduerso, spe immortalitatis plenus, ge-
nibus nititur, manibusq³, sublatis, confestim se in preces
effundit. Atque vnus quidem atq³, alter barbarorum ma-
nipulus illæsum Antonium præterit mori cupientem, ne di-
reptum ac dilaniatum Christi gregem aspiceret. Bada-
garum vero (sic enim e Bisnagensibus aliqui appellātur)
altera succedēte caterua, vittatus quidā ex ijs in leuum

Antonij latus iuxta alienem hastam adigit. Accurrit alius statim ad spolia detrahenda, attritam videlicet tunicam. Antonius vero exuētē vltro adiuuat, quin etiam, vt secum videlicet e mundo nihil prorsus auferat, interiorem quoq₃ subuculam raptim suis ipsemet manibus discerpit, ac projcit. Inde iterum supplex prouolutus in genua, consuetudinis suæ non immemor (id enim illi cum iaculatoria precatōne viciēs triciēsve solenne quotidie fuerat) vulnera deinceps in pectore duo, quartum denique in humero cum accepisset; in latus concidit moribundus. Caput abscissum, & vna manantem subuculam sanguine barbari ex alto suspendunt: truncus ibidem nudus, inhumatusq₃ relinquitur. Atq₃ hanc quidem laborum suorum vigiliarumq₃ mercedem ac præmium summo Dei beneficio tulit Antonius. Aloysius vero Mendes cū in eadem ora ijsdem ferè muneribus vacaret, ab iniquis atque impijs iugulatus est.

Atque his tot tantisq₃ terroribus periculisq₃ propositis, magno animorum studio certatim eiusmodi prouincias expetunt Socij, propterea credo, quod cum officium sequuntur, tum inter eas difficultates, & incommoda quotidiana, ab omni fere seculari vel humana delectatione seiuncti, summa Dei benignitate liquidissimis voluptatibus, quas caro sanguisq₃ nō percipit, gaudijsq₃ celestibus, ad quæ nunquam adspirat animalis homo, sæpenumero perfruuntur. Illud vero eos vehementer angit, quod propter ipsorum paucitatem atq₃ penuriam, agri quamplurimi, qui adhibita cura felices ac nitidi opimam virtutum omnium fugem ferre potuissent, vel steriles atque horridi miserabiliter iaceant; vel etiam aliquandiu subacti, cum propter ingentē occupationū mole suis temporibus ab se recoli nequeāt, paulatim deserti, aliquando syluescant.

ueſcant. vni quippe interdum operario et ei quidem non-
dum ſacerdoti, multa hominum millia Dei verbo paſcen-
da, regendaq; varijs locis incumbunt, multisq; ampliſſi-
mis in regionibus, miniſtri Euāgelici niſi e Societate nul-
li verſantur. ipſi autem iccirco adeſſe vbique non poſſunt,
quod eorum numerus cum in vniuerſum exiguus eſt ipſe
per ſe, tum per Europam vniuerſam vltimosq; Occiden-
tis, & Orientis fines ita longe lateq; diſperſus, vt mirum
ſit, terras ita multas, tantog; interiacentis Oceani ſpatio
inter ſeſe diſiunctas, non dico Euangelio colluſtrari, ſed
curſibus peragrari tam breui tempore potuiſſe, a religio-
ſis præſertim viris ex aſidua corporis & animi patientia,
ac voluntaria paupertate, fere ſemper incommoda va-
letudine vtentibus. Quo magis iuſtum & pium deſideri-
um ipſorum habendum eſt, cum in tanto tamq; ſalutari
opere quamplurimos adiutores exoptant, ne ſcilicet v-
berriſſima animarum ſeges, quam e ſacrilegis ereptam
diaboli manibus iam pridem oportebat, vna meſſo-
rum inopia, videntibus atque inſpe-
ctantibus ipſis intereat.

F I N I S.

E 4 DE



DE REBVS INDICIS

EPISTOLARVM LIBER.

ORGANTINVS. BRIXL-
ensis fratribus Romani Collegij So-
cietatis IESV, gratiam & pacem
Christi Domini, &c.



NON eram nesci-
us (fratres mihi
carissimi) quàm
grata vestris au-
ribus accidere so-
leant ea, quæ de
nostrorum homi-
nùm laboribus at-
que periculis ex
India perferun-
tur ad vos. Quo-
circa prætermit-

tere nolui quin ex ijs quæ hoc anno præcipue contigerunt,
nonnulla perscriberem, præsertim vero felicem Francisci
Lopis obitum, qui vna cum fratribus nostris duobus, ante
vnum mensem, pro constanti Catholica fidei confessione

a Mauris

a Mauris interfectus est: vt simul intelligatis & quantopere diuino subsidio vestrisque depretationibus egeamus, & quæ maxime requirantur in eo, qui Indicam hanc expeditionem atque prouinciã expetat.

Illud igitur primum: Patres duos, Ramirem & Alcaram e vita migrasse (quos ignota quapiam in regione viuere putabamus) hoc anno demque pro certo cognouimus. Ii, ante biennium Iaponis insulam petituri, onerariam quandam in vrbe Cocino conscenderant, sane inuiti, vel quodd nauicularius vir potens, nimia lucri cupiditate, mercatores in suam vnus nauem merces imponere per vim & iniuriam cogeret: vel quodd ob id ipsum nauis iniusto pondere pręgrauata pressaq, interitũ haud obscure denuntiaret. Verum, vt æque clemens ac iustus est Dominus, sacerdotes hosce duos permisit in eodem versari discrimine, quorum officium ac pia sedulitas tot mortalibus per confessionem sacram expiandis cõfirmandisq, in extremo spiritu non deesset. Secunda nauigatione Malacam vsque delati, atque inde cursu in Sinas directo, cum iam in Sionis peruenissent sinum; atrox repente procella cooritur, eo vento excitata quem Typhonem appellant. Is, ex Occidentali plaga violentus erumpens, & rapida vertigine circa horizontem rotatus, assiduus incrementis horarum circiter viginti spatio circulũ conficit: impetu horribili seuisq, turbinibus vasta illa æquora vehementissime commouens: decumanis vndiq, fluctibus insurgentibus, qui inter sese velut arietantes atque collisi, omnem salutis spem nauigantibus adimũt. Ad hanc igitur tempestatem adeo periculosam, cum ingens etiam oneris iniqui pondus accederet, solutis carinæ cõpagibus totam nauẽ æstus absorpsit, sic vt nulla plane reliquie superfuerint. Erat in eodẽ cursu iuncus (one-

varia Sinensis est genus) qui singulari Dei beneficio portum tenuit. ex eo deinde cognitum est, nauem, cum imminentis exitij signum aneo tormēto frustra dedisset Sinis, proprio metu laborantibus atque sollicitis, paulo post haustam fluctibus apparere desisse.

Perculit casus is vehementer India populos: nam & aureorum quadringentorum millium, & permultorum hominum damnum est factum, complures etiam viduae atq; inopes relictæ mulieres. Neque vero, humana ratione rem astimantibus, eius incommodi pars minima peruenisse videtur ad nos: duobus e Societate nostra viris amissis, quorum opera magno rei Christiana vsui in hisce regionibus esse procul dubio potuit. quamquam speramus illos eo migrasse, vbi vel maiori esse nobis auxilio suis apud Deum suffragationibus possint: neque enim parui ducendum est, in eiusmodi causa pro Christo laborantes, e vita excessisse.

Periculo simili perfuncti sunt etiam Andreas Ferdinandus, & Ioannes Cabralius: alter Sinas, alter e Sinis Iaponem petens: quorum vterque asseuerat pro miraculo haberi, si quis Typhonis violentiam effugiat, præsertim vero, si totam noctem sauire perseverauerit. itaque in tali re, nautas, desperata salute corporis, ad vota potius quàm ad armamenta; ad expianda peccata, quàm ad humana remedia solere conuerti: quippe non modo vela vis venti dilacerat, diffingit malos, & quicquid exstat ex aqua dissoluit: sed etiam ipsa nauigia (præsertim si minus onusta sunt) arrepta, & interras vsque longo tractu contorta affligere dicitur. Occupat autem ventus hic marium quicquid est Malacam inter & Iaponem insulam, frequens a mense Maio vsq; ad Septembrem, quo maxime anni tempore hæc maria nauis-

nauigantur. Vos itaque, fratres carissimi, qui Sinensem hanc & Iaponicam expeditionem Christiana fidei propaganda gratia optatis, comparate vos ad mortem in itinere obeundam, sicuti obiere duo illi priores: & contra, putate vos iter incolumes posse conficere, quemadmodum posteriores hi duo, quos diximus, confecerunt. qui in hisce versatur orbis terrae partibus, huic nihil minus quam de tuendo corpore laborandum est: ea quotidie vite pericula occurrunt. Et sane ita constitutum & affectum animo quemque esse oportet, mortem vt omnino contemnat: nimius quippe metus, & cura corporis, spiritalem & nostrum & aliorum profectum haud mediocriter impedit: quod in se quisque re ipsa experi-ri & cognoscere facile poterit.

Anno proximo, Franciscus Viera Goam e Maluco veniens, cum paululum processisset, nauis in Syrtes & scopulos incidit. factoque naufragio, mari sese commisit imperitus homo natandi: & bis ad ima demersus, ab vrinatoribus denique seminiuius ad litus extrahitur: quo cum ceteri quoque comites fere omnes, aliqua etiam parte commeatu tormentorumque recepta, se contulissent; nouum eos periculum confestim excepit. cum enim incolae Mauri a Lusitanis hostiliter disiderent, magna eorum manus ad eos trucidandos accurrit: sed nostri in locum natura munitum sese receperant, cuius opportunitate, itemque tormentorum usu, ab hostium incurfibus tam diu se defenderunt, quoad nauis alia Malucensis ereptos eo periculo Malacam abduxit. Multa Franciscus capitis pericula narrat, quae nostra Societatis homines in Malucis insulis fere quotidie subeunt: mira etiam de neophytis praedicat, qui eo praecipue anno Christiana fidei

fidei caussa crudeliter oppugnati, magna etiam ex parte varijs cruciatibus interfecti sunt: cum quidem mulieres ipsæ filiolos partim sinu complexæ, partim manu trahentes, opulentis instructisq; domibus consulto relictis, per sylvas errarent, ne susceptam recens Christianam religionem abiurare aut deserere cogerentur: aliæ vero una cum liberis, in Iesu Christi confessione fideliter persistentes, gladijs impiorum occumberent: multi præterea adolescentuli, eiusdem fidei retinendæ caussa, ingentia maris spatia transcerent, ex insula tranātes in insulam. Atq; etiam illud, idem Franciscus addebat: quo tēpore Maurorum metu, post naufragium sese munito illo quem diximus, continebant loco, eodem contendisse pueros, non plus decimum aut duodecimum agentes annum, qui noctu natantes, veriti ne per imprudentiam iaculis peterentur, clamarent: Ne librate, ne librate: Christiani sumus: quorum constantia nostri ad lacrymas vsq; permoti, & ceterorum quibus opem ferre non poterant calamitatem miserati, eos in comitatum suum gratulantes acciperent: Quin petitis, fratres, vt vitam vobis in hisce regionibus ponere liceat, quoniam quidem ipsæ mulierculæ puerique ad mortem pro Christo obeundam exemplo suo nos prouocant?

Qui e nostris in ora Comorinensi rem Christianam procurant, ijs grauissima impendēt periculatum a Mauris, tum ab alijs ethnicis, quos Badagaas vocant, regionum vectigalium exactoribus. Est etiam in primis importunum & contumax genus hominum militarium, qui Naires vulgo dicuntur. Ex ijs quidam iuri dicundo præpositus, cum in templo nostro forum ageret; Andreas Ferdinandus (qui in Romano isto collegio quondam versatus est) indignitatem rei non ferens, Maurum inde

amouere omnino constituit: ad eumq³ conuersus: an tu facile patiaris (ait) eiusmodi munera in vestris phanis exercere Christianos? respondit ille: nequaquam. Rursus Andreas: ita ne vero? delubra vestra demoni dedicata, nulli functioni quæ vobis minus decora videatur, patere permittitis: nos nostra tēpla vero Deo ac Domino consecrata per summum scelus profanari ac pollui negligemus? tum acriori etiam spiritu: Apage, inquit, apage te. Atque hac increpatione permotus barbarus in præsentia excessit ille quidem, sed paulo post, vt erat animo elato ac superbo, doloris huius impatiens, armatorum plus centum coacta manu redijt vt Andream occideret: quasi vero non vnus in id facinus foret satis. Andreas autem, cognita re, neophytum comitem suum, ne quid primo illo impetu caperet detrimenti, magna festinatione in templo conclusit: ipse pro foribus, innixus arundine constitit, mortem expectans. & Mauri quidem arcubus & sclopis instructi cum adessent, hortati se inuicem ad manus Andreae inferendas, ibidemq³ satis diu morati (ex quo diuinam prouidentiam in Andrea tuendo facile intelligas) denique re infecta, nullo plane resistente, discedunt, hominem prorsus intactum atque illa sum relinquant: ille vero, eiusmodi euentu erectus & in ea sententia confirmatus est, placere Deo, vt ethnicorum illa improba iuris dicundi consuetudo e sacris adibus tolleretur. itaq³ rem magno conatu aggressus, quod voluit ea tota regione perfecit. Idem cum neophytum, qui a baptismo sese Mauricis ritibus contaminare non dubitauerat, in custodiam tradi iussisset: pagani ij apud quos neophytus piaculum illud admiserat, publicis nuntijs ab Andrea petūt vt hominem eximat e custodia, liberumq³ dimittat. aquū esse negat Andreas. Illi iterum ac tertio re-

petunt,

petunt, mortem in super minitātes. cum nihilo magis flecteretur, facta manu in hominem ire constituunt. certior sit ea de re Andreas a quibusdam Christianis momentibus ut nescio quo se recipiat: verum ipse recusat, utrumque locum inquiring hostibus aque esse obnoxium. Tum e Christianis quidam: Vis ne, ait, pro tua defensione populus ad arma concurrat? Nequaquam, respondit. nauigium vos mihi dumtaxat in fugam, si opus erit, instruite. Hæc verba dum fiunt, ecce tibi repente magna hostium multitudo superuenit: qui cum Andreā aliquādiu circumstetissent (mirum dictu) eo ne asperioribus quidem verbis compellato, nedum occiso digressi sunt.

Pagus est alius Maurorum, qui, cum acre incensumq; Andream studium Christianæ fidei propagandæ ferre non possent, communi consilio cum primum illac ei transire contingeret, ipsum e medio tollere decreuerant. verum simul atque eo peruenit, tanto eos terrore Dominus percussit, ut quasi cum ingenti exercitu in oppidum irrupisset Andreas, ita sese omnes abderent, nec apparere quisquam auderet in publico.

Hæc, ut dixi, atque alia huiusmodi pericula in eo tractu sunt pœne asidua: ut nostri imminentibus hostibus, loca sæpe mutare, sæpe etiam lintres conscendere, atq; in mari pernoctare cogantur. Maurorum est natio, quos Malauares nomināt. ij ferme piraticam exercent, Christianis maxime infesti, quod multam et Societate nostra senserūt. Petrus Vaes una cū Socio missus Dæmonem (qui locus ab vrbe Goa distat passuum trecenta millia) pœne itā absoluta nauigatione, quinq; Malauariū biremes obuias cum vidissent, q̄ celerrime ad litus appulso nauigio, cum reliqua nauali turba vectoribusq; descendit: nec
tamen

tamen ita maturare licitū est, quin Malauares extremum agmē assequuti, viros aliquot feminasq; perimerent. Nostri duo non tam pernitate corporis, aut robore (triduana praesertim inedia & valetudine prope confecti) quā singulari quodam Dei beneficio praesentiq; ope, ex hostiū elapsi manibus, imminente iam nocte ignotis inuijsq; se itineribus ac saltibus commisere.

Augebāt metum hinc indagantes piratae, inde incolae Christianis infensi. cumq; totā fere noctē errasset, deniq; labore ac defatigatione victus Alfonsus in itinere substitit, sociumq; cōpellans: Mihi quidē, inquit, harū gentiū feritatē (quoniam sic placet Deo) diutius euitare non licet. Tu tibi, frater, ipse consulito. Interea se dies aperit, armatorū aduentantiū manipulū aspiciunt: haud dubiū rati sibi eadem imminere, ad preces, vt in re tali, consurgunt, ambo sese victimas offerūt Deo. Sed res cōtra quā putauerant, cecidit. nam Brachmanes quidā eius regionis in primis opulentus, descēssione piratarū audita, ad nostros conquirendos periculoq; eximendos, eam armatorum manum vltro dimiserat. ij sublatum in humeros Alfonsum, pone sequente socio, ad Brachmanem perduxerunt, qui eos liberalissime exceptos, cibo somnoq; refectos, datis etiam praesidij causa comitibus, liberos Damonem abire permisit. Eximiam huiusce Brachmanis (in tanta praesertim barbaria) humanitatem ac beneficentiam Dominus pro sua benignitate compenset. Idem Alfonsus Damone Goam reuertens, in piratas denuo incidit, verum euentu meliore, quippe a Christianis praelio commissio biremi vna, celocibus duabus pradones exuti sunt.

Petrus quoque Martines hoc anno Bazainū ex obedientia nauigans, in hosce Malauares incidit: a quibus procul

procul dubio captus esset, nisi egregie instructū, quo vehēbatur actuarium, medios hostes felici conatu atq; impetu perrupisset: quæ tamen res, haud omnino cessit impune: etenim Nauarchus noster in ipso transitu grauius a pradonibus ictus est.

P. vero Dionysius hoc item anno tendens Cocinum, cum ex itinere Mangalorem attigisset, ubi tum castris positis Lusitani urbem obsidebant Regina cuiusdā Christiani nominis inimica (quam urbem deinde captā euerterunt) rogatus ut descenderet ad militis confessionem audiendam periculoso vulnere laborantis, cum iam esset in litore, barbari nec opinantes Lusitanos magna vi repente adorti, nonnullos etiam qui erāt cum Dionysio occidunt: ipse ut se ad actuarium reciperet, nō minori periculo in mare se proijcit, natandi peritia nulla, mortiq; presenti quorundam ope substractus est.

In eodem exercitu versabatur cum vno Socio Ioannes Franciscus Stephanonius. is præter quam quod militum confessionibus audiendis, cum res exigeret, operam dabat, sæpe etiam hostium telis caput obiciebat suum: quippe qui, quotiescunque certandum esset, in primis ordinibus imaginem præferēs Crucifixi, militibus cohortandis insisteret: circa quem pugnantes cum caderent plures, incolumem semper eum diuina prouidentia præstitit.

Naues Christianorum duæ cum Ormutio (quæ vrbs in Arabico est sinu) soluissent, in Malauares inciderunt, quarum altera capta est: altera Dei beneficio effugit, quam Petrus Touarius cum Socio vno conscenderat.

Iam vero tres alijs nostris, in ijs Melchior Nunnes, Goa Cocinum versus profecti, circa mediam nauigationem Malauaribus hisce piratis occurrūt, qui celocibus ali-

aliquot, & hippagine equis onusta, quam de Christianis antea ceperant, onerariam nostrā aggredi non dubitarunt, in primis totius Indie grandem ac validam. Sed non paruo ipsis ea stetit audacia: victi quippe fusique sunt, multis ipsorum in praelio cesis: hippagine etiam a nostris recepta. Nimis longum faciam, si cunctas eorum insidias persequar, quas nemo nostrorū hoc anno expertus non est, cui quidem hac maria nauigare contigerit.

Salsetana insula in proximo sunt, in quibus ethnicorū ducenta, Christianorum duo circiter millia numerantur, in ecclesias quinque descripta, quibus in singulis bini et Societate rem Christianam administrant. Has porro insulas euripus bene longus a continenti disjungit. in euripulitore statio quadam est, ubi a prateruentibus etiam viatoribus Salsetani barbari vectigal per summam iniuriam exigunt. eo cū peruenisset vnus ex decē ijs, quos in ea dicepsi versari diximus, paucis neophytis custodie caussa comitantibus, vt e Socijs quendam inuiseret, Maurorū actuariolis permultis, breui tēporis spatio circumuentus est. Ac primo quidem sat molli brachio de nostris conqueri incipiunt, quod in transitu ad portorium soluendū appellere negligant: deinde, cum sacerdos mercatorem se negaret esse, nec huiusmodi oneribus obnoxium; irati nauigiola sensim applicant, neophytorū arma nonnulla surripiunt, sacerdote ipsū iniectis manibus vi conātur abducere: quod ubi minus e sententia cessit, vniuersam denique, feritatem ac malitiam expromit: contis, iaculis, lapidibus hominem petunt, ingenti arrepta parma se protegentem, neophytis etiam egregie propugnantibus. quorum vnus, cum iam eius loci praefectus grauem ictum in caput sacerdotis libraret, aliam nullam cernens defendendi rationem; ex arcu quem habebat adductū, emissā

repente sagitta Maurum traiecit: is continuo moribundus in mare delabitur, tum ceteri se recipiunt, sacerdote ex altera parte semiuino relicto, parma (cuius munimento seruatus est) locis compluribus perforata. Eo casu cognito vicini Brachmanes in subsidium frequentes accurrunt, & quadam quasi lectica e lignis ac linteis raptim exstructa, exceptum hospitio sacerdotem admirabili & insolita quadam humanitate, quibus possunt medicamentis curant, deinde vehiculo satis commodo impositum, ad ipsius adem, ut inde Goam transueheretur, deportant: Goam demum delatus ex vulneribus ager, dies amplius quadraginta decubuit. Atque iam antea ille ipse praefectus alios tres e nostris ibidem interceptos domumque suam abreptos, multis probris, contumeliisque vexauerat.

Nondum vigesimus agitur dies, cum ibidem Balthasar Gagus est captus. atque is ad urbem Pondam in regni interiora perductus, à Mauris Praefecto regio sistitur. Expostulanti quoddam vectigal sibi non solueret, & quadam alia querenti, Balthasar satisfecit egregie. Tum ad Christianos quosdam iussus diuertere, incolumis ad nostros postero die remissus est: nimirum propterea quoddam Prorex India cognitare statim omnes huius insulae exitus custodijs occupauerat, edicto proposito ne quis omnino Maurus abire permitteretur: multo etiam vehementius acturus atque seuerius, ni Gagus tam propere dimissus fuisset.

In eadem Salfetana regione Gagus in latrones cum incidisset, summo Dei beneficio manus eorum effugit: quoddam sclopus iam in ipsum intentatus, flammam e fomite non arripuit. Hoc vero tempore ea loca Mauris ethnicisque alijs grassatoribus admodum infesta nuntiabantur, magno

magno utique nostrorum periculo: quos tamen (ut speramus) Dominus pro sua clementia proteget. Prorex etiam, quo die hæc scripsi, militum cohortem ad eos fines tuendos miserat.

Iam vero de Francisco Lope nostro quid dicam fratres? de cuius obitu, e magistri Melchioris epistola, regionibus illis pro Societate Præpositi, sic accepimus. Idoneam nactus nauem, & cum ceteris rebus, tum vero epibatis nautisq; plus centum instructam, una cum fratribus, eiusdem Melchioris iussu conscenderat. iter vnius diei prouecti, postridie in Malauarium celoces quindécim incidunt. pugna committitur, quam nostra nauis, ut erat egregie ornata, ad vesperam vsq; fortiter sustinet. ad extremum, intentis in prælium Christianis, tormentario pulueri casu quodam ignis admotus adeo vehemens excitauit incendium, ut primo impetu, superiore nauis parte diffracta, homines aliquot in mare proiecerit. quo viso Mauri nauigia propius admouent, partim ut nantes excipiant: partim etiam ut aliquid, si possint, ex onerum reliquijs rapiant. sauebat ignis interea, multisque iam partibus comprehensis, oneraria instar fornacis ardebat. Vectores ac nautæ, pro ut, ad quemque ignis accesserat, ita se quisque e nauis præcipites dare: cum vita seruitutem pacisci. nostri quattuor, etiamnum in angulo, quo nondum flamma peruaserat, continere sese, & preces ad Dominum fundere, incerti quod potissimum optarent exitij genus: quippe, si eodem loco persisterent, iam iam deslagrandum: sin mari se crederent, vel aquarum vi moriendum sibi esse cernebant, vel hostium certe iaculis, nisi vellent in ipsorum potestatem venire, quos a Societate nostra præsertim, capitali odio dissidere non ignorabant. cum diutius deliberassent, rem totam deniq;

Dei bonitati committere, ac ceteros imitari constituunt. dum igitur in alto iactantur, Franciscum e tonsura capitis pro sacerdote cognitum ilico Mauri in celoces accipiunt, certi hominem aut vita priuare, aut a Christo dissiungere. quærunt ex eo proinde, velintne, Christo deserto, Mahometem sectari: ego vero nequaquam, ait egregius Christi miles. instare illi acrius, eademq, ni pareat, strictis intentare mucronibus. at ipse fortioribus etiam oculis, eadem illa respondit. qua viri constantia ad rabiem cōcitati ac furētes barbari crudeliter hominem contrucidant, ille præclaro nobis vera virtutis documento relicto, demonis victor migravit ad Dominum. Huiusmodi triumphi ad sacrosanctæ fidei amplificationem vtinā Dei benignitate quam plurimis nobis obtingant.

De reliquis, duo, vel eundem exitum sortiti, vel inter natandum lanceis confossi putantur. id autem ex eo conijcitur, quodd' omnium captiuorum indicem, seu catalogum accepimus, in quibus vnus dumtaxat numeratur e nostris: quocirca duos, vt dixi, mortuos arbitramur. M. Melchior ab eodem loco abest propius. is totum euentum clarius fortasse cognouerit, Romamque perscripserit.

Restat quartus, Antonius Dionysius nomine. hunc ad terram enatantem pradones cur diutius persequerentur, non fuit: alij quippe iam in litore ad pradam parati constiterant: a quibus Antonius, quæ gentis est impudentia & immanitas, omnibus etiam interioribus vestimentis exutus, in oppidum quoddam abreptus est. Hunc Mauri adhuc ignari quisnam sit, in vincula catenasque coniectum ita benigne tractare dicuntur, vt nudus humi cubet stragulo culcitraue nulla, non plus scutellam oryzae quotidie in cibum accipiat. sed eum Goæ propediem afforespera-

ſperabamus, quādoquidem in redemptionem eſt iam curata pecunia.

Nunc quoniam tum ex hiſce difficultatibus & incommodis, tum ex alijs, quæ ad vos e Iapone fortasſe perſcripta ſunt, ſatis vt arbitror intelligitis, in hæſce India regiones venire, aliud eſſe nihil, niſi doloribus mortiq̃, Chriſti Domini cauſſa vltro offerre ſeſe; modum epiſtolæ faciā, & alia pericula ſilentio prætermittam, quæ maiorem etiam animi virtutem roburque deſiderant. Illud vos tantum rogo, & per cōmune omnibus nobis beneficiū huiusmodi noſtræ vocationis obteſtor: vt pia quadam abdicatione rerum omnium (non omiſſis interim aut neglectis ijs, quæ veſtræ fidei curaq̃, commiſſa ſunt) expetatis ardentè, Deumq̃, aſidue deprecemini, vt liceat vobis ad animas veſtras & corpora eidem immolanda, in hæc loca contendere, vtiq̃, ad id ipſum in primis accommodata. Quod vt impetrent pauci, non parum tamē omnes ea petitione profecerint. etenim ſi Dei thronum atque præſentiam frequentare, caput vitæq̃, veſtram pro ſalute animarum ei deuouere non deſieritis; proſpecto veſtra ille ſtudia non modo pro ſua bonitate approbabit, ſed etiā pro merito cuiusq̃, remunerabitur. Præterea, fieri non poteſt ad mortem vt ſe quiſpiam comparet, quin idem ab hac vita miſera ſeſe diuellat ac ſeparet. Dicam planius: quiſquis pro Chriſti Domini gloria mortem vere & ex animo exoptat, idem nullo negotio prauas animi cupiditates coercet, quæ res ad Deum & ſanctæ colendum & facile, valet plurimum. Itaque ſic habetote fratres mihi cariſſimi: eos impetus animi eaq̃, deſideria, quæ fundamentis huiusmodi non nituntur, aſidua precandi exercitatione coniuncta, nequaquam eſſe huic Indicæ legationi atque oneriparia: quippe, quo minus fundata ſunt, eo

facilius varijs & quotidianis incōmodis labefactata subsidunt paulatim & concidūt. contra, si matura stabilitq; virtute subnixā fulciantur; ingruentibus laboribus atq; periculis non modo non quatuntur, aut corruunt, sed etiam magis magisq; confirmantur & corroborantur in dies. Quocirca obseruet etiam atq; etiam vnusquisq; se, videatq; quemadmodum ambulet: omnibus autem nobis ad sanctam ipsius voluntatem ac placita rite exequenda, spiritum Deus ipse, viresq; suppeditet. Amē. Goa 5. Cal. Ianuarij. 1568.

EXCERPTA QVAEDAM E
Christophori Acoštæ literis ad Præ-
positum Generalem datis 4. Non.
Ian. 1569. Malaca, quæ fuit olim
aurea Chersonesus.

IN hoc domicilio Malacensi, præter cōfessiones, catecheses, & alia ex instituto nostro munera, pluribus etiā locis conciones habentur: præsertim vero Dominicis diebus ad ethnicos sectæ cuiusdam, (Quintinos appellāt) quorum praua dogmata & opiniones vt publice confutarentur, Concilium prouinciale decreuerat, eamq; prouinciam nostris Episcopus demandandam existimauit. Erit, vt speramus, opera pretium. Quæstiones etiam ea, quas vulgo casus conscientia nominant, clericis explicata sane opportune, magnaq; auditorum tum approbatione, tum etiam profectu, qui vel e quotidianis eorum interrogationibus sub explicationem perspicere poterat.

Sacra ades nostra ad tectum hoc anno perducta est,
non

non modo capax, sed etiam valde formosa, vel structura genere ipso, vel loco: sita est enim in vrbis media summo cliuo, vnde ingentia maris terrarumq³ spatia cernuntur. In eam adificationem, & simul ad nos quoq³ alendos eleemosynæ a pijs hominibus erogantur. Et quoniam hæc domus hospitium est nostrorum omnium, qui ex India, Malucum, Iaponem, & Sinas petunt; exponam ea, quæ ad nos varijs e regionibus nuper a nostris allata sunt: quandoquidem incertum est, ipsorum litteræ sintne hoc anno ad vos peruenturæ. Ac de Malucis insulis primum: e quibus cognitū est, Amboinenses neophytos (quos Franciscus Xauerus & alij deinde, Christianis præceptis imbuerant) superioribus annis crudeliter admodum oppressos ac vexatos fuisse a natione Maurorum quos vocant Iaos, in primis fera & immani, & Amboinensibus præsertim vehementer infesta, Christianis permultis occisis, quibusdam etiā a Christo vi metuq³ alienatis, toto deniq³ eo tractu (sunt aut insulæ quæ plurimæ) p vim occupato. Verū Lusitani ex India illuc valida classe profecti Iaos inde expulerūt, principes scelerum & auctores affecere supplicio, omnes eas insulas ereptas e misera seruitute, sublati discordijs bellisq³ civilibus quibus inter sese ad internecionem vsq³ certabant, ad Lusitaniæ Regis imperiū adiunxere: optimo loco & ad excurrendum in primis opportuno, arx cum propugnaculis excitata, impositumq³ præsidium. Quæ res nostros etiam hortata est, vt amplificandæ Christianæ religionis caussa ibidem sibi domiciliū collocandū putarent. itaque ob eam rem illic nonnulli e Societate nostra versantur. Post hæc, varijs e Maurorū ethnicorūq³ prouincijs legati Lusitanū Præfectum adiere, q ad patrios ritus & cæremomas deferēdas, Christiana suscipiēda sacra, deniq³ ad imperata faciēda sese

paratos offerrent, praeclare secum agi, ni repudiarentur, existimantes. Scribunt nostri praeterea tantam esse multitudinem eorum, qui ad Christum conuersi iam sunt, vt ad eos erudiendos ac baptizandos, vel si alij triginta in ea loca mittantur, exiguus operariorum numerus sit futurus: vt alias gentes interim taceam, quae itē baptismum efflagitant, in continenti habitantes, Papuas nomine, quae regio in meridiem adeo extenditur, vt praeternauigantes Castellani nunquam ad finem eius ora peruenire potuerint. Papuis finitimi sunt alij populi, atq; inter eos neophyti aliquot, nostrorum paucitate quadrennium circiter magistro ac pastore plane destituti. Secundus vero hic rerum euentus, recensq; victoria, magnam nobis spem afferebat fore vt in ijs agris fides Christiana disseminetur magna cum vbertate redituque animarum: easque nationes nec animi ardore, nec pietate, Iaponijs inferiores futuras. Regio est inter aësum frigusque temperata, nemoribus ac fontibus frequens, & si more nostro colatur, omnis frugum generis copiam pollicetur.

Ex ora Sinarum naues nondum appulsa, anno quidem superiore cognitum est Christianam rem eodē esse loci, quo antea, nostri in Amaconis portu & emporio sibi sedem locarunt, diuinum ad interiora prouinciæ penetranda expectantes auxilium. Interea Lusitanis negotiationibus in spiritu adiuuandis insistent. Melchior vero Carnerius Episcopus, pastorali munere egregie fungitur: clericos tractat humanissime: eosdem excipit saepe conuiuiis, vt per eam occasionē spiritali quoq; reficiat cibo. Itaq; magna est apud omnes in gratia, nec modo clericos, sed etiam laicos, quos ille amantissimis verbis, & exemplis Christianae humilitatis, instituit. Pecuniarias multas,

nec saepe imponit, et domum suam exactas deferri non patitur. valetudinarium est curandis leprosis (quorum magna est in ijs finibus multitudo) ipsius opera & consilio constitutum, non paruo utique cum corporum, tum etiam animorum bono (multi quippe earatione conuertuntur ad Dominum) huic ergo valetudinario Melchior eiusmodi pecuniam attribuit statim.

Ex Iapone hoc anno litteras nondum accepimus: si fuerint allatae, mittentur ad vos.

Hac mihi in praesentia, quae scriberem occurrebant. Reliquum est ut Malacensem hanc domum atque familiam, sacrosanctis tuis, Pater optime, sacrificijs precibusque eo diligentius adiuues, quo maius illi periculum impendet. rumor est enim, Acenorum Regem (i populi sunt insulae magnae Taprobanae, quam hodie Sumatram vocant) ad obsidionem huius urbis comparare sese, certe pernicio-sa Malacensibus agitare consilia. Malaca 4. Non. Decembris 1569.

EX ALOYSII GOVEANI
litteris datis Colani, e Collegio Sal-
uatoris 18. Calend. Febr.

1569.

V Rbs hac, in qua commoramur laborantes in vinea Domini, et in Comorinensem quoque tractum subinde excurrētes, iacet ad montis cuiusdam radices, passuum a mari novem circiter millia. Salubre calum, aquae optima, annona plurima, gens vero ad pacis aequae ac belli munia solers: Christiana sacra multi suscipiunt: qui iam susceperē,
F 5 tum

tum frequenti sacramentorum usu, tum etiam animi candore atque munditia, & in ceteros, benignitate & officijs, egregium probitatis ac veræ fidei specimen præbent.

Mauris ethnicisq; oram hanc non exigua interdum classe infestantibus, armati resistunt sane fortiter, præstantq; magnam in catholica fide constantiam.

In neophytis est egregia pietate mulier. ad eam cum ethnici quidam adijissent petentes nescio quid patrio delubro offerendum, id postulatum vsque eo mulier tulit indigne, vt scopis arreptis (quod genus iniuriæ apud eos in primis contumeliosum est, atque iccirco a magistratibus etiam seuerè admodum vindicatur) ita tenaciter, vt extorqueri non possent, vultu verbisq; male acceptos abs se reiecerit, quin etiam postridie, qui dies erat Sabbati, præcipua sceminarum pietate cultuq; in honorem Mariæ Virginis sacratissima concelebrari solitus, cum plebs iam frequens conuenisset in templum; elata voce mulier eadem, vt cætus omnis exaudiret: Ego, inquit, in simulacri cultum rogata nescio quid, negaui scilicet. quod si quem posthac in eo genere peccare cognouero, me omnino eius nomen ad Patrem (sic enim sacerdotem nostrum appellant) cum primum affuerit, delaturam esse profiteor: qua denuntiatione compuncta nonnulla aliquo eiusmodi obstricta piaculo, ad officium sponte rediere.

In extrema ora castellum est insigni quodam ethnico- rum delubro clarum in primis ac celebre, Christiani etiã aliquot ibi versantur. & quoniã ea natio piscatu maxime vitam tolerat, cum duobus iam mensibus inopia piscium grauitè laborarent, duos e nostris, qui tum aderant, rogauere Christiani vt supplicationibus publicis Deum propitiare ne grauarentur. supplicationes habitæ cum appa-

apparatu ac caeremonijs : a templo nostro ad crucem vsq³ non longe positam, agmen Christianorum processit, magna cum religione, quorundam vero etiam lacrymis. Deinde nostri ad alium pagum rei Christiana caussa profecti, nuntium accepere, paulo post supplicationes peractas ingentem repente vim piscium magna cum neophytorum gratulatione exstitisse.

In hac ora maritima tres & viginti sunt pagi, sane frequentes: & quidem exceptis quattuor, omnes Christianis templis ornati. Suus autem cuique templo aditus praest, quem patria lingua Canaquapolem vocant, propter nostrorum hominum penuriam, ex ipso neophytorum numero lectus a probitate & Christiana disciplina peritia. Horum est, praeter templi custodiam, Christianis etiã praeceptis plebem imbueri, discordias tollere, in templum neophytos conuocare, observare quis desit, quive se male gesserit, omnia demum ad Patrem deferre, cum venerit, ut ipse deinde pro delicti modo remedium adhibeat. Obseruantia vero neophytorum in nostros homines mira, mirum obsequium.

Graues etiam inimicitiae nostrorũ opera suasuq³ multae depositae, & constituta pax non solum inter priuatos & consanguineos & ipsos quoque populos, verum etiam Regem inter ac Regni procures aliquot. atque hac ratione imminetia saepe seditionis tumultusq³ sublata pericula, tanta cum Christianorum, tum vero ethnicorũ approbatione, ut multi principes viri sese iam nũc defensores atq³ adiutores Euangelij praebeant, qui nuper acerrimi Christianae religionis aduersarij fuerat. Regis vero ipsius quãquam adhuc ethnici, eximia erga nos humanitas ac beneuolentia ternitur: audit nos perlibetẽr, tẽplũ Christianis edificauit egregiũ, quĩ etia in eã incubuerat voluntatẽ,

ut Mau-

Maurorum phanum, quamquam inuitis ac renitentibus
 ipsis, euerteret. Sed ne qua turba ac rixa oriretur, vel
 ipso nostrorum suasures in aliud tempus dilata.

Dum hac pararem scribere, ecce tibi ab Rege Trauā-
 coris nuntius: etiam atque etiam rogans ut Regē ipsum
 e nostris aliquis adeat: esse quæ ille nobiscum agere vehe-
 mēter velit. Delubrum est leucis ab hoc oppido quattuor,
 quo Rex Trauancoris tum ad gratulationes quasdam ac
 solennia sese contulerat. eo igitur e nostris nonnulli pro-
 fecti, benignissime ab eodem excepti sunt: actum de tem-
 plis Christiano ritu ac religione toto ipsius regno exstru-
 endis: eamq₃ potestatem Rex patentibus litteris seu di-
 plomate fecit amplissimam: deinde omnibus ijs qui ad
 Christum accederent, immunitates ac privilegia multa
 proposuit: se suaq₃ nostris liberaliter detulit: eosdem o-
 trauit, ut sibi Lusitanorum qui versantur in India conci-
 liarent amicitiam: tam diu permansuram, quam diu sol
 exstabit ac luna; professus hostem se hostium nostrorum
 fore perpetuum. ad ea nostri cum ita respōdissent ut Re-
 gi gratias agerent, & opportune etiam alia quedam ad-
 derent, domum rediere. Quocirca breui, ut speramus,
 magna cum diuini nominis gloria totum illud regnum ad
 Ecclesiam Catholicam aggregabitur, eritq₃ necesse, ut
 Indica omnia nostra Societatis Collegia cultores atque
 operas in vineam hanc magnam ac spatiosam pro sua
 quaque parte contribuant. Laudetur etiam atque etiam
 Dominus: idemq₃ nobis multum de suo sancto spi-
 ritu largiatur. Amen.

EX EMANVELIS TESSE-

riæ litteris ad Prepositum Gene-
ralem, datis Goa 4. nonas

Ianuarij 1569.

AEstote superiore cum e Sinis redirem, Cocini
primum, deinde Goa sum factus certior, aue-
re te, Pater optime, de illarum gentium mo-
ribus ac natura cognoscere, de que spe eius-
demper Euangelium adiuuanda provincia. Quocirca
versatus ibi annos aliquot, deesse nolui quo minus tibi per
litteras quid haberem in eo genere compertum quidve
sentirem, exponerem. Sinarum regio & patet latissime,
& omnium, quæ quidem in hac plaga explorata sunt, op-
pidis & habitatoribus est celeberrima. Incolæ sunt inge-
nio valde bono & acuto, præstantiores animi, quàm cor-
poris viribus, in reipublica administratione & ciuili pru-
dentia admodum excellunt: hæc apud eos cura studium-
que præcipuum; superstitionibus & idolis minime dediti
sunt. vnum habent regem: huic vero supra quàm credi
possit omnes obediunt: præmiorum ac pœnarum distribu-
tio plane admirabilis: atque vt natura sunt perspicaces,
animaduerti nonnullis ipsorum sacrosancta fidei nostræ
dēcreta vehementer probari. in vrbe Cantone fui aliquo-
tēs: aperte profitebantur, si per Regem regiōsve mini-
stros liceret, se Christiana sacra suscepturos libenter. At-
que (vt ego quidem existimo) si quando Christi præco-
nibus aditus in ea loca patuerit, plus apud Sinas breui,
quàm apud alias nationes vel diuturno labore profece-
rint: primum ob gentis ipsius naturam atque indolem
egregiam; deinde quodd secuta toto regno pax est atque
tran-

tranquillitas. Quinimmo & in amore nostros habere, quidam etiam ad meliorem frugem reduci iam caperant: idemq; aiebant, si quibus vnquam aduenis in eius regionis interiora penetrare licuerit, eos utique aduenas e Societate nostra futuros. Itaque licet perpetuus ille animarum inimicus opponat omni conatu sese, & re vera negotium hoc difficultate non vacet; tamen ita desperandum non est, ut nonnulli re nondum omnino tentata atque explorata putarunt.

Etenim Franciscus Peres & ego, quo tempore in Sinas cum Regis Lusitania Legato profecti eramus, in mandatis habebamus, ut ne prouinciam ingrederemur, ante regiam legationem absolutam, sed enim tota res acta sic est, ut minime mirum videri debeat nos deinde introductos non esse. quod si duo Socij aliquam eius lingue & consuetudinis nacti peritiam, forti magnoq; animorem aggrediantur ipsi per se (quemadmodum in Meaci vrbis ingressu apud Iaponios factum est) Deo adiuuante fore confido (idq; nobis affirmabant Sinae) non modo ut non arceantur, sed etiam ut studiose intromittantur ab incolis. Vbi Lusitani morantur, domus iam excitata complures. Christianorum incolarum est numerus sex circiter millium, partim Lusitanorum qui mercaturam exercet, partim etiam Sinarum, qui sese paulatim ad Christum adiungunt. ibidem duo iam templa visuntur: Lusitanorum alterum sacerdotibus instructum secularibus; alterum Societatis nostrae: huic ades coniunctae sunt Patris Prouincialis iussu ad nostrorum habitationem exstructae, ut simul et rei Christianae in eo portu dent operam, et integritate vitae exemploq; illius regni quasi fores pulsare pergant. Eadem ades opportunum quoq; praebent nostris hospitium, qui Iaponem petentes ex itinere illuc diuertunt: quo-

quorum nonnulli nouem decēme interdum mensesibī
 subsistunt, dum vel cursum expectant, vel aliqua in vsu
 Iaponicos necessaria comparant. Varijs præterea ex ethni-
 corum regionibus confluunt eodem Christiani, quibus in
 spiritu laborantibus tempestiue succurritur. Et quoniam
 alia nulla est in eo emporio religiosa familia, nostri tantis
 tamq̃ salutaribus occupationibus distinentur, vt non vi-
 deam quibus in locis possit eorum esse cōmoratio fructuo-
 sior. quas ob causas, ac præsertim introitus obtinendi gra-
 tia, sic equidem statuo (nisi si tibi videatur secus) ere
 Christiana futurum vt mandes atq̃ præcipias, non modo
 vt nostri (quoad eius fieri poterit) nequaquam ab incepto
 desistant, sed etiam omni conatu insistant sacrosanctum
 Euangelium penitus in eam prouinciam inferre: siquidē
 a magno Deo magna speranda sunt. Ipse pro sua clemen-
 tia, in anima spiritusq̃ tuo semper inhabitet. Ego me præ-
 cibus tuis ac sacrificijs valde commendo. Goa 4. Nonas
 Ianuarias 1569.

E NICOLAI NVNNIS

Epistola, e castro Ternate data

4. Idus Febr. 1569.

DE regionibus hisce Maluci, & Amboini, an-
 no superiore plura cognouisse vos arbitror:
 quibus in regionibus Dei beneficio Christi-
 anares cursum deinceps ita prosperum te-
 nuit, omnes vt hi populi & insula sacrū Euāgelium effla-
 gitet. & sane hac Domini vinea, omnium, qua Societati
 nostra commissa sunt, in primis videtur colenda: fru-
 ctum enim operæ pollicetur vberimum. Quare in
 spem venimus fore propediem, vt impiam Mahometis
 sectam

sectam in hisce partibus diuina bonitas prorsus extinguat ac deleat. quocirca obsecrate fratres carissimi Dominum, ut numerum operariorum augere dignetur.

Commoratio nostra adhuc est maxime in oppidis finibusq³, Ternatis, Baſtionis, Mauri, & Selebum: nec sane frustra, siquidem hæ nationes (adiuuante conatus nostros & industriam Domino) tum ad sacra salutis æternæ mysteria, omnemq³ probitatem valde propensæ, tum etiam in Patres, quibus ad earum conuersionem Dominus utitur instrumentis, bene animatæ cernuntur.

Mauricam diœcesim tuetur hoc tempore Patres duo, frater vnus. Tolanam vero Didacus Magalianes obit magna cum vtilitate, exemploq³, virtutis atque constantiæ, quippe qui valetudine conflictatus aduersa, nunquam tamen iccirco intermittit Christianam rem baptismis, confessionibus, catechesibus, missarum sacrificijs, alijsq³, id genus ministerijs adiuuare.

Ex altera parte Nicolaus inſulam tenet Morotai, degitq³, præcipue in oppido celebri Sequita, quem ille ceterosq³, circa populos ijsdem ex instituto nostræ Societatis officijs atque laboribus ad Christianam vitam informare non desinit.

Iam vero in hisce inſulis versatur seorsum Antonius quoque Consaluus. is erat hoc tempore in oppido Rau, Christianæ religioni bonisq³ moribus eo toto agro propagandis intentus, magno utiq³ patientiæ ac virtutis exemplo, vel ob difficilem eius regionis naturam, vel etiam ob dolorem capitis, quo laborat assidue, nec tamen iccirco desistit suo munere perquam studiose & alacriter fungi. hanc Mauri terram magni calores atque æstus mire inſalubrem efficiunt: atque his alijsque de causis, quas iam cognouiſſe vos arbitror, itinera in primis sunt laboriosa

riosa & valetudini vehementer infesta. Verum enim uero in ijs ipsis incommodis atque difficultatibus mirifice consolatur leuatq; nos Dominus, cum re ipsa euentuq; demonstrat, sudores nostros operamq; non frustra consumi. quippe gens hac nuper adeo rudis ac barbara, ad sacratissimum Eucharistiae mysterium (quæ ipsius Dei virtus ac potestas est) idonea redditur, & mirabili quodam studio ac pietate ultro Sacramentum confessionis exposcit. in singulis ferme oppidis templa exstruere, & Dominicis festisq; diebus ad Catechismum cuncti conueniunt, quæ res missæ implet vicem sacerdotum inopia.

Iisdem docendi, concionandi, ceterisq; muneribus nō sine magno quidem profectu dat operam in Baëtionis regno Ferdinandus Aluares, profanos ac superstitiosos ethnicorum ritus cum Christiana religione ac disciplina commutans. agrotauit hoc anno grauius, & solus est. quocirca maximos in ea prouincia subit labores.

Baëtionica gens Mauricam superat ingenij bonitate & acumine: quare facilius etiam capit sacrosancta fidei Christianæ mysteria: non obscura vero argumenta dant omnes, prorsus deserta, abiectaq; Mahometana prauitatis: ac Rex præsertim, qui vna cum popularibus suis acriter se incensum studio demonstrat Christianæ fidei propaganda.

Selebū terra est admodum ampla, multas magnasq; continet insulas, Reges habet complures Christianæ religionis ita cupidos, ut nihil ad eorum cōuersionem, præter catechesim baptismumq; deesse videatur. Solum apprimè ferax: incola corporis totius forma et proceritate conspici, colore non tam atro quàm rubido: minus quieti ac pacati nunc quidem præ multitudinem dominorum: sed ubi Christiana disciplina, ac vero Domino sese addixerint,

conspirabunt omnes atq; consentient. Reges Christiani facti iam tres: quorum est omnium cura penes Petrum Mascareniam, ex quo facile existimare possitis, quam vehementer nobis subsidio opus sit. Atque ut clarius etiam id ipsum intelligatis, nonnullas perstringam nationes, quae a nobis Euangelium expetunt. In ijs numerantur Papuae non absimiles Cassi seu Aethiopibus, in multa regna diuisi: distat hinc ampla eorum regio, leucas circiter sexaginta, ad leucas fere totidem cognita et explorata. Atque ego cum essem apud Regem Baëtionis, vidi nonnullos ex ijs Regibus, qui ad eum inuisendum pro amicitia venerat, eundemque baptismum petebant: sed non impetrare, quod nemo suppeteret ad eos Christianis praeceptis erudiendos, & deinceps retinendos in fide.

Eadem sunt postulata Regis quoq; Bengaij, quae terra in meridiem spectat. Rex vero Gorentali, cui regno ex altera parte sunt oppositi Selebes, sextum iam annum instat idem exposcere, atq; etiam nuperrime certos homines iccirco ad Lusitanum Praefectum legauit. sed frustra, quod valde pauci sumus & longe lateq; dispersi: misit quidem Praefectus amicitia causa, qui cum muneribus illum inuiseret, simulq; animauit hominem, & hortatus est ut Petro Mascarenia vteretur, qui tum in ora contraria versaretur. Regnum vero Gorentali frequentissimum est: nec dubium quin si Rex Christiana suscepit sacra, ceteri quoq; sint suscepturi. Huic finitimus est Rex qui dicitur Botum. is latius etiam imperat. Alia multa regna gentesq; consulto prater eo, ne augeam dolorem vestrum, commemorando tot animarum interitu: quos ego vel pro vnius tantum salute (si res exigat) vitam libenter positueros esse non dubito.

E PETRI MASCARE-

niæ litteris, Ternate datis pridie

Non. Martij 1569.

QVando apud Selebes hoc anno versatus sum; non ab re fore existimaui, si ad vos, quæ sint ibi gesta, perscriberem: ut cum tam tam messis copiam in tanta operariorum inopia cognoueritis, cuncti Domino supplicetis uti quamplurimos dignetur huc mittere.

Sionis Rex, quod iam audisse vos reor, conuersus ad Christum est, & sacro baptisinate initiatus in ora Manadi, quo tempore Didacus Magalianes ibi fuit. ea de causa intra sexdecim menses totum regnum ab eo defecit, vno dumtaxat oppido excepto, quo ille cum parente fratribusq; confugit, atque inde ad hoc Ternatis Castrum se contulit, opem a Lusitanis implorans. Interea diuina adspirante clementia populares eius ad sanitatem reuersi, Regem in patriam reuocant imperata facturi; celox ad eum deportandum a Lusitanis instruitur; vna discesimus ipso natali die Sancti Barptolemei: proximo die Dominico in ora Manadi sacra missæ peregrimus. ibi cognitū est dimidiam tantum regni partem ab Rege stare, ceteros in defectione persistere. Inde ad Sionem urbem appulsi, iactis anchoris, oppidanos de regis aduentu fecimus certiores. ij simul atq; audierunt Lusitanorum naui delatum Regem, quamquam teneret arcem aduersa factio, nihilo minus Principes ad nauem vsque accessere sese dedentes, ac Regis pedes multis cum lacrymis osculantes.

Substiteramus ibi iam triduū, nec hostes ad pacationē

adduci poterant. Quocirca Nauarchus, itemq; Consul-
 unus Vrtadus cum sua cohorte descendunt: ad hos armati
 adiunguntur trecenti ex ijs qui Regi fauebant. Quare
 perterriti hostes arce deserta in montes recepere sese. Se-
 ptember mensis tunc agebatur, iamq; aderat dies præsi-
 nita Nauarcho, vt se cum reliqua Lusitanorum classe
 coniungeret. Quocirca solutis anchoris, natali die Mariæ
 Virginis, ex eo loco peruenimus ad pagum familiarum cir-
 citer trecentarum, quibus consobrinus quidam regius im-
 perat. ibi remansimus, celoce abeunte, ego & Rex cum
 Lusitanis duobus: nec mora: templum excitatum est. in
 eo Regis patrem, qui ibidem erat, sacro baptismo ablui-
 mus, venerandum senem, ad Christianam fidem valde
 propensum, & ingenio in primis mitem ac docilem.

Septembri exeunte, cum neophytos Manadenses inui-
 sere decreuissem, Rex ipse cum multis e suorum numero
 me prosequi statuit. dum ornantur nauigia, e Sanguim
 insula honestissimi quique viri ad me venerunt rogantes,
 vt irem ad Regem suum Christianis initandum sacris:
 cuius rei magnam ipsi quoque voluntatem ostenderunt,
 cum signis alijs, tum vero coma extemplo tondēda, quam
 alunt mulierum more valde promissam. quorum ego stu-
 dijs optimis obsequendum ratus, præsertim quod ea ratio-
 ne ad insulæ Sanguim totius (quæ sane magna est) con-
 uersionem aditus patefieret; admodum lato dimisi polli-
 citus me ad eos esse venturum. ij simul ac patriam atti-
 gere, nouas ades nobis excipiēdis exstruere aggressi sunt.
 inde paucis interiectis diebus Regis cognatus, cuiusdam
 viri principis filio comite, præclare instructo nauigio ve-
 nit ad me deducendum. parata iam erant Regis quoque
 Sionis octo nauigia. itaq; is etiam mihi cum sua cohorte
 se comitem præbuit.

Festo die sancti Francisci mane profecti, vespere ad Sanguinem accessimus: postridie Rex insula cum optimatibus ingenti omnium gaudio nobis obuiam prodire.

Vrbs regia & insula totius nobilissima, Calanga appellatur: eo sumus deducti, ac triduo post promulgauimus Euangelium: quo perattente audito Rex & Regina primoresq; respondent, meam sibi orationē vehementer probari: proinde magnopere velle se fieri Christianos. Moratus igitur ibi sum quoad fuit necesse ad precipuam sexus vtriusq; nobilitatem sacro baptismate expiandam. quo illi suscepto redemptionis humana mysterio, dici vix potest quantum voluptatis & gaudij non solum animo ceperint, sed etiā publice ostenderint. Neq; tamen inter hasce gratulationes, vel Reges ipsi vel ceteri de salute animarū serio mecum agere & querere destiterūt: plane vt nostra domus in primis laxa, dies noctesq; auditorib. esset referta.

Decretum est etiam communi consilio, vt veneranda Crucis trophæa statuerentur: eamq; crucem sua ipsi manu viri nobiles e ligno pulcherrimo fabricati sunt. o spectaculum vestris oculis perquam iucundum fratres mihi carissimi, si vidissetis Regum illud par Sionis et Sanguini, Christi Domini Crucem primum sublatam in humeros, deinde proceribus certatim adiuuantibus defixam & erectam nixos genibus cum vniuersa multitudine suppliciter adorantes.

Interea tempus aduenerat Cauripanos neophytos inuisendi: eares magno sane merore Sanguinianos affecit, quos ego vt potui leuavi, pollicitus me reuisurum ipsos in reditu rogatus ab iisdem vt ante discessum, aream extruendo templo describerem, pecuniam in id corrogatā præfuturam in tempore; aquatam & amœnam agri plantitiem illis ad mare assignaui, densis consitam arboribus,

que arbores intra sex horas vniuersa (& quidem Principum manibus) prorsus excisa: tantus eos ardor animi, tantum noui templi desiderium ceperat. Quin etiam Rex deuexa iam atate, cum propter infirmitatem corporis exercere sese ipse cadenda sylua non posset, instabat tamen ac praeerat sedulus operi, ceterosq; hortabatur. Regina vero iussit nuntiari, se quoq; cum foeminis purgando solo herbisq; vellendis in eius laboris ac meriti partem esse venturam. Ad extremum cum non liceret mihi apud eos esse diutius, ab Rege ipso & a nobilissimis quibusq; honoris causa ad nauem deducti conscendimus. Lusitanis duobus, qui mecum erant, singula donata mancipia. Regis praeterea iussu propinquus ipsius & alius item summo loco natus adolescens actuario nos prosequuti sunt.

Erat adhuc nobiscum Sionis Rex, cuius in regnum simul atq; peruenimus, nauigia comparari imperauit, vt nos in Cauripam comitaretur ipse cum magno Principum numero: itaque regno bellicis copijs praesidijsq; firmato, nauibus quinque profecti Kalen. Nouembris, altero die Manadam attigimus: ibi versati sumus ad dies decem: interea Batachini (sic enim appellantur hipopuli) ad me detulerunt hominum esse plus centum millia, qui iam pridem auide baptismum expeterent, simulq; Regem Sionis rogarunt, vt ea de re mecum ageret: sed ego cum cerne rem eius ora neophytos esse permultos, nos autem ita paucos, vt non nisi raro ad eos adire possemus; excusauim me vt potui, praebuiq; spem fore, vt a patribus, qui ad Selesbes erant commorandi causa venturi, baptizarentur: me vero non aliam ob causam eo accessisse, nisi vt factos iam Christianos inuiserem.

Inde cursum in Cauripam intendimus, & ex itinere ad oppidum quoddam Regis Bolonis maxime nobile na-

nes appulimus, ut relictum ibi a Didaco Magaliæne adolescentem acciperem, necumq³ perducerem. Rex Boloris Manadi Regis est filius, Mahometanus ille quidem, sed ad Christiana sacra propensus. is aberat eo tempore passuum ferme ducenta millia. Mater autem ipsius ubi cognouit me portum introisse, misit, qui me & cibarijs & humanissimis verbis exciperet, sed mihi nequaquam eo loco morandum existimaui. Itaque adolescente, quem dicebam, in nauem accepto, Cauripam denique attigimus, magna tum neophytorum tum etiam ethnicorum latitia, cuius non obscura dedere signa quamdiu ibi mansimus. neque vero parum nos occupatos habuit gentis eius religio ac pietas: ita ut nostrum hospitium celebraretur assidue vel a neophytis, quos in fide confirmabamus, vel ab ethnicis, qui salutaribus rudimētis ac præceptis imbuebantur, quos ego tamen baptizare nolui, quamquam id ipsum efflagitantes, ob eas ipsas causas, quæ mihi apud Batachinos occurrerant: dixi aliquem e patribus ad eos habitandi causâ venturum: atque hac spe iniecta digressi inde Sionem ineunte Ianuario mense tenuimus.

Consalius Pereria Lusitanica classis Præfectus, Regi Sionis receperat se illi aduersum rebelles subsidio esse venturum. Iamq³ Ianuarius erat in exitu, nec dum ille aderat. in ea expectatione comparuere duo nauigia, quibus Rex comite me prodijt obuiâ rat^o esse de classe Præfecti, sed a Lusitano Mendornela, qui ijs nauigijs vehebatur, cognitū est Lusitanicam classē vi tēpestatis in Malucū abreptam. Sane molestus nobis fuit is nuntius. cognita maroris causâ Mendornelas ipse Regi se suosq³ milites liberalliter detulit. ac diuino fauēte numine ita se præclare gessit, ut paucis diebus duo ceperit oppida vel ipso loco, vel

propugnatoribus et armorum apparatu in primis munita. ea victoria sedati & compressi tumultus: vniuersa insula in sui Regis potestatem redacta: Selebes Lusitanorum virtute perterriti.

Regis huiusce fides ac bonitas prater aeterna, quae (vt speramus) manent illum in celis praemia, felicem etiam hunc rerum exitum videtur in terris esse promerita: vsque adeo nos officiose & amanter est prosequutus, quacunq; nobis apud Selebes contigit iter facere, nusquam a latere nostro discedens. Itaque in eius gratiam magnus etiam nobis est honos habitus. nec solum in deducendis nobis officioungebatur, sed etiam fidei Christiana praconem se praebat, exponens quam illam sibi frugiferam ac salutarem expertus esset. nobis vero apud eos populos pro sua probitate pioq; animo gratias agebat ingentes: & cum alia, tum illa praecipue praedicabat, se in exsilijsui calamitate benigne a nobis exceptum ac sustentatum; denique in regnum nostro beneficio restitutum esse; quibus ille rebus animos hominum non mediocriter permouebat, nec apud neophytos modo sed etiam apud Lusitanos ipsos magna nostrorum nomen ponebat in gratia.

Pacato igitur (vt dixi) regno, Rege salutato, Ternatem redij: mecumque regis filium duxi natu maximum, indolis egregiae, nonum circiter agentem annum: quem ipse mihi tradidit parens educandum apud nos.

EX

EX LITTERIS SEBASTI-
ani Ferdinandi ad Præpositum Ge-
neralem Societatis IESV, datis
Goa, mense Nouemb. 1569.

IDibus Septembris, cum naues huc e Lusitania per-
uenissent, litteræ tuæ nobis redditæ sunt, e quibus
magna cū animi voluptate accepimus quæ per no-
stros homines in Europagerantur a Domino. &
quoniam non ignorabam vos item res Indicas libenter
solere cognoscere; faciendum mihi existimaui vt huius
anni potissimum ad vos acta perscriberem.

Atq; vt a nostro Collegio exordiar, sumus hoc tempo-
re octoginta & octo, præter eos qui in alijs neophytorum
Ecclesiis tum in hac insula Goa, tum in Ciorano Salsæ-
tisq; versantur. Gymnasia nostra grammatices, plures
in classes diuisa, discipulos sexcentos circiter continent.
ij, diligenter curatur vt cum lucubrationibus & exerci-
tationibus litterarijs, studium virtutis pietatisq; coniun-
gant. itaq; singulis mensibus ex præscripto semel omnes;
multi etiam sæpius vltro peccata sacerdotibus confiten-
tur, & corpus Domini sumunt qui ad mysterium illud
censentur idonei. Statis præterea diebus magna alacri-
tate conueniunt ad Christianæ fidei ac disciplinæ rudi-
menta publice decantanda. deniq; in ceteros etiam insti-
tuendos & conuertendos ad Dominum, seruitia præ-
sertim & agricolas (quantum eorum tenera fert ætas)
incumbunt.

Orphanorum collegio, quorum est numerus 100. cir-
citer & 20. fratres e nostris duo præpositi sunt: eosque
ad omnem virtutem ac probitatem informare non desi-

nunt. Aliquot in ijs visuntur Brachmanum filij, quorum opera & comitatus in prouincijs obeundis, & in conuersione ethnicorum, nostris iam nunc est admodum utilis. Catechumenis, qui quidem sexus virilis sunt, præest frater vnus. fœmina separatim, ac longius habitant, quarum est curapenes mulierem ex Aethiopia, eius rei valdepevitam: itaque suo munere tam scienter ac sedulo fungitur, vt in ipsius diligentia prudentiaque nostri magnopere conquiescant. porro datur opera etiam atque etiam, vt omnes ij cecitatem & errores in quibus versabantur antea, quam optime recognoscant: idola ritusq; patrios obliuiscantur. vbi Christianis præceptis instituti, baptizatiq; sunt, quo sibi deinceps victum honestis artibus parent, varijs opificijs vitaq; generibus destinantur. vtique dum laborat inopia, nemo deseritur. cum Mauris, Iudæis, Ioguibus (ij quasi religiosi quidam sunt doctoresq; ethnicorum) diuturniore Catechismo opus est, quippe quorum in animis, mendacia & opiniones prauæ, radices egerunt altiores: quarum ipsas etiam fibras, quoad eius fieri potest, nostri conantur euellere: atque id ipsum industria ac studij in Christianos etiam conferunt sacri Inquisitoris rogatu, si qui forte a Catholica fidei norma recesserint.

Concionum fructus idem qui solet. testatur id populi concursus ac pietas: acerbissima vero nece Domini prædicanda, magni etiam animorum motus, & lacrymæ. iam Confessionis, & Communionis quantus vulgo sit vsus, celebrrioribus præsertim festis anni diebus, vel ex eo perspicipoterit, quodd Iubileo ex Europa nuper allato, præter alia vrbis templa, in hoc tantum nostro, ad sacram Eucharistiam mensam numerati plus mille sexceti conuiuunt.

In audiendis Confessionibus agrotorum, ijsdemq; in
ex-

extremo vita certamine confirmandis, sane quàm præclare ponitur opera. namque ob id ipsum vrbe fere tota nostri a summis, medijs, infimis adhibentur: ac si quos reperiunt rei familiaris inopia, vel domestica solitudine vehementius laborantes; horum non solum animas curant quantum in ipsis est, verum etiam corpora. Itaque & stipem illis a populo corrogant, & eorum cubicula ac domus ipsimet verrunt, purgantq;, & alia id genus obeunt ministeria. quorum exemplo ad eadem pietatis officia laici quoque non mediocriter incitantur. Itaque ap-
pulsis huc nuper e Lusitania nauibus, cum nostri ad litus cum cibarijs prodissent excipiendis agrotis (quorū erat numerus amplius trecentorum) ijsq; ad valetudinarium deferendis, & sordibus quas in itinere contraxerant, eluendis; e populo multi eo commoti spectaculo, depositis ilico pallijs, idem facere aggressi sunt. ipsa vero valetudinaria sapius adire, & solita humanitatis ac benignitatis officia præstare mos est.

In ijs quæ ad conscientia, animique candorem pertinent, in rebus præsertim contrahendis, exercendisque commercijs, nostros consulunt multi. ac nuper quidam minime obscurus vir apud certum hominem non modo septem aureorum millia, de quibus erat controuersia, sed reliquam pecuniam suam deponit vniuersam, professus palam, si male parta censerentur ea bona, se cuiuscunq; nostri adiudicasset omnia redditurū. præterea non leues tolluntur sæpe discordia: humanitatis & officij causa carcer inuistur, & ex ijs qui damnantur capite, complures ethnici conuertuntur ad Dominum, quorum ille tenebras vt boni quondam latronis, lucis diuina radijs eo tempore dissipat. quamobrem nostri huius linguae periti damnatos ad locum vsque patibuli
pro-

prosequuntur magno utique ipsorum bono, quod superioribus diebus ethnici tres liquido comprobant, qui cum alia multa deliquerant, tum Christianum quendam virum honoratum occiderant. horum duo in ipsis adhuc vinculis Christiana sacra susceperunt: tertius obstinato animo Euangelium respuebat, quippe cuius conversionem in exitum vite Dominus reseruaret. Itaque cum in Salsetanum agrum ad supplicium cum reliquis duobus ducendus esset, ut ibi poenas homicidii penderent, ubi homicidium perpetraverant; accersitur unus e patribus, qui adhibito secum interprete fratre quodam, cum multis rationibus ethnico suaderet, ut quoniam periret corpus, ne animam servare negligeret; respondebat ille sibi non esse tanti. nec tamen in circulo pater ab incerto desistere, quousque perueniret ad litus est, ubi damnatis conscendendum erat in nauem, ut in Salsetas insulas intrajcerent. Hic ethnicus diuino afflatus numine conuertitur denique, & baptizatur magna cum antea vite detestatione, ac dolore. his rebus peractis nostri, quod longius progredi per superiorum mandata non licebat, domum redire miseris illis valde merentibus. Quod ubi Goæ rescitum est, alios e nostris duos P. Visitator confestim submitit eius linguae gnaros: quorum obediendi studium & alacritatem, Dominus multis incommodis ac difficultatibus compensauit. Siquidem longum iter emens, caloribus maximis, ad mare perueniunt frustra: nauis quippe iam soluerant, nec ulla navis in ea statione supererat. Inde igitur, quamuis defatigati ad quendam piscatorum vicum pergunt sane longinquum. ibi celeriter comparato, & praeclare instructo nauigio, turbam quae praecesserat, vix tandem assequuntur. Tum vero noxij praegaudio lacrymas fundere, ipsique gratias agere verbis exqui-

exquisitissimis. atque ita sub vesperam ad castrum Raciolum descensum est. Eius diei molestissimum astum, Solisq; vehementiam postridie matutinus imber excepit, isq; densissimus, quo prorsus madidi ad locum supplicij leucas a Raciolo tres peruenierunt. Hic, fontes, criminibus per sacram confessionem expiatis, ab vxore, liberisq; eius, quem occiderāt, & a reliqua circumfusa multitudine veniam nixi genibus petunt: deinde imaginem crucifixi, quam attulerant nostri, plena pietatis oratione complexi, huius misere vitæ curriculum absoluerūt, IESVM inuocantes identidem. vnus etiam in extremo spiritu conuersus ad populum dixit se id lethi genus multis sceleribus esse promeritum, petere tum ab ipsis, tum ab aliorum pagorum hominibus, qui abessent, vt sibi clementer ignoscerēt: se quidem animo aquisimo esse, quoniam ad suum tenderet Deum. His audiendis non tenuit lacrymas populus: obitum etiam illorū litanijs, ac precibus prosecutus est, magna salutis eorum concepta spe, q̃ non dubia in eis cōtritionis & pœnitentiæ signa perspexerant. Eadem ferme caritatis officia præstant nostri etiā ijs, qui deprauata religionis causa damnantur a sacris Inquisitoribus. nec eos a denuntiata illis capitali sententia vsque ad persolutum supplicium deserunt.

Ad hac, Dominicis diebus vespere decem e nostris ad catechismum exercendum in quinq; parœciarum huius vrbs templi se conferunt, quorum in singula conueniūt præter ceteram turbam pueri ducenti, trecenti, ac prope quadringenti, adeo studiose & alacriter, vt libenti animo discendi causa lusus pueriles relinquunt. excitantur autem premijs quibusdam, vt crucibus, imaginibus, & huiusmodi, rogantq; nostros vt reuertantur eo sepius, nam se non solum assuturos in tempore, sed etiam cūratu-

raturus vt alij accedant. Cum res ita belle procederet, visum est aliquando has quasi copias communis letitiae causare recensere, & in eadem nostram cogere. itaque dimissi aliquot e nostris per urbem, cōuocatos agmine composito paucos perduxere canentes, & virentibus ramis ornatos, vt nullus esset urbis vicus qui non Christiani Catechismi vocibus personaret: idq; tanta populi approbatione, vt multi patres familias, alijq; honesti viri enixe peterent, liceret sibi illud innocentium agmen & comitari, & adiuuare, idq; a compluribus factitatum. Conuenere autem in templum nostrum pueri interdum ad tria millia: quorum aliqui vixdum e patria lingua quātum e Christiana doctrina didicerant: queres eo pluris facienda est, quodd eorum profectus & eruditio ad plurimorum aliorum cuiusuis generis hominum vtilitatem ac salutem redundat.

Hoc eodem instituendi munere funguntur nostri etiam in plateis & compitis: & simul turpis alea lusus & improba temere iurandi consuetudo e plebe infima tollitur. Circumeunt etiam agri Goani vicos atque parocias non paruo fere cum animarum lucro, sed magno labore & corporis vexatione, quodd longo interuallo ea loca inter se disiuncta sunt. In quodam ex ijs pagis fuit Brachmanes adeo pertinax, atque ita in damonis potestate, vt cum & nostri saepe, & alij salutis eius cupidi ab opinionum prauitate ad veritatem multis rationibus hominē traducere conarentur; ipse contumaciter omnes eluderet, iamq; vulgo pro desperato haberetur. Verum diuinitus factum est, vt cum die Dominico par Christianorum in sabrili cuiusdam parietis opere contineret, captis interueniret vnus e nostris. atque is primum Christianos obiurgare, quodd tali die operam darent praesertim et hini-

eo: deinde, experiendi caussa, culpam eius rei totam in Brachmanem vertere, crimen augere verbis, nec sane frustra: siquidem terrore quodam repentino perculsus ille respondit, se suosq; omnes Christianos fore. nec fidem fefellit. cum alijs septemdecim Christianus est factus, mutatus in alterum virum: nostrosq; iussit sine cura esse. conatus omnes adhibiturum se, vt e popularibus suis nemo non Christiana sacra susciperet. Speramus promissa facturum diuino adspirante numine, quod huiusmodi actionibus deesse non solet.

In eade Sancti Ioannis Baptista, passibus ab vrbe Goa mille & quingentis, sacro baptismate initiati hoc anno ferme septuaginta, Brachmanes plerique, quorum operam ad aliorum conuersionem speramus magnopere profuturam. alios eiusdem parœcia vicis tribus circiter passuum millibus a templo distantes, fratres duo circum-eunt. horum alteri catechismum die quodam Dominico de more exercenti, casu ethnicus quidam interuenit, quẽ scilicet Dominus ad sacrosanctam matris Ecclesie gremiũ perducebat. hunc vt vidit frater, ad eum sermone conuerso cepit agere de rebus ad salutem ipsius animæ pertinentibus: quos ille sermones quum respueret, nec diutius audire velle se ostenderet, paruulus quidam ex ijs qui ad rudimenta Christiana conuenerant, annum agẽs circiter nonum aut decimum, offert vltro sese, & mirabili quodam spiritus animique ardore succensus, suadere insistit homini, vt Christiana sacra suscipiat, multis rationibus ethnica superstitionis mendacia coarguere, denique sublati in calum manibus orare & obtestari, vt æterna saluti prospiciat. ac frater quidem, vt cum ethnico ageret ipse, correptum brachio puerum bis terve
se-

semouit, sed cum pueri pietas nequaquam ferret dissum-
gi se ab eo colloquio, obirudere ille subinde sese, argumē-
tis pro sua parte pugnare: nec ita multo post Dominus,
nimirum paruuli fide innocentiaq³, placatus, ethnicum
sue gratia stimulis ita excitare dignatus est, vt commu-
tata voluntate diceret velle se fieri Christianum. Itaque
confestim a fratre detonsus est: comāque pueri qui ad-
erant furca suspensam ingenti gaudio lapidibus petere
ac sputis, in simulacra sua deosq³, patrios sexcenta pro-
bra iactare. In eius vici neophytis magna quadam ad res
diuinas propensio cernitur: petunt vt sibi liceat suo sum-
ptu templū exstruere, quo nostri ad sacra missa peragen-
da se conferant: negari non poterit, quod & iustum est
postulatum, & a communi parœcia templo absunt lon-
gius. ex ea plebe sexaginta ferme hoc anno baptizati,
aliq³ sunt etiam Catechumeni. Castrum est in hac insu-
la mille & quingentis ab vrbe passibus: in eo templum
vifitur Sancto Iacobo sacrum, vicis alijs compluribus hu-
ic parœcia contributis. & quia loco est opportuno & cele-
bri, Mauri cōplures Domino lucrifunt: atq³, ad eam rem
non mediocri est adiumento Praefectus ipse praesidiū, qui
rei Christianae quā sit studiosus, vel superioribus diebus
ostendit actione plane digna litteris. Erat ibi Brachma-
nes insignis, cuius ita mentis oculos occaecauerat demon,
nullum vt salutaris lucis radium posset admittere. hunc
nostri saepius aggressi, denique peruicerunt, vt Christia-
num fieri velle se diceret, ita tamen, vt bimestre spatiū
sumeret ad se preparandum. Interea oppugnat eum ve-
hementius demon, eiusq³, animum ita resig³ erat, vt cum
dies adesset, mutato iam pœne consilio rem differre ac
tergiuersari inciperet. id vbi vident fratres, fidem pro-
missi exigunt ipsi primum, tum etiam ad Praefectum, cui
id

id ipsum promiserat, Brachmanem adducit: quum pergeret nihilominus petere ut dies prorogaretur; obsecrat eum Praefectus, ut tandem ex ijs tenebris animum inducat emergere, celeritate opus esse praesertim in tali negotio. cum ille obstinatus in sententia perstaret, eo denique perducta res est, ut Praefectus permotus misericordia, se ad hominis pedes abiceret supplex, eumque ut sibi consuleret lacrymans precaretur. idem factum etiam a fratribus. quare ethnicus non dubio pudore concepto, manus denique dare coactus est, sequens continuo quod vellent dixit esse facturum. tum vero Praefectus gratulabundus ru- it in eius amplexum, eumque mox pretioso pallio purpureo, & serico pileo exornat, hoc sua in eum benignitatis initio facto, quo non modo liberalis animi, sed etiam pie ac religiosi egregium specimen praeiuit: deinde hominem una cum fratribus ceterisque, qui aderant, domum usque deduxit. nouitate spectaculi oborta uxori ac domesticis lacrymae, sed eos ipse Brachmanes obiurgauit, nimirum alio quam antea spiritu, omnesque reddidit Catechumenos.

In eodem tractu alia res accidit memorabilis. Dum ea loca nostri circumeunt, offendunt pro foribus ethnici cuiusdam filiolum baptismi percupidam, eamque Christianis praeceptis imbuere incipiunt. Sentit hoc mater, statimque furens ad ianuam prouolat, vni e nostris diabolico instinctu alapam primum impingit acriter, deinde pugnum faucibus incutit. vbi hac flocci non facere pra puella salute nostros videt, tum vero vehemētius exardescens furem arripit, egregieque rabies eius, multitudinis concursu reprimatur. Veruntamen ea fuit fratris in ea iniuria patienter ferenda tranquillitas atque submissio, ut mulier postea placata, cum vniuersa familia se ipsa quoque ad Christum adiunxerit.

Puer quidam tredecim ferme natus annos, fratres eosdem adijt baptismi caussa: interrogatus cuius esset, respondit Maurum, ex pago quodā leucas circiter quinque distante, seq³ a parentibus ob id vnum clam profugisse, vt ad Christiana sacra contenderet.

Huic Sancti Iacobi castro aliud est & natura loci, & viatorum frequentia non absimile. ades est ibi Sācto Blasio dicata, pueriq³ numerantur ducenti fere, tanta gratulatione aduentantes nostros excipere soliti, vt paucis hisce diebus, cum eos iter ad se habere cognouissent, ijs cuncti virentibus ramis insignes, & Christiana doctrina rudimenta canentes obuiam longe processerint. baptizati hoc anno sunt a nostris in eo castro ferme triginta.

Ad retinendos autem in fide neophytos, prater catechesim, qua sedulo exercetur, curatur etiam, vt statis diebus missa adsint, omnesq³ suo tēpore peccata rite Confessario detegant. praterea ab ethnicorum consuetudine, celebratibus, atque spectaculis ex decreto prouincialis Concilij prohibentur.

In Ciorano insula sancti Barptolemai parœcia est constituta, cuius Apostoli festo die natali baptizati sunt hoc anno octo circiter, & quadraginta aduena e finitimis Maurorum regionibus, nam ipsa insula tota iam Christum Dominum profitetur. Festus autem ille quem dixi dies, anniuersaria celebritate ludicrisq³ peragitur, quo facilius & vera pietas neophytorum animis imprimatur, & patrij ritus ex eorum memoria deleantur. Itaq³ cum sacras omnes & reliquias & imagines eximio quodam studio ac veneratione prosequuntur, tum vero Confessioni tantum tribuunt, vt cum primum in morbum incidere, quamquam eminus & incommoda tempestate, ex-

rem-

templo patrem confitendi causa accersant: affirmantque pro certo, se hoc Sacramentum corporibus suis longe quam alia humana remedia salutaris experiri. aiunt etiam omnes, idque constanter, ante Christiana sacra suscepta terrificis demonum monstris, aliisque spectris valde torqueri se solitos: sed ex quo religionem veram induerint, ipso nomine IESV, (quod nomen illi magnopere venerantur) & signo Crucis, quod in omnibus actionibus adhibent, quidvis triste ab se facere. dicuntque nonnulli, eius nominis fiducia nullam rem se non aggressuros quamvis arduam atque difficilem. iam quanto studio teneantur ethnicos ad Christum Dominum perducendi, declarat eorum assidua atque importuna efflagitatio, ut liceat sibi ea de causa eum ethnicis agere: sed quod volunt non semper a nostris impetrant, scilicet ne studio elati in eo genere quandoque peccent. etenim paucis ante diebus neophyti aliquot cum alium reperissent in Maurorum finibus habitantem non sine periculo susceptae religionis per eam consuetudinem deferenda; caritatis ardore succensi, ultro ipsi captum vincitumque ad adem nostram magno suo discrimine pertraxerunt.

Brachmanes quidam neophyti sunt, huius insulae primarij, Ganzares. horum cognatus quod odio Christianae religionis sponte exsulatum in Mauros abierat, in eius bonorum possessionem Prorex hos quos dixi Ganzares miserat. Verum illi commodis suis omnibus atque pecunijs praecognati salute neglectis, hominem hoc anno adierunt, nec ante destitit, quam ille Dei beneficio cum vxore, liberis, ceteraque familia in patriam ad Christiana sacra traductus est. Alij duo cum item ad Mauros eo consilio sese contulissent, ut affinem quendam

H 2 suum

suum ex ijs locis abducerent, atque ad Christi Ecclesiam aggregarēt; a barbaris capti & male accepti sunt, quamvbi cognitum est eos esse Cioranos, deinde soluti dimissi sunt: atque spes est ipsum quoque affinem propediem adfore.

Iam vero a patrijs ritibus ac ceremonijs quàm vehementer abhorreant, vel illares indicat: aduenerat nuper ethnicus quidam, vt coccos aliquot emeret (frugis genus id est instar nucum) cuidam e simulacris de more libandos: id vbi sensere nonnulli eius propinqui, vltro ipsimet hominem vsque ad fluuium persecuti captum ad nostros vi pertraxere, sic statuentes apud animum suum, pro sceleris atrocitate lenius agi cum illo non posse, quam vt confestim laqueo suspensus e medio tolleretur. Nec solum eiusmodi, sed etiam cetera flagitia maiorem in modum auersantur. Testis est adolescens quidam claro genere natus, qui superioribus diebus parum pudica mulieris consuetudine implicatus cum esset, id vbi affinibus cognitum est; nulla nobilitatis eius habita ratioe, & ipsum & feminam ex insula finibus exegere, negantes ferri vlllo pacto posse, qui exemplo suo ceteros tantopere offenderent. Alia multa in hanc sententiam dicenda supererant: sed ex hisce de reliquis existimari facile poterit.

In Salsetano agro huic insule propinquo tēpla quingz excitata. quorum primū & antiquissimum est in castro Raciolo, dedicatum Maria virgini ad nives. In eo baptizati sunt hoc anno centum & quadraginta, præter eos qui Goam eiusdem rei gratia venire, quigz hoc tempore catechumeni sunt. porro in illa parœcia Christiani in vniuersum numerantur amplius octingenti. Festo ipso niuium die, P. Prouincialis eo profectus, mane sacra mis-

se ritu pompæq; solenni peregit, & concionatus est: sub vesperam baptismate loti sunt quadraginta, ingēti gratulatione, magnoq; sacrorum apparatu, sedulo incumbētib; in eam rem Præfecto ipso præsidij, æconomis, atq; consulibus, quorum vnum pro eximio Christianæ rei studio ethnici adeo male acerbeq; oderunt, vt eum calumnijs fictisq; criminibus in capitis periculum vocare non dubitauerint. itaq; in custodiam est traditus aliquando, & vexatus a magistratibus: verum in eiusmodi ærumnis tantam ille semper alacritatem atq; adeo letitiam præ se tulit, vt pro sacra fidei propagatione maiores etiā labores & incommoda sibi a Deo precari & expetere videretur. Rursus etiam ab iisdem Brachmanibus ferro & lapidibus appetitus, præclare secum actum existimauit; vel ob id ipsum, quodd benignitate Domini factum est, vt quotquot eum oppugnaverant, immutati deinceps ad Christum sese conuerterint.

In medijs illis finibus oppidum est celebre Margon, & in eo templum sancti Spiritus, quo plus mille Christiani conueniunt, qui Brachmanes Ganzares antea fuerant. gregem hunc quinque tuentur e nostris. qui hoc anno ibi Sacramento Baptismi initiati sunt, ij summam efficiunt 234. hos alij sequuntur propediem. Ex eo loco Dominicis omnibus festisq; diebus confert se vnus e nostris ad sacra missa faciendā in eadem Sancti Michaelis, quæ Margone distat quinque circiter millia passuum, Christianosq; numerat octingentos egregia omnes pietate atque constantia, licet fere omnes disuncti atque dispersi, quidam etiam bene longe a templo inter ethnicos habitent. baptizati sunt ibidem hoc anno 107. augebiturq; neophytorum numerus, cum primum deferbuerit ira dolorq; vulgo conceptus ex disturbance delu-

brorum suorum. Et quoniam tanta est gentium immunitas, ut cum primum quis Christianus est factus eum vel propinqui & affines deserant quamuis extrema laborantem inopia; valetudinarium ibi nostrorum cura constitutum est, quo magna mortalium approbatione & excipiuntur, & curantur aegroti, non modo Christiani verum etiam ethnici, atque ea ratione multi Christo Domino lucrisunt.

In eadem Ecclesia conuersiones quadam hoc anno exsistere notabiles. Ex Maurica terra tres exacta iam. etate homines eo contendere ob id vnum ut Christo darent nomina. aegroti nonnulli Christiana religione in ipso morbo suscepta, contritionem pra se ferentes, e vita migrarunt. Iuuenis annos natus circiter quinque & viginti, cuius pater, vir in primis honestus, cum vniuersa familia sese Christo Domino addixerat, parentis consilium detestatus, ad Idalcaneum Maurorum regem se contulit, a quo amice exceptus & in honore habitus est: verum tamen acceptis deinde a patre litteris ita permotus est, ut Christianae religionis causa omnia illa commoda sponte relinquere, & leucarum triginta iter emetiri non dubitauerit. liberaliter egit cum viroque Prorex, eorumque commodis admodum benigne consuluit.

In eodem tractu aliam Ecclesiam cui a sancta Cruce nomen est inditum, Christianorum circiter sexcentorum, nostri procurant. anniuersaria Crucis adoranda sacra, quae in diem quartum Non. Maij incidunt, cum cetera celebritate hoc anno peracta sunt, tum etiam baptismo capitum 60. qui numerus & pro temporis spatio, (siquidem nuper eo lumen Euangelij illatum est) & pro multitudine ac pertinacia Brachmanum, qui ibidem sunt, nequaquam exiguus est putandus. Baptismo peracto, ne-
ophyti

ophyti omnes agmine ramos arborum præferentes cum præcensione tubarum, & varia symphonia prodire ad Crucem loco pulcherrimo defigendam, vbi nostrorum opera phanum ethnicorum totius eius regionis opulentissimum euersum antea fuerat: vt qui locus demoni colendo tam diu patuisset, idem adorandæ Cruci, demonis victrici consecraretur. Postridie eodem ordine ac ritu aliam statuerunt in vico finitimo, impositam pilæ, quæ in summa prius consutum erat amaracum, quam Brachmanes herbam magna superstitione ac ceremonijs pro numine venerantur: atque ea sane pilæ adeo commodâ præbuit Cruci basim vel naturæ loci, vel ipsius structuræ forma ac figura, vt eam vnâ ad rem excitata fuisse videretur.

Superioribus diebus baptizatus ibidem est puer, cuius conuersionem nostri diuturno labore quæsierant, spe matris etiam ea ratione ad Christum Dominum perducendæ, nobilis fœmina, & cum primario viro coniuncta: sed illa nihilominus obstinata palam profitebatur se parum laborare de filio. quod vbi ille cognouit, quamquam etate admodum tenera, petijt vt liceret sibi matrem adire, conatibus suis Deum forsitan affuturum. magnum in eo studium atq; ardor animi cernebatur. itaque ei negari non potuit, nec sane puerum fefellit opinio. namque ita se in ea actione præclare gessit, vt mulier, marito relicto, filium secuta sit, iamq; animi vere Christiani indicia dederit.

Alia Brachmanis Ganzaris viri principis filia catechumena est facta: quam tanto parens amore prosequeretur, vt nemo dubitaret, quin eam omnino imitaturus esset: sed ceteri Brachmanes opposuere illi sese, eūq; perpulere, vt cum Præfecto expostularet & quereretur, filiā

sibi per vim ablatam fuisse. deducūt igitur hominē centum fere Brachmanes ad Praefectum, certa fidutia fore ut puella verbis suis calumniam comprobaret. Sed illa ubi eo peruenit, tota re ad arbitrium suum reiecta, & iussa quod sentiret libere expromere; palam respondit, vim sibi nullam prorsus adhibitā fuisse, dolere sibi quidd non citius Christum Dominum cognouisset: quare Brachmanes turpiter victi abiectiq; digressi sunt, ipsa baptismo expiata, & nouo nomine Lucia vocata est: speramus etiam suos aliosq; ipsorum opera permultos idem esse facturos.

Ad eundem pagum accesserat Iogues, hoc est, quasi monachus inter ethnicos, ex eorum genere qui cultu vituq; horrido sanctimoniam profitentur. aetate videbatur annorum quinque circiter & viginti, egregia forma corporis, vultu modesto, minime loquax: in hunc neophyti cum incidissent, pœne captiuum ad nostros adducunt. Interrogatus a Patre, quonā consilio vitā adeo asperam duceret, quēme tot laborū sibi fructū proponeret; respondit se anteacta vite peccata expiare, salutiq; prospicere: tum Pater multis rationibus quāto in errore versaretur ostendit, qui sine cōditoris sui cognitione se id assequi posse cōfideret, suaq; disputatione ita permouit hominem, ut quasi noua quadam oborta luce, responderit, quoniā ita placeret Deo, velle se fieri Christianū: simulq; voluntatē suā facto sane admirabili declarauit. vestibus erat indutus laceris & attritis, pendente ex humeris sarcina coniectis in eam quibusdā quasi reliquijs, quas religionis causa circūferebat: anea scutella, poculo in cucurbita formam excauato utebatur: brachia & crura ferreis armillis, manūū digitos ac pedum ferreis itē annulis habebat ornatos: fistulam e ceruice suspensam, corniculū

venatorium manu gerebat, quibus aduentum suum in oppida prae-significare erat solitus: nec deerat illi mortis meditando materia, passer extinctus non detracta pluma. barba & capillis erat abrasis: exigui tantum circuli spatio comam in summo capitis vertice raram sed promissam & bene comptam consulto reliquerat. aures erant quattuor aut quinque locis perforatae, lignis quibusdam insertis, tanquam suae professionis insignibus. Sed ubi cum Patre congressus est, magna & Christianorum & gentilium turba sectate, nouo spiritu instinctus processit in forum, ibique rogo excitato & accenso, omnia illa instrumenta, quibus illum demon ornauerat, in fascem colligata coniecit in ignem: Brachmanibus magno suo dolore inspectantibus, & tanta ac tam repentina mutatione stupentibus. nec his contentus loques, ubi Christianis rudimentis institui est captus, veniam petijt matris adeundae, ut eam cum filiis tribus ad Christum ab impietate traduceret. conatui respondit euentus, namque profectus in patriam, quotquod quaesitum ierat, secum ad nostros adduxit. Sunt autem adhuc catechumeni, nam, ut ante diximus, Ioguium catechesis de industria solet esse proluxior, sed baptizabuntur propediem.

In eodem vico quidam erat ab Euangelio ita alienus, ut latebras quaeritaret assidue, ne Dei verbo aures dare cogeretur: is cum grauissimum in morbum diuinitus incidisset, morte iam imminente interrogatus a nostris vellent fieri Christianus, & desperato iam corpore animam ab interitu vindicare; velle respondit, praclare enim, inquit, intelligo, Deum hoc morbo fugae ac tergiuersationis meae poenas a me repetere, atque ita culpam agnoscens ut baptizaretur efflagitauit ilico antequam efflaret animam: atque ubi lotus est, crebris cum Deo colloquijs ha-

bitis, peccatorum veniam implorans, ea ipsa nocte migravit e corpore. verum de hac parœcia (ne sim longior) habetenus: quæ Christianis hoc anno aucta est centum septuaginta tribus.

Sanctorum Philippi et Iacobi ecclesia Christianos cōtinet quinquaginta supra octingentos maxima ex parte Brachmanes: eam quoq; vineam colunt nostri sane fructuosam, namque hi neophyti spectata probitate studioq; sunt amplificanda religionis Christiana, atq; ob id ipsum angustius pauperum suis facultatibus leuare non desinūt. Sed ut ethnicis ijs qui bonam frugem pollicentur adiuuandis libenter insistant; sic ab improborum ac pertinacium consuetudine longe refugiunt. Ad numerum fidelium adscripti hoc anno in eadem ecclesia sunt amplius centum & quinquaginta, præter triginta, & eo plures, qui se ad hoc Collegium ea de causa contulerant. baptisus ibi inter ceteros habitus est capitum simul octo & septuaginta, in ijs cum alijs insignes viri fuere permulti, tum vero maxime Brachmanes Ganzares tres. Apparantur autem actus hi publici quam amplissime, quo facilius Indiritus impios ac superstitiones dediscant, quibus certatim operantur hægentes externis ceremonijs & gratulationibus, utpote veræ atque internæ pietatis prorsus expertes: totamq; religionem spectaculorum duntaxat ac pomparum magnificentia ac specie metiuntur. Ad eum porro, quem dixi, baptismum ingens concursus est factus partim incolarum, partim etiam Lusitanorum, qui ad eam eadem religionis causa peregre aduenerāt. In ea turba neophytus repertus est in tanta aliorum gratulatione solus effuse plorans. res non sine admiratione continuo deferretur ad Patrem. is accedit ad hominem: quærit cur in publica latitia vnus ipse lugeat: tum ille: quid ni (inquit) fundam

præ gaudio lacrymas, cum videam rite coli communem omnium Dominum eo ipso in loco, vbi paucis ante diebus eundem per summam impietatem neglectum & iniuria affectum aspexi toties, cum honores eius numini debiti, saxo cuidam hic posito tribueretur, nomine Manganiao? obstupuit eo responso Pater, præsertim quod nihil tale ab illo exspectasset: qua ex re perspicitur immensa conditoris ac Domini nostri benignitas, qui charismata sua non ad hominum opinionem atque iudicium, sed alto quodam & arcano consilio diuidit. Erat in eadem parœcia mulier Christiana, cuius filius ab idolorum cultu, & Brachmanum consuetudine diuelli non poterat. itaque pro eius conuersione ut pro sancto quodam Augustino pia mater Monica lacrymans precabatur assidue: cumque totum iam quinquennium in eius oppugnanda pertinacia frustra laborasset, graui denique morbo mulier opprimitur. per eam occasionem ad euocandum matris nomine Confessarium filius aduenit. Dies erat niuium miraculo sacer: eo ipso die, mane, sacrificio missæ peracto, ambo profecti sunt: cumque tali die pater frugem aliquam Virgini matri libare percuperet; cepit in itinere cum adolescente agere de venturi sæculi veritate deique huius vitæ fallacijs, suadere & hortari ut salutem prospiceret matris exemplo, quæ id tam vehementer optaret. quibus ille sermonibus, ut a Christi nomine maiorem in modum abhorrebat, initio minime flecti visus est, verum tamen urgente deinceps multis rationibus patre, affuit captis eius omnipotentis Domini bonitas, quæ adolescentis animo sancti Spiritus facies admo- uit sic, ut exutis impedimentis omnibus, quibus implicatus a demone tenebatur, Christianum fieri, matrique obtemperare velle se dixerit: ad quam ubi peruentum est, tota re a Confessario exposita, mulier tantum latitæ percepit ex

ea tam repentina, tamq^{ue} felici immutatione filij, vt statim se morbo leuari senserit. præbuit confitenti aures Patet, deinde ceteros Christianos adiit, prosequente officij gratique animi declarandi causa adolescente catechumeno cum alijs cognatis, & eorum quidem ethnicis aliquot, qui ostendunt se quoque propediem id ipsum esse facturos. Dominus noster eos in salutari consilio suscepto retineat. Nunc alia ecclesia ac templum opportuno loco instituitur: namq^{ue} re ipsa compertum est, ad ethnicorum conuersionem, & neophytorum profectum longe utilissimam esse adium sacrarum frequentiam, etenim hoc pacto & boni ab improbis commodius dignoscuntur, & vniuersi facilius adiuuantur.

In hac insula Goa nostri ecclesiam quoque sancti Iohannis Euangelista administrant. ea Christianis constat occingētis: qui vt fere omnes admodum honesto loco sunt nati, & in principibus insulae numerantur; Christianis actionibus tempus redimere student male positum in idololatria. itaq^{ue} egentibus benigne faciunt, præsertim cum annonæ laboratur inopia: quod cum hyeme proxima contigisset, conuentu habito primores oppidi cuiusdam rationem iniere subueniendi pauperibus, idq^{ue} fecerunt. vbi vero tempus messis aduenit, aliquot oryzæ candidis (certæ mensuræ nomen id est) ex collatione in publicum redegerunt pauperibus diuidendos. quæ laus hominum eo maior est, quod ydem ante conuersionem aliud nihil nisi tyrannidem, rapinas, & alia huiusmodi scelera meditari solebant.

In rebus ijs, quæ ad synceritatem fidei pertinent, nullus carni et sanguini relinquitur locus. Senis cuiusdam filius ad Mauros se contulerat, huic parens per litteras aperte denūtiavit, si quid ab se postularet, rediret in patriam
Chri-

Christumq; profiteretur: ita fore non solum vt animam
exilio sempiterno subtraheret (quāquam id maxime spe-
ctari oporteret) sed etiam vt paterna inter ipsos neces-
situdinis iura constaret: sin rem diutius distulisset, sibi cer-
tum esse exacta iam etate, & ad exitum appropinquan-
ti, illo ex heredato patrimonium omne egentibus distribu-
ere. qua ipsa denuntiatione alij quoque, nec sane frustra,
cognatos ab impietate deterrent. hoc anno in eadem ec-
clesia sacro Baptismatis fonte renati sunt octo & trigin-
ta pleriq; nobiles: in ijs tres e Botorum familia, qui apud
ethnicos concionatorum exercent munus, magnosq; in ho-
nore sunt. ante huius mensis exitum multos alios neophy-
torum affinium suorum opera sperabamus ad Christi gre-
gem accessuros. Paucis ante diebus ad templum illud Ba-
ptismi causa se contulit grandis iam natu, minimeq; con-
temnendus vir, tanta fide & notitia Dei, vt qui aderant
mirarentur: etenim Catholica fidei capita exponenti Pa-
tri respondit ille, sane vt videbatur ex animo, se cano iam
esse capite, nec ignorare neminem præter vnum Deum ac
Dominum nostrum colendum atq; adorandum esse: eun-
demq; sibi iamdudum herere in pectore, ac proinde sese
deslere longi iacturam temporis in damone per summum
scelus venerando consumpti: & simul vim lacrymarum
profudit contritionis ac pœnitētiæ testem, petens vt sacro
baptismate lauaretur, quod postea factum est. Deniq; vt
ad alia transeam, nostris hominibus illius ecclesia neophy-
ti pietate in Deum & officio satisfaciunt, nec eo quempi-
ame Mauris accedere patiuntur, quin rem ad nostros con-
tinuo deferant, vt ad eius conuersionem aggrediantur.
Anniversaria eius templi solennia hoc anno cum ceteris
ceremonijs, frequentia populi, & sacra concione celebra-
ta sunt; tum etiam baptismo candidatorum viginti,
quos

quos alij octodecim paulo post subsecuti sunt, vt interim eos taceam, qui ad hoc Goanum Collegium missi sunt: atque etiamnum superesse dicuntur ibidem catechumeni quinque & viginti.

Præter hosce Baptismos in Goanis finibus habitos hoc anno etiam in ipsa vrbe Goa in adibus nostri Collegij Baptismi quattuor generales peracti sunt non sine apparatu magnifico, symphonia, supplicatione publica, concionibusque nostrorum, qui linguam Indicam callent præclare, præsentē Prorogē, propterea quod in candidatis erant Brachmanes multi viri primarij.

Primus concelebratus est Epiphaniæ die festo, quod hoc libamine gratius nullum infanti I E S V fore putauimus. baptizati sunt octoginta, in ijs Brachmanes medicus in primis huiusce vrbis clarus: huius vltro se præbuit susceptorem ipsemet Prorogē, vniuersa Indica nobilitate honoris causa prosequente.

Alter eadem fere Pompa in Maium mensem incidit. ingenui abluti octo & quadraginta supra ducentos prætermulta Lusitanorū mancipia. in eo numero fuere Brachmanes duodecim insignes viri cum sua quisque familia.

Tertius in tertiam dominicam diem Iunij mensis dilatus est Angelo custodi sacram. Ea celebritas ceteras tum gratulatione, tum neophytorum numero ac nobilitate superauit: cuius rei non minimam laudem fructumque tulit Lusitanus incola, qui cum in suis hortis ethnicos haberet complures vehementer in suis superstitionibus obstinatos; tantū aberat, vt eos ad Christū allicere conaretur, vt etiā de nostris hominibus id agentibus quereretur: quod scilicet illis molestiā exhiberent: verū is diuinitus deinde factum est, vt culpam suam agnoscens, mutata voluntate nostros in opere adiungere sedulo caperit, & ex ijs ad fidem

dem traduxerit amplius quinquaginta, qui nostrorum opera Christianis deinde praeceptionibus eruditi, ubi dies Baptismi adfuit, ab ipso Lusitano per mediam urbem ades nostras agmine composito ducti sunt, ramos manibus praeferentes, precinentibus tubis, ut specimen aliquot Proregi praeberet novarum fugum quas in pomario suo decerpserat. sub vespere deinde sacro Baptismate initiati sunt in uniuersum ducenti & sexaginta: in ijs Brachmanes Salsetani & Goani honesti homines circiter quinquaginta.

Postremus fuit capitum centum & sexaginta, Octobri mense, post diem undecim millibus Virginum sacrum, idq; summa cum significatione latitiae. porro omnibus hisce celebritatibus interfuere Lusitani tres, qui in hac urbe sibi domicilium collocarunt, quorum vnum aëconomum esse Raciolensis ecclesiae diximus antea. Atq; ego sane verbis exsequi nequeo, quàm cupidi sint tres ij homines animarum salutis: siquidem pro ea tam vehementer laborant, ut ab Deo in terris videantur esse propositi quasi quoddam exemplar et incitamentum multis in hoc genere negligētibus: cum enim ea de causa calumnijs falsisq; criminibus oppugnentur, interdum etiam truantur in carcerē; ita libenter hasce vexationes omnes, & incommoda excipiunt, ut praeclare appareat, quanto desiderio teneantur patiēdi pro Domino. Hac hyeme falso accusati sunt, quòd ethnicum quendam ad Christiana sacra vi compulissent: cumq; generalis Auditor mendacijs oneratus, eos pro potestate coerceri imperasset, vnus ex ijs fuga sibi cōsulere cū posset, prorsus neglexit: quin etiā suadenti Rectori nostro caueret, respondit ille, se pro conuersione ethnicorū nō modo nō formidare custodiā, sed etiā optare Christi Domini gratia flagris cadi publice, seq; imer
ipsa

ipsa verbera mirabilem fructum ex verbis lictoris, præconisve capturū, cum eius supplicij causam de more pronuntiaret. atque is eodem animi sensu subortis pæne lacrymis, reputans quā paruo studio teneantur homines hominum seruandorū, affirmabat, si cognosceret in Maurorum sinibus quamuis lōgissime positum quempiā ethnicum ad Christiana sacra propensum; neglecturum se nō modo rei familiaris iacturam, sed etiam omnia capitis pericula, vt ad eum ab interitu reuocandū illuc usq; contenderet. præclaram sane laudem, præsertim quod multo plures hac tempestate reperias, qui tam sancta studia retardare, quā qui adiuuare conentur. Et quoniam de horum hominum virtute iam antea scripsimus, illud vnum adiungam. octauo quoq; die Confessionis & Eucharistiæ sacramentis in ade nostra & se muniant ipsi, & alios multos ad id ipsum incitant. nullus præterea Baptismus est, aut Christianorum celebritas, quin intersint: nec modo neophytis gratulantur, sed etiam in difficultatibus benigne subueniunt. optimam hanc eorum mētem tueatur Dominus.

Qui a nostris hoc anno ad mensem vsque Nouembrē baptizati sunt, eorum est summa (Baptismis omnibus computatis) trium millium, & nouem supra ducentos, præter eos qui in priuatis adibus egrotantes, quiq; in custodijs publicis ac trirēibus, alibiq; eodem aternæ salutis impertiti mysterio, in codicem relati non sunt. exiguus numerus si superiores annos respicias, sin bellicosus tumultus & incommoda reputes, quibus impeditur Euāgelium; nequaquam exiguus: vberioris vero mēsis, hac tempestate sedata, spes est: præsertim acriter incumbēte in eam ipsam rem pro virili parte Prorege, qui neophytos officiose complecti ac tueri, & ad ethnicorū conuersionem

uersionem hortari non desinit: quin etiam ter quaterue complures ipse vestiuit, aureorum mille & quingentorū impensa: cuius pium hoc studium, curamq; amplificanda Christiana religionis Dominus augeat.

Hæc mihi in præsentia, venerande Pater, in mentem veniebant, quæ de progressu Euangelij ad te scriberem. Reliquum est, vt precibus & sacrificijs tuis gratiam nobis viresq; implores a Domino, quo non solum partas retinere animas, sed alias etiam deinceps lucrari possimus. Goa mense Nouembri 1569.

EX LITTERIS MARTINI
Syluæ ad Consaluum Aluarem
datis 6. Calend. Decemb.
1569. e Castro Onoris.

Nos, vt scis, ex isto portu discesimus ad 18. Cal. Decembris. eo die ad Goanas insulas noctu peruenimus: ibi diem pæne totum morati nauigia præstolantes, quæ Goæ remanserant, simul atq; affuere nonnulla, statim solutis anchoris vespere tenuimus Amediuam. Amediuæ dies quinque posuimus: deinde sacro Missæ peracto cui Prorex cum vniuerso exercitu interfuit, valida classe nauium 160. ad Onorem delati, castrum offendimus admirabili opere, artificioq; perfectum. Erant in eo præsidio Lasquarini circiter septingenti artis sclopettariæ peritissimi: ij nostrorum signa conspicati, sese ad defensionem toto pectore compararunt: insequenti luce in descensione prælum haud leue commissum est, ita tamen vt nostri superiores exstiterint. Primus e navi sese in litus eiecit Prorex: tum

ceteri subsecuti: atq; eodem impetu Lusitani audacius ad moenia vsq; profecti sum, sed egregie repulsi, duobus e suorum numero desideratis, ictis vero circiter 40. quorum aliquot e vulneribus postea mortui sunt: quod incommodum acceptum non esset, si quorum oportuit consilijs monitisq; paruissent. id ne rursus accideret, Proregis iussu ductis rite munitionibus castrum oppugnari trifaria captum est sic, vt praefectus a certamine versus ad preces, re desperata ad Proregem accesserit vitam sibi, ac militibus implorans. Facta deditioe, armis, & impedimentis relictis, in decusum compositis manibus, cum singulis vestimentis omnes dimissi. Oppugnationem triduo sustinuerant: tertio die, qui fuit festus Sanctae Catharinae, cessere. Nos castrum intrauimus: & in gratiarum actionem custos Franciscanus sacrificauit, ego Proregis iussu concionatus sum. Resciantur hoc tempore quae per oppugnationem diruta sunt. statuitq; Prorex manum militum hic in praesidio relinquere. Regat illum pro sua clementia Dominus. Tu vero curabis vt piorum suffragationibus adiuuetur: id enim ille vehementer exoptat, mihiq; mandauit, vt id suo nomine abs te per litteras peterem.

Fugerat me de euentis meis quibusdam te facere cerriorem. Bis poene defunctus sum: semel vt primum exscensio facta est, dum aliquot militibus animos conor addere, & Crucifixi Domini signum ostento: namq; in eos emissa repente artificiosi ignis olla, huc illuc magno impetu volitans; cum a periculo sese cuncti proriperent; inter eam trepidationem impulsio prolapsaq; mihi obtigit soli, ita tamē, vt olla cauda vestem dumtaxat discerpserit, corpus illesum Domino miserante reliquerit. Iterum ac tertio periculum adij, ex tormentarijs globis, ita praeteruolantibus, vt mihi verticem capitis prope abraderent.

Quod

Quod ad reliqua attinet; ego, & Sebastianus Conſulius
& corpore valemus, & munera Societatis obimus adhuc
Dei beneficio ſane feliciter; verſamur autem ferme in
valetudinario cum egrotis. Nobis ad voluntatem ſuam
omnino exſequendam Deus robur gratiãque ſufficiat.
Atque ob id ipſum tu nos Pater precibus tuis & ſacrificijs
adiuuare ne deſine. Onore. 6. Calend. Decembris. An-
no Domini 1569.

EX LITTERIS HIERONY-
mi Ruizij ad Præpoſitum Gene-
ralem datis Cocini 18. Cal.
Februarij 1570.

Quoniam ex ijs litteris quas ex Europa in
remotas regiones hæſce pro veſtra humani-
tate perferendas curatis, magnam animi
voluptatem, lætitiãque percipimus; ad ra-
tionem ~~officij~~ noſtri pertinere ſum arbitratus, ut viciſſim
iſtuc, quæ hoc anno in Cocinenſi Collegio ſint geſta per-
ſcriberem.

Habentur in hoc Collegio publicæ ſcholæ Grammati-
ces duæ, ad quas ventitant diſcipuli ferme ducenti & ſe-
xaginta bene morati: ijdemque tum in ſtudijs, tum in ſa-
cramentorum uſu valde proficiunt. Doctrinæ Chriſti-
anæ præcepta (quamquã multi admodum tenera ætate ſunt)
cuncti per didicere: complures vero etiam Catechiſmum
in dialogo niſſum iſtinc: eundemque ipſi non ſine fructu
diſſeminant.

Confeſſio & Communio in ade noſtra ita frequens eſt,

vt celebrioribus festis, præsertim vero *Maria Virginis*, *Corpus Domini* sumant fere trecenti, vel quadringenti. Idem accidit etiam cum indulgentia promulgatur, quarum neophyti perquam acre desiderium præferunt: & sane multum ea ratione proficitur. Primo die Dominico aduentus, publice propositum est Iubileum datum a summo Pontifice anno 1568. ad pacem & felicitatem Ecclesiæ Catholicæ exposcendam. Tanta fuit consuetudinis vis, vt sacerdotibus nostris octo a matutino tempore ad noctem vsq³, nullum quiescendi spatium daretur. itaq³ in hoc vno templo per eos dies iniere sacrum Eucharistiæ conuiuium circiter mille maxima ex parte neophyti. præterea tantum fraudata pecunia restitutum, tot sublata discordiæ, ita multa pie facta sunt, vt hac vna de causa præclare positum a summo Pontifice hoc Iubilei beneficium esse videatur: quid si cetera eiusmodi spectes, quæ in reliquo Christiano orbe plurima per eandem occasionem gesta fuisse credenda sunt? Ad conciones tantus est populi concursus, vt suggestum ex æde in plateam interdum proferre necesse sit: (vt interim eos taceam qui cetera vrbis templa frequentant) idq³, non sine magno animorū motu lacrymisque, quod scriptum est alias.

Hyemauit hoc anno Cocini Didacus Meneses rei maritima pro Lusitaniæ Rege præpositus. clasiserat navium triginta. propugnatores mille numerabantur. ac nobis magnam ea res attulit voluptatem, quod in tanta hominum militarium turba non modo quies, verum etiā Christiana disciplina mirifice constituit: quippe horum militū qui versantur in India, mos est sacram Confessionem frequenter obire: & cum Ecclesiasticos & religiosos homines magnopere venerantur, tum vero incipiunt præclarū sibi & honorificum ducere, acceptas ab hominibus iniurias

rias Deo donare liberaliter. Itaq, si quando rixa inter eos vel seditiones existant, nullo negotio comprimuntur. Hyeme exacta, priusquam clasis abiret, a concionatoribus nostris captum est agi cū classiarijs de salute animarum sic, vt ex vniuerso numero, octingenti in ade nostra sese Confessionis sacramento expiauerint. quin etiā multi publicis per urbem ac voluntarijs pœnis admissa luere piacula. Quid plura? pusillam Quadragesimam paucis illis diebus habuimus. idq, magna tum fidelium, tum infidelium approbatione, cernentium, hosce milites, si quid per hyemem grauius deliquissent, sponte deinde ac libenter supplicia subeuntes. Nec solum præfecti militesq, (vt diximus) sed etiam turba nanalis et ipsi quoq, remiges peccata rite confessi sunt. Atque hac adhibita preparatione cuncti admodum lati in Domino conscendere: et ad huius ora præsidium ex hoc portu profecti Deum habuere sane propitium, siquidem allatum est, Maurorum naues ab ijs captas amplius 40 eosdemq, facta aliquoties exscensione, ethnicorum hostium caesis circiter quinque millibus, non laudem solam, sed opima etiam spolia retulisse.

Redempti sunt hac hyeme aureis quingentis nostrorū opera corrogatis, Lusitani quinque, qui anno superiore, casu nescio quo, in manns Malauarium Maurorum inciderant. ij cum ad Collegium hoc deinde venissent Deo Domino gratias acturi, latissimos nobis nuntios attulere, ceteros Christianos qui adhuc redimendi supererant, quanquam multis vexatos incommodis & cruciatibus, firmos nihilominus in Catholica fide persistere. Adolescentulum, qui nostra gymnasia frequentauerat, alligatum ad arborem pedibus manibūque, conati erant Mauri intentis in eum arcubus & sagittis ad Christum deferendum impellere: quibus ille inter ipsos terrores animo for-

ti, magnōq; respōderat, se vita potius priuatum iri, quā fide: quocirca desperata re Mauri ab incepto destiterant, ita tamen ut eum deinceps qualibet quamuis leui de causa calcibus fustibusq; male multarent. Alium tenera admodum etate puerum pollicitationibus ac minis in fraudem induxerant: id ubi reliqui sensere captiuū, consensu omnes adeunt puerum, seq; ad eius pedes abijciunt flentes, ac praesertim vir quidam ex eo numero nobilis: quorum suasu ac monitis puer ita permotus est, ut abortis repente lacrymis, se utique deceptum fuisse responderit, sed moriturum potius quā a religione Catholica recessurum: atque hanc pietatem suam comprobauit praclare: nam ultro ipsemet se hostibus obtulit, aperte denuntiāns sese Christianum esse: quare indignati Mauri victum ad arboris truncum sagittis petere primum, deinde etiam iugulare aggressi, denique desiere, illius obstupfacti constantia. Nec tamen eundem exitum alij Christiani sortiti sunt: quos eximia fortitudine perseverantes in Christi Domini confessione crudeliter interemptos esse cognouimus. O praedicandam Domini bonitatem, qui miseris hisce temporibus, in media barbaria, dereliquit sibi septem millia, quorum genua non sunt curuata ante Baal.

Venio ad huius anni messē. Octaua Sancti Spiritus feria profecti e nostris aliquot ad Palurtenses neophytos qui passuum hinc tribus circiter millibus oram maritimā incolunt; obuios illos in itinere habuimus, amanti simeq; accepti sumus hospitio cuiusdam ethnici etate iam prouecta viri pr. marij: ibiq; de suscepta religione retinenda sermo ad neophytos habitus primum, deinde prolatus regis Cocini diploma, & recitata littera, quibus priuilegia continentur ab eodem rege proposita ijs qui sese ad Chri-

Christum adiunxerint. quæ res multis noua, cunctis accidit iucundissima, hospiti nostro præsertim: idemq; antiquam inde discesimus pollicitus est se Christianum fore cum suis: & quanquam inimicus homo rem deinde impedire conatus est. speramus tamen illum promissa facturum. Post hæc varijs locis sane quàm opportune Catechismus est habitus: accedebat illud etiam, vt a Catechismo nostri se se adhibitis interpretibus in ethnicorum cætus infererent Euangelium prædicantes, adiuuantibus eos item in opere amicis atq; discipulis, qui pro sua parte nō desunt auditores ad verbum Dei conuocare, atque ad Christiana fidei veritatem allicere. Itaq; die quæ fuit Visitationi Mariæ Virginis sacer, primus huius anni Baptismus ad hunc modum est peractus. Aliquot primum diebus nostri Catechismo vacarūt: deinde vbi dies adfuit Baptismi, candidati omnes ad Christianum veterem conuenere, virum locupletem, et honoratum (quicum apud eos omnes parentis, tum vero apud nos socij atq; adiutoris egregij locum obtinet) Gasparem Aegidium nomine: atq; vbi maturū fuit, sub signis omnes agmine prodire cum tiliarum, tubarumq; concentu, ramos palmarum tenentes indicium victoriæ eius quā Dei beneficio de spiritalibus nequitijs deportauerant. Ad eadem sacrā appropinquantibus processit obuiā clerus vna cum vrbs Præfecto, & Episcopo, & magna ciuitatis parte, actus eiusmodi eximia pietate ac studio concelebrare solita. Episcopus e candidatis pauperum unum quemq; delegit quos partim rite susciperet, partim etiam manibus ipse suis ablueret. a Præfecto etiam nonnulli suscepti sunt, idemq; se in ceteros valde humanum atq; honorificum præbuit. id ipsum a ceteris principibus factitatū. Baptizati autem sunt eo die (quæ Domini nostri clementia ac benignitas est) viginti supra ducentos.

Inderursus nostri in opus exiere: cumq³ festo die sanctorum omnium, praefectus ad ades nostras baptizandum perduceret magistrum fabrum naualium Regis Lusitania; per eam occasionem conuenere etiam ij, qui recentissimi nostrorum hortatu ad Christum sese conuerterāt. Itaq³ renati sacro Baptismate sunt eo die octoginta non sine solenni caeremonia, & cantibus.

Porro nos ex ea re fructum animi precipuum capimus, quod alia nulla nisi aeternae salutis ratio hosce homines vt Christum profiteantur, adducit. Itaque nec vestes in Baptismo nouas, nec alud omnino a nobis praeter spiritalia expectant, aut flagitant, nisi forte granum aliquod benedictum e ceruice gestandum: nec vero deinde per inconstantiam ac leuitatem a Christo desciscunt: quinimmo magno sibi decori esse nomen Christianum existimāt, & ceteros ad veritatem studiosae conantur ab impiarum opinionum puerisitate traducere: quo in genere nonnulla perstringam.

Quidam ex hisce neophytis, licet a nonnullis veteribus Christianis non modo grauius offensus esset, verum etiā oppressus atque vexatus; non tamen iccirco destitit quominus Christianam rem procuraret egregie. Paucis igitur hisce diebus duos homines ad Deum verum a demonis cultu conuersos ingenti gaudio perduxit ad nos. Puer Naires (hoc enim nomine appellatur certus ordo militarium hominum) vt baptizatus est ipse, ethnicos adiuuare statim aggressus est: triduoq³ alium Nairem ad nos adduxit: itemq³ paulo post Indos alios duos, tré sve, tanta cum animi letitia, vt eadem in nos redundaret.

Maurae cuidā erat filiulus, quā illa siue quod ad Christiana sacra propensum cerneret, siue alia nescio qua de causa, vt erat immanis & fera mulier, captum defodit
vium

vinū ad fauces vsque, ingenti superimposito lapide, vt lentiori cruciatu paulatim exstingeretur. Verum percommode factum est, vt hiatus existeret quidam, ex quo pratereuntes viatores puer posset aspicere. Accidit igitur vt illac iter haberent Christiani aliquot: quos ille conspiciatus, quanquam adhuc Lusitanica lingua imperitus, e saxo vociferari, & duo illa verba, Christum exopto, satis aperte pronuntiare: accurrunt illi statim, & amoto lapide puerum extrahunt, atque vnus ex ijs ad gubernatorem illum adducit, alius ad nos recta properat flagitās, vt eo mittatur aliquis, puerum velle fieri Christianum. Itaque mater in custodiam tradita: puer in ades nostras acceptus, ac deinde baptizatus est.

Regius praefectus, quem in Christiana re adiuuanda nostri valde studiosum experimur, vna cum rectore nostro adiit ad Cocini regem, alio quodam in oppido commorantem, vt per eum liceret ibidem templum exstruere neophytis Palurtenfibus inquilinis. Annuēte rege, continuo praefectus ipse misit qui materiam caeuam adificandi caussa cōueherent: quin etiam domum, quam ibi possidebat, eius rei gratia diruit. In reditu vero ad vicinam insulam rectorem perduxit, vt cum eius insula regulo de Christiana religione ageret, qui sane regulus valde se facilem praeuit, dixitq; sperare sibi Dei beneficio datū iri, vt non nisi Christianus ex hac vita discederet. Vos eum quaeso istic Domino supplices commendate.

Antequam clas̃is ex hac statione discederet, decursus militares, & varia simulacra praeliorum exhibita, primū a clasiarijs, tum octauo post die a Lusitanis inquilinis. postremo etiam a neophytis Cocinensibus, a quibus diligenter est cautum, ne quis ethnicus (quod opulenti quidam ostetationis caussa tentauerant) se in ipsorum agmen in-

sereret. Ei decursioni honoris causa operam dedere, tum ciuitatis Praefectus, tum etiam clasſis dux, & ceteri principes, ita vt in eoludicro & aciem struerent, & ordines ipsimet ducerent. Neophyti autem duorum circiter millium numerum implebant, vario telorum genere, magna tamen ex parte sclopiis instructi, omnes vero egregio corporis ornatu, & quidem complures (vt sunt pecuniosi, & gloria cupidi) ita sumptuoso, vt proxime ad Lusitanos accederent. Aestate ineunte instructis ere suo biremibus quinque, in expeditionem sine vlllo stipendio pro Lusitania rege profecti sunt: iamq; praecleari de ipsorum virtute numij afferebantur. Cocini rex adhuc in sua cecitate persistit. is cum per hyemem in morbum incidisset; nō incommoda occasio visa est vrbis Episcopo, itemq; Reſtori nostro conueniendi hominis, eumq; salutaribus monitis adiuuandi. Ad eum igitur ambo profecti, in ipso regia vestibulo superstitiones & nefaria sacra permulta reperiunt, quibus barbari pro ipsius incolumitate operabantur: regiam vero ariolis Brachmanibusq; refertam, quibus ille adeo deditus est vt quamuis praecclare tum intelligeret, quamobrem illuc Episcopus reſtorq; se contulissent, nihil tamen iccirco de sua obstinatione remisit. Itaque aliud nihil eo itineris labore ab Episcopo & reſtore perfectum est, nisi vt officium vterq; praestaret, simul etiā vt cū dynastis quibusdā, qui ad regē socii ac patronū pro amicitia venerāt, agerent de rebus diuinis, & ab iisdē impetrarent vt impune liceret in posterum, in ipsorum ditione Euangelium promulgare.

Reguli duo huic oraſniti, iungenda cum Lusitanis amicitia percupidi, Christiana doctrina magistros, adeo enixe petierant, vt e re communi reſtor noster esse omnino statueret, duos e nostris eo legari qui eadem ope-

ra neophytos etiam illius regionis inuiserent, quos iam diu adierat nemo. Profecti igitur quemadmodum accepti sint, cognoscetis ex eorum litteris ad rectorem scriptis in hanc sententiam. Excepti sumus ab hisce neophytis magna ipsorum letitia, & gaudio: nec non ipsi ad quos tendebamus reguli, multis rebus declarauerunt quam sibi gratus esset noster aduentus. Quorum alter inuentus a nobis est ad sua illa placanda numina circum lapidem molarem festiuo cum digitorum crepitu cursitans, cum se prius in stagno quodam religionis caussa lauisset. Is ea caremonia peracta, peramanter egit nobiscum, confirmauitq; promissa. Gaspar Aegidius amicus noster, & huiusce comes itineris, valde hisce hominibus notus est. huic ferme trecenti polliciti sunt, qui primus in templo quod ibi exstruendum est, Baptismus habebitur, in eo Baptismo se nomina Christo daturus. Verum, vt Malauarica hac gens fere perfidia laborat infamia, pro ipsis magnopere orandus est Dominus, vt quod recepere persoluant.

In ijs qui Cocini regem agrotum officij caussa inuiserant, rex Porcada fuit, quæ regio distat hinc leucas ferme viginti. Is deinde præfectum huiusce præsidij conuenit, præfectus vero confestim ad se rectorem nostrum accersuit. Actum est ab viroq; de re Christiana cum rege, qui pro eo quanti Lusitanorū amicitia facit, prolixè concessit, vt Christianā religionē in ipsius regnū inferre palam ac libere liceat: quin etiam priuilegia neophytis eadem quæ Cocini rex tribuit patenti diplomate: Vt nemini in posterū suscepta Christiana religio fraudi sit, nec iccirco quicquam omnino vel de re familiari, vel de iure testadi, vel de honore ac dignitate deperdat: vt iurisdic-tio Ecclesiastica sit pœnes episcopū: vt tēpla nostra noxijs non

non modo Christianis, verum etiam ethnicis pro asylo sint: denique vt nemo Christiana fidei nomine in periculum vocetur: & alia eiusmodi.

Ethnicus erat quidam copiosus ac nobilis, quem fratres nostri & alij ipsius amici non semel a nefario demonis cultu abducere frustra contenderant. is ipso, ni fallor, S. Iacobi die natali, nostris ea loca obeuntibus, & ex itinere salutantibus hominem, gratulabundus obuiam prodijt, dixitq; sibi ea nocte quiescenti visam pulcherrima specie mulierē, summāq; oris & corporis dignitate (quā ipsemet pro ea consuetudine, quā illi cum Christianis est, beatam Virginem nominabat) eamq; ad se in hac verba locutam esse: Hac iter habebit cras mane e Sacerdotibus Christianis vnus, tu quicquid ille iusserit facito; & quoniam vultis (inquit) me Christianum esse; en praesto sum cum vniuersa familia: itaque paulo post in hoc nostro collegio baptizatus est.

Quodd nullum adhuc esset Cocini domicilium excipiendo alendisq; catechumenis, nonnulli iccirco a Christi professione retardabantur. quamobrem Aegidius noster vltro id sibi met oneris depoposcit, catechumenos praesertim virilis sexus gratis alendi apud se, dum ades ad eam rem publica comparantur. Aegidij virtutem imitata vidua quaedam honesta mulier, non modo alendis, verum etiam instituendis scaeminis operam, & impensam benigne pollicita est. Nonnullam etiam pecunia summam ad ipsum pium quidam homines contulere.

Proxima Circumcisionis Christi Domini nostri solennia, & anniuersariam eius diei celebritatem auxit etiam Baptismus insignis capitum 160. quo in Baptismo tum Episcopus, tum vrbs praefectus, quae solent pietate, officioq; versati sunt, quo latiora essent anni 1570 ineuntis

exordia, quibus exitum speramus fore persimilem. Qui
per nostros hoc anno Cocini ab impietate reuocati, &
salutari Baptismate loti sunt, si extremum hunc Bapti-
smum annumeres, quingentorum circiter (quæ Dei be-
nignitas est) summam efficiunt. Quod reliquum est, te
Pater optime, & reliquos omnes, qui in isto sunt orbe so-
cios obsecramus, vt nos Domina commendare ne desi-
natis in Christiana causa laborantes, tam remo-
tis in regionibus tamq̃ inter sese disun-
ctis. Cocini, ex collegio Matris
Dei. 18. Kalend. Feb.

1570.

F I N I S.

DE



42
DE IAPONI-
CIS REBVS EPI-
STOLARVM LIBRI
QVINQVE.

AD LECTOREM.



*I*apon insula distat ab Lusitania, & quidem periculosa in primis nauigatione, leucarum millia omnino sex. Itaque quod intāto locorum interuallo frequentibusque naufragijs est necesse, epistolæ sæpenumero intereunt. Intestinis præterea seditionibus bellisque pæne assiduis ea regio flagrat. quocirca multæ rerum publicarū conuersiones, crebriq; regnorum, atq; imperiorum ortus atque occasus, in ijs locis existunt. Quod ego te lector, initio monitum volui, quo minus mirere, sicut ubi vel interruptam historie seriem, vel aliquam forte in rerum personarumq; vocabulis varietatem offenderis.

DE

DE IAPONI-

CIS REBUS EPI,

STOLARVM LIBER

PRIMVS.

PAVLVS IAPONIVS SO-

cietati IESV pacem & gratiam

IESV CHRISTI.



Lacitum est ei qui
me de matris vtero
eduxit mea, me p-
ditū, & errātem a
grege veluti ouis-
culā querere, lon-
gissime positum nō
deserere, a tene-
bris ad lucem, ad
vitam ab interitu
reuocare. quæ ipsi-
us erga me benefi-

cia tot atque tanta, quod immensam eiusdem benigni-
tatem clementiamq; testantur, ad pietatis ac religionis
officium pertinere sum arbitratus, vt totam conuersio-
nis meæ rationem per epistolam vobis exponerem. Cum
in Iapone (quod meum patrium solum est) caca illa su-
perstitionum caliginemersus iacerem; ad bonziorū cœ-
nobium, infestas mihi quorundam metuens manus, tan-
quam in asylum forte confugeram. Eodem, commercij
caussa,

caussa, Lusitanorum appulsa erat navis: in quibus Aluarius Vazius mihi iam antea notus, cognitare, primo si una secum vellē decedere, pro amicitia mihi sese liberalliter obtulit: deinde, cum id, ob eius nondum expedita negotia, longius esse prospiceret, mihiq; foret in mora periculum; paranti profectionem amico, qui propinquo in portu stationem habebat, me per litteras commendavit. Eas ego confestim, intempesta nocte cum pertuliffem; ut in re trepida, non cui erant inscriptæ Ferdinando, sed Georgio Alvaro nauiculario, per imprudentiam reddidi. Is me benignissime exceptum abduxit, eo consilio, ut me ad Francisci Xaverij, quicum erat ei magna necessitudo, familiaritatem adiungeret: cum interea & concilianda voluntatis meæ, & informandi ad religionē animi gratia, multa partim de viri vita, rebúsque quas gereret, partim etiam de Christianæ discipline institutis quotidie mihi narraret. His ego sermonibus, paulatim non solum cognoscendi hominis, verum etiam Christianæ studio religionis exarseram. itaque cum Malacā peruenissemus, sacro fonte iam tum essem ablutus, si per Episcopi Vicarium licuisset, qui cognito rerum mearū statu, ob eam maxime causam me baptizari prohibuit, quod post sacra suscepta, ad uxorem ethnicam mihi redeundum negabat. Quocirca infecta re, cum nec Xaverium ibi, ut putaueram, offendissem, & maturus iam reditus esset in patriam; ad Sinarum regionem nauigavi, quæ distat ab Iapone 200. circiter leucarū intervallo (quod iter est sex vel septem dierum) ut inde in Iaponem prima quaq; nauigandi facultate trajcerem. A Sinis, cum in conspectum oræ Iaponiæ venissemus, nec plus 20. leucis a terra abessemus; repente fauissima teterrimāq; totius quatridui tempestate in eundem ex quo solueram-

ueramus Sinarum portum reiecti, descendimus. Hic mihi & naufragij metu perterrito, & intimis religionum stimulis agitato, quid agerem incerta ac sollicita mente deliberanti, ecce Lusitanus Aluarus Vazius occurrit, is, cuius precipue beneficio me ex Iapone euasisse narraui. Miratus cur discessissem Malaca, & simul audito maris periculo quod adieram, suadere institit mihi, secū de-nuo Malacā reuenterer: ad cuius hortationem Lauren-tij quoque Bottellij auctoritas accessit, hominis honorati, cum diceret non dubitare sese, quin Xauerius Malacā propediem esset futurus, qui me in Diui Pauli Collegiū Goam perduceret, Christiana doctrina diligentius ex-colendum, & inde reuertenti in patriam mihi aliquem e Societate comitē esset daturus. Placuit consiliū. itaq;
rursus veni Malacā. ibi in ipso descensu opportune mihi sit obuiam, qui me ex Iapone asportauerat, Georgius Aluarus. is me continuo ad Xauerium deduxit, tunc for-te in templo solennia nuptiarum sacra facientem. quis essem, cuius rei causa venirem, exposuit. quibus ille au-ditis, tantam vultu verbisq; animi letitiā ostendit, meq;
nactum iam aliquam Lusitanicā linguā consuetudinem, ita & tum accepit comiter, & deinceps benigne amiceq;
tractauit; & ego vicissim congressu hominis & aspectu vsque adeo sum recreatus; vt satis appareret, totam eam itineris mei rationem institutam fuisse diuinitus. Mox ad Collegium Diui Pauli reuersurus, quoddā neophyti Christiani in promontorio Comorini erant ei ex itinere inuisendi, me vna cum Georgio Aluaro via breuiore pra-misit. Goam tenuimus initio mensis Martij, anno post Virginis partum 1548. Eodem ipse quoque peruenit quarto vel quinto post die: sane celeriter. cuius aduen-tu gauisus sum vehementer, quippe iam ipsius humani-

tate ac prudentia mirabiliter captus. In Collegio deinde edocti quacunque ad Baptismum erant necessaria, ego & famulus, quem ex Iapone mecum adduxeram; mensē Maio insequenti, in templo maximo, per manus Episcopi, festo ipso Spiritus sancti die, Baptismi sacra suscepimus. Opifice rerum omnium bene iuuante Deo & Domino IESV Christo redimenda nostra salutis causa crucifixo, totum hoc ad nominis eius gloriam & Catholicæ fidei propagationem felix faustumq; fore confidimus. Mihi quidem Christiana veritas religionis, cum ex recentibus plurimis erga me Dei beneficijs, tum ex intima quadam sensuum meorum ac mentis tranquillitate, patet quotidie clarius. per paucis etiam diebus, commode & legere, & scribere didici. Diuī Matthæi Euangelium mandauī memoria. id nunc Iaponicis litteris retinendi causa describo. Xauerus Iaponicam prouinciam cogitat. me ducet secum. Vobis istic, quo res bene atque e sententia eueniat, pijs apud Deū precationibus pro utroq; nostrum diligentius enitendum est: pro me quidem certe; vt sua tot tamq; præclara in me beneficia ne male patiat̃ur esse posita, mihiq; roboris tantum animiq; suppetet, vt si centies oppetenda mors sit, vitam libens pro veritate profundam. Ego sum spe optima: & non sine magno meorum popularium fructu, & amplificatione nominis Christiani, constitutum in Iapone Societatis collegium, antequam moriar, me visurum esse confido. Goæ 3. Kal. Decemb. 1548.

COSMVS TVRRIVS
Societati IESV.

Quan-

QVando multa mihi per hos dies ac magna de Christo ex domestica Sociorum, qui ex istis regnis huc veniunt, praesertim vero Francisci Xaverij consuetudine discere datum est, vt communicē vobiscū hanc animi mei latitiam, Patres in Christo fratresq³, breuibus enarrare constitui, quo pacto Dominus me suam in hanc Societatem vocarit. Antehac, tametsi propenso in religionem sui semper animo, multa me tamen variēq³ cupiditates a proposito retardarunt. Anno redempti generis humani 1538. nescio quid vt quarerem, profectus ab Hispaniā, Cannarias primum seu Fortunatas, tum Diui Dominici, quam appellant, complures praterea alias insulas petij, de quibus, quod satis iam nota sunt, me nihil attinet scribere. Vidi etiam continentem, quam nouam Hispaniā vocāt, fertilitatis eximia: in qua, Dominicanorum & Franciscanorū opera, magnus Christianorum numerus cernitur ibi quadriennio ferme per summā secularium rerū omnium abundātiā ac satietatem exacto, cum maius quiddam atque solidius, quasi diuinans animus meus appeteret; Kalēd. Ianuarijs, anni M.D.XLII. sex nauium classē nactus, Occidentē versus pergere intendi. cum quintum iam & quinquagesimum diem in alto, procul ab omni terrae conspectu nauigassemus; ad insulas denique venimus multas numero, magnitudine perexiguas, loco depressas; quarum incolae, nudi, pisce tantum atque arborum folijs victitabant. hic dies octo substitimus. decimo inde die insulam conspeximus amoenissimā, frequentibus ac proceris admodum confitam palmis: sed nos vehemens venti vis descensu prohibuit. post decem alios, vel duodecim dies insulam tenuimus magnā, sed ab inhabitatoribus pene desertā, Vende-

K 2 naum

naum nomine, cuius ambitus est 200 leucarum. in ea cum
 quadragesimum circiter diem morati, neminem ex in-
 colis vidissemus; ad extremum barbari nauigio ad nos
 accedebant, pacis petendæ gratia sanguinem e pectore
 brachiisque suo more mittentes. sed nostrarum perter-
 riti strepitu bombardarum, ita repente in fugam verte-
 re sese, nunquam ut postea comparuerint. seminudi ince-
 dere, arboribus pro tectis uti dicuntur: pro scalis autem,
 arundinibus miræ proceritatis & crassitudinis. Inde cum
 ad Septentrionem nauigaremus, vento aduersante cur-
 sum ad meridiem auertimus, paruamque in insulam de-
 scendimus, carne & oryza abundantem. sesquiannum
 circiter ibi traduximus. incola sunt iaculandi peritissimi;
 venenatis utuntur sagittis, quas ut inficiant, virulentas
 quasdam bestiolas viridium instar lacertarum, enutri-
 unt. Hinc, de nostris ad 400. amissis, pœne coacti disce-
 dere, contendimus ad Malucum; quo in loco mora ferme
 biennij facta, quoddam classi nostræ nouam in Hispaniam re-
 ditus non patebat; de sacerdotum aliquot, virorumque
 nobilium comitum nostrorum sententia, cum Præfecto
 Lusitanorum qui erat ibidē, transeginus ut nos in hæc
 Indiæ regiones adduceret. In eo itinere insulam attigi-
 mus, quæ dicitur Amboinus. ibi Xauerium reperi: cuius
 primo congressu in ipsius imitationem sum vehementer
 incensus, itaque repente eius vestigijs institissem, nisi
 Episcopum Goæ prius inuisere decreuissem. quocirca me-
 um illi animum aperire in præsentia supersedi. Goam in-
 de peruentum est. ibi me statim ad Episcopum contuli, a
 quo exceptus liberaliter, & Ecclesiæ cuiusdam admini-
 strationi præpositus, in eo munere quinque circiter men-
 sium spatio ita sum versatus, ut me graues interea fere
 semper curæ cogitationesq; vexarent. quibus defatigato

iam animo cum nullam plane requiem inuenirem, ad nostrum hoc Diui Pauli Collegium veni, meq³ in P. Nicolai qui tum Collegio Rector praeerat, familiaritatem dedi. ab eo cum genus vite disciplinamq³ Societatis domesticam cognouissem; valde mihi, praesertim auctoritate Xauerij iam ante permoto, res tota placuit: cumq³ me ex instituto Societatis iccirco tantisper a negotijs remouissem, vt, mente quoad possem a sensibus auocata, omnem cogitationem in Dei beneficij erga me perpendendis, & in exigēda prae terita vita mea ratione defigerem; tertio die postquā rem sum aggressus, ita me repente securū, & ab angoribus liberum vacuumq³ persensi; vt egomet ipse rei nouitatem mirarer, mihiq³ posthac in Societate omnino viuendum ac permanendum esse decernerem. Id contigit anno superiore 13. Calen. Aprilis. quo ipso tempore Xauerij quoque magnopere me confirmauit aduentus; cum salutis mea caussa consulto missus in hanc urbem a Domino videretur. vnde ille paulo post discedens, vt promontorij Comorini Christianos inuiseret, curam mihi reliquit, pueris domi quos alimus, priuatim quotidie; plebi autem in templo singulis Dominicis diebus Christiane rudimenta doctrinae, & Diui Matthaei Euangelium explanandi. Intulit etiam sermonem de terra Iaponia, (cuius naturam & incolarum genus e libello quem separatim mittimus cognoscetis) & simul significauit esse sibi in animo, cum e Comorino redierit, in eam insulam proficisci, & me secum ducere. quod ego singularis beneficij loco a Domino accipio; & paratus, quocunque ille voluerit, sequi, id vnum laboro, ne in patrem totius consolationis Deum pro immensa eius in me benignitate ingratus reperiatur. itaq³ Patres & Fratres in Christo mei, in gratijs agendis, quaeso, mihi succurrite, tum quod me

in hanc Societatem asciuerit; tum etiam quoddam mihi Iaponicam prouinciam destinauerit. Habemus in hoc Collegio adolescentem nomine Paulum cui a sancta Fide cognomen est inditum, natione Iaponiū, multis ornamentis ingenij, memoriaq; sed præcipue DEI vera notitia praditum. Sextus agitur mensis, ex quo Christianus est factus, bis dumtaxat explicatū a me sibi Diui Matthæi Euangelium summa felicitate a primo capite ad extremum vsque memoriter haussit. Nostra in Iaponem perfectio in proximum Aprilem mensem paratur. Eam confidimus valde vtilem rei Christiane futuram: eoque magis, quoddam vetus opinio quasi quoddam oraculum percubuisse apud Iaponios dicitur, nouam se legem, multo quàm quæ hodie vtuntur sanctiorem ac meliorem aliquando accepturos. Sacrificijs vestris & precationibus nos admodum commendamus in Domino. Goa 8. Calen. Aprilis 1549.

FRANCISCVS XAVERI- us Societati IESV &c.

Quam latos atque vberes animarū fructus Indica ferat vinea; & non in Regijs modo præsidijs, verum etiam in reliquis oppidis barbarorū, sanctissima Christi fides quàm feliciter creseat, fusius ad vos scripsi mense Ianuario superiore. Ego ex India versus Iaponem Aprili mense profectus sum, duobus e Societate comitibus (altero sacerdote cui Cosmo nomen est, altero laico) itemq; Iaponijs neophytis tribus: quos mihi sane videtur Dominus præcipua quadam benignitate clementiaq; fouisse. namque vt in Diui Pauli Collegio, Goæ, caelesti lauacro expiati sunt;

sunt; tanta eos diuina bonitas voluptate gaudiō, perfudit, tantāque ad suā in ipsos beneficentiā cognitionē adduxit, vt prae latitia spiritali, piāque dulcedine lacrymas non tenerent. in virtutibus vero mirabile dictu est quantum profecerint: plane, vt ea nobis iucundam atque vtilem sermonis materiam praebeant. Ad hac, & legere, & scribere didicerūt, ac distributis in horas praecationibus diligenter vacant. Interrogati a me quonam sentirēt se genere meditationis, orationisve potissimum affici; passione Domini recitanda cogitandaque, dixerunt: itaque huic vni maxime lectioni commentationique dant operam. Articulos fidei, Incarnationis Domini, Redemptionisque generis humani causas, ceteraque Christiana mysteria per otium cognouerunt. Percontanti mihi saepenumero quosnam religionis Christianarum, quae instituta sibi maxime crederent profutura; duo illa semper, scilicet Confessionem & Communionem sine controuersia responderunt. addentes insuper, sua quidem sententia neminem omnino fore participationis, quin auditis Christianae disciplina decretis assentiatur ac pareat. Vnius vero ex ijs, cui Paulinomen a sancta Fide cognomen impositum est, illam quoque vocem audiui; cum ingemiscens in hac verba prorumperet: O miseri Iaponij; qui ea ipsa quae Deus ad vestrum est fabricatus obsequium, adoratis vt numen. cui ego, quid ita? inquam. tum ille, quod Solem, ait, venerantur ac Lunam; quares, ijs qui nouere Dominum IESVM CHRISTVM, famulantur ac seruiunt: quid enim agunt, inquit, aliud, nisi diei tenebras ac noctis illuminant, vt ea claritate mortales ad magni Dei, & filij eius IESV CHRISTI cultum & gloriam in terris vtantur?

Verum ut ad institutam itineris nostri narrationem reuertar, Malacam venimus pridie Calend. Iunias, anno 1549. ibi Lusitanorum accepimus ex Iapone litteras, in quibus erat scriptum, principem quendam eius terra virum velle fieri Christianum: itaque legari ab eo ad Praetorem India, qui aliquot e Societate nostra Christianae religionis interpretes postularet. afferebatur etiā, quodam Iaponis in oppido, mercatores Lusitanos in hospitium iussu reguli diuertisse demonū incurfibus vehementer infestum, atque ob id habitatoribus destitutum: cum ignaris quid esset Lusitanis vestes detraherentur, famulus etiam nocturno spectro perterritus exclamasset; excitatos eo strepitu, arripuisse arma: deinde famulum crucibus undique circundedissee hospitium: incolas vero & regulum mercatoribus aperuisse, domum eam ab demone inhabitari: & simul quaesisse quonam ad eum fugandum remedio vterentur: respondisse Lusitanos, nullum aduersus demones Cruce firmitus inueniri praesidium: itaque ex eo die Cruces domibus eius oppidi fere singulis collocatas. Nuntiabatur ad hac, per amplum patere euangelizantibus in Iapone capum; quod ea gens moribus mansueta sit, ingenio docilis, & acuta: quocirca magnam in spem veni, si per nostra peccata non steterit quo minus captis faueat Deus, ingentem animarum vim ad Ecclesiae gremium accessuram. His ego rebus cognitis, tamen si ea mihi admodum lata videbantur, tamen aliquandiu substiti, mecum adhuc de profectione deliberans: sed cum certa constarent mihi iam diuina voluntatis indicia, videremq; me si ab incepto desisterē, ipsismet Iaponiis ethnicis multo detestabiliorem futurum, (quamquam perennis ille humani generis aduersarius meum hoc iter summa ope nititur impedire) fidenti anima

mo pergere, & primo statim aduentu Regem ipsum Iaponis adire constitui, eiq; mandata quæ habemus a Domino, exponere. Et quamuis apud Regiam Academia dicatur esse percelebris; tamen haud dubiam nobis, si ad certamen ventum sit, Deo fauente, victoriam pollicemur. nec nos litteratorum veremur sophismata; nec barbarorum minas, vel demonum insidias pertimescimus. quid enim nobis aut ab eorum scientia qui IESVM nesciunt, potest esse periculi; aut ab eorum vi, quibus nihil in nos, nisi quantum Deus ipse permiserit, licet? præsertim cum nulla re alia, nisi diuinæ gloriæ studio & salutis animarum adducti negotium hoc susceperimus; & Iob a diabolo sacræ litteræ non nisi concedente Domino lædi potuisse restentur. Illa vero nos vna assidue cura sollicitat, ne grauius ipsi pro humana fragilitate peccemus; ne ve Dei auxilio, quod laborantibus ille semper benigne suppeditat, abutamur. quod tamen ne accadat, cum sacrosanctæ matris Ecclesiæ (cuius imperij fines, animabus ad creatoris agnitionem trahendis propagare satagimus) tum nominationis Societatis IESV meritis impetratum iri speramus.

Sane quàm periculosum iter hoc Iaponicum est, partim ob frequentia latrocinia, partim etiam ob tempestates, quæ passim hoc mari ita sæuæ excitantur, vt præclare agi cum ijs qui nauigant existimetur, si tribus e nauibus duæ cursum incolumes teneant. Quocirca venit mihi sæpe in mentem vereri, ne, qui e nostra Societate doctrina sunt præstantiores, si cui eorum in hac loca mitti contigerit, temerarium esse negotium, Deumq; tentari quodammodo, tam apertis adeundis periculis, putent: qua tamen eos suspicione postmodum libero, quodd spero, Societatis nostræ litteris inhabitantem Domini spiritum præsidere. Illud quidem occurrit mihi sæpenumero, quod aliquando

patrem nostrum Ignatium audiui dicentem: omnibus ijs, qui in Societate nostra versantur, summo studio conatuq³ elaborandum esse, vt inanes ab se timores, & cetera cuncta depellant, quæ homini, quo minus totam in vno Deo spem collocet, impedimēto esse consuevere. Porro, quemadmodum interest inter eos, quorum ita spes est in Deo reposita, vt rebus tamen affluant necessarijs, & eos qui ob id ipsum vt Christum imitarentur, & soli Deo confiderent, omnibus sese vitæ præsidijs exuerunt; sic proculdubio multū refert, vtrum quis, cum vnicum habere se profiteatur in Dei bonitate perfugium, tum in tuto & quasi in vmbra se exerceat: an, alia re sibi nulla nisi Dei honore gloriaq³, proposita, sese caputq³, suum volens vidensq³, in discrimen offerat pæne quotidie: cuiusmodi si quis existiterit, na illum ego propediem seculi tadio migrandiq³, ad Dominum desiderio affectum iri crediderim: quandoquidem hac hominum vita quæ dicitur, mors perpetua potius, ac triste quoddam a caelestibus regnis exsiliū est.

Iaponij (sicuti a comitibus nostris accepimus) valde superstitionibus dediti sunt: bonæque eorum pars, monachorum ferme ritu, in cœnobijs viuūt. ij, religionis causa, neque carnes gustare, neque pisces dicuntur. quocirca nos, eorundem comitum nostrorum monitu, ne barbari in nobis offendantur, assiduam ibi si res exiget, cogitamus diatam. Affirmant præterea qui inde veniunt, summam hoc hominum genus apud populum auctoritatem obinere: quod iccirco adscripsi, vt intelligatis quibuscum res nobis futura sit, & quantopere vestris & Societatis vniuersæ apud Deum suffragationibus egeamus.

Nos festo ipso D. Ioannis Baptiste die, Malaca solue-
mus nauigationem gubernatores bimestrem circiter pol-
licen-

licentur. cum in Iaponem peruenero; tum ad vos de hominum institutis, moribus, opinionibus copiose perscribam. Interea spem mihi nescio quam afferebat quod de Paulo nostro cognoueram, cœnobitas quos dixi Iaponios, huiusmodi quibusdam commentationibus exerceri: Qui cœnobio præsident (is autem eruditione ceteris antecellit) ad cœtum domesticis conuocatis, aliquam in sententiam differit primum: deinde certos vnicuique locos ad cogitandum proponit. verbi gratia: Cum agit quis animā interclusa iam voce, si tum diuinitus detur animæ facultas loquendi; quibusnam verbis ad corpus vtatur? vel, quidnam dicat, si quis existat ab inferis? Ad eam vero cogitationem, vnius hora spatium præsstituitur. quo expleto, Præfectus veluti pensum a singulis exigit: quem excogitasse boni quippiam comperit, ornat laudibus; quem secus, obiurgat. ijdem ad populum quintodecimo quoque die verba faciunt sane frequentem; & inter dicendum, grauissimas inferorū pœnas cruciatusque depictos in tabula aspiciendos auditoribus proferunt. cuius acerbitate spectaculi usque ad eiulatus & lacrymas, scemina præcipue, permouentur. quarenti mihi de Paulo, numquid e concionibus eorum teneret memoria; cuiusdam respondit se meminisse, qui diceret improbum virum siue mulierem, esse dæmone ipso nequiores; quod scelera multa qua ille per se perpetrare non possit, vt furari, falsum testimonium dicere, aliisque id genus; huiusmodi hominibus adiutoribus atque administris admittat. Disiunctionem nostram Dominus pro infinita sua misericordia coniungere dignetur in cælis: nam in terris quidem et quando posthac visuri inter nos simus, incertum est. Malaca 10. Calend.

Iulias 1549.

FRAN-

FRANCISCVS XAVERI- us Societati IESV &c.

IAponem Deo adspirante attigimus Augusto men-
se, die Assumptioni Mariae Virginis sacro, cum festo
ipso Diui Ioannis Baptista die natali, Malaca sub
vesperā soluissemus. Nauiculario vsi sumus et hni-
co, mercatore Sina, qui suam in id operam praefecto Ma-
laca detulerat. ac primo sane feliciter nauigauimus: sed
mox (vt sunt barbarorum ingenia ad leuitatem atque
ad inconstantiam prona) profectionis mutare consilium
nauicularius capit, & in occurrentibus passim insulis tem-
pus frustra contere. Nobis autem in eo itinere cum alia
multa, tum illa duo praecipue molestissima contigerunt:
alterum, quod oblata diuinitus tempestate nauta per ne-
quitiam abuterentur; qua elapsa, ad oram Sinarum ap-
pellere, ibiq; totam hyemem, cursum expectantes ponere
cogebamur: alterum, quod in eadem naui simulacrum
rehebatur demonis; cui nauta, quanquam inuitis nobis
& inspectantibus, patrio ritu sacrificabant. ab eodem eti-
am per sortes de ipsa nauigatione petebant responsa; quae
(vt aiebant credebantque barbari) modo lata, modo tri-
stia reddebantur. Centum a Malaca leucas, Sinas versus
prouecti, quandam ad insulam stetimus: ibiq; aduersus
maris illius scuitiam naualibus instrumentis, aliaq; mate-
ria comparata, post multas caeremonias & sacrificia que-
situm est ab idolo, prosperam deinceps fortunam essemus
habaturi, necne. cum valde prosperam respondisset, pro-
inde ne moraremur diutius; sustulimus anchoras, velaq;
gratulabundi fecimus omnes: illi, simulacro quod in pup-
pi locatum candelarum luminibus, odoramentisq; ex in-
censo

censo ligno quodam Aquilano venerabantur: nos conditore caliterraq; Deo, et eius filio domino IESV CHRISTO confisi, cuius cultum religionemq; amplificandi studio in ea loca deferebamur. Cum iam essemus in cursu, placuit nautis ab demone percontari, vtrum nauis quae uehebatur, Malacam esset ex Iapone reditura. cum in Iaponem quidem peruenturam omnino, sortilegi retulissent, verum ex Iapone Malacam minime reuersuram; tum vero instituta nauigationis pœnitere barbaros cepit, satiusq; ijs videri apud Sinas hyemare, et Iaponicam perfectionem in alterum annum differre. Noster autem quis animus, quis tum esset dolor, cogitare vobiscum potestis ipsi, cum de tota itineris nostri ratione consuleretur demon. Mox in oram terrae quam Coëincinam vocant, delati; duo, vno eodemq; die (qui fuit Diua Maria Magdalena sacer) vespere, sane quam aduersa pertulimus. Etenim exasperato vehementius mari, ingentesq; volente iam fluctus, cum iactis anchoris agitaremur in salo, apertum in ostium sentina vnus e comitibus nostris Emanuel Sina forte prateriens decedit. mortuum credidimus: nam & alte ceciderat; & a capite pœne ad vmbilicum obrutus aliquantisper in aqua iacuerat. veruntamen extractus magno cum labore, ex animis licet, grauiusq; caput sauciatus, adhibita curatione, paucis diebus, Deo fauente conualuit. Nondum huius plane curatum erat vulnus: ecce tibi eodem ferme casu, eademque nauis iactatione, filia nauarchi in mare delabitur, & in omnium oculis, frustra conantium opitulari, submergitur. Cuius interitum tanti sunt eiulatus ac lacrymae consequuta: tanto prater ea, quotquot in nauis eramus, vita in discrimine versabamur; vt admodum digna miseratione res esset. Barbari ad propriam dum per sacrificia demonē versi, nulla capta quiete,
diem

diem noctemq³, totam mactandis idolo auibus ferculisq³,
 apponendis operam dederunt, per sortes etiam quaesiere
 causam infortunij. responsum est: si is qui prius in senti-
 nam ceciderat Emanuel fato functus fuisset; puellam
 in mare non fuisse lapsuram. Cernitis ipsi profecto quan-
 tum nobis eo responso demon ab suis ministris crearet peri-
 culū: & nobis quid futurum fuerit, nisi furentis rabiem
 Dominus compressisset. sed me tamen in primis graues il-
 le in Deum iniuria, & barbarorū sacra illa sacrilega per-
 mouebant. itaq³, fusus in preces, Deum rogaui sapius, vt
 priusquam fluctibus operiremur, homines ab se ad ipsius
 imaginem ac similitudinem conditos, tam falsis opinionū
 erroribus impijsq³, superstitionibus liberaret; terrū quip-
 pe spectaculum, & indignum est facinus, Dei vice ab ho-
 minibus ad vnius DEI laudem factis, adorari perpetuū
 ipsius humani generis inimicum. Cuius de minimis atq³, ter-
 roribus, quibus ille mortales, nactus occasionem, aggredi-
 tur, quidd multa mihi eo die nocteq³, Dei beneficio conti-
 git experiri, quamquam ea sane cognitu vtilia sunt, ta-
 men breuitatis causa cetera pratermittam; vnum illud
 summatim attingā: huiusmodi ipsius petitiones eludi nul-
 la ratione facilius, quam animi magnitudine quadam ac
 securitate praestanda, non illa quide, quæ proprijs viribus,
 sed quæ vnius Dei tutela praesidioq³, nitatur. venisse tem-
 pus vlciscendi doloris sui, crebro mihi ponebat ob oculos.
 sed magis tali in re ac tempore nobis timendum est, ne fi-
 xam in Deo fiduciam, quæ debet esse firmissima, remitta-
 mus, quam ne ab hoste (qui nihil valet nisi Domino per-
 mittente) vincamur. Porro, quid nobis in extremo spiri-
 tu futurum est, fratres, cum debilitatis corporis animiq³,
 viribus grauiori quàm vnquam antea tentatione vexa-
 bimur; nisi per otium prius spem totam in Deo reponere,
 atque

atque ad eum tempestiue confugere didicerimus?

Verum vt ad rem redeam, lenita paulum tempestate, vela ventis mœrentes dedimus, paucisq; diebus in portum Sinarum quem Cantonium vocant, peruenimus. Ac nauis quidem non dubium fuit, quin hyemandum esset ibidem; quamuis nos partim rogando, partim etiam eam iniuriam cum Lusitanis & cum praefecto Malacæ expostulatos minando, frustra eos reuocare a proposito nitermur. Sed nescio quomodo factum est, vt stationis mutanda petendiq; portus Cincei (qui in eadem est insula) subito consilium caperent. Eo cum iam appropinquaremus: nauarchus a quibusdam praternauigantibus repente fit certior, Cinceum portum a piratis compluribus obsideri. Prasens omnino periculū imminebat: eratq; ventus Cantonem reuertenti, aduersus: Iaponem petenti, secundus. quocirca subita re perculsi nautæ, volentes, nolentes, cursum in Iaponem dirigere, & nos quo polliciti fuerant (& quidem reliquis portibus insula exclusi) re-cta Cangoximam, quæ Pauli nostri patria est, inuito demone perducere sunt coacti. ibi, cum a Pauli cognatis, tum a reliquis oppidanis amicissime excepti sumus.

Iaponia gens (quantum perspicere hucusque potuimus) ceteras nationes, quæ nuper inuenta sunt, virtute ac probitate antecellit omnes. tractabili admodum est ingenio, atque, vt plurimum, a fraudibus abhorrenti: dignitatis vero mirum quàm studiosa: sic prorsus, vt eam reliquis rebus omnibus anteponat. rei familiaris inopia patet illa quidem in hac gente latissime: sed ea nulli est de-
decori: (quamquam eam alioquin agerrime ferunt) nec sane minus iccirco qui nobiles sunt, a plebe coluntur: neq;
vero

vero eorum quisquam, pauperrimus licet, conubio cum plebejs vlla mercede iungatur: vsque adeo existimationem diuitijs praeferunt. Magnum sibi inuicem habent honorem. armis plurimum tribuunt, ijsque praecipue delectantur: & simul ac quartum decimum aetatis annum attingerunt, ense ac pugione praecincti plebeij aequae atque optimates incedunt. iniuriam nullam, nec verbum paulo contumeliosius ferunt. In victu sane sibi temperant: sunt tamen in potu liberiores. vsum vitis ignorant: oryza expriment vinum. Aleam, lususque omnino refugiunt, quod nihil homine indignius putent, quam rebus ijs vacare, quae animum alieni appetentem ac rapacem efficiant. Si quando iurant (quod perraro fit) per Solem iurant. litteras norunt plerique, quo etiam facilius Christianis ritibus imbuuntur. Vnica singuli sunt vxore contenti. ad omnem honestatem atque ad humanitatem sunt valde propensi natura, discendi percupidi. sermones qui de Deo habentur (praesertim cum probe, quae dicuntur, intelligunt) audiunt libentissime. A furtis vero tam auersum nec de Christianis nec de barbaris populum quemquam videre me memini. Veterum quorundam, instar philosophorum, maxima pars opiniones sequuntur. Solem multi: Lunam alij adorant. vt quidque natura maxime consentaneum est, ita facillime assentiuntur; & acquiescunt, si peccati cuiuspiam, ratione probabili conuincuntur. Multo minus impuros, & recte rationi magis obtemperantes laicos, quam sacerdotes, inuenio, qui ipsorum lingua Bon-zij appellantur. ij cum reliquis flagitijs, tum praepostera libidini turpiter adeo dediti sunt, non modo vt id non ce-
lent, sed etiam profiteantur palam: & longo iam vsu vi-
rorum aequae ac mulierum aures callum ad tam nefarium
sceleris nomen obduxerint. quod tamen vitium nos vulgo
cum

cum reprehendimus, & quàm sit graue Deoq; iniusum ostendimus; ceteri sane letantur, & approbant: Bonzj, ad quos potissimum reprehensio pertinet, tantum abest vt aut erubescant, aut doleant; vt etiam aperte derideant nos, et illudant. Per multos habent in cœnobijs filios optimatum, instituendos litteris: horum ætatis flore abutuntur. De Bonzjs quidam sunt cultu corporis nostris monachis non absimiles: vestibus vtuntur cineritj coloris: tertio vel quarto quoque die capillum ac barbam penitus videntur abraderi: horum laxior etiam est disciplina: muliebres (quibus cum viuunt) eiusdem ordinis habent coetus: quas, fama consentiens est, prægnantes, partum medicamentis abigere. itaq; ob eam rem apud multitudinem admodum audiunt male: nec sane (quantum ego met, ipsoꝝ aliqua ex parte iam cognitis moribus, iudicare possum) iniuria. Hos inter, & alios quos dixi sacriculos (ij clericorum ferme vtuntur ornatu) minime conuenit. Duo præcipue in hac terra mihi pœne stuporem incutiunt. alterum, quàm grauiam quàmq; nefanda peccata, quàm nihili fiant. atque id nimirum accidit maxime patrum culpa: qui traditam sibi tum a natura, tum aliquam fortasse etiam a maioribus normam recte viuendi, corruptam ipsi deinceps ac deprauatam posteris reliquerunt: vt ex hoc, obiter illud etiam appareat, quem admodum in communi vita, naturales igniculi probitatis, pugnantibus cum natura vitjs paulatim penitus extinguuntur: sic in vita perfecta, virtutum habitus licet iam constitutos, nisi assidua ac diligens cura adhibita sit, remissioribus officijs labefactari sensim, ac destrui. Alterum est, cur hi sacerdotes, cum nec integritate, nec innocentia sint cum secularibus comparandi, tanto nihilo minus apud eos in honore atq; existimatione sint. & quam-

quam in magna omnes prauitate summaq; opinionū peruerſitate verſantur; tamen qui ſapientia præſtare videntur ceteris, præcipuum dignitatis obtinent locum. horum cum aliquibus congregari mihi ſepenumero contigit: cum vno præſertim, cui tum ob eruditionis ſamam, & muneris quo fungitur amplitudinem, tum etiam ob ætatem, quæ annorum eſt 80, cuncti plurimum tribuunt: eūque ſua lingua, Ninxit, appellant, quod vocabulum, veritatis cor, ſi interpretare, ſignificat. Is inter Bonzios, eſt veluti Epiſcopus. felix utique, ſi ipſius nomini facta conſentiant. Eum ego in ſermonibus quos habuit mecum, de immortalitate animorum valde incertum offendi: quam ille, parum ſane ſibi conſtans, modo aſſerit, modo negat. quàm vereor, ne reliqui ſint huic ſimiles litterati. ipſe autem dici vix poteſt, quanta me beneuolentia proſequatur. neque vero ceteri omnes & Bonz. ij, & laici, non admodum noſtra conſuetudine delectari videntur. atque illud mirantur in primis, diuinoq; prorsus affirmant factum eſſe conſilio, vt eam vnā ob rem quo de rebus diuinis verba faceremus, tam remotas in regiones (omnino leucarum ſex millium & eo amplius iter eſt) ab ipſa uſque Luſitania contenderimus. Mirantur etiam vehementer, cum audiunt, gentibus ijs quæ in IESVM CHRISTVM crediderint, eiſq; præceptis obtemperauerint, certiffimū ſempiternæ beatitudinis præmium eſſe propoſitum.

Ad ſummam ſcire vos volo, quo magis gratulemini Deo Domino, magnam in hac inſula paratam eſſe Chriſtiana rei bene gerendæ materiẽ. itaque nos Iaponice ſi noſſemus, dubium mihi non eſt, quin multi fierent Chriſtiani. verum tamen breui (Deo fauente) diſcemus. quadrageſimus dies eſt, ex quo ad eam rem animum adie-

adiecimus: precepta decalogi Iaponica lingua iam exponimus. Hac ego fusius ad vos eo perscribo, vt vehementius gaudeatis in Domino, pares omnium vestrum industriae studijsq; aperiri prouincias: & simul, vt diligentius interea cum reliquis virtutes, tum praecipue patientiam meditemini: illud vero semper animis vestris memoriaq; fixum inhareat: gratiorem esse Domino victimam, plenum Christiana humilitatis animum, quo se vitamq; suam quis illi studiose deuoueat, quam permulta licet praecleara, sine humilitate, facinora. Nec multum aberit fortasse, quin e vobis complures huc intra biennium euocem. proinde estote parati: summisioni vacate: vobis ipsi, vbicunque opus est, resistite fortiter: omnem curam, cogitationem, laborem in vobis penitus cognoscendis insumite. hinc nimirum & fides in Deum, & caritas crescet in proximum: hinc perspicietis quotidie clarius, quam nullum vobis perfugium in vestris viribus esse debeat constitutum. porro, inani sublata spe; quae vna vera ac solida est in Deo fiducia consequetur. hinc intima illa denique existet humilitas: quam vos, terrarum vbicunque fueritis, sed praecipue si in hac loca mittimini, magis etiam quam fortasse putatis, necessariam vobis intelligetis. Quocirca vos rogo, vt omni prorsus humana spe, vel carnis prudentia, atque elatione deposita, omnibus vestris in actionibus vno Deo nitamini. hoc tam firmo praesidio si muniti fueritis, tum nec quod ad corpus, nec quod ad spiritum attinet, res erit vlla tanta tamq; difficilis, quam vos meo iudicio non & suscipere, & sustinere possitis.

Cangoxima (quā Pauli nostri patriam esse docuimus) tū a magistratibus, tum ab vniuerso populo accepti sumus comiter admodū ac benigne: nouos e Lusitania sacerdotes cunctis nō sine quadam admiratione visentibus. Pauli

vero ipsius officium erga nos ac fides egregia constitit: qui quod se ad Christi gregem adiunxit, nequaquam offenduntur in illo Iaponij. quinimmo suspiciunt hominem, quod Indiam peragrauerit, quod ipsis incognita multa didicerit. Regulus quidē ipse, cum ad eum Paulus, quinque procul ab oppido leucis commorantem, salutatum accessisset honoris causa, pictamq; in tabula (quam ex India adueximus) Christi Domini nostri, & sanctissima Virginis matris secum attulisset imaginem; magnopere ipsius aduentu congressuq; latatus est: multaq; de Lusitanorum moribus, deq; imperio quod obtinent in India percontatus, denique prolatam a Paulo, quam dixi, imaginem, nixus genibus adorauit supplex: atq; id ipsum fieri ab omnibus qui aderant, imperauit. Eandem contemplata mox Reguli quoque mater, magnam cepit admirationem simul ac voluptatem. itaq; paucis post diebus quā Paulus Cangoximam redijt, misit mulier qui desumendum eius exemplum aliquo modo curaret, verum defuit artifex. petijt etiam a nobis, vt sibi Christiana fidei capita litteris ederemus. in eam rem Paulus dies aliquot diligenter incubuit, & Iaponice multa conscripsit. idem cognatos amicosq; homo impiger dies ac noctes ad salutem hortari ac docere non destitit: breuiq; vxorem, & filiam, multos praterea vtriusque sexus in ouile Domini compulit. Nec sane (vt initia sese dant) consilium eorum improbatum in vulgus: & quia plerique legere & scribere iam ante didicerant, perfacile Christianis precationibus assuescunt. Cum linguae subsidium nobis (vt speramus) accesserit: tum res multo melius (Deo bene iuuante) procedet. nam nunc quidem inter eos veluti quadam simulacra versamur. multa illi de nobis loquuntur, et conferunt inter se: nos videlicet obmutescimus: dumq; huius linguae

lingua elementa percipimus, cogimur quasi repuerasce-
re. cuius ætatis quemadmodum mores imitamur, sic vi-
nam candorem ac simplicitatem recuperare possemus.
quam tamen ad rem multum nos loci opportunitas adiu-
uabit. Etenim remotis adeo in regionibus, inter impios
demonum cultores ab amicorum conspectu lōgissime po-
siti, omniq; pæne mortalium ope ac solatio destituti; ni-
mirum nostrimet paulatim obliuiscimur; nosq; in Deum
totos necessario effundimus. quod secus, vbi Christiana
viget religio, fieri consuevit. parentum quippe vel patriæ
caritas, affinitates, necessitudines, amicitie, ad omnes
corporis animaq; vsus parata subsidia, Deum inter & ho-
mines interponunt fere sese: atque inde sensim ipsius Dei
subrepat obliuio. quocirca eximiam in nos, hoc etiam no-
mine, Dei benignitatem experimur: qui cum, hac susci-
pienda peregrinatione, aliquod præstare nos illi putare-
mus obsequium; ipsi nos potius singulari eiusdem benefi-
cio affectos, multisq; vinculis solutos agnoscimus, quæ
spem nostram ac fidem, quo minus cresceret, distinebant.
quæ ipsius in nos tanta merita, ne male locata sint, ne ve
nostra culpa ingratiq; animi vitio diuina erga nos be-
nescentia exarescat flumen, vos etiam istic, quæso, no-
bis in agendis gratijs subuenite. Ad hæc illud quoque non
leue commodum accedit, quod delicijs ijs, quæ alibi car-
nis stimulos irritare, animiq; & corporis vires solent in-
fringere; hic caremus omnino. Etenim Iaponij nullum
altitile mactant vel comedunt. pisce vescuntur interdum,
oryza & tritico non abundant. herbis, & arborum fru-
ctibus vt plurimum victitant. & quidem ita prospera va-
letudine ad multam vsque senectutem vtuntur, vt fa-
cile appareat, quàm paucis sit, eadem quæ alioquin est
insatiabilis, natura nostra contenta. Nos quoque cor-

pore valemus recte: vtinam perinde animo valeremus.

Eorum qui nefaria huius insule sacra procurant, magna est multitudo. ij carne, pisce, vinoq, suis legibus abstinent: semel tantum quotidie cibum, & eum quidem exiguum capiunt: complures etiam, clericorum ferme retinentes ornatum, capitalis metu supplicij a mulierum consuetudine prohibentur. quibus illi rebus, & antiquitatis peritia quadam & superstitionum suarum fabulis enarrandis, magnam sibi auctoritatem apud Iaponios compararunt. Horum decretis atque institutis quoddam vehementer adeo, Christiana quam profitemur doctrina aduersatur; valde suspicamur fore, vt licet in praesentia nobis fauere videantur, tamen cum res paulatim progredi caperit, nostram in perniciem tum sciant ipsi, tum vero populum concitent, alioqui per se minime nobis infestum. Fixum autem ac certum est nobis, sicuti ab omni prorsus contumelia & iurgijs abstinere, ita ab gentibus ad cognitionem conditoris liberatorisq, nostri Domini IESU CHRISTI vocandis nulla ratione desistere. Quod si euenerit, vt in causa tam honesta, tamq, pio ac salutari negotio vitam ponamus; na nos id in magni beneficij loco accipiemus a Domino, cuius praecipis, animarum salutem, corporis nostri iactura mercari iubemur.

Sed iam reddenda nobis est ratio, Cangoxime cur tam diu substiterimus. Cum in animo nobis esset Meacu (quae regia vrbs est insulae totius opulentissima) sine mora contendere, aduerso vento Cangoxime sumus retenti. post quintum, non minus, mensem dabitur cursus: tum deniq, Deo volente proficiscemur. Abest Meacus hinc iter leucarium 300. multa nobis de eius vrbs magnitudine, mira narrantur. tectorum plus 90 millibus habitari, cum Acade-

mia per celebri, & Collegijs quinque præcipuis: & sacrificulorum quos Bonzios vocant, & monachorum quos Leguixil, & eiusdem ordinis fæminarum quas Hamacata nominant, cœnobijs plurimis. Præter hanc Meacensem, quinque præterea sunt in Iapone admodum insignes Academiae: Coiana, Negruensis, Homiana, Frenoiana, Banduensis. Priores quattuor, circa Meacum sunt, quarum singula auditoribus ter mille & quingentis, & eo amplius celebrantur, postrema vero, longe omnium nobilissima & frequentissima, distat longius. Est autem diœcesis Banduensis per ampla. Sex eam obtinent reguli, e quibus vni, reliqui omnes parent: ipse vero Iaponio Regi, qui magnus Rex Meacensis vocatur. Ad hæc, multa quoque minoræ gymnasia toto regno esse dicuntur. denique in hoc genere tot sunt quæ audimus ac tanta, vt ea prius oculis ipsi cernere, quàm alijs referre, vel affirmare cupiamus. Cum ita esse re ipsa nobis compertum fuerit, tum cuncta fusus perscribemus. quod si prouinciæ statum eiusmodi cognouerimus, vt in conuertendis ad Dominum gentibus multum profici possit; ad omnes præcipuas Christianorum Academiæ, religionis & officij causa forsitan litteras dabimus, vt in eis quicunque ingenio virtuteq; excellent, vel in hæc loca veniant ipsi, vel certe alios ad veniendum propensos, impellant: nostrum qui hic sumus obsequium atque assiduitatem ad omnia fore sibi paratam intelligant: maiora quàm istic fortasse percipiunt spiritalia gaudia solatiq; sibi Dominum impertiturum esse confidant. Si vero operæ pretium esse videbitur; ipsum quoque summum Pontificem tota de re certiore facere non dubitabimus: quandoquidem ad eum vt pote Christi Vicarium in terris, & pastorem omnium qui ad Christianam fidem, & spiritalem Ecclesiæ ditio-

nem accedunt, ea cura potissimum pertinet. Neq³ vero ceteros quoq³ aliorum ordinum religiosos fratres, qui salutem animarum et Christi gloriam sitium, non inuitabimus, qui vt frequentissimi veniant, supererit tamen multorum præterea conatibus ac labori locus. nam præterquã quodd Iaponis regnum per se amplum est, aliud etiã multo maius, nempe Sinarum, abest hinc non plus decem duodecimve dierum traiectu: magna vero sumus in spe (si tam diu suppetet nobis vita) partim per eos qui istinc venerint, partim per eos qui ex his populis ad Christi cultũ fuerint traducti, nos intra decennium in his regionibus confecta multa præclare, visuros. sed de omni conditione rerum Meacensium & Academiæ, quod ad Christianam rem pertinet, ante exitum anni 1551. volente Deo, explorata ad vos omnia compertaq³ perscribam. Hoc anno Bonzj duo, in Meacensi et Banduësi Academia versati & cum ijs complures Iaponj, ad Christiana mysteria cognoscenda proficiscuntur in Indiam. Die qui fuit Dino Michaeli sacer, cum Regulo Cangoximano collocti sumus, qui nos admodum honorifice exceptos admonuit, vt Christianæ legis volumina diligenter asseruarem: quã si veram sanamq³ perspexerit; enimvero fore vt Diabolus disrumpatur. paucis deinde post diebus edixit, licere omnibus, qui sub eius imperio sunt, impune fieri Christianos. hæc ego latiora in extrema epistola adscribo, quo magis gaudeatis, & gratulemini Domino Deo nostro. Nobis (vt arbitror) hæc hyems in articulis fidei copiosius explicãdis ponetur. quam explicationẽ Paulus carissimus frater noster cum Iaponice verterit (vertet autem fideliter quidquid ad suorum salutem necessarium fuerit) typis tradere cogitamus, vt cũ nos vbiq³ corã adesse nequeamus, litterarum beneficio, quas norunt plerique, veritas Christiana latius propagetur.

Nunc

Nunc vos (quoniam tanta patefit vobis prouincia) omni studio industriam pietatemq; vestrā in theatro cælesti probare contendite. id assequemini, si in hoc seculo humilitatem, & sensibus intimis colueritis, & moribus expresseritis, ac vita: quod ad existimationem auctoritatemq; attinet, totum id Domino permittētes, qui vobis eā ipse per se conciliabit profecto. quod si facere omiserit: vestra causa videlicet, ne, quæ Dei sunt vobismet arrogetis, omiserit. Illud vero vos ego etiam atq; etiam obtestor, vt veram inter vos pacem atq; concordia omni ratione retineatis: summaq; ope nitamini, vt ne qua in vobis semina dissensionis existant: præclaros illos vestros conatus ac studia patiendi pro Christo, cōferatis interim ad omnem discordia spiritum debellandum, memores affirmasse Christum, ea re suos cognitum iri, si se diligerēt inuicem. Gratiam suam Dominus Deus noster ac voluntatem animis nostris insinuet, quo ex ea quàm maxime cuncta faciamus. Cangoxima. Nonis Nouemb. 1549.

PAVLVS IAPONIVS

Societati IESV Goam.

QUod mihi maxime fuit optatum, vt in Iaponem redire, matremq; meam, & vxorem, ac filiam, cognatos præterea ac familiares meos ab impio demonum cultu ad Christi religionem traducere mihi liceret; id iam Dei Domini nostri clementia singulari sum consequutus. Nunc autem alia me coquit cura, vt ij, quemadmodum ad Christum conuersi sunt, sic in fide quam ei dederunt, firmi stabilesq; persistant. quod ego cum a Domino precor identidem; tum vos, per Christū, vt in precibus vestris ac sacrificijs mei meorumq; memo-

res sitis, obtestor: quandoquidem ad salutem (nisi principijs consentiant exitus) capisse nil prodest. Iaponij me sane quàm libenter audiunt de IESV CHRISTO verba facientem. itaque multos, fauente Deo, Christianos fore confido. Nos hic omnes corpore (utinam aequè spiritu) bene valemus. & quamquam a vobis locorū interuallo disiuncti sumus; tamen & animis in præsentia coniuncti videmur: & erimus aliquando corporibus, videlicet cum ad extremum iudicium excitabimur, utinā cū Domino regnaturi. Cāgoxima. Nonis Nouēb. 1549.

COSMVS TVRRIANVS

Societati IESV Goam.

QUod vestro mihi subsidio vehementer est opus, vel ipsa me cogat necessitas, Patres Fratresq; mihi carissimi, ut vos de statu rerum Iaponicarū faciam certiores. Ac de tota quidem nostri itineris ratione, nec nō de ipsius cōditione prouinciæ, quantū initio per huius linguae morumq; notitiam licuit, quo anno ad hanc terrā appulimus, Xauerius admodū fuscè perscripsit. ex eo tēpore Cangoxima, quo primū e naui descendimus, annū ferme cum aliquot eius loci neophytis cōmorati, ad urbē Firandū (quoniam Meaci per bellicos tumultus Euangelium predicare non licuit) inde contēdimus. Hic regulū Xauerius adire cōstituit, qui tum erat Amangutij: quæ vrbs in primis huius regionis ampla, centū leucas ultra Firandū est posita. ad eum habebamus a Goæ Præfecto & Episcopo litteras: & a Præfecto Malacæ, munera, matuchordium, & horologium: quibus in nauem impositis, cum Ioanne Ferdinando duobusq; Iaponijs Amangutiū est profectus. eo munere delectatus admodum regulus, quod huiusmodi res,

tam-

tametsi exigui pretij, tamen ante id tempus nunquam in ea prouincia visa, tum primum proferebantur; publica statim per vicos edicta proposuit: placere sibi, non solum in ea ciuitate, verum etiam in omnibus sue ditionis oppidis legem Dei declarari palam: eamq, cuilibet liberum esse sectari: eius legis pracones atq, interpretes nulla ratione a quopiam ladi vel impediri. praeterea gratificationi causa, Xauerio eiusq, comitibus monasteriū, quo diu errarentur, attribuit. quo simul ac recepere sese, ingen s ad eos repente omnium ordinum concursus est factus: partim veritatis, partim rerum nouarū, partim etiam detrahendi studio. quo in extremo genere Bonzij maxime sunt. qui tametsi principio latari nostro aduentu videbantur; tamen vehementer a nobis abhorreere ceperunt, ex quo Christiana lege prohiberi nefaria flagitia, quibus sunt turpissime dediti, cognouerunt. Iaponiorum autem aptissima sunt ad capiendam ac retinendam IESV Christi religionem ingenia. valent iudicio: rationem ducem libenter sequuntur: de salute animarum, & Dei cultu, sunt valde solliciti, & in communi consuetudine faciles. maxime vero se obseruant inuicem & honorāt: sic prorsus, vt in aliqua regia instituti esse videantur. Maledictis absentes minime carpunt. aleatores aequae ac fures capitali supplicio prosequuntur. oblectationis causa, vel armis (quibus admodū vtuntur bene) vel pangendis carminibus exercentur. atque hac optimatum studia sunt. Idololatria apud eos multa sunt genera. namque alij simulacrum adorant, nomine Xacam. de quo illa praecipue perhibentur: octies millies natum antequam a foemina pareretur, atq, eo tempore priusquam cōciperetur a matre, sanctimonia causa, ligna, aquam, & alia necessaria, hominibus ministrasse. alij simulacrum quod Amidam

dam appellant: alij vero Solem venerantur ac Lunam: atque omnino versantur in multis ac magnis erroribus: vt litterarum praesidio instructos ad haec mendacia confutanda oporteat esse, qui e nostris in hanc provinciam venerint. Harum praecipue Bonzij superstitionum antistites, cum auctoritatis, tum pecuniae sibi conciliandae causa, errore animos multitudinis imbuunt. Chiographa quaedam habent venalia, quorum aliquod, e vita migrans quicumque secum attulerit; huic nullum a demonibus fore periculum pollicentur. & quanquam huiusmodi chiographa cave admodum veneunt; tamen a plerisque ante mortem emuntur. Monent etiam populum, vt ipsorum exemplo ab omni animalium esu (nisi quae carent sanguine) abstineant. Et sane Bonzij neque carne palam, neque pisce vescuntur: regis videlicet metu, qui si id resciret, multatos pelleret monasterio: sed tamen clanculum comedunt. Iaponiorum elatiora sunt ingenia. armis maxime fidunt. etatis annum 14 cum primum attigerunt, machera praecinguntur: pugionem vero nunquam deponunt. arcu & sagittis peritissime utuntur: & reliquas nationes omnes, praefortitudine sua, contemnunt. genus omne furti, capitali poena pariter puniunt: aiunt enim, qui se a parvis non abstinuerit, eundem in magnis, oblata occasione, aequale peccaturum. Heris in famulos, quamlibet leui de causa vita necisq; ius est. itaq; serui eis diligentissime ad nutum obediunt: capiteq; demisso, manibus humi positis, dicta dominorum excipiunt. Sunt autem Iaponij dociles adeo, facilesq; natura, adeoq; ratione ducuntur; vt cum saepenumero valde irati ad nos veniant; simul ac demonstratum est ijs, animorum certum esse principium, interitum vero nullum: nec salutem prorsus ab ullo nisi ab vno rerum opifice

fice sperandam; repente idolorum obliti, qua toto vite
sua tempore coluerunt, eadem hora velle se dicant fieri
Christianos. neque vero per inconstantiam, ab lege se-
mel accepta desciscunt. quinimmo pleriq³ (& magnus
iam neophytorum est numerus) ad omnia propter Deum
quamuis aduersa ferenda parati mihi videntur. Quanta
sit huius terræ amplitudo, quàm idonea ad Catholicā in
ea fidem serendam, cernitis Fratres. Ipsi quidem Iapo-
nij inpercontando ita sunt curiosi; vt ex quo in hanc vr-
bem venimus (omnino quintus nunc, vel eo etiam ampli-
us, agitur mensis) nulla dies effluxerit, quin ab hora ma-
tutina ad multam vsque noctem vel Bonzij, vel laici af-
fuerint, varia in omni genere sciscitantes: vt illa: qui
status est Dei? qui locus? oculis cur non cernitur? Qui fie-
ri potest vt animorum origo sit, mors nequaquam? Qui-
bus vt satisfiat, magna prudentia ac dexteritate opus est:
namq³, prout res postulat, modo seuerè cum ijs agendū,
modo humiliter ac demisse. in primis autem patiētia ne-
cessaria est. etenim Iaponij, vt sunt ingenio peracuti, &
a nulla prorsus natione vel sapientia, vel dignitate supe-
rari se putant: aduenas omnes, deprimendi caussa, non
cauillantes modo sed etiam vultu manib⁹q³ gesticulantes,
illudūt. & sane bona a prauis haud male dyjudicant:
atque ob eam ipsam caussam, Bonzios, etsi in speciem ve-
nerantur; tamen ob dissolutos eorū mores, intimis sen-
sibus auersantur. Nūc Regulus nobis campum exstruen-
do Collegio per amplum assignauit. Nobis veram sui co-
lendi amandiq³ viam ac rationem Spiritus sanctus osten-
dat, quo ad eam beatitudinem, ad quam sumus conditi,
peruenire aliquando possimus. Ex Iapone ipso die festo
Diui Michaelis 3. Calend. Octob. 1551.

IOAN-

IOANNES FERDINANDUS

Francisco Xauerio.

Post tuum ex hac vrbe discessum, inflati animis domum ad nos conuenere Iaponij, vt varijs nos interrogationibus fatigarent: videlicet rati, qui ipsorum argumenta refelleret, absente te, fore neminem. Sed Cosmus Turrianus, Deo fauente, spiritus eorum represit: etenim interprete me ad singulas quaestiones ita respondit, vt satisfaceret: quas ego Iaponice quoniā ipsius mādato litteris cōsignaui, deesse nolui quo minus ex ijs aliquas ad te perscriberē.

Quaestitū est, ex qua materia Deus animum cōdidisset: nam corpus quidem e quattuor constare elementis nō ignorabant. Respondimus ad hoc; quemadmodū Deo, vt elementa, Solem, ac Lunam, & reliquum mundi fabricaretur ornatum, non opus fuit priore materia: sed vt existerent, ipso nutu verboq; fecit; sic animos etiam ab eo creari sola ipsius voluntate, materia nulla. Tum illi percontari: qui color animi, quanam esset species. Nullam respondimus, etenim hoc proprium esse elementorū & corporum. Cum inde concluderent, quoniam corpus non haberet, nihil esse animū; Cosmus vt eos verbis ipsorum conuinceret, interrogauit num esset aer in mundo: cum annuissent, quasiuit denuo, esset ne coloratus aer: negarunt. Tum ille: si aer, cū res corporea sit, nullo est colore; quanto minus (inquit) animus, cum careat corpore? Hoc audito, cessere.

Quasiere alij, demones quid nam essent. cum responderetur esse multitudinem Angelorum duce Lucifero, qui elati superbia, quōd Deo sese equiparare voluerant, caelesti gloria sunt diuinoq; aspectu priuati; cur, aiūt, homines

mines tentat diabolus, estq; eis adeo vehemēter infestus? quod eos, inquit Cosinus, ad beatitudinem illam, quam ipse amisit, conditos nouit: propterea eis inuidet, laboratq; ut in fraudem inducantur.

Interrogauere nonnulli, cur si erant cuncta, quae Deus fecerat bona, Luciferum spiritum malum & contumacem creasset? Ad ea, Luciferum, inquit, quique sunt eius sectam sequuti, condidit Deus & clara intelligentia praeditos ad bonum dignoscendum ac malum, & libera voluntate ad utrumlibet eligendum: ut eos, si bonum exoptassent, gloria, sin malum, inferni cruciatus exciperent. quae facultate quod Lucifer ac reliqui daemones abusi, pro Deo adorari concupierunt; ideo poenas dedere, & sua ipsorum culpam mali ac superbi euasere: quod secus bonis contigit Angelis, qui semet subdētes Deo, meruere gloriam sempiternam. Percontabantur alij, quid esset Deus, ubi esset, num aspici posset: alij; cur Deus cū sit adeo clemens, aditum gloria tantis difficultatibus circumseperit. denique tātus erat a matutino tempore vsq; ad vesperam hac & alia sciscitantium numerus, domus ut oppleretur. sed Cosinus (ut dixi) fecit omnibus satis. Bonz ij nos, quod eorum scelera arguimus, maledictis insectari nō desinunt. Confinxere quidā ex ijs, diabolū e simulacro pronuntiasse, nos ipsius esse discipulos: eundem nostra de causa e celo, multis inspectantibus, regiā fulmine perculisse: quidā etiam humana carnis voracitatē, nobis exprobrāt. Ad hac, illa quoq; incōmoda vel Deipositi beneficia accepimus. Cōmotū est in oppido bellū, quod regis obitu deinde sedatū est, adeo exitiosum ac graue; ut vrbs octo dierū spatio cōflagraret incēdijs, & sanguine redūdaret: q̄ppe sublatū legib; impune victrix vbiq; grassabatur improbitas: passim homicidia: passim rapinae: atque

atque eo sane toto tempore nos ad eadem inquirebamur assidue, partim ab ijs, qui nos oderant, partim ab ijs, qui nostras qualescunque sarcinulas adamauerant: itaque magno in discrimine vita saepe versati sumus: verum ex omnibus periculis eripuit nos clementissima Domini mater, quæ clientes adeo præcipua cura tuetur suos. Cum status rerum esset huiusmodi; Cosmus Antonium misit ad Naetondoni uxorem, ut ab ea consilium peteret: illa iussit nobis renuntiari, ut confestim veniremus ad se. porro inter eundem complures in cateruas armatorum incidimus: ij inter se per eorum ordines transeuntibus nobis, quin, aiunt, e medio tollimus hosce de Cengecu (sic enim Europæos appellant) quandoquidem ipsorum culpa, lignea vel lapidea simulacra neque alijs, neque sibi salutem dare posse negantium, Dij indignati, excitata discordia, tantam huic populo cladem intulere? hæc autem dicebant illi, propterea quod eo bello cænobia multa cum simulacris ignis absumpserat: imminuta magnopere idolorum & præstigiatorum auctoritate, vel ob id ipsum, quod Regi in primis, ut nosti, superstitioso, nihil eam superstitionem profuisse constiterat. Ex eo discrimine elapsi, Naetondoni domum peruenimus, cuius vxor dato puero, qui prosequeretur, nos ad Bonziorum monasterium, quos ea suis alebat sumptibus, amandauit: illi vero grauius nobis offensi, respondere: nos demones dicere, nec locum excipiendo tam improbo hominum generi sibi superesse. Cur nos Deus, qui habitat in celis, cuius legem exponeremus, ex ijs periculis non in calum eriperet? Tamen ad extremum siue Domine metu, siue famuli precibus adducti, phani particulam nobis ad hospitium assignarunt: ibi toto biduo commoratos mulier nos domum suam rursus accersit, & in posticis adium par-

tibus

tibus ambulatiunculam quandam nobis ad diuersandum attribuit. hic nos quot periculis, quot laboribus perfunditi fuerimus, ne longior sim, in presentia sileo. Sanctis sacrificijs, & precationibus tuis nos admodum commendamus, & patrum fratrumq; carissimorum: quos ego ad hanc gentem salutaribus erudiendam praeceptis, & verā in agnitionem Dei conditorisq; sui trahendam, propediē venturos esse confido. Amantutio, 13. Cal. Nouembris 1551.

EX EPISTOLA GASPARIS Vilelæ ad Societatem IESV.

Iaponica terra, quantum hucusq; accepimus, pauper est & frigidior Lusitania. regio mōtosa & inualis: gens polita nec a ratione abhorrens: hordeaceo vescitur pane. qui nobiles sunt, ijs magnus habetur honos, quorum multi si rei familiaris premuntur angustia, natos praefocant iniecto faucibus pede, mortēq; anteferunt egestati. Olei, butyri, casei, lactis, ouorū, sacchari, mellis, aceti valde laborat inopia: croco, cinnamomo, pipere prorsus caret. Iam vero hordeaceo fursure vtūtur pro sale. deniq; nulla ibi salutaria corporibus medicamenta reperiuntur. En vobis, fratres carissimi, cuiusmodi regionem tredecim vel quatuordecim petamus, sane quā alacres DEI benignitate: & si magis laboradum sit, multo etiam alacriores futuri, vt opera nostra Iaponiorum anima fratrum nostrorum, dammati illius lupi eripiantur e faucibus. Nunc fratres, quando hac vobis occasio datur; optata perficite, nec vos vllus impediat timor, quo minus animabus ijs opitulcmini, quas Christus IESVS minime sibi negligendas putauit. Concurrite fratres ad has gentes adeo remotas ab agnitione creato-

ris sui. Crucis in amplexum venite: strenuis patet militibus campus: vestri conatus erumpant: vestra a mari ad mare transmittat industria. Ad hæc noua sidera contemplanda, ad hæc noua regna accedite, vt ex his ad regnum tollamur æternum cum IESV CHRISTO. Cocino. 8. Kal. Maij. 1554.

PETRVS ALCACEVA

Societati IESV in Lusitaniã.

G Oam veni, vbi commoror in præsentia, ex Iapone missus. & quoniam arbitrabar, cognito rerum Iaponensium statu, magnam vos lætitiã esse capturos; de ijs aliquid constitui ad vos scribere: vt, cum in ea prouincia quãta sit rei bene gerendæ materies, qui motus animorum, quàm præstantia incolarum ingenia intellexeritis; fratres vestros, qui peregrinãtur ibidem, quamquam loci intervallo disiunctos a vobis, spiritu nihilo minus coniunctos, assiduâ precationibus esse vobis adiuuandos putetis. Anno a puerpera Virgine 1552. 15. Calend. Maias proficiscentem ex India Franciscum Xauerium, vt in oram Sinarum traïceret (quo secum e patribus Balthasarem Gagum, itemq; e fratribus vnũ ducebat) secuti ego & fratres Duarte a Sylua, vt peteremus Iaponem, Malacam venimus, quæ abest leucas 700 ab India. Ibi Xauerius, vt ad Sinas postea pergeret, substituit nobis Iaponem versus 8. Id. Iunias proficiscentibus, itineris comes repente, Xauerij iussu, Balthasar Gagus accessit. Cum ad Sinas peruenissemus, peropportune paratã nauim inuenimus: quod eo iucundius nobis accidit, quòd ea dere valde solliciti in itinere fueramus. Conscendimus igitur 4. Nonas Augusti, & duodecimo die ad Iaponem appulimus, inq; Can-

proximam insulam, ubi Xauerus versatus antea fuerat, primo aduentu descendimus. ibi dierum octo mora facta, ab Regulo valde benigne tractati, 11. Calen. Octobris perreximus ad Bungiregnum, quod appellatur, & decimo septimo die ad urbem Bungum sane quàm aduersa & periculosa nauigatione peruenimus. ibi nobis ades hospitio data sunt iussu Regis, quem postridie inuifimus: ei^q ab India Prorege munera attulimus. quibus ille magnopere delectatus, prater hospitium nobis terrestria quoq^q, & maritima lautia iussit præberi. Rex est sane potens, admodumq^q imperat late. Cosmus Turrianus Amangutij erat eo tempore: qui simul ac Bunginos esse cognouit; continuo Ioannem Ferdinandum Iaponice doctum misit ad nos, quo, & in mandatis, quæ habebamus a Prorege, exponendis, interpretis munere fungeretur; & aliquid eadem opera de Christiana religione differreret. is nobiscum in regiam cum venisset, in utroque genere sane libenter est auditus ab rege. Summa eius orationis fuit: quòd rex ipse Proregem India per litteras certiores fecisset, amice in suo regno habitum iri ab se doctrina CHRISTIANAE magistros: iccirco nos ad eam exponendam in ea loca venisse: id quo melius & commodius fieret, esse nostris e presbyteris vnum Amangutij, quicum nobis congregi & colloqui magnopere expedit, cum ut ab eo multa cognosceremus, tum etiam ut aliquam interea assequeremur Iaponica lingua peritiam: certum ab Rege hominem eo ipso tempore mitti Amangutium inaudisse nos; petere & rogare, ut vnacum eo nos mitteret. Ad ea respondit rex, nec se ignorare, commorari Cosmum Turrianum Amangutij; & sibi dolere, quòd non, ut in ea vrbe, sic in sua quoque ditionis oppidis essent neophyti Christiani: publice se

Christianam in suo regno religionem, & nobis interpretandi, & sectandi cuiuslibet potestatem esse facturum: atq; eius rei auctoritatem verbis ijsdem quibus Amangutiana foret edita, conscripturum: quam in adium nostrarum ianuapalampropositam haberemus. Cum hoc responso dimissi, Octobri mense, anno 1552, contendimus Amangutium. vbi & a Cosmo Turriano, & ab vniuerso cœtu Christianorum singulari letitia excepti, diem natalem egimus Domini, solenniq; sacrificio interfuimus, & si non optima symphonia, magno tamen cum gaudio Christianorum: duo deinde patres tria singuli missæ sacrificia peregerunt, totamq; rationem eius mysterij populo declararunt. Hic, cum in consilium ventum esset de rebus ad eam ecclesiam necessarijs, placitū est patribus me Gouam reueriti. Abeuntem pridie Non. Febru. anni 1553, Balthasar Gagus, & Ioannes Ferdināus Bungum vsq; sunt persecuti. Bungi rege salutato, monitoq; de meo in Indiam reditu, ad Proregem vt scriberet, si quid vellet; ipse cum alia, tum illud præcipue scripsit: studium suumpatribus, qui apud se essent, non defuturum: interim se Balthasaris Gagi præsentia valde letari: Lusitaniæ regis caussa omnia cupere: mutti ad se præcones Euāgelij vt de suis quā plurimi fierēt Christiani, vehementer optare. Ego cum ijs litteris confestim discepsi Firandum, quod abest Bungo leucas circiter 60. totoq; eo itinere, Iaponici sermonis ignarus, nutu ac significatione pro lingua sum vti coactus.

Biduo post meum Bungo discessum, Balthasar Gagus, & Ioannes Ferdinandus, qui remanserant, magnum adiere discrimen. etenim luce quæ cinerū diem est consecuta, patefacta principum trium aduersus regem coniuratione, vehementer commota ciuitas erat in armis.

Tum

Tum neophyti quidam ex oppidanis Balthasarem mone-
re, vt adibus consuleret suis: vrbi namque imminere di-
reptionem & incendium. Balthasar autem animaduerso
regis ipsius periculo ac metu, Ioannem misit in regiam,
vt si quo modo regem alloqui posset, eius animum confir-
maret, Deumq; futurum ei propitium vel ob id ipsum
promitteret, quod ille suorum conuersionis adeo cupidus
esset. Ioannes, etsi regiam offendit nobilitate refertam;
tamen Deo volente, patuit ei ad regem aditus. qui ipsius
verbis admodum recreatus, vt Deo commendaretur a
nobis valde suppliciter petijt. nostri cum vrbs cōpita cer-
nerent armatorum cateruis horrentia, domesticis finibus
continere sese Deoq; committere statuerunt: nec ita mul-
to post e coniuratis tres titulis honorum illustres, vna cū
ipsorum liberis, vxoribus, propinquis, alijsq; compluribus
occiduntur; & statim domibus eorum ignis inijcitur. qui
late adeo peruagatus est; vt priuata partim virorū no-
bilitium, partim mercatorum, ad 300 aedificia comprehen-
derit. qua ipsa in vrbs regione cum esset nostrorum ho-
spitium; de sarcinis, ornatuq; sacro plane iam despera-
uerat Gagus: verum in medio incendio, ades, Dei beni-
gnitate illa se atq; incolumes permansere. eadem nocte
misit rex, qui Balthasari nuntiaret, facile iudicare se
quantus eo die ipsius labor fuisset, putare etiam sarcinas
absumptas incendio. sed bono esset animo, restitutorū se
omnia. etenim valde prospere debellatū esse. gratias egit
Balthasar, inquitq; regi nūtiari, nostra omnia integra su-
peresse. tertio deinde, vel quarto post die regem inuisit
ipse; habuitq; sermonē temporī congruentem. Huiusmo-
di omnia incommoda, fratres mihi carissimi, multasq;
præterea Bonziorum iniurias (qui sacerdotes Iaponiorū
sunt, homines miræ peruersitatis ac pertinaciæ) tolerare

sane operapretium est. is animarum fructus, ea neophytorum constantia, id ingenium cernitur. ex ijs vnus tanto studio rerum diuinarum exarsit, vt nulla in domo vicinitatis suae, non aliquem fecerit Christianum, & alios praeterea complures vehementer commouerit.

Quidam egrotanti filio implorabat a Balthasare medicinam: cui Balthasar, anima se medicinam, si vellet, ait esse facturum. ille domum discessit: nec ea de re filium appellauit: & filius, quamquam auditis fidei sacrosanctae mysterijs siccirco nihilo magis immutatus, interijt. Pater fusus in lacrymas venit ad nostros. Tum Balthasar, & quidem est, inquit, cur plores, quoniam tua culpa negligentiaq; damnatus filius tuus descendit ad inferos. qua re tanto ille simul pudore ac dolore permotus est; vt confestim, vxorem, & filiam Christiana doctrina iam rudimentis imbutas ad baptismum adduxerit. Deinde cum filia eundem in morbum ex quo frater perierat, incidisset; patri, si fidem haberet, exitum Balthasar promisit felicem, & quidem ea postridie repente conualuit. Christianus alius Balthasarem rogauit, vt domum suam, quae leucam vnā distabat ab oppido, sese conserret. quo cum venisset, Christiani sunt facti 30. Dominus autem noster in hac terra pro rei necessitate diuinam Baptismi vim miraculis multis illustrat. Non procul Bungo complures per Baptismum expiati cum essent; vnus ex ijs cecus, 13 natus annos, simul ac baptizatus est, integrum oculorum lumen recepit. quae res neophytorum animos magnopere confirmauit.

Faber ferrarius quidam neophytus, tanto Domini flagrat amore, vt in conuertendis ad eundem alijs laboret assidue. is vt quemque permouit, continuo domum nostram

fram adducit. Cum Iaponij magna gratulatione quadam solennia celebrarent; cum follibus & carbone contulit eos sese: quarentibus cur tali die opus faceret; Vos quidem insanitis, inquit, ego vero me iam legi conditoris omnium rerum addixi: hanc autem operam do Patrum Lusitanorum edificio. eodem tempore alij quoque, huiusmodi artium ignari, honesti homines, vt Iaponicis superstitionibus aliqua ratione detraberet; vel nostris adibus extruendis, vel alijs occupationibus sese de industria exercebant.

Domus autem nostra edificari cepta est in area, qua rex attribuit nobis hoc anno pridie Idus Iun. loco valde bono: vbi Gagus omnibus cum neophytis, & Lusitanis duobus, qui tum forte aderant, die festo Diue Mariae Magdalene, sub vesperam Crucis admodum excelsa trophaea defixit lintheatus, cum psalmodia, quod Crucis officium appellant: neophytis magnam pietatem praesferentibus: quorum, in vrbe, & in agro 600, vel 700 est numerus, & augetur in dies. magna vero eorum constantia est, magna animi firmitas. Tribus maxime captio- nibus animos Iaponiorum fallere diabolus consuevit: quas omnes iam superauere neophyti. quarum prima illa est: quid fiat in altero seculo, quis nouit? quis vnquam ex eo reuersus est? altera: leges Iaponiorum cum tradita a sanctis viris, tanto iam tempore manserint; ne nunc quidem esse antiquandas: tertia, Dei legem seram esse iam, quandoquidem ante annos ter mille perlata non est. Verum hi cauillorum nodi, miserante Domino dissol- uuntur: & quando tanta in nos principum, & regis ipsius animi propensio ostenditur; valde futurum speramus, vt optime res in hoc regno procedat.

Amanguty cum essem, qua in vrbe Christiani per-

multi visuntur; tantam eorum probitatē cognoui, quantam verbis vix exsequi possum. Lusitanos omnes siatrū numerant loco: populares autem suos eatenus diligunt, vt ex erroribus in viam rectam adducant: eaq³ in re sane vehementer laborant. quod in hac terra eo mirabilius est, quodd eadem interdum in domo paterfamilias aliā, aliam mater, aliam filij superstitionis sectam sequuntur: nec tamen laborant, vt in suam se inuicem haresim pertrahant. qui vero facti sunt Christiani, quā bono seruiant Domino, vel pelliciendis ad eiusdem cultū & obsequium alijs, studiose testantur.

Natalibus autem Domini ferijs, de quibus paulo ante memini, nocte, quidquid a sacrificijs otij superfuit, in sermonibus diuinis audiendis posuere: alternis Ioanne Ferdinando, & puero Christiano qui nostras didicit litteras, pia quadam scripta recitantibus. lectio si quādo intermittebatur; vt de rebus diuinis disputaretur, continuo postulabant. Anacturnis sacrificijs domum reuersi, mane rursus ad diurna venerunt. O predicandam Dei bonitatem: qui corda vsq³ adeo rigida tam suauiter flectit. etenim Iaponij fere omnes, nisi qui Christiani iam sunt, superbia vitio vehementer laborant. Rumorē Bonzj dissipauerant, iccirco Iaponios fieri Christianos, ne in idola eleemosynas erogarent. id vbi resciuere neophyti, nos conuenere, petentes vt, quoniam nos non acciperemus pecuniam, constitueretur scrinium stipi condenda, quae ab se in pauperum subsidia conferretur. Eorundem, aliquoties, cum ipsimet praeberent egentibus epulū in spectante me, caritas mihi miraculo fuit. Monumentum etiam locūque sepeliendis Christianorum corporibus, perquam eleganti opere construxere. In funeribus autem, ad efferendum cadauer honestissimus quisque deli-

deligitur, huiusmodi quippe misericordia muneribus obeundis magnopere delectantur. Nostri cum in aliam forte migrassent domum: & in priori quarentibus eos permultis, vicini, Lusitanos reuersos in patriam mentirentur; cumq; ob eam rem (vt in ciuitate per ampla) complures Euangelio fraudarentur; eorum vterque circa meridiem in foro medio repete comparuit. orationem, Gagi mandato, Ioannes habuit ad tempus paratam. Ex eo die nouus deinceps ad illos hominum concursus est factus. Christianus quidam paralyti duorum triumve mensium spatio laborauerat. is magicis artibus (de gentis more) dum a propinquis curatur; etiam mutus efficitur. cuius casum miseratus amicus item Christianus, caelestis aqua lauacri, quam sumpserat domi nostrae, conspergit hominem. ille surrexit statim, & locutus est, nostrosq; conuenit. Hisce atque alijs huiusmodi remedijs Christianam rem in hac terra Dominus pro sua bonitate sustentat. cui gratia agenda sunt eo magis, quo maior est cum Iaponiorum cecitas omnium, tum praecipue Bonziorum, quorum aliqui in montem, ad phanum quoddam idolcolum, ad piacula per inediam expianda sese recipiunt. Martyrum vero demonis iniri summa vix potest. Simulacrum est excelsa admodum in arce positum. ex eo loco in honorem idoli semet Iaponij precipitantes intereunt: ij post mortem vulgo sancti existimantur. Alij, cum magnam vim coegere pecunia, conscendunt nauiculam, altoq; sese committunt. deinde nauis alueo de industria perforato, merguntur. atque hoc mortis genere, miseri, certam consequi se beatitudinem putant. Persuasit etiam huic genti diabolus, rem valde honorificam esse, mortem sibi vltro consciscere. Quocirca damnati capitis optimates, si ministerio carnificis ipsimet anteuertunt; magnam

sui nominis famam, magnam vero assinibus gloriam, ac decus relinquunt. contra, si expectant dum sibi manus ab alijs inferantur. Qui regnum obtinet Meaci, quisquis illesit, ferme profancto colitur, & nunquam pedibus calcatur solum. Aqua vas attulit Meaco nescio quis, cum Xauerius in Iapone esset, qua regis ablutos pedes licebat fuisse. ea aqua Iaponij religionis causa caput aspergebant: Xaueriumq; idem vt faceret hortabantur. Totam insulam ferunt in quattuor & sexaginta prouincias esse diuisam. in ijs delubrorum exstare millia tredecim. In Regia Meaci omnis generis idola visuntur. quibus nocturna per vices mandantur excubie (anima simulacri illam agere vigiliam creditur) quod si forte rex ea nocte sese minus habuit commode, simulacrum e regia fustibus male multatum exterminant spatio centum dierum. quibus demum exactis ab exsilio reuocant. Huius generis innumerable sunt in Iapone portenta. verum hasce tenebras omnes Euangelij lux, Domino volente, dispellet. Aman-gitianorum ecclesia plus 1000. & 500. conficit Christianos. Bungense regnum 600 vel 700. qua tota ditione, quoniam Euangelizare per diplomata regia, quorum exemplum ad vos mittimus, licet; regnum vniuersum in Christi fidem cito venturum esse confidimus. Firandi, quod oppidum octo dierum itinere distat ab vrbe Bungo, neophyti numerantur 200. qui pastorem vehementer desiderant. cum illac iter faceret, dies quindecim moratus Balthasar Gagus, multos ad Christi religionem, in ijs tres principes ciuitatis adduxit. Firandi regulus valde amicus est Lusitanis, scripsitq; in Indiam ad Proregem, Christianos presbyteros in sua terra sese expetere. cum eum ego aliquoties conuenissem, affirmavit mihi, animo se perne Christianum esse. Cangoxima, qua prima vrbs Xaueri-

rium exceperit, quingentorum neophytorum est grex, & quidem, cum ea transirem, magistro caretum. itaq; per operariorum inopiam stat, quo minus nomen omne Iaponium Christiana sacra suscipiat. Vos, quando tam praeclarum opus cernitis inchoatum, Dominum obsecrate, ut vos in hanc mittat prouinciam. etenim omnium quotquot in vniuersa barbaria vidi populorum, cum nullo prorsus, quam cū Iaponio melius opera ponitur. Ego 15. Kal. Nouemb. anni 1553 inde discessi. cum ad Sinarum litus apulissemus, & de Xaerio certi aliquid nosse magnopere cuperem; 4. Non. Decemb. anni 1552, eum e vita migrasse cognoui. Reputabitis ipsi quam grauitur ea res me perculerit. verumtamen ipsius me commodo consolabar. O predicanda quae per hunc seruum Dominus gessit: sed ego illa silentio nimirum iccirco praetereo, quod indignum me, qui narrem existimo. Eadem in insula, in qua ipse diem suum obiit (ea confragosa est admodum, ac sterilis) ego diebus septem octo ve substini: vidi etiam sepulcrum, ex quo cadauer eius extractum est. Illius industriam, patientiam, alacritatem in laboribus, Dominus noster omnibus nobis impertiat. Hac ad vos de rebus Iaponicis eo scripsi ut interea dum in partem laborum venitis, operarios, qui in ea insula versantur, vestra precatione adiuuetis: obtestor etiam vos, fratres mihi carissimi, ut vestris in sacrificijs, precibusq; mei memores sitis. Goa 1554.

MELCHIOR NVNNES
Societati IESV in Lusitaniam.

Mense

Mense Maio anni post Christū natum 1554, cum in Iaponem Goa discederem: scripsi ad vos de obitu Francisci Xauerij: & simul hanc prouinciā quātopere Societatis nostra subsidij indigerent: & quibus adductus rationibus ego profectiōem Iaponicā suscepissem, exposui. Epistolam Cocini reliqui Francisco Peri, ut is eam ad vos perferendam curaret. Nunc ea, quæ sunt deinceps consequuta narrabo: ut quoniam nos vnus omnes amor vnum efficit corpus in Christo; idem pariter omnes in eodem spiritu sentiamus: & ut ait Apostolus, si patitur vnum membrum, compatiantur & reliqua: si gaudet vnum, reliqua membra cōgaudeant. A Cocino Malacam versus profecti, ventis aduersis ac tempestatibus primum, deinde etiam aquæ & commeatus inopia oppressi, crucem aliqua ex parte capimus experiri. quamquam in tot difficultatibus nihil molestius, quam moræ dispendia ferebamus, verentes, ne exclusi temporibus, nequaquam hoc anno in Iaponem nauigare possemus. Spes enim (ut inquit sapiens) quæ differtur, affligit animam: & desiderium, ni compleatur, excruciat. Inter nauigandum, occupationes Dei benignitate non defuere: concionando, confessionibus audiendis, litanijis præterea concinendis, diuinæ rei citra consecrationem faciendæ operam dedimus. Exponabatur etiam Christiana doctrina quotidie, & ex Actis Apostolorum aliquid legebatur, ut ipsorum exemplis animaremur ad ea, quæ impendere videbantur ferenda. Malacam ut ventum est; dum nauis egre paratur, quæ in Iaponem vehamur, idonea ad nauigandum tempestas effluxit. Quocirca exarmato nauigio, ibidem hyemare coacti, & si dolorem animo cepimus, in diuina prouidentia nihilominus acquieuiimus.

Multum in hac terra Ferdinandus Mendozius frater
noster (quem Prorex India ad quendam ex Iaponijs Re-
gibus in primis potentem cum armis pretiosis, alijsq; ad-
modum magnificis muneribus mittit) exemplo vitæ, ac
virtutis adificat, incolis notus, nimirum apud quos olim,
dum in seculo versaretur, diues in primis, ac beatus est
habitus. Nunc eum videt omnia, quo meliori pareat Do-
mino, reliquisse: quiq; antea conuiuari apparate & opi-
pare solitus fuerat, eum nunc leuidensa attrita, ac lacera
indutum, ostiatim eleemosynas emendicantem aspiciunt:
inq; Hospitali domo ministrantem agrotis, qui, vt eos vel
inuiseret, quondam adduci nulla ratione potuisset. Hac
intuentes, mirantur videlicet, & incipiunt credere maius
aliquid post mortem superesse; atque etiam reperiri in
hac vita, qui inopiam diuitijs, honoribus ignominias, au-
steritatem vitæ laboremq; delitijs antepo-
nant; qui mun-
dum vna cum omnibus eius vanitatibus crucifigant, vt
Christo nudo, eidemq; crucifixo deseruiant. Hac illi pi-
ctura, quippe quæ spirat viuítque, vehementius multo,
quàm subtilibus, quas minime capiunt, Theologorum ar-
gumentationibus permouentur.

Nos, Deo volente, Aprilis mensis initio insequentis an-
ni 1555. Malaca Iaponem versus proficiscemur. nauí-
gium nobis quo Bungum vsque deferamur, Antonius No-
ronia regij præsidijs præfectus attribuit. Bungi Balthasar
Gagus commoratur hoc tempore: ex ea vrbe ad omnium
illarum nationum conuersionem aditus patet. Rex ipse
Bungi sane quàm dicitur esse ad Christiana sacra propen-
sus, sed optimatum in se conspirationem timet, itaq; ex-
spectat, dum ex ijs aliqui baptizentur. Vos apud Domi-
num fratres, precibus enitimini, vt gratia sua rorem huius
cordi Regis instillet: quo Christi nomen palam non dubi-

tet

tet profiteri. Profecto enim ad religionē insula tota disseminandam, ea res momenti plurimum asferet. Nobis, ij qui in Iapone fuerunt, ad cetera multa pericula, insectationes, calumnias Bonziorū, qui sacerdotes insulae sunt; magnā praeerea famē, ac sitim, frigusq; denuntiant. Veruntamē aeterna Dei bonitas facit, vi famē eam sitimq;, & vexationes, inferni cruciatibus equo animo praefermus, parati, oppositu corporis, tela quae ab inimicis in animā contorquentur, excipere: quae magis magisq;, corporis ipsius afflictionibus, & laboribus roboratur quippe quae, falsa testimonia, famem, sitimq;, & fatigationes, quae in carne patitur, cum felle, & aceto, clavis, spinis, & ignominijs Christi cōferens Redemptoris gloriari discit in Cruce: in fame saturatur: inebriatur in siti: in contumelijs & iniurijs triumphat, intelligens animae salutem, animae iactura parandam. itaque in morte vitam, in laboribus requiem, in infamia decus, in Cruce gloriam, in probris bona conscientiae testimonium, in mœrore denique letitiam reperit.

Christianares Dei benignitate quā feliciter administratur in India, Sociorū quiq; Goa, quiq; ceteris in praesidijs Maluci versantur, litteris cognoscetis. Ex Insulis Mauri, & Amboini accepimus litteras: earū summam ad vos mitto, & simul formam Sinensium rerum descriptā: quo intelligatis, quā miseranda res sit, ingenijs natura tam bonis, ea quae supra naturam sunt, inaedificata nō esse: nec sanctissimam Christi fidem plantis insitā ijs, in quibus, ut videtur, adeo cresceret. Granum frumenti ipso in aditu Sinarum mortuum est, & cecidit, fratres, noster nempe Xaverius: nimirum, si ad metendum accesserimus, spicas ex eo vberes, volente Domino, colligemus. Malaca. Pridie Non. Decemb. 1554.

ARIAS BLANDONIVS

Societati IESV gratiam & amo-
rem Domini, &c.

DErebus ijs, quae per homines nostra Societa-
tis in hac terra geruntur a Domino, binas
deinceps ad vos litteras dedimus. quarum
alteras longiores, navis, cui Aegidius Ferdi-
nandus Caruallius praeerat, tempestate reiecta, ad nos re-
tulit: alteras autem breuiiores anno superiore conscriptas,
quia fieri item potest, ut non acceperitis; nunc Melchior
Nunnes, praecipua quadam ad gloriam Dei mihi manda-
uit ut scriberem ad vos: nam cetera cognoscetis e Socio-
rum litteris, qui in hisce regionibus peregrinantur.

Ac de Melchioris Morale primum: is cum a Ceilane
insula, ubi rei Christianae aliquandiu pro virili parte o-
peram nauauerat, ager huc sese recepisset; paucis diebus,
fratrum quos tantopere diligebat in Domino, cinctus co-
rona, Iesu nomen semper habens in ore, latissimo animo
excessit e vita. Inde post duos circiter menses Balthasar,
& Alexius Die nauibus huc e Lusitania delati, ingenti
nos gaudio perfuderunt. Sub idem tempus etiam Melchi-
or aduenit Bazaino, cuius aspectu valde recreati sumus
in Domino, statimq; consueta Gasparis munia obire in-
stituit: ea erant, Dominicis, festisq; diebus mane: Martis &
Lunae, vespere concionari in adibus confraternitatum,
quas vocant IESV, & vndecim millium Virginum: die-
bus Mercurij in adibus misericordiae, nec non diebus Vene-
ris vespere de Poenitentia disputare. posthac ad Socios ali-
quot inuisendos profectus est varijs locis commorantes:

Fran-

Franciscum Peremin oppido Cocino, leucas ab hac vrbe centum: Nicolaum Colani leucas 100 & 20. vbi cum esset, ex nautis, qui e Peguensi ora veniebant, de obitu Francisci Xauerij, deq; ijs, quæ deinceps sunt consequuta, cognouit. de quibus omnibus est, fratres mihi carissimi, cur Domino gratias agamus, & in sancta voluntate ipsius acquiescamus. Nunc ea quæ sunt mihi hac ipsa de re comperta, narrabo. Xauerius Goam cum ex Iapone venisset, ad Sinas proficisci constituit. nactus itaq; opportunitatē legati, qui ad Sinarum Regem a Prorege India mittebatur, cui commendatus ab eodem Prorege diligenter fuerat; nauem vna cum eo conscendit. Malacam vt ventum est, quæ leucas distat Goa 700, profectionis obstacula cepit offendere. nam legato, qui nauiserat magister idem, ac dominus, cui vni secundum Deum Xauerius maxime confidebat, quodd per occasionem legationis eius, interiora prouinciæ (quod vnum cupiebat) penetrare sese facile putabat posse; Malacæ repente subsistere necesse fuit. Xauerius, tametsi præter nautas destitutus ab omnibus, vno tantum amore Iesu Christi ductus, cuius caussa multa perpeti incommoda vehemēter optabat; nullo prorsus itineris vel comite, vel ministro, nihilo minus eadē nauī profectus, insulam portui Sinarum, qui dicitur Cantonius, proximam tenuit. Vbi dum morā necessario ducit (aditus enim in id regnum non est aduenis, quibus, & si quis eos e prouincialibus introduxerit, graues pœna sunt legibus constituta) interea cū barbaro mercatore, vt se in Cātonem urbem intromittat, magna piperis vi, quod ibi valde aestimatur care, paciscitur: mercator eius rei caussa paulo post se rediturum esse promittit. Verum Domino, qui videlicet aliud constituerat, eo ipso tempore placitu est, vt Xauerius in febrim, quæ paucis diebus est confectus, incidere.

deret. Forte negotiabantur per eos dies ibidem aliquot e Lusitania mercatores : quorum nonnulli Xauerium ob ipsius vita integritatem atq; doctrinam magnopere diligebant. ij mortuum, vestimetis ita vt erat, indutum, terra calciq; viuæ mandarunt eo cōsilio, vt cum primum cadauer consumptum foret, ossa effoderent, in Indiamq; deueherent. Itaque simul ac maturum ijs visum est, rem aggressi, & corpus plane integrum, & ipsa vestimenta, nulla prorsus ex parte labefacta reperiunt. Obstupefacti rei miraculo; dere tota inter sese deliberāt. incerti quid agerent, quod & profectionis iam aderat dies : & corpus in barbara terra, tamque remota deserere, indigna res videbatur; decernunt, si male non oleat, vna secum auehere : sin minus, relinquere. vnus tamen ex ijs, qui Xauerij consuetudine plurimum adiutus, eum præcipuo quodam amore prosequabatur; omnino auferre statuerat: deinde ad sepulcrum vniuersi conueniunt, corpus inspiciunt, nec solum omnistabis expers inueniunt, verum etiam suauiter admodum fragrans. Tum vero in eadem viuæ calcis arca reconditum corpus in nauim imponitur. nec dubitant, quin calcis acrimonia ac vi paulatim carne consumpta, nuda, quod ante putauerant, ossa remaneant. Malacam delatum, prodeuntibus obuiam cum solenni pompa oppidanis, apud quos magna Xauerij nomen erat in gratia, excipitur: ibiq; rursus humatum tam diu mansit, quoad vnus e Socijs quem Melchior ad ipsum Xauerium inuestigandum, & Socios inuisendos, qui sunt in Iapone dimiserat, superuenit. is humo extractum, perinde integrum, atq; erat ab initio offendit, & in alia repositū arca, quam Didacus Pereria (legati nomen est eius, qui cum profectum Goa Xauerium supra docuimus) faciendam, & Damasceno serico subsuendam, extrorsus autem

aureo textili conuestiendam curauerat; secum in heremitorio, ubi diuersabatur, abstulit, habuitq³ apud se, donec eodem Petrus Alcaceua deuenit, quem Cosmus Turrianus cum mādatis ex Iapone dimiserat. Horum vterque, simul ac nauigandi se dedit occasio, secū in nauim impostum asportarunt. Nos ad eā diem Goa, quōd naues Malaca nondum aduenerant, non plus, quā mortuū sciebamus. quā prima adfuere, ex ijs cognitum est, corpus Malaca deferri. Cocinum vt oneraria tenuit, qua uehebatur; statim actuario Goam ad nos nauarchus praeueniens, rem nūtiavit: & simul nauim e multis ereptam periculis illius ope fuisse narrauit. Cognita re, Melchior confestim ad Proregem accessit, ab eoq³ petijt biremē, vt aduerso vento tardius nauiganti occurreret oneraria, & corpus auferret. Enimuero id agre pati nauarchus, & obsecrare, ne, quando iam prope ad finem itineris ventum esset, nauim nudaret adeo salutari, certoq³ praesidio. Sed tāta fuit cum Melchioris, tum Sociorum videndi cupiditas, vt nihilo minus mari sese nō dubitarit committere, Socijs tribus, pueris a catechesi quattuor secum assumptis, & Lusitano quodam, qui in Iapone dum negotiaretur antea, cū Xauiro familiariter vixerat, conscendit igitur, a Prorege monitus, vt cum primū rediens appropinquaret ad oppidum, nuntium ad se pramitteret. Cum pelago quattuor dies ac noctes errassent, nauim deniq³ ad Baticalam, leucas ab Goa 20, reperiunt, & ingrediuntur omnes. Arca dum in biremē ex oneraria, eo ipso quem supra diximus ornata, deponitur; interea pueri fertis redimiti, ramos tenentes manibus, concinunt, Gloria in excelsis Deo: nauta vero sublati vexillis, bombardis explosis, celum reboatibus complent. Corpus ipsum erat amictum alba, & optimo superpellitio, quod etsi diu latuit in calce demersum; ta-
 men

men adeo recens videtur, vt cum eo Melchior Iaponium Regem conuenire statuerit. Erat operta facies, manus Crucis in formam composita, & funiculo vincta aque nouo, ac si tum ex officina prodiret: pedes crepidis calceati. Melchior ad heremitoriū beatissimæ Virgini sacrum decēdit, passibus circiter 1500 ab vrbe positum, ibiq; ea nocte cum comitibus mansit. Forte res in ipsum quadragesima tempus inciderat: & nostri nihilominus templū, arasq; ornatu festiuo instruxerāt. Complures etiam erant in ea sententia, vt campanis in ade maxima, ceterisq; sacris adibus omnibus, lætitiæ publicæ signū daretur pulsu quā frequentissimo: sed nostri duplici tantum funebri pulsu fuere contenti. Postridie mane confestim cum ipso Prorege Canonorum sodalitas, quiq; misericordia rem procurant, & ingens præterea oppidanorum vis, deniq; quotquot hic eramus e Societate, corpori processimus obuiam. Turba vero ad spectāculum effusa, parietes, fenestras, vias adeo conferta compleuerat, transitus vt redeuntibus vix pateret. Nonaginta pueri candidati præibant cum accensis funalibus. Recta qua veniebamus via, multa passim erant odoramenta disposita. Feretri autem latera, fundentibus item odorem argenteis duobus thuribulis cingebantur. Hoc maxime modo corpus domum nostram allatum, & statim in sacello, tectum, vt erat, repositum est. ne detegeretur, nimia populi multitudo fuit in causa: quā ob ipsam rē ne Prorex quidē contra cupidius institit. itaq; spe videndi amissa, paulatim omnibus fere digressis, pauci tantūmodo viri, ac fœminæ remāsere, vt ostēderetur sibi cū lacrymis obsecrātes, seq; nisi impetrata re domum abituros negantes. quorū precibus, præsertim quoddā turba, strepitusq; resederat, cessit deniq; Melchior: cācellos, ne sacellū ingrederentur, obiecit: exclusis introspiciendū

corporis potestatem fecit. Sextus decimus tum a morte Xauerij mensis agebatur. eo lati spectaculo cum rem diuulgassent; tantus denuo concursus est hominum factus ad nos, idem efflagitantium, vt neq, negari diutius, neq, toto ferme quadriduo confluētium die nocteq, ad spectaculum turba summo ueri potuerit, cum quidam non semel uidisse contenti, iterum iterumq, reuerteretur. Melchior deinde arcam, cum iam satis in aperto fuisse videretur, prope altare loca certo reposuit, & claustro muniuit. nos cum e corporis praesentia magnam latitiam cepimus; tum vero maiorem ex eo quod animam pro nobis deprecantem assistere Domino credimus. Et sane multum ei debemus fratres mihi carissimi, propterea quod laboribus, ignominijs, iniurijs perferendis (quibus ille rebus ingentem vim animarum ad semitam veritatis adduxit) patientia documenta nobis reliquit egregia: & ab initio vsq, ad extremum tāto animi vigore, atq, alacritate perseuerauit; vt ijs, quae de illo subinde nuntiabantur, quasi ea vires humanas excederent, vix fides ab hisce hominibus haberetur. Id adeo vitae ipsius exitus comprobauit. diem quippe clausit vltimum in regno, vt dicebam, Sinarum, in monte deserto, in tugurio e paleis, & arborum ramis raptim exstructo, cōmodis huius seculi aque inops ab omnibus, atq, caelestibus affluens DEI solatijs: cui, dum viueret, tanta cum fide seruierat. Ac Lusitani, quos memorauī, qui secus mare diuersabantur, cognita Xauerij valetudine, cū ad eum in montem ascendissent, defectū iam viribus inuenerunt, & morienti affuerunt. Petrus Alcaceua, cum ex Iapone veniret, locum est contemplatus, montem ait esse admodum editum, arboribus frequentem. obijt ille 4. Non. Decemb. anno Domini 1552. Venio nunc ad alia, quae apud nos postea contingere. Lusitanus ille, quem olim
in

in Iapone cum Xauerio versatum fuisse antea demonstrauit, negotia cum Indis, Iaponijs, Peguensibus, Sinis contrahendo, ad amplam pecuniam, multis annis re bene gesta, peruenerat. Is, ex quo die aduehenti corpus oneraria cum nostris occurrit; nostram omnium, sed precipue Melchioris amicitiam, & consuetudinem studiosius expetiuit. Templum est Virginis matris Goæ, trans fluuium: eo cum Melchior forte sese conferret, hominem secum duxit. ibi dum vna morantur, interea Melchior ab eo multa de rebus Iaponicis, de regione, de moribus sciscitari. Ille cum respondisset ad omnia, tum illud præsertim addidit de spe religionis Christianæ in eam insulam inducendæ (plane ut cerneret afflatum esse diuinitus) eam se Iaponiorum indolem perspexisse, ut in orbe terrarum vniuerso nusquam prorsus opera locari posset utilius. sibi quidem maiorem vitæ partem in augenda re familiari esse consumptam, sed iam ad capiendos industriae suæ fructus Lusitaniam cogitare; verumtamen quod intelligeret, quantum in Iapone profici posset; si Melchior eam prouinciā suscipere in animum induceret; iam tum relictis omnibus vna profecturum, ut vitam in tam pio negotio poneret. sumpturum ex omni sua pecunia non plus tria vel quattuor aureorum millia, ad edes extruendas in vrbe Iaponis nobili, qua in vrbe Cosmus Turrianus commoraretur, cui Rex eius ipsius rei causa ædificium quoddam iam assignasset. Melchior cum videret non sine diuino consilio fieri, ut virum diuitijs affluentem tanto præsertim labore quæsitis, tantus honoris Dei zelus teneret; constituit vicario sibi suspecto Iaponem petere: sed a Prorege ne impeditur timebat. ad eum igitur veniæ causa, ut primum in urbem redijt, sese contulit; & quo suavis Domini dispositio clarius appareret, in ipso ianua ingressu commodum

N 3 offen-

offendit Proregem litteras Iaponij Regis legentem, in quibus erat scriptum, quàm illi grata Sociorum nostrorum esset opera in Euangelio promulgando, quantum in suo regno profecissent, atque proficerent. Conspicatus Prorex Melchiorem adueniētem, continuo antevertens: *Quid agis?* inquit: cur Iaponem omittis petere, terram vsque adeo feracem? Atqui ob id ipsum, respondit Melchior, ad te venio. quod tibi quoniam probatur; nulla mora interposita, me ad profectionem parabo. itaque domum reuersus, breui explicatis rebus omnibus, salutato Prorege, & summa cum beneuolentia significatione Socijs valere iussis; profectus est, sacerdote vno, fratribus quinque, totidem pueris a doctrina, comitibus. In Iapone ergo versantur hoc tempore e Societate nostra duodecim, & pueri catechistici quinque. quàm bene in ea insularum res procedat, meliusq; sit sperandum in dies, qua prudentia incolae sint, qua constantia; dynastæ vero, ac Reges ad Christiana sacra suscipienda quàm propenso sint animo, (id quod ex quo tempore Xauius insulam attigit, perspicui potuit) e Cosmi Turriani epistola cognoscetis. Goa. 9. Kalen.

Ianuar. 1554.

FINIS PRIMI LIBRI.

DE

DE IAPONI-

CIS REBVS EPI-

STOLARVM LIBER

SECVNDVS.

DVARTES A SYLVA

Societati IESV Goam.

AMANGV T I A N A S res
 primum, deinde vero Bun-
 genses ad Diuina maiestatis
 gloriam hac epistola perse-
 quar. Postquam a nobis Pe-
 trus Alcaceua discesit in In-
 diam (discesit autem Octo-
 bri mēse, anno Domini 1553)
 Amangutium veni cum Cosmo Turriano. ibi ex familia
 Regia multi insignes ac nobiles, & cum eorum singulis
 15 alij ferme, vel 20, Christiani sunt facti. ad eum nu-
 merum accessere Meacenses Bonzij duo, quorum alter,
 earū legum in primis peritus, multa percontatus a Cosmo,
 totam illi suam vicissim de mundi opifce, deq; hominis
 anima sententiam patefecerat, cuius erat summa, nullum
 esse plane rerum omnium cōditorem. Verumtamen ipse
 met conditor suam illi gratiam impertiri dignatus est, vt
 quanto versaretur in errore, & quā essent vera, quæ a
 Cosmo dicebantur, liquido cerneret. itaque Dominum
 Deum nostrum ex animo colere statim decreuit. id quo
 melius faceret, omnibus rebus, quibus ad eam diem ute-
 batur,

batur, abiectis, exiguum sibi tectum, aliqua ex parte a nobis adiutus, cum Socio suo Barnaba extruxit, ubi moratur vterque, & victum sibi met suis manibus operantes querunt: nihil e domo nostra, nihil aliunde gratis accipiunt: vnā acquirendæ virtutis rationem sciscitantur a nobis, in qua, ceu nouella planta, adeo feliciter crescunt, vt mei me sane ex eorum comparatione pœniteat. Eodem tempore Iaponius alius quidam ad Deum conuersus est, magna humanitate vir, acutoq; iudicio, annos natus plus 50. & quamuis, antequam constituit Christiana sacra suscipere, diaboli tētationibus adeo vexatus est, vt in morbum incideret; postea tamen quā Deo sese commisit, manna absconditum affatim hāusit, & nunc de pristina sua impietate deq; excellentia diuinæ legis loqui non desinit. Is nouo nomine Paulus appellatur: & quod magna prudentia, & ingenio præditus est, & nihil vnquam adorauit in vita (nam Iaponiorum superstitionem inane semper nescio quid iudicauit) suo exemplo multos ad religionem impulit Christi: cui ille haud sane fictē dat operā, siue transferendis in patriā linguam scriptis quibusdam, (qua in re valet plurimum, & stylus eius valde probatur) siue alijs mortalibus ad veritatis viam trahendis: præsertim vero confirmandis, ac retinēdis in fide neophytis, quos antea tam vehementer insectabatur. Vxor eius, & filij sunt iam Christiani, cum ipsius fratre non minus ingenioso, & ornato, alijs præterea ipsius affinibus, & amicis.

Septuagesimum vel 80 alius circiter annum agens, vir probilis, ac dynasta, superstitionem suam cum Christiana religione commutauit: idolorum ante id tempus cultor egregius, quippe cui, simulacris humi de more statuentis venerandi causa, præ assiduitate laboris occalluerant manus. nunc vero tanta ei lux veritatis oborta est,

vt de

vt de laboribus ab se frustra susceptis, deq³ sua cœcitate verba facere nunquam desinat. is idolorum loco templum edificare decreuit, quo Christiani ad sermones inter se de cultu diuino ferendos augendæ pietatis causa conueniant: & vniuersis qui sub imperio suo sunt, omni conatu persuadere constituit, vt ad Baptismum accedant: quo lustratus est eius quoq³ filius annos natus 30, qui domum nostram Christiana doctrina, & sacrorum causa ventitat. Tria passuum millia distat ab vrbe. Amangutio vicus quidam. ibi ad quinquaginta, vel sexaginta neophytos rusticos operarios omnes, tantum rerum diuinarum studium ceperat, vt litterarum prorsus ignari, litteratos homines populares suos argumentando conuincerent. Quin etiam eius loci Bonzius ipse, cum illos sæpe sermone atque altercatione laceggeret, turpiter ab iisdem superatus ac victus, existimationi suæ denique migrando cōsuluit. eius discessu neophyti valde leuati sunt. iidem pariter vniuersi certum in locum sæpe se conferunt, vbi de cultu diuino differitur, admonentq³ inuicem sese, & ad fidem, ac religionem hortantur. Verum de statu rei Amangutianæ plura cognoscetis ex epistola Cosmi Turriani, quam misit Bungum; ex qua ego hæc quæ sequuntur excerpfi. Ex hisce pauperibus multi facti iam sunt, fiuntq³ semper aliqui Christiani. iidem preces tenent, easq³ ad ianuam fere quotidie recitant: tum singulis caxa (quod moneta genus est) in eleemosynam datur: quare illi admodum leti, & Domino gratias agentes, domum sese recipiunt. iidem, Dominicis diebus, cum in ordinem discubuer; qui Christiani ad sacrificiū veniunt, aliquid ijs præbent eleemosynæ causa: Itaque & illi beneficio gaudent, & Christiani rei totius dispositio-
ne, atque ordine, delectantur; & omnes in vniuersum
1 N 5 agunt

agunt Domino gratias; cuius sibi munere, antea acta ipso-
rum vita fœdita patuit. Paulus & Barnabas Meacenses
Bonzi duo mirabiliter in fide proficiunt. Faxit Domi-
nus, ut ad finem usque perseverent. Die qui fuit DD.
Cosmo & Damiano sacer, vespere mortuus est Ambro-
sius Eunadus Faisumins, Regis æconomus. eius funeri
mecum interfuere plus 200, sexus utriusque neophyti:
signum crucifixi vnus e neophytis præferebat; & quoni-
am demortui domus a nostra plurimum aberat, pompa
mediam per urbem necessario ducta est. Efferebatur au-
tem corpus admodum excelso feretro, tantaq; funalium
multitudine, ut ipsam diei lucem representarent; ter-
raq; quanto potuimus apparatu ceremonijsq; mandau-
imus. Commouit ea res aliquantum ad impias sectas de-
ferendas cognatos ipsius, & maiorem ciuitatis partem:
quas quidem sectas plane relinquerent, si diuina legis
interpretum hic foret copia. Vxor autem eius continuo
pauperibus fecit benigne: nam & ipso quatruiduo prabu-
it ipsis epulum, & e domestica suppellectili multa distri-
buit. in ijs etiam vestem sericam, ex qua conficietur pe-
cunia ad adificandam illis domum in area, quam idcir-
co nobis neophytus quidam attribuit. Hoc eius recte fa-
ctum, ceteraque neophytorum erga inopes beneficia, qui-
bus bis terre cibaria singulis mensibus largiuntur, com-
penset Dominus: quem vos rogate fratres mihi carissi-
mi, ut hæc ab illis fiant, nullam ob aliam causam; nisi
ut eidem placeant: & simul in officio me sua benignita-
te confirmet

Domus ea, cuius meminit Cosinus, perfecta iam est.
Absolutum est opus, s. Calen. Iulij, & diebus aliquot ibi-
dem sacrificatum, sermonesq; de ipsius fundatione sunt
habiti. Hactenus de rebus Amangutianis. Nunc ad Bun-
gen-

genses venio. Anno 1553 nostri lapidationibus ibi male accepti sunt, confictis in eos criminibus, quod carne vescerentur humana. sed Rex, caussa cognita, rem totam breui compressit, dispositis custodia caussa circa domum nostram interdiu noctuq; vigilijs. atque ea sane praeclara fuit neophytorum probatio: quippe qui, nos quo maioribus cinctos videbant angustijs, eo maiorem ipsi firmitudinem animi constantiamq; praeseferebant. Eo tempore multa ad neophytos conciones, multa contra Bonzios disputationes habita sunt, qui victi, cum quid agerent non haberent, insigni mendacio populum onerarunt, nulla re scilicet Christianam a Iaponica religione differre. Res erat sane periculosa. itaque nostri diuina gloria zelo inflammati, nil aliud per eos dies docere populum institerunt, nisi haec duae religiones quantopere inter sese differrent: legem quippe Iaponicam fabulis atq; mendacijs: Christianam vero plane certissimis niti principijs. Atque ob id ipsum Balthasar Gagus librum Iaponico sermone conscripsit, ac dedit Regi, quem Rex coram se, suisque consiliarijs recitatum, ac vehemēter probatum, suo signo obsignauit, atque ad Balthasarem remisit, iubens ei renuntiari, se libri eius exemplum descriptum habere apud se, proinde exemplar obsignatum vt erat, ostenderet magistratibus, vt eos perspecta Christiana veritate & doctrina, beneuolos & amicos haberet. Ex eo tempore adhuc in pace fuimus. Bonzj in Dominum credidere complures. in ijs quidam legisperitus ex eorum ordine, qui commentationibus vacant, noster antea vehemens aduersarius. huic ita deinde clarum veritatis lumen affulsit, vt in exquirendo Christiani hominis officio nunquam defatigetur: tanta vero tranquillitate fruatur animi, atque ita Dei beneficia ipsius haerent infixa

infixæ memoriæ; vt pro ijs, a quibus Christiana mysteria
 didicit, & a quibus huc missus est, denique pro cunctis
 Euangelij præconibus preces ad Dominū assidue fundat.
 Anselmus est quidam Dominus vici non longe ab vrbe po-
 siti. is, vt vxorem ad cultum Dei traduceret, anno supe-
 riore venit ad nos, & Balthasarem domum suam addu-
 xit; qui fæminam, & domesticos omnes, aliosq; complu-
 res necessaria ad religionem rudimenta edocuit, & con-
 uertit ad Dominum. Horum exemplo tantus in reliquis
 eius vici incolis motus animorum est factus, vt omnes fe-
 re Christiana iam sacra susceperint. Vicus est alius, decē
 leucas ab vrbe: illuc item anno superiore lucri caussa se
 contulit neophytus operarius quidam, Antonius nomine:
 ibiq; reperit hominem, qui ab dæmone septem iam diebus
 ita præfocabatur, vt nihil neq; esculentum, neq; poculen-
 tum per fauces posset dimittere. Hunc miseratus Anto-
 nius, & simul recordatus latronis eius, cui culpam suppli-
 citer agnoscenti Dominus noster IESVS CHRI-
 STVS ignouerat, aquam in vas infundit, expiatque
 manu sua per signum Crucis. deinde hortatur agrotum,
 vt peccatorum suorum agat pœnitentiam, & credat in
 eum, a quo & conditus fuerit, & salutem possit accipe-
 re. Annuit agrotus, & cōtinuo porrectum sibi poculum
 aque totum penitus hausit, appositumq; oryzæ paululū,
 sine labore comedit. Quæ res agrotum ita permouit, vt
 cum primum per corporis vires liceret, ad nos cōferre sese
 Christiana religionis suscipiendæ caussa decerneret, itaq;
 fecit: omnem superstitionem abiecit, Christianos ritus
 ac preces edidicit, paucisq; post diebus est mortuus.
 Alium etiam conuertit ibidem Antonius, claro admodum
 genere natum. Lucas nouo iam nomine dicitur. Is cum
 Baptismi caussa ad nos venisset, postea quā ablutus est,

Balthasarem domum suam cum Ioanne Ferdinādo, Antonioq³ perduxit. ibi dies aliquot instituendis baptizandisq³ ita multis vacarunt, vt ex vna tantum Luca familia, 60 capita (in his vxorem Luca, duosque filios virili etate) caelesti lauacro purgauerint. Quorum tanta constantia, tantum animi robur apparuit; vt suo exemplo alius ad fidem trahendis numerū deinde 300 impleuerint. Annus circiter agitur, cum quidam oculorum acie sane debili baptizatus est. is, Dei benignitate factum est; vt vna cum animi lumine, oculorum quoq³ lumen reciperet: etenim continuo clare capit videre: cuius rei fama cum latius manasset; Iaponiorum ad nos concursus hinc inde statim est factus, partim cæcorum, partim vario morborum genere, vt lepra, febris, alijsq³ huiusmodi laborantium, in quibus Dominus pro sua sapientia, caelestis numinis vim saepe declarat. Quod vt facilius cognoscatis, nonnulla referam, quæ in hoc genere contigerunt. In popularibus neophyti illius, quem ex oculorum debilitate repente conualuisse docuimus; iam inde ab ipso abauo quidam hereditario veluti iure, & quasi per manus acceperat, vt a damone torqueretur. atque is impetranda salutis causa, in victimas & impia sacrificia patrimonii pæne consumpserat. Verum demones idolis inhabitantes, quo maiores sibi honores haberi cernebant, eo vexabāt hominem grauius; nec illius tantummodo cruciatu contenti, arreptum ipsius quoque filium annos natū 30, adeo male accipere, vt multos dies nihil omnino gustaret, nec iam patrem, vel affines agnosceret. Balthasar vbi id reperiuit, contulit eo sese, cumq³ filium in ipsis tormentis offendisset, iussit eum Diui Michaelis nomen pronuntiare. paruit ille, & in ipsa pronuntiationis clausula tam vehementer

menter intremuit, tanta cum gesticulatione, motuque membrorum, ut qui astant, rei miraculo perhorrescerent. Verum diuina placitum est bonitati, ut simul atque sacra illa verba super eum Balthasar effatus est, scilicet: in nomine Patris & Filij & Spiritus sancti; a nequissimo spiritu liberatus, continuo & cibum, & vsum mentis rationisq^{ue} reciperet. Deinde vero vna cum patre Christiana rudimenta edoctus, & vterque sacro fonte lustratus est; ac filius quidem, Michaelis: pater autem, Pauli nomen assumpsit. Paucis post diebus, eiusdem Pauli filia, soror Michaelis, ad templum nostrum accessit, quae item triginta iam annis male a demone habebatur. Ea cum velle se Christianam esse dixisset, dum illi benedictionis formula traditur (hora meridiana erat circiter) vehementi pariter ipsa timore corripitur. Tum Balthasar ad exorcismos confugit, capitque mulieri suadere, ut nomen IESV, nec non D. Michaelis pronuntiaret. illa vero discruciatia grauissime, ore compresso, voce veluti in cantum soluta, respondit, si, Xaca & Amida, qui legem dedere Iaponijs, idola repudiarentur, neminem adorandum esse praeerea: neque vero se cuiuspiam vi, ab eorum cultu posse abduci. Postridie (qui dies fuit Beatissima VIRGINI sacer) templo Christianis referto, cum mulier quoque adesset; Balthasar sacro peracto, quaesivit ex ea quomodo sese haberet. bene cum respondisset: Diui Michaelis nomen profer, inquit ille: tum femina denuo tremere, labiaque constringere. demon autem, ex illa iam, inquit, abeo: verumtamen quoniam tribus iam aetatibus, patris videlicet, filij, nepotisq^{ue} domicilium mihi in his adibus collocatū obtinui, propterea nolo discedere. Instare Balthasar iterum, ut D. Micha-

Michaellem appellet. tum energumena, enimvero id esse iam putidum, ac molestum: mox etiam contracto vultu, cum lacrymis, Quo migrem igitur? inquit. Cum in eo statu res esset, Christiani, qui aderant, in preces dedere sese, nec ita multo post spiritus ille nequam erupit, mulier autem valde leuata est, atque integra prorsus mente, potum petijt, porrectamque sibi aquam lustralem seu benedictam, ebibit. Tum iussa dicere IESVS, MARIA, tam suauiter pronuntiauit, vt vox Angelis videretur. Ex eo tempore nunquam deinceps a damone vexata est, iamque Christiana sacra suscepit. Qui agroti huc deuenere, ex ijs ad 300, iam Christiani cernuntur. quorum sermones inter se de beneficijs a Domino post Baptisimum acceptis, operapretium est audire, dum hic patientiam in morbo ferendo, ille recuperatam prope valetudinem pradicat. solent autem huiusmodi agroti, decem alios, quindecimve singuli ad Christianam religionem secum adducere, quorum corpora non alio medicamento curantur a nobis, nisi aqua benedicta, cuius virtus in hoc regno multis experimentis, praesertim vero in oculorum curatione, quibus Iaponij vulgo laborant, est comprobata: vt eius petenda causa a leucis 10, vel 12, vndique concurratur ad nos.

Hoc anno, qui post Christum natum est 1555, in hac ade sacra Bungenfi a Cinerilibus ad vsque Pascha solemnia, conciones quotidie cum sacrificijs habitae sunt, tanta neophytorum frequentia, vt eos domus nostra non caperet, tantoque animi ardore, nonnulli vt e pagis pridie domum nostram venirent quo postridie mane ad tempus concioni adessent; nonnulli autem ad templum duabus ante lucem horis accederent. quibus rebus homines ita vehementer inflamabantur, vt quotidie ferme deni,

-deni, duodeni, vel etiam vicieni post catechismum fieret Christiani. Itaque baptizati sunt eo toto Quadragesimæ tempore, 400. A Paschalibus ferijs vsque ad Pêtecosten eodem feruore ac studio continuatæ sunt quotidie conciones, neophytorum rogatu, qui propitiâdi Domini causa mysterium Confessionis sane quàm diligenter frequentant; quorum vitæ morumq; immutationem post Baptismum, noti affinesq; eorum valde mirantur, quippe, vt quisque maxima pro Christi nomine ignominia afficitur, ita se beatissimum putat. Quidam etiam, cum initio conuersionis, nonnullo pudore territus latitaret; ita se nunc palam penitus in causam Christianam tâta sua cum delectatione demisit, vt verbo Dei potius quam cibo sustentari aliq; videatur. Cæremonia quoque nostra funebris magna cum admiratione probatur ab ethnicis: vt funus quod primum duximus, hominû plus tria millia spectâdi causa celebrauerint. cum autem pauperibus æque ac diuitibus honorem a nobis vident haberi; tum vero legi Domini Dei nostri simile nihil fatentur esse. atque lex ea sane late vagatur in hoc regno Bungenfi: nam præter urbanum neophytorum gregem, Iacali 50 vel 60, Siquid totidem, Quinctani (pagorû hæc nomina sunt) plus 200 visuntur. Neophytus quidam est, quem ceteri ob eius virtutem parentis loco venerantur & colunt; qui sæpe ad sacrificia & conciones huc venit. Is ea loca circumiens, ceteros ad officium cohortatur & animat. Superioribus diebus Balthasar Gagus cum Ioanne Ferdinando Firandum profectus est ad Lusitanorum qui ibi erant, Confessiones audiendas. Rex autem ante quàm discederet, venit ad nos, iussitq; Balthasarem de comœatu sine cura esse: daturû se qui eum prosequeretur, & omnia ad iter necessaria cõpararet, idemque, si Balthasar vellet,

iam ea leuatam, & exhilaratam esse. Postridie mane cum marito discessit: redituri ad Baptismum cum primum Balthasar Firando reuerterit. Mihi sane magnam tota res attulit voluptatem, & ex eo die plane alia mulier atque antea, visa est. multa praterea in hac regione geruntur a Domino: qui nos pro sua bonitate idoneos vineæ suæ cultores dignetur efficere. Bungo 12. Kalen. Octob. 1555.

BALTHASAR GAGVS

Societati IESV.

ANno Domini 1552 Iaponem insulam attigi. ac de rebus ijs quæ mihi in itinere, quæve deinceps contigerant, tum ex ipso portu Sinarum, tum etiam ex vrbe Bungo (quod meum est domicilium) ad vos litteras dedi. Hæc autem epistolam scribebam Firandi, quo me Duartes Gamma per litteras magnis precibus euocauerat, uti suam suorumque confessionem audirem, neophytos consolarer, aliosque permultos cupientes, aqua salutariperfunderem. Itaque Bungo confestim in hunc portum Cosmo Turriano auctore decessi: e quo scribam nonnulla ex ijs, quæ in hac regione geruntur Dei benignitate, sed breuiter, quia nauta festinant.

Locis duobus huius terra præcipuis, areas duas habemus amplas, & singula utrobique ædificia, alteram scilicet Amangutij, quæ vrbs permagna in medio totius insule ad Septentrionem est posita: Bungi vero altera, quod oppidum Amangutio leucas 5 & 40, in meridie distat. Amangutiana Cosmus cum Ioanne Ferdinando duobusque bene versatis in religione Christiana Iaponijs incolit, ego vero Bungensem. & Cosmus quidē cū esset antea obeso

corpore, nūc partim senio, partim etiā (qua huius agri sterilitas est) macie pene consumptus videtur, quippe oryza exigua, & oleribus, aut leguminibus vescitur. piscibus autem raro, quòd Amangutium abest a mari leucas 30. caro autem ibi fere non gustatur, nisi si quando (quod perraro fit) syluestres fera capiuntur a venatoribus. nam cicures nec maciant, nec nutriunt edendi causa Iaponij: sed tamen longo iam vsu Cosmus paulatim huiusmodi cibarijs assuevit. Amangutianorum Ecclesia Christianorum duo circiter millia cōscit, qui diebus festis assidue sacris missarū intersunt, concionesq₃ audiunt, quas habet Iaponice Ioannes Ferdinandus in ea re precipuo quodā Dei beneficio excellens. Amangutiano regulo Cosmus admodum aquo, neophytis vero valde beneuolis, dictoq₃ audientibus vititur. sunt enim Iaponij ad honestatem propensi, beneq₃ morati.

Bungi cum Rex arcem nobis dedisset, domum in ea, templumq₃ cum excelsa Cruce construximus. Habentur in eo quotidie sacra missarum, & homilia. itaq₃ neophytorum, qui in vniuersum 1500 numerū explent, tanta sedulitas est, vt eorum complures diem nullū, quin adsint, praterfluere patiantur: diebus vero Dominicis ita multi conueniūt, vt domus eos non capiat: festis autem precipuis multo plures, quippe in nostris adibus ipsam etiam diem festi vigiliam peragunt. Sed omnium maxime proficiūt pauperes, quippe qui apud seculū, seculiq₃ fautores minimum obtinent gratiæ. Facit ad eos verba Iaponice sodalis noster Duartes a Sylua, nec non e neophytis ipsis interdum, si qui rerum diuinarum intelligentia præstāt; Paulus quidam præsertim: quem Dominus præcipuis ad hoc munus ornamentis instruxit. is cum præclare popularium suorum errores, diabolique in eis decipiendis

versutias calleat; tam promptus est Christiana pietatis defensor, vt Iaponios mira facilitate conuincat: superstitiosa ipsorum mendacia, & religionis nostrae veritatem illis aperiat. Eum ego mecum vna Firandum adduxi, vbi neophytis operam nauauit egregiam. Vestris eum vos precibus fratres mihi carissimi Domino commendate. profecto enim ad curationem animarum idoneus est. Porro neophyti spiritalibus exercitationibus ita excoluntur a nobis, vt sacrificio missae quotidie intersint, diebus vero Dominicis audiant verbum Dei. Peracto sacrificio, ter Dominicam orationem, ter salutationem Angelicam pro bene meritis, pro ijs, qui nauigant, pro statu & amplificatione Catholica in his partibus Ecclesiae, supplices recitant. Quadragesimae tempore cum apud eos esset hoc anno Ioannes Ferdinandus, orationem Dominicam, & sanctissimam Eucharistiam mysterium declarauit, cuius quidem mysterij tanta illi veneratione, desiderioque tenentur, vt multi ex ijs, qui maxime sunt in rebus sacris assidui, caelestem illum sibi porrigi panem a me magna cum deuotione atque humilitate petierint, vtpote magnopere necessariū ad corroborandam fidem. nam quod ad preparationem attinet, sese quidquid mihi visum fuerit, facturos esse recipiunt. Exsequiarum autem vniuersa ratio nostra hac est: primum, qui moriuntur, eos, antequam extremum spiritum ducant, de rebus ad salutem necessarijs commonefacimus, & animamus: mortuis deinde feretrum neophyti exornant: si mortui tanta forte inopia sit, vt in funus pecunia desit; collata viritim stipe, quae necessaria sunt, aliqui comparant, feretrum serica opertum veste quatuor viri tollunt. Frater noster amictus superpellitio, signum Crucifixi gestat, quem comitatur puer cum aqua bene-

benedicta. Tum deinceps ego sequor non sine litanijis, mihiq; voce praeunti (neque enim hic nobis, ut in Europa clericorum est copia) neophyti ipsi respondent: multa undique laternae collucet. Antequam domo efferatur cadauer, precationem vnam ego recito, deinde orationem Dominicam vniuersi concinimus, idemq; fit ad sepulcrū. postridie neophyti ad templum redeunt cum candelis accensis, ego super tumultum e responsorijs, quae appellantur, vnum elata modulor voce. Itaque crucem in auratam cum artificiosa Christi pendentis effigie, basi₃ desidero, quam in huiusmodi pompis erectam, excelsamq; gestemus: quibus hi barbari tantopere permouentur, ut cogantur fateri nihil esse IESV CHRISTI legibus comparandum. & conuertuntur sane ad Dominum aliqui, sed hi ferme egestate laborantes, vel morbo, vel a demonibus obsessi, quorum Dominus animos primum, deinde etiam corpora curat, alio pharmaco nullo, nisi aqua panēque benedicto. Multa mihi in hoc genere scribendi materia suppetit, verum temporis angustijs premor.

Superioribus diebus in energumenam incidi, quam Dominus neophytorum rogatu ac precibus liberauit. ex ea demon carmina fundebat interdum Iaponica, quae Iaponij sane magni faciūt, studentque perdiscere, tametsi illa quidem statim auctorem per se ipsa demonstrant, nam ut eorum bona sint principia, media tamen, vel extrema virus eructant. Solet autem demon cum versus huiusmodi enuntiat, vel regis alicuius iam vita functi, vel etiam bruti cuiuspiam sibi nomen assignere, ut his cœci Iaponij inducti fallacijs, aut regem illum, aut brutū venerentur ut Deum. Atque ea ratione in rebus creatis diabolus adoratur. Alio præterea fraudis genere demon

Iaponios fallit. nam sæpenumero Bonziorum rogatu, cū scilicet ijs pecunia ob eam rem, aut vestimenta præbentur; vel febrim sedat, vel e corporibus migrat: ita fit vt quamvis de illo male Iaponij sentiant, nihilominus eum aliqua ex parte suspiciant, metuant quidem certe, eique graui licet impendio honores quàm maximos habeant. Iam vero in somnijs quoque demoni perfacile credunt. qui sane per ministros suos vehementer laborat, vt insurgens in hac regione Christiana Ecclesia destruat edificium, cumq; alia ratione non possit, calumnijs nos oppugnat, nititurq; persuadere Iaponijs, nos carne hominum vesci. Verum misericors Dominus, qui suorum nunquā obliuiscitur, ex omnibus periculis eripit nos, semperque demon e certamine discedit inferior.

Radices in hac terra demonis cultus iecit altissimas, decem circiter e Sinarum regione importatis hæresibus, quæ tamen ad duas præcipue rediguntur. altera est eorum, qui sempiterna post mortem & supplicia, & præmia dicunt esse; choros, & symphonias libris exercent; mortuorum manes conuiuio excipiunt, curant funera, habent cænobia cum campanis, & cellis; cinericijs quidam, atris alijs vtuntur vestibus; multa cum superstitione exsequiarum iusta persoluunt, quibus absolutis addunt ad extremum Fombexet, quæ Sinarum est vox, significatque, Nugæ sunt hæc omnia. itaque ex ea voce necitur quam dicebam, hæresis altera illorum qui veluti pecora iudicio & ratione carentia, nullum esse nec Deum, nec animum, nec demonem affirmant: & quoniam intima conscientia sollicitudine vexantur; ad huiusmodi morsus sedandos, sine pudore vlllo metũre, in omni scelerum, & flagitiorum turpitudine volutantur: quos cum Deus iusti supplicij causa omni libidinum turpitudine

dine fœdari permisit; tum se (miseri) diuinæ ignari iustitiæ, legum vinclis solutos, tum sanctos existimant, tum ad optatam curriculi metam se peruenisse arbitrantur. Atque hæc sane mendacia, quippe quæ nullis fundamentis nituntur, cum cæteris rationibus, tum ipsa vita morumque fœditate facile conuincuntur. Bonz ij, qui sectam tuentur priorem, chirographis quibusdam quæ sane magno vendunt, cauere solent Iaponijs, nihil eos post mortem incommodi a demonibus accepturos. Qui me Bungi primus excepit hospitio, is vnum apud se chirographum habebat eiusmodi: sed melius videlicet cauit illi Dominus, cum eum familiamque ipsius vniuersam a Bonziorum dolis ad Baptismum traduxit.

Anno superiore montanus quidam honestus vir, Christianus est factus: cuius rogatu ad patriam ipsius accessimus leucas 9. ab vrbe Bungo. ibi præter eius familiam quæ 100 capitum summam excedebat, alij præterea ad 300, crediderunt Euangelio. ij Christianum eum qui nos illuc deduxit, eximia virtute hominem, venerantur vt patrem. Erat ibidem præfectus regius quidam insignis, quicum de rebus diuinis admodum copiose differui, tantusq; in eo animi motus est factus, vt in hæc verba prorumperet: Equidem cupio fieri Christianus, idque re ipsa statim perficerem: sed quid Dominus meus deinde? quid dicat? quamquam id, quod docetis, cum sit adeo certum atque perspicuum, profecto ne ipse quidem poterit Christiana sacra repudiare. Atque vt ea, quæ sentiebat, præferret palam, ad Baptismum nonnullos ipsemet e suis domesticis incitabat. Itaq; affectu duo, quibus ille præcipuis in administratiõe cōsiliarijs utebatur, caestis lauacro expiati sunt. Postremo a nobis pe-

tijt, vt eorediremus quotannis: populum vniuersum paulatim in Christi fidem esse venturum. itaque hoc ipso tempore nos exspectat.

Firandi praeclare in praesentia Christiana res geritur. sacrificanti mihi quotidie, concionanti vero Iaponice Ioanni Ferdinando, neophyti adsunt. quamquam Ioanne quidem carebunt propediem, exspectatur enim a Cosmo Turriano, vt neophytos Amangutianos erudiat. mecum remanebit Paulus Iaponius, de quo dixeram ab initio, egregius iuuenis, tantaq; dicendi facultate & copia praeditus, vt dies totos in sacris disputationibus sine vlla auditorum satietate cōsumat. Mirabile vero dictū est, quāto in rebus diuinis animi estu zeloque ferueat, quantaq; dexteritate Iaponios quid sequi debeant, quid fugere, edoceat. Firandensium neophytorū numerus est iam ferme 500. Regulus autem, in quo magna ad Christianam religionem propensio cernitur, aream nobis ad cōmetarium Christianorum attribuit, in qua ipso exaltationis Crucis die solenni, summa & neophytorum & Lusitanorum qui aderant, gratulatione & alacritate, Crucis trophaea defiximus.

Aloisius Almeida praeter pecuniam ad excipiendos infantes collatam, vnguentum etiam centum aureorum pretio mittit Vlysiponem ad Socios nostros, vt coacta ex eo pecunia, tabulam ad exemplar quod in charta delineatum est, quā elegantissimo opere pingendam curēt: summa quaeso adhibeatur diligentia, vt ea tabula perfecta ad hanc Bungensem Ecclesiam perferatur, in Beatissime Virginis sacello valetudinarij quod a pietate nomen accepit, locanda, &c. Firando 9. Calend. Cētob. 1555.

MEL-

MELCHIOR NVNNES

Societati IESV in Europam.

ANno superiore, suscepta a me Iaponica profectionis huiusce consilium, aduentumq³ meum Malacam per litteras vobis exposui. nunc iter nostrum Malaca ad hunc vsque portum Sinarum describam breuiter: nauta enim properat. Cum varijs difficultatibus ab nauigando cohibiti, hyemem totam in pijs obeundis ex instituto nostro muneribus Malaca posuissemus, ego vero etiam in morbum Domino volente incidissem; nondum plane recuperata valetudine, paratam, instructamq³ magno labore Carauelam (nauigij genus id est) conscendimus, tanto cum gemitu, luctuq³, Malacensium, vt equidem indignitatis meae conscius erubescerem. cum leucas 12. a Malaca prouecti essemus; tempestas adeo saeva repente cooritur, vt vela disrumperet, sane commode: secus enim omnino vis venti nauigiū demersisset. Posthac ad fretum Sincapuranum in syrtis scopulosas incidimus, & quidem in hostium ora, qui Lusitanos complures varijs grauissimisq³ cruciatibus paulo ante mactauerant. Hic nos cum incerti spem inter metumq³ fluctuaremus, reliqui vero de salute iam prope desperassent; scapham, eorundem rogatu consilioq³, conscendi ego cum fratribus duobus, vt rostratam maioris formae nauem, quae paulo ante praecefferat, quererem, eiusq³ auxilium implorarem. Ac primis tenebris Maurorum Pantanaatum infesta nobis so apparuere nauigia: qui ita prope ad nos accessere, vt iam gratulantium praedam inter se voces, clamoresq³ exaudirentur. Tum vero necesse fuit ad arma spiritalia fidei & precationis, bellica quoq³

tormenta arripere, vt hostibus terrorem inferremus: atq;
 vt quattuor sclopettariorum species praberetur; igniti e-
 minus funiculi ostendebantur. Verum nobis Dominus, qui
 laborantibus præsto solet esse, subuenit. Etenim cum in ho-
 stium potestate pene iam venissemus, ita ad rostratam
 appropinquauimus, vt eius metuperterriti Mauri cursum
 reflecterent. Tertio periclitati sumus ad insulam Paloi-
 nam. quippe, cum Lusitani aquatum descendissent: nisi
 murmur exauditum esset opportune, latentium in insidijs
 Maurorum; venenatis vtique illorum occubuisent sagit-
 tis. In ea insula, nostrorum e numero quattuor Mauri ad
 nautica ministeria in primis necessarij, fuga deseruere
 nauigium: quæ res gubernatoris, præfectiq; animum vsq;
 adeo perculit, vt agre ab ijs impetrauerim quo minus re-
 uerterentur. Inde ventum est ad Insulam Patauen, cuius
 incolæ iccirco Lusitanis erant infesti, quod ab ea rostrata,
 quam dixi, captum ipsius insula præfecti nauigium, &
 omnes quotquot eo vehebantur, occisi fuerant. Hic no-
 stris & fratribus duo, cum ad com meatus petendos in terrā
 descendissent, magnum adiere discrimen. Verum hac
 omnia incommoda mirum quanta animi alacritate, non
 modo fratres, sed ipsi quos nobiscum vna ducebamus,
 pueri exciperent. vt satis appareret quantum ex vna par-
 te laboris ad nostram probandam patientiam permetteret
 Dominus, tantundem ex altera auxiliij ad leuandas diffi-
 cultates, ipsius benignitate præberi. Ineunte Maio mense,
 Pataue soluimus lati, quod primus deinde portus nobis
 Bungus Iaponicæ terræ videbatur futurus: quo in loco &
 Socij nostri, & multi Christiani præterea versarentur.
 sed vel nostris peccatis, vel demonis inuidi scelere, vel Di-
 uino consilio nos in ipso Pulonandaris medio sinu cursuq;
 atrox adeo tempestas oppressit, vt naui, dehiscēte carina,

ex ingenti fluctuatione, aqua tantum acciperet, quantum aſiduo diurno opere, nocturnoq; exhauriri non poſſet. Tū præfectus, & comites Luſitani me per Deum obieſtari, ne Iaponiorum ſalutem ipſorum vita, ſalutiq; anteponerem: eam ſibi perſpectam marium Sinenſium, ac tempeſtatum eſſe naturam, vi ſi captum curſum tenere pergeremus, nobis pereundum eſſet omnino: itaq; eorum precibus coacti, ad Palotimam, quam initio nominauimus, reuertimur: quanto noſtro cum dolore, vos ipſi exiſtimabitis fratres, cum tantopere expetitam a nobis nauigationem quaſi retexere, ac remetiri cogeremur. Ad hac ille quoque metus animum angebat, ne inuiſa Deo noſtra eſſent ſtudia. cum interea & nauigium aqua non ceſſaret accipere, & redeuntibus ventus nobis tam aduerſus obſiſteret, vt quadragefimo die, ni fallor, non plus quam 40 vel 50 leucas remenſi fuerimus. Verum immenſa Dei clementia, eos qui ipſi confiſunt, cum in extremum venere diſcrimen, tum ſubleuare maxime ſolita; diutius nobis opem ferre nō diſtulit. Nam triduo poſt quā Palotimā ex reditu attigimus, eodem naues Luſitanæ dua aquandi cauſſa, cum ad Sinas tenderet, acceſſere. quarum præfecti rogauere nos, vt quoniam tam periculoſe nauigaremus, vna ſecum onerarias conſcenderemus: tranſmiſſionem ab Sinis in Iaponem, Deo volente, non deſutura: quæ me res tametſi magnā in dubitationem adduxit, tamen vt aliquam Sinenſis prouincia notitiam, & uſum acquirerem, & ſimul vt explorarem qua ratione poſſet aditus in id regnū Euangelio pateſcere; ſtatuī deniq; magis eſſe Chriſtiana futurum, ſi me ad Sinas ex itinere contuliſſem. Sed pridie quā in onerariam Franciſci Tuſcani e carauela tranſcendimus; grauius multo, quā vnquā antea, vita diſcrimē adiunimus. Denſis enim tenebris, intēpeſta nocte, procella onerariam
tanto

tanto impetu nostrum in nauigium intulit, vt parum ab-
fuerit, quin id prorsus deprimeret. quocirca soluto statim
retinaculo, quod nos oneraria coniungebat, anchora ia-
cta, in alteram nauem nostra multo humiliorem incurri-
mus, quam ne demergeremus, anchorarios funes coacti
pracidere fluctuantes in saxa detrudimur: vbi naufragiū
faciendum, & moriendum sine dubio fuerat omnibus, nisi
diuina bonitas (humani quippe praesidij nil supererat)
praesenti periculo nos liberasset: cum multi viuentes ad-
huc mortem suam lugerent; ac mirarentur Dei caussa
susceptum iter, tot obstaculis retardari, non intelligentes
videlicet, Dominum, quos diligit, eosdem corripere, &
quasi aurum in fornace probare quos eligit. Conscendi-
mus igitur onerariam, & medio circiter Iulio ad Santia-
num insulam a Cantonio portu Sinarum celeberrimo, leu-
cas 30 distantem, scopulosa quadam loca non sine magno
naufragij periculo prateruecti, deuenimus. in ea mihi in-
sula Dei benignitate concessum est, vt super tumulum,
qui Francisci Xauerij quondam ossa contexerat, sacra
misse facerem. Et quod Xauerius dum viueret tanto la-
bore frustra quaesierat, id ego, ipsius apud Deum precibus
scilicet adiuuantibus, nullo negotio sum consequutus, vt
in urbem Cantonem admitterer. Nunc de Sinarū rebus,
quoniam id vobis gratum arbitror futurum, testis ocula-
tus pauca praescribam.

Sinarum regio multas in prouincias, vel regna diuidi-
tur: quorum est celeberrima sua cuiusque metropolis.
Harum autem, Cantonem omnium minimam ferunt:
cum tamen (Lusitanorum sententia quotquot eam urbē
inuissimus) Vlysiponem incolarum frequentia superet:
aedificia sane bona, valida moenia: viae inter sese, ne furi-
bus, ac maleficis transitus pateat, portarū claustris inter-
septa.

septē. iam vero passim exstructi cum inscriptionibus fornices ad mille vrbe tota visuntur: hac enim fere administrationis suae monimenta magistratu abeuntes Regij praefecti relinquunt. quae via fornicibus carent, ea quandam representant amoenitatem hortorum, arboribus latiss ad ianuas adium in ordinem insurgentibus.

Eorum quae ad victum necessaria sunt, mira in omni genere copia. in singulis vrbs vjs affatim venalia proponuntur. Circa moenia nauigatur, magna aqua vi in fossam vrbs, e flumine deriuata. Cantonem euntibus iter est per infinitam ferme planitiem, & eam quidem irriguam, & opimam. nouas ter in anno fert fruges, quae in urbem nauibus conuehuntur. Fructibus, animalibus, plantis, & cultu ipso, regio est Euiropae persimilis.

Foeminarum summa custodia. in publicum prodeunt recta vndique lectica conclusae, corporis ornatu sane pudico. in adulterio deprehensae, capite puniuntur. Errones ac vagi vrbe prohibentur. certus ac suus cuique opificum ordini vicus est. Cum externis incola varia mercimonia, vt sericum, pretiosa fictilia, camphoram, cuprum, alumen, lignum Sinense commutant. Natio est ventri ac voluptatibus dedita: sed gubernandi ratio plane admirabilis. Singulis prouincijs noui tertio quoque anno magistratus a Rege praeficiuntur, non tamen indigenae: quorum, ex ipso comitatu atque ordine apparitorum & asseclarū, veneranda omnino maiestas imperij. Qui publice ius dicit, ac veluti Praetor vrbanus est, Hexasi patrio sermone appellatur. Qui regiam pecuniam ac vectigalia curat & exigit, Ponchasi dicitur. Rei autem maritimae & peregrinorum administratio, poenes Aitanem est. Accedit Chaen: cuius insignia, manus & oculus: munus vero, capitales Regis sententias, multasq; a cohorte Regia confirma-

tas,

tas, curare exsequendas; Regios ministros vel in officio continere, vel etiam (si male se gerant) magistratu priuare. Porro his omnibus quasi pro Rege præest Tutan: cuius tota prouincia potestas admodum est formidabilis: pileo sibi a Rege donato conspicuus, & vestimentis leone (insigne Regis id est) inaurato distinctis. hoc ille amictus ornatu, ipsa grauitate ac specie nostris Europa Regibus antecellit. eum nobis, atque etiam Lusitanis præfectis non nisi genu flexo, & eminus quidem alloqui licuit. habitat sumptuose. qui ad eum negotiorum causa adeunt, ijs vt a ianitore admittantur, quid sibi velint, ad singulas fores elata voce pronuntiandum est. stipatores corporis habet permultos a Rege attributos. Et sane hominū millia centum ad huius dumtaxat Cantonia prouincia diæcesim, atq; præsidium regijs impensis ali dicuntur. Arma licitorū, arundines igne tostæ sunt, cubiti vnus longitudine, lata digitos quattuor: ijs nocentium pedes, leui interdum de causa, acriter adeo atq; inhumane diuerberant; vt quinquagesima plaga, dammatum vel prorsus interimat, vel certe fractis ossibus omnino debilitatum relinquat. Verberibus decem quidam, inspectante me, casus est: quæ mihi ferre pro Christo si obtingeret; magnum scilicet præmiū mihi paratum existimarem. Præfectos vero ipsos per urbē sella gestari mos est. equi fienati sequuntur; magna præeunte satellitū manu, quorum alij, quas dicebamus arundines, alij ferunt clauam, alij pendente ex humeris tabella, sericis stoccis ornata, magistratus imperium ac potestatem declarant. Hi omnes, in ordinem bini, turbā magnis clamoribus summonent, quæ vel in domos e via se proripit, vel etiam honoris causa fores euerrit: in transitu vero mirum silentium.

Iam in his populis ad Dominum conuertendis, illa meo
quidem

quidem iudicio, vel maxima difficultas occurrit; quòd plebs noua religioni se addicere, nisi magistratibus approbātibus; magistratus, iniussu Regis, eam potestatem facere verebuntur. Verumtamen tota de re cogitāti duplex mihi ratio veniebat in mentem: altera quodāmodo naturalis; vt cum a Lusitania Rege legatus ad Regem Sinarum fœderis atq; amicitiae causa venerit; Sacerdotes aliquot e Societate nostra secum in hac loca deducat; qui, interea dum legatus Cātone subsistit (subsistere aut menses complures erit necesse, dum a Rege respōsum accipiat, regia quippe vrbs, ad quā flumine tenditur, distat hinc leucas ferme quingentas) aliquā huiusce linguae, legumq; nacti peritiā, deinde per occasionē legationis eius vna cū legato in ipsam vsq; Regiā penetrant. ibi cū sese moresq; suos genti probauerint, tum deniq; Regium diploma obtinere contendunt, quo populi a Christiana religione non modo non deterreantur, sed etiam ad eam vbique sectandā a magistratibus animentur. Altera est ratio, quae nō tam humano consilio, quā vnus Dei praesidio nititur; vt duo aliqui e nostris in has oras delati, comitibus discedentibus ipsi remaneant; cū Euangelij promulgatione aliquot arundinū plagas aequo animo paciscantur; in cōpitis ac plateis Christiumpalam praedicare nō dubitent, nec metu, ne si in carcerem quidem truantur, ab incepto desistant. quamquā illud in ea re inesse videtur incommodi, quòd interpretes, quibus maxime est opus, nulli ferme reperiuntur, nisi provinciales quidam adolescentuli, quorū neq; animi fortitudo, neq; prudentia, nec vita deniq; eiusmodi est, vt cum his, muneris tanti pars vlla tuto communicari posse videatur. Ac mihi quidem valde fuit optatū, posse in hac regione consistere, aut certe e Socijs aliquem discendae linguae causa relinquere: sed meum hoc consilium impeditur.

sim

rim delegata mihi Iaponis prouincia, partim etiam sollicitudo de nostrorum salute, quos in discrimen offerre non audeo, non facta a magistratibus potestate manendi: ad quos tamen ego, licet oppidani affirmarent me nihil tale impetraturum, frustra ea de re non semel adire tentavi.

Sunt autem Sinae, quantum eo temporis spatio perspicere potui, ingenio ac iudicio bono; utique meliore futuri, si Christum sequuti, nuntium remittant voluptatibus atque libidini, qua mentis acies magna ex parte retunditur: sunt etiam ad mechanica, & mercaturam idonei, & quacunque ad victum & cultum corporis pertinent. Animi vero immortalitatem, Deum vnum, eterna premia ac poenas ignorant; quocirca spiritualium rerum cura apud eos postrema. Sacrorum antistites eatenus in honore sunt, ut capitis tegumento in mitra formam utantur, mento & capite abrafo, despiciatissimum aliqui genus hominum. Nullum ex ijs, quamuis adhibita diligentia, reperire potui, qui me gentis ceremonias, & iura sacrorum doceret. Incolae omnes idola apud se habent, quae odorem tantum duntaxat ac suffitibus venerari mos est. Ad rem quamlibet anspicandam per sortes oracula exquirunt; ea si tristes ducantur, idola videlicet vapulant. Ex quo ad Sinarum terram appulimus, Cantonem contuli mebis, qua in vrbe menses duos circiter posui, ut agerem de redimendis captiuis Lusitanis tribus, qui cum alijs Christianis prouincialibus totidem, admodum arcta saeuag. in custodia detinentur: cuiusmodi calamitate oppressi nonnulli praeterea Lusitani varijs prouinciae locis dicuntur esse: cum enim infestis hucusque Sinarum populis vni fuerimus, si qua Lusitanorum nauis tempestate in hac litora eiecta est; vectores & nauta vel necati ab incolis, vel in vincla coniecti sunt: quod tamen fieri desitum est postea quam

quàm legitima pro mercibus portoria soluere Lusitani ceperunt. Verum, ad captiuos vt redeam, cum quendam ex ijs Matthaum nomine praefectus ad se e carcere euocari iussisset, misericordiam eius mihi mouit aspectus: pannosus erat ac squalidus, capite ac pedibus nudis, manicis ad brachia, ferrea cathena ad pedes iniecta; collo autem inferio in tabulam, quae scriptam vinculorum causam demonstrabat: quo maxime modo haberi dicuntur ij, qui sententia capitali damnati, mortiq; addicti sunt. Ac primo quidem redemptionis pretium mecum attuli, succinũ crudum; quod magnis propositis premijs a Rege conqueri perhibetur, eo quod persuasum habeat, hoc gũmi genus cum quodam alio cõditura genere sumptum, spatium vita producere: secundo autem, aureos ad mille & quingentos, quos mihi tres amici ea lege commodauerant, vt Lusitani redempti as hoc alienum, stipe a classiarijs & mercatoribus Christianis emendicata, dissoluerent. ea pecunia in vrbe deposita est, Chaeni praefecto numeranda, si nostros homines liberos dimiserit, quorum hoc anno saltem vnum solutum iri confidimus.

Sed hætenus de Sinarum moribus ac regione: vnde ego in Iaponem Maio mense discedere cogitabam; quo tempore nec transmissio, nec Lusitani comites deerunt. Nunc autem epistolam egregio Aloisij Almeida Lusitani facto concludam. is cum anno superiore in Iaponem venisset (vir est autem in his regionibus admodum notus) & Bungi cum Balthasare Gago cõgressus, eam Iaponensium sceminarum consuetudinem cognouisset, vt modo natos infantes per summam immanitatem necarẽt, quos propter inopiam alere se posse diffiderent; cum eodẽ Gago condixit, vt cum Rege Bungi ageret, quo mos hic pessimus ratione aliqua tolleretur: ad eam rem sese de suo,

P

quan-

quantum esset opus pecunia, collaturū. Placuit Regi consilium, seq³ nutrices ad pueros educandos attributurum recepit. Itaq³ Aloisius Bungi ea de causa remansit, edesq³ comparat magna populi approbatione, in quas non modo pueri deferantur alendi baptizandiq³; sed etiam Christiani pauperes qui sunt in vrbe, confugiant. Idem Aloisius cum nos nimis diu morari videret (namque biennium circiter est cum soluimus Goa, quod tempus nauigando maxima ex parte consumptum est) veritus ne qua difficultas nos retineret Malaca; duo coronatorum millia ad amicum misit; quibus nostra subleuantur incommoda. sed hac eius benignitate spero me non vsurum. Accepi autem ab eo litteras, quibus nostrum aduentum auide ab se expectari ostendit; vt mecum de instituendo quam maxime salutari genere vite (natus est autem annos fere 30) deliberet &c. Valete. E Sinarum portu Cantonio 11. Cal. Decemb. 1555.

Scripta iam epistola, exemplum litterarum adiungere mihi visum est, quas Rex Firandi e Iapone ad me scripsit: nam ipsum archetypum mecum ferebam, quo facilius a Rege, si opus esset, promissa exigere.

EXEMPLVM LITTERARVM

Regis Iaponij.

Pater Mag. Franciscus cum meum in hoc regnum venisset, Christianos fecit magna animi mei voluptate nonnullos, quos equidem commendatos habeo, & ab omni iniuria tueor. Bis deinde ad nos venit etiam Pater ille qui Bungi versatur, baptizauitq³ cum ex affinibus meis aliquot; tum ex reliqua nobilitate permultos: quem ego virum aliquoties audiui, eiusq³ doctrinam, qua mihi pe-

nitus

nitus haeret in medullis, ita probaui, vt CHRISTVM
sequi plane decreuerim. Quocirca te in meo Regno vide-
re magnopere cupio: semel quippe mentitus, non mentiar
iterum. Tu si ad nos te contuleris; & rem Deo gratissi-
mam feceris, & a me quam honorificentissime liberalissi-
meq; tractaberis. Firando.

Taqua Nombo Firandi Rex.

COSMVS TURRIANVS

Societati IESV in Lusita-
niam.

EX quo tempore a Francisco Xauerio, qui postea
migravit e vita, Amangutij sum relictus; res
per humani generis aduersarium minime tran-
quilla fuerunt, qui cum intelligeret quantum
Euangelij promulgatione proficeretur, omni ratione eam
impedire conatus est, bellum enim Regem inter ac popu-
lares eius ita perniciosum excitauit, vt vigesimo post me-
um aduentum die, Rege ipso cum filijs interfecto, alium,
qui Regis Bungi erat frater, in magna tamen principum
dissensione, suffecerint. Nec tamen a nobis interea cessa-
tum est, nam ad annum 1556 (quod spatium fuit an-
norum circiter sex) assiduis concionibus, ceterisque ex
instituto nostro ministerijs obeundis, Christianorum duo
millia fecimus: quo tempore nonnulli e proceribus, con-
iunctis viribus contra nouum Regem, sectatoresq; ipsius,
vrbi Amangutio, sauum adeo incendium intulerunt; vt
cum amplius decem millibus familiarū incoleretur, vni-
us horae spatio vniuersam flamma peruasferit, eo impetu,

vt diuinum magis supplicium, quàm humanū facinus videretur. Nec sane domus nostra, templumq³, ab eo incendio fuit immune. Post hac affertur nuntius, aduentare hostes; quo audito Christiani conueniūt, communiq³ sententia statuunt, non esse mihi in ijs tumultibus commorandum: deniq³ vigesimo post incendium die, cum iam hostium exercitus ab vrbe non plus tribus millibus passuum abesset, vehementer a me efflagitant, orantq³ vt inde discedam. quorum ego precibus eo animo cessi, vt post eas turbas, ac seditiones redirem. Consilio profectionis meæ cognito, reliqui Christiani ad me concurrunt, nullam ea nocte partem capiunt quietis, cum alij peccata confiterentur, meumq³ discessum lugerent; alij mecum vna decedere decreuissent. quos ego vt potui, verbis solatus, discessi, multis me nihilominus ad nouem millia passuum prosequētibz summo cum dolore, ac gemitu. mortuum parentem in conspectu eos habere dixisses. Nimirum presagire iam tum videbatur calamitates, quæ postea conigere: quippe deinde, & vrbs funditus euersa est, & summa amonia inopia, aliq³ id genus multa incōmoda consecuta. In itinere cum diuellerentur a me, ecce tibi denuo lacrymæ viro-
 rum, mulierum, puerorum, quæ me sane magno mœrore, tristitiaq³ affecerunt: atque ita illi ad suos regressi sunt; ego Bungum iter intendi, quæ in vrbe versabatur Balihasar Gagus cum duobz fere millibus Christianorum, quos ibi fecerat, eratq³ magna apud Regem in gratia in Lusitanos valde propensum, ad quem Prorex India certum hominem Regis Lusitania nomine cum pretiosis muneribus misit, egitq³ gratias quòd nos adeo humane, liberaliterque tractaret. Quo ille officio permotus, ades nobis optimas ex materia cedrina est elargitus: e quibus templū exstruximus cum reliquis ad incolendum necessarijs adificijs,

ficijs, operam suam in id nauantibus admodum impigre Christianis. Decreuit etiam nobis aure eorum quinquagenum vectigal. Inde cum astus belliam deferbuisse videretur, multi barbari ad verbum Dei consuebant, ac fere semper ad Dominum conuertebantur aliquot, decem interdum, interdum quindecim, pluresq; aut pauciores, prout mentes eorum Spiritus sancti claritas illustrabat. Amangutio etiam Rex, regnique procures, missis per Christianos epistolis, nos ad se inuitarunt. qua de re cum Regem ipsum Bungi amicitia causa consuluissem, respondit adhuc maturum non esse, simul ac foret, se monituum. suspicati sumus occultam aliquam coniurationem ipso conscio aduersus Amangutij Regem esse conflatam, vt re vera fuerat, nam ex principibus quidam potens, Amangutium iam ex incendio ferme instauratum aggressus, diruit, magna ciuium parte vel direpta, vel in seruitutem abducta, Regis etiam fratre cum omnibus ijs, qui partes eius sequebantur, occiso. Ea re cognita, Bungi Rex magnas copias ad Amangutium occupandum misit, quo euentu adhuc incertum est.

Anno 1555. octauo Idus Septemb. Rex apud nos sane quam iucunde coenauit: a cena de Deo verba fecimus. ipse per quendam ex amicis iussit nobis renuntiari velle se certos pecunie fructus assignare alendis ijs, qui in sua ditione Dei legem docerent. Respondimus, nobis hoc non esse ita necessarium, sed in pauperum subsidium, hospitalem domum a nobis edificatam esse, que huiusmodi ope admodum indigeret, orare nos Regem, vt beneficium illud in eam domum conferret; quod fecit, & simul iussit nobis attribui aream in vrbe imperij sui admodum ampla ac celebri Facata nomine, ab vrbe Bungo quinque dierum itinere, vbi iam Balihasar Gagus aliquot fecerat Chri-

stianos. Eo nunc Balthasar idem est rediturus, vt ibi diutius commoretur, atq; commodius Euangelium predicet. Christus Dominus noster, eas vires nobis, easq; virtutes impertiat, quæ ad assiduos huius prouinciæ labores periculaq; sunt necessaria. Valete. 6. Idus Septemb. 1557.

GASPAR VILELA

Societati IESV.

ANno 1555, cum in hac loca Melchior comitesq; peruenissemus, nihil ad vos scripsi, propterea quodd redituro mox in Indiam Melchiore, satis fuisse de moribus hisce, ac regionibus ex ipso vos cognituros putabam. Nunc ea persequar, quæ post eius discessum præsentem me contigerunt, quo in omnibus immensa Dei bonitas magis eluceat.

Vbi terram hanc attigi, iussus sum Bungi habitare cum Cosmo Turriano, partim vt ingrauescentem iam illius ætatem, in tantis ac tam multis laboribus aliquo auxilio subleuarem: partim etiam, vt ex eius cõsuetudine ediscerem, quæ ratione horum Christianorum ingemina colenda, tractandaq; sint. Balthasar autem Gagus, qui ibi erat, Firandum est missus, vbi portus est in primis celebris, & Christiani nonnulli: Regulus præterea vrbs eius valde nos diligit, fecitq; nobis potestatem area coemenda, quæ in area Virginis Matris ad eam sacram excitauimus, ad pios Christianorum vsus, cum Iaponiorum incolarum, tum Lusitanorum, qui eo cõmeant. Gagus a Regulo humane exceptus est cum alio fratre nostro, itemq; alio Iaponio Christiano in reb. diuinis admodum erudito, quos secum adduxerat. Hos deinde cognouimus in neophytis instituendis magna

cum

cum laude versari. post Gagi discessum, campum coemimus patentem, nam perexiguus erat is, quem antea habebamus, donauitq; Rex nobis peramanter quasdam aedes, quas possidebat: quod beneficium pro caritate adificiorū in hac vrbe non parui faciendum est: attribuit etiam annuos aureos quinquagenos, qua eius benignitate adhuc in circo non fruimur, quod eam pecuniā procurator regius interuertit. Aedes, quas diximus, regia statim nobis vsui fuere. ex ijs quippe in area nostra templum exstruximus, addidimusq; tecta nonnulla nobis ad incolendum necessaria. Opus ad culmen perductum est. die sanctis omnibus sacro, anno 1556. Melchior primum in eo sacrum fecit solenne. Inter hac dies aduenit, quo die Melchiori in Indiā redeundum erat, quem a nobis dimisimus, nulla spe in hac quidem vita nos reuiscendi. Inde muneribus spiritalibus fungendis ex instituto vacauimus: tamen si non sine aliqua difficultate propter occultas conspirationes aduersus Regem in vrbe constatas a reliquijs coniuratorū, quos mense ante nostrum aduentum Rex capitali supplicio affecerat, ac deinde ad ceteros minori suo cum periculo puniendos in insulam quandam, qua arcis instar est, sese receperat. Hisce tumultibus et recentes Christiani vehementer, & nos etiam aliquantū perturbabamur animis, quod ex Regis interitu (si forte id cōtigisset) aut mors nobis imminere sine dubio videretur, aut certe multa ac grauia incommoda, qua magno nobis impedimento forent quo minus rem Christianam ex animi sentētia adiuuaremus: verum tamen nonnullis a Rege concessis, pax inter eum et ciues composita est, & quaecumq; otium consecutum.

De perduellibus autē (qui quidē principes, ac dynastae sunt) hoc maxime modo supplicium sumitur. Quo die Rex iuxta sententia capitali condemnat, eo ipso die ad illum,

vbicunque sit, vel vrbe tota libere vagantem, mittit qui nuntiet esse illi certo die moriendum. Querit ex viatore noxius, liceatne per Regem ultro sibi ipsi manus inferre: quod si a Rege permittitur, magnum id sibi decus existimat: optimis vestimentis ornatus, sica sibi met spatij quod est a summo pectore ad inum ventrem in crucis figuram secat, atque ita animam efflat. Hoc genus mortis infamia vacat, nec filij quidquam iccirco, de suo iure deperdūt. Sin Rex pœnam carnifici reseruauerit; tum ille feruis, amicis, liberisq₃ contractis, in ades arma comportat, ad praeliumq₃ se comparat. Rex Praefecto iudiciorum capitalium expugnationis negotium dat: eminus primo sagittis, propius deinde contis, & gladijs, ad internecionem vsq₃ certatur: atq₃ ita perduellis interemptus, vna secum familia tota deleta, perpetua in omnem posteritatem notatur infamia. Huiusmodi supplicio paulo ante nostrū aduentū coniurati nonnulli Regis iussu mactati fuerant.

Instituti nostri in re Christiana administranda eiusmodi ratio est. Primum, quoniam miseris hisce hominibus tanta sunt tenebrae, vt animam simul cum corpore interire, nullumq₃ Dei iudicium de rebus in vita bene, vel male gestis futurum existiment; duos menses quotannis, Nouembrem ac Decembrem, vsque ad octauum diem ante Natalem Domini diem, ponimus in quotidianis, de morte, iudicio, pœnis inferni, deq₃ celesti beatitudine concionibus; ad quas vniuersi fere Christiani conueniunt. Die vero mortuorum omnium commemorationi dicato, in eandem rem maiori etiam studio, ac caremonia incumbimus. Toto autem eo tempore, cenotaphium habemus atratum: super id, responsum vnum verbis conceptis quotidie pronuntiamus, & sacra rituum illorum mysteria populo exponimus. Quo quidem anni tempore tanta vis frigoris est,

est, ut præter aspiduum gelu matutinum, ingens etiam visinius e calo decidat. Sed Dominus pro sua clementia, necessaria nobis remedia suppeditare non desinit.

In festa Natalia, dimissis per finitimas villas nuntiis, Christianorum conuentum indiximus: quorum, a viginti quattuor, ac triginta millibus passuum, tanta multitudo confluit, ut eos templa duo coniuncta, adésque nostræ priuate non caperent. Media nocte sacrum solenne rite peregrinus cum hymnis quibusdam pijs, de laudibus Natalium Domini, & non nullas e sacris litteris historias exposuimus, quibus rebus Christiani admodum delectati, & in sacrosancta fide confirmati sunt. Post eorum dierum celebritatem cum æquum esse non videretur, ut intra domesticos parietes inclusi, animas IESU CHRISTI sanguine redemptas in desertis regionibus perire pateremur; missus sum cum Ioanne Ferdinando ad vicum, quem Cutamen appellant, ubi aliquot Christiani visuntur, quo & Gentilibus viam veritatis ostenderem, & Christianis solatium aliquod, atque utilitatem asferrem. Et quoniam iter illud pedibus iniquo anni tempore sine vlllo commeatu faciebamus; nec frigoris nec famis incommodum defuit. Peruenimus ad montem, ubi nos quidam ethnicus excepit hospitio, & paululum oryzæ dedit in cibum: & quia lucebat adhuc, ab eo petimus, ut viam nobis ad vicum quendam finitimū monstrare ne grauaretur: quo cum peruenissemus, ad vetulam Christianam probi viri uxorem item Christiani, diuertimus. cuius nobis in ministrando studiū, & alacritas, cum veteris illius, ac nascentis Ecclesie laudibus procul dubio comparanda, omnem præteriti laboris molestiam, ac defatigationem absterfit. Cœnam pro ipsius angustijs parauimus ex herba iname quā appellant, atq;

naſtarijs, cum anſus ad nos calefaciendos ignem paucis quas habebat paleis excitaffet. Eadem monita a nobis, vt aliquos ad Euangelium conuocaret, quamquam nox erat, frigusq; permagnum, tamē tantam in eare diligentiam adhibuit, vt multos barbaros adduceret, ad quos cum apud ſenem quēdam de ſalutis ipſorum ratione verba feciſſemus, decem ex ijs permoti diuinitus Euangelio credidere: quos ſimul atque opportunum eſt viſum, magna noſtra latitia baptizauimus. Acceſſit ad hos etiam ſenex annos natus ſeptuaginta, cuius domi ſermo de Deo (quem diximus) habitus fuerat. Is cum annos circiter octo graui admodum valetudine laboraret, ita vt membris pœne ſolutis, inter loquendam vehementiſſime tremere, multis in vita homicidijs perpetratis, demonis cultor, cuius ſpeciem ſeſe identidem offerentem adorabat vt Deum; biduo poſt baptiſmum Dei beneficio ſanus, ac liber ab omni tremore ſurrexit, & omnibus inſpectantibus, diabolicas ſyngraphas aliāque id genus igne combuſit.

*Ex eo loco proſecti, ante quā Cutamen peruenimus, nos in itinere nox oppreſſit. in magnis tenebris, frigore, gelu, incerti qua iter eſſet, aut quem percontaremur, Deum precati nos in viam dedimus, & in cuiuſdam barbari hoſpitium incidimus, qui nos ad Chriſtianum honoratum hominem habitantem in ea ſolitudine miſit, quē antequam inuenimus, iterum errauimus, ſed ea ipſa noctis hora nobis obtulit Dominus, qui nos ad optatas illius Chriſtiani ades aliquando perduceret. Is nos ſimul ac vidit, ſtatim nobis prouolutus ad pedes, nunquam ſe tanto in honore fuiſſe dicebat, conſeſſimque ignem exſtrui permagnum iubet (quo ſane egebamus) & cœnam, idq; eo animi ardore, ac incunditate, qua caritatem a
Spiri-*

Spiritu sancto sibi impertitam non obscure indicaret. ea nocte in consolādis animandisq; Christianis eius domesticis ibi posita, postridie mane profecti, Cutamen venimus, acceptique hilariter sumus a Christianis, qui cognito nostro aduentu obuiam nobis processerant. Hic, dierū aliquot moram fecimus, quo & Christianos cōfirmaremus, & paganos ad Christum adduceremus, quorum decem conuersi, alij miserabili quodam errore liberati sunt: cū enim sese de more dominis sacramento fidelitatis obstringerent, idq; ante idolum stantes, sanguinemq; mittentes e brachio, descriptis ex eo litteris quibusdam, qua legi non possent, & ad extremum syngrapha cōcremata, hero se fidem seruatuos esse iureiurando promitterent; omni studio fecimus, & effecimus, vt si minus eam consuetudinem antiquare vellent, saltem per Deum conditorē cali, terræq; iurarent, quod nobis omnes se facturos esse polliciti sunt, potiúsque mortem appetituos, quam ad pristinam iurisiurandi formulam redituos. Ea res Dominis eorum pergrata fuit, ipsorūque fidem, nunc multo quā antea pluris aestimant. Circumspectis huius prouinciae miserijs & inopia, Cosmo visum est, e re Christiana futurum, si in vrbe Bungo Valetudinarium institueretur. Itaque consilio cum Rege communicato, per amplam domum exstruximus, bifariāque diuisimus, vt altera pars leprosos (quorum magnus in his locis est numerus), altera leuioribus morbis agrotantes exciperet. Confluxere ilico leprosi complures, quorum curationi praefecimus vnum e fratribus nostris chirurgia peritum, qui contemptis, vt Christum pauperem, exercitumq; sequeretur, delicijs seculi diuitijsq;, quas possidebat, in Societatem nostram adscriptus est. Et quoniam vrbe totā montibꝫque finitimis multi praterea inopes, agro-

agrotiq³ versantur; constitutus est Iaponius Christianus annos natus 24, spectata virtutis adolescens, qui castitatis voto alijsq³ nonnullis votis Deo sese dicavit, ut is egentibus, viduisq³ diuideret eleemosynas, quas Christiani conijerunt in arcam ob eam ipsam rem publice positam. Augetur autem quotidie huiusmodi pauperum atque agrotantium multitudo, in hospitali quam diximus domo, magno cum rei Christianae adiumento, & barbarorum pudore, cum videant populares suos agrotos omnes gratis a nobis curari, necessarijs medicamentis adhibitis.

Ineunte Quadragesima, instituti sunt sermones de sacra Confessione, quam Iaponij tanto cum labore, lacrymisq³ peragebant, ut nostrum nobis teporè tacite exprobrare quodammodo viderentur.

Per idē tempus multa ac magna capitis pericula adiuvimus. cum enim Rex arce se contineret, quæ abest ab vrbe viginti quinque milliapa³ssuum, cumq³ magna latronū vis, sublatis iudicijs, vrbe tota volitaret, quorum animi in eadem nostram a Bonzys sollicitabantur; hyeme tota, mortem in horas singulas expectantes, pauco vino in vsum sacrificiorum, alijsq³ rebus nonnullis ut potuimus absconditis, cum vel in cibo capiēdo mors nobis ob oculos versaretur, vigilijs inter nos distributis (quod nunc etiam facimus) vitam nostram, magno sane labore incommodoq³ tutati sumus. Quo tempore iussit Rex nobis renuntiari, se nihil opis in talire nobis afferre posse: proinde nostra saluti cōsuleremus, molestum sibi fore si quid nobis incommodi accidisset. Ac reliqua sane vrbe item vigilia agebantur, sed omnis nostra spes, atque fiducia ex vnius Domini clementia ac bonitate pendebat. Inter hos metus hyeme exacta, nullo tamen Quadragesimæ die nō habi-

habitus est sermo de rebus Diuinis, aliquot sese quotidie diuerberantibus, cum sexta quaq; feria noctu de passione Domini verba fierent, flagrisq; in corpus suum omnes domestici nostri vna cum Iaponys centum ferme, saurerent, qui ad audiendum Euangelium ventitabant. Semihora dicendo absumebatur: inde vexillū Christi Crucifixi proponebatur, sat magnum, postremo extinctis luminibus veniebatur ad verbera, nec ante cadendi modus fiebat, quā psalmus, Miserere mei Deus, ad finem vsq; recitaretur, idq; ea pietatis significatiōe, vt cuiusvis animus ad religionem, & lacrymas commoueri posset. Inter hac rursus Amāgutium inuitamur: sed quia Bungi constabat opera fructus; & simul ne Ioannis Ferdinandi auxilio priuaremur (nam ei proficiscēdum fuerat) Amangutianis rescripsimus, Paschalibus festis nos eo venturos. Sacrosancta hebdomada, quanta maxime potuit ceremoniis religioneq; peracta est. Primum Dominico die Palmarum, solenni sacrificio facto, ramisq; de more distributis, prodijmus supplicantes, Crucemq; preferentes permagnam; emensaq; area spatiosa e regione ianue, foribus in reditu oclusis, Cosmus, qui extra templum, cum signo Crucis populoq; remanserat, clamare cepit, Attollite portas, cui respondebant e templo musici, vt solet. cum tertio denique admissus esset, & ad aram maximam orda comitantium, non sine summa omnium letitia peruenisset; sacrum missæ continuo captum est. Passione Domini decantanda, ingens animorum motus, & eorum, qui recitabant, & eorum qui audiebant est factus, tantumq; dolorem delictorum atrocissima innocentissimi Domini mortis narratio omnibus attulit, simulq; intimum solatium ita magnū, vt satis appareret, omnia hac a Spiritu Sancto proficisci: atq; ita sacrum peractū.

&

& ritus illi sanctissimi quid sibi vellent, populo expositum est. ad hac templi parietes pullo peristromate conuestiti, & sepulcrum excitatum est ad sacratissimum Christi corpus condendum, ac persoluenda iusta solennia, adiuantibus quinque Lusitanis, qui in hac vrbe hyemaue-
rant, seq³, ad nos Confessionis generalis causa recepe-
rant. Quartæ feriæ tenebras quas appellant, alternan-
tibus choris canticum Zachariæ, cum symphonia; deinde
psalmus, Misere mei Deus, magno cum sensu, lacry-
misq³, Christianorum; gentilium vero admiratione, &
approbatione conclusit. Postridie, Christi corpus com-
municatum est cum Lusitanis, & Iaponijs aliquot
Christianis, qui quidem ad tantum mysterium idonei
visi sunt; & quia tum primum celeste illud conuiuium
inibant, summa animi dulcedine ac voluptate perfusi
sunt, nec ipsi solum, sed etiam ceteri, qui aderant Ia-
ponij Christiani. His rite peractis, corpus Christi con-
didimus, templum circumeuntes accensis luminibus. In
sepulcri præsidio Lusitani duo, cum totidem pueris, ar-
mati maculis ferreis, & galeis tecti, sunt collocati: quæ
res cum tempus illud referrent, quo Christus liberator
noster in terris versatus est; Christianos mirum in mo-
dum commouebat, magnoq³, male acta vita dolore affi-
ciebat vniuersos. Sextæ feriæ exsequias maior populi fre-
quentia celebravit. decantata passione Domini, & cor-
pore Christi recluso non sine sensu, ac lacrymis omnium,
mirabilis erat sacris peractis dolor ac mœstitia Christia-
norum domum redeuntium: ijdem Sabbato sancto sacris
adfuerunt. Ara in medio templo exstructa, sacello etiam
maximo aulæ pictaq³, tabella exornato, in qua Christi
resurgentis effigies cernebatur, multis præterea candelis
ardentibus, pulla prætendebatur cortina. hac, simul atq³,
chorus

chorus, Kyrie eleison, nouies cecinit, subito demissa, aram ipsam, & Cosmum stantem aperuit, qui e choro clam se subduxerat, seque ornatu sacrificantis induerat. Vbi vero Angelicus hymnus intonuit, confestim ara campana vi summa pulsantur. quæ res tanta ac tam repentina latitua Christianos affecit, vt mente pœne emoti viderentur, siue id ex præterito mœrore, siue ex rei nunquam ante id tempus visa nouitate contingeret. sane ij nobis dicebant se iam nunc in hac vita fructum celestis beatitudinis prægustare. Atque his rebus in Christiana fide non mediocriter confirmati sunt. Paschali die quæ consequuta est, corpus Domini circumtulimus sub umbella, cereis & candelis accensis. Symphoniaci, ceteriq; ministri sertis amœnissimis redimti iucunde psallebant. Nec tempestiuus tredecim aut quattuordecim sclopetariorum strepitus, nec magna populi vis celebritati defuit. itaque concursus multitudinis nullum eo die locum sacro sermoni reliquit.

Dum hæc geruntur, affertur Amangutio nuntius, dynastam quendam nomine Moridonum copijs adductis, Regēque Amangutij & principibus interfectis, urbem totam flamma ferroque vastasse, nec pauperi quidem templo pepercisse, quod ibi cum quibusdam libris habebamus. Ac nobis utique si eo venissemus, fuerat moriendū: sed videlicet nos Dominus dignatus hoc honore non est; quem habet ijs tantummodo, quos præcipue diligit. vrbis excidium ingens fames excepit, quæ cum e barbaris multos, tum e Christianis nonnullos absumpsit; vniuersum vero ciuitatis statum ac sobolem in multos annos omnino perturbauit, ac perdidit. Atque hi sane bellorum tumultus, quod abuc experti sumus, Christiana fidei propagationem magnopere distinent; sed nihilo minus

minus eo ipso tempore in vrbe Bungo vbi cōmorabamur, multi Christiani fieri capti sunt, praesertim ex inopi plebe. nam diuites fere mundo seruiunt, & obirectatorum voculas pertimescunt. Firando etiam a Balthasare Gago litteras accepimus, in parua quadam insula, triginta vel quadraginta homines Baptismum petere, & Christianos eius regionis in IESV CHRISTI cultu proficere, phanumq; extruxisse, quanquam pro multitudi-
 tudine populi exiguum. Quod vero ad nos ipsos attinet, nunquam occasiones desunt, quibus probemur & exerceamur a Domino. Etenim Bonzj fictis criminibus falsiq; testibus nos apud populum in inuidiam conātur adducere, quod scilicet humana carne vescamur: atq; ad faciendam mendacijs fidem vestes manantes sanguine in adium nostrarum fores occulte conijciunt. idq; nō semel hoc anno fecerunt, qui est a Virginis partu 1557. quocirca toto pœne Iapone percrebuit, nos demonas esse, nec verbis nostris habendam fidem. quod etiam scriptis in ianua nostra propositis palam edicunt. A pueris etiam interdum lapidibus petimur. Cōplures præterea nos fœde & contumeliose compellant, tametsi contra honesti viri permulti reuerentur, & colunt.

Huiusmodi periculis (vt dicebam) tentamur a Domino, & praeclare docemur, quàm parum sine illius ope valeamus ipsi. Idem tamen hac Iaponiorum peccata disimulans, clementiae suae non obliuiscitur, ad alliciendos ad se animos nonnulla supra naturam interdum efficiens.

Quendam multis iam annis pœne paralyticum Baptismo lustratum intra paucos dies sanitate donauit. Mulierem assiduo singultu etiam dum loqueretur, & cibum caperet, iam diu laborantem per Baptismum eo vitio liberavit. Aliam energumenam, vt primum Christiana facta est,

est, demon reliquit. E montanis quidam cum febris confictaretur, ad templum nostrum descendit, certus inde non ante discedere, quam sanitatem reciperet, postmodum conualuit. Iam in ipso Valetudinario, quod diximus, vulnera, veteresque decem atque etiam viginti annorum abscessus quarto decimo interdum die sanantur. Atque hac omnia necessaria sane sunt ad huius gentis tenebras dispellendas, detegendosque diaboli dolos, atque prestigias. simulat quis ex composito se mortuum esse, hunc venefici extractum e sepulcro se ad vitam reuocasse mentiuntur. Interdum etiam adiuuante damone egrotos aliquos curant. Quidam cum multos iam dies nusquam appareret, veneficorum opera repente comparuit. Defunctus cum efferretur nescio quis, ubi ad feretrum detegendum sepeliendi causa ventum est, nullum cadaveris ne indicium quidem inueniunt. Hisce alijsque id genus artibus miseros Iaponios diabolus decipit: quorum ad cetera scelera, quae multa sunt, illa etiam accedit immanitas, ut filios infantes adhuc, crudeliter enecent, vel quoddam unum aut alterum sobolis causa satis esse, vel quoddam rei familiaris angustijs eorum felicitati hoc pacto se consulere arbitrentur. Persuasum habent etiam alicubi: quae mulieres ventrem ferant, ea foemina si pepere-rint, ad inferna damnari. quare permota foetum in utero medicamentis interimunt. Iam vero vetatur Iaponij de vitae exitu cogitare, ne videlicet mortis metu a flagitijs deterreantur. Quocirca mortem repentinam exoptant, beatumque putant cui ita obire contigerit. Sunt etiam qui demonem colant, eoque familiarissime utantur, quos Iamambuxas hoc est milites conuallium appellant, ij ad famam sanctionum colligendam, sese grauiter puniunt, stant, vigilant; cibo parcissimo utuntur; altero denique

Q vel

vel tertio mense, vbi satis factum esse diabolus pronunti-
 auerit; nonnullis stultitiæ socijs vna secū adhibitis, emen-
 dicata a popularibus stipe, mare petunt, nauiculamque
 conscendunt, cuius sentinam ita perforant, vt accepta
 paulatim aqua mergatur. Ad hac, diabolus magnopere
 satagit quo brutorum animantium specie vāgo adore-
 tur. atque vt boues colant, hominem occupat; percon-
 tantibus nomen, respondet sergem esse boum: rogatus
 vt abeat, negat se ex homine discessurum, nisi templū
 sibi exadificaturos esse recipiant. Si pollicentur, abse-
 dit. si promissa nō fecerint, rursus reuertitur, oppressūq;
 hominē varijs cruciatibus torquet, quousq; phanū adifi-
 cent, in quo diuersas belluarū figuras pro numine vene-
 rantur, capitali etiā alicubi pœna proposita, si quis bouē
 occiderit. Interdū etiā venatores, si quā ferā intereme-
 rint, suis veneficijs in morbum inducit. itaq; eius rei me-
 tu feras pro demone suppliciter colūt. Quæ omnia facit
 ille nimirū ob eam causam, vt mortales vero Dei cultu
 deserto mutēt gloriam incorruptibilis Dei in similitudi-
 nem imaginis corruptibilis, hominis, & volucrū, & qua-
 drupedū, & serpentiū. Iaponiorū doctrina seu superstitio
 multiplex est. alij nescio quem iam mortuū colunt no-
 mine Amidam, alij quendā, quem Xacam nominant. est
 etiam hæresis eorū, qui lingua patria Fotoqui vocitan-
 tur, in opinionū suarum prauitate vsq; adeo pertinaces,
 vt aures Euangelio prorsus occludant. negant enim fidē
 habendam nisi scriptis ijs, quæ apud se habent: & pro
 miraculo est, si quis eorum Christiana sacra suscipiat.
 Deniq; Soli etiā, ac Lunæ deorum honores habentur, nec
 non ipsi demoni, cui templa erigunt, atque in ipsis tem-
 plis effigiem eius multo quā nos fœdiorem ac deformati-
 orem depingunt. Multi sunt cœtus cœnobarum viriusq;
 sexus,

sexus, albo vestium colore, rufo, nigroq³, distincti, vita moribusq³, turpissimi. Iaponiorum tres præcipue ordines numerantur. Patrity, qui vectigalibus ciuitatis fruuntur: Bonzyj sacrificuli, quorum item ampli sunt redditus: Operarij, qui aliorum veluti seruitia sunt, semper ijs laborant, semper ijs obnoxij degunt. nam nec patrity inopia quamuis extrema nobilitatem aufert; nec operarijs quantauis pecunia dignitatem affert, vllam, nec vnquam operarios inter ac nobiles matrimonia commisceantur.

Societatis nostræ in his partibus tria domicilia sunt. Amangutyj vnum, vbi multi erant Christiani: verum ades ea vna cum vrbe ipsa incensa, & solum a barbaris templo Idolorum postea dicatum est: tametsi nunc audimus nonnullos qui superfuerunt Christianos, id ipsum iudicio repetisse, eiusq³ possessionem nostro nomine recepit. Alterum est domicilium Firandi, licet exiguum. Tertium, idemq³ omnium maximum est hoc Bungense, quod in primis stabile Deo propitio futurū videtur, tum propter Regis (quamuis nondum Christiani) eximiam erga nos beneuolentiam, & alijs rebus & in consilio dando probatam nobis, & cognitā; tum etiam propter estimationem a nobis apud præfectos regios magistratusq³ collectam. Accedit quodd Rex, Euangelij promulgationem in suo regno sibi gratam esse demonstrat. Ad quem si Rex Lusitania Ioannes, patronus ac parens Societatis nostræ legatum quempiam mitteret, multum ea res (vt arbitror) ad eius conuersionem valeret. Vos etiam atque etiam Dominum obsecrate carissimi fratres, vt Regem hunc excitet: nam utique ex eius conuersione huius regni totius insularumque conuersio pendet, quippe cum sit Iaponis regum hodie in primis potens.

Septembri mense, Firandum, cum ibi Balthasar Gagus esset, duæ Lusitanorum naues appulsa. Itaque a Cosmo ad eius subsidium in Confessionibus audiendis, aliisq³ laboribus, quos noua prouincia secum affert, eo sum missus. Meo aduentu Gagus, & Lusitani, & ipse regulus oppidi valde gauisi sunt. Et quoniã Christianorum veterum vita moresq³ apud hos populos in vtrunque partem plurimum ad exemplum valent; primum omnium suadere Lusitanis institimus, diligenter cauere, ne quem neophytorum exemplo suo offenderent. Multos Confessione purgatos sacra Eucharistia refecimus. omnibus vero Dominicis, festisq³ diebus ad Lusitanos a nobis, ad prouinciales a Iaponio Christiano comite nostro magna virtutis homine, & salutis suorum cupidissimo cõciones habebantur: semel etiam cum symphonia sacrificauimus, & solenni supplicatione. præibant sclopetarij quadraginta cum disphensione festiua: hos tibia sequebantur: deinde Lusitani duo cum funalibus, & crucifer vnus dalmatica indutus: tum e fratribus duo Litanias concinebant: postremum locum tenebat ornatu corporis pretioso Balthasar Gagus sacerdos. Vbi in conspectum nauium ventum est, in quibus erant vexilla sublata varijs crucibus coloribusq³ fulgentia; pretereuntes nos maioribus tormentis honoris causa consalutarunt. Frequens tum ibi forte mercatus erat, quo ex omnibus fere partibus negotiatores conuenerant. Itaque spectaculum magna Christianorum letitia, magno barbarorum conuentu atque approbatione celebratum est. Cum ad Crucem peruenissemus, quam non longe ab edibus nostris locauimus; habita de laudibus Crucis oratione, ad templum eodem ordine redijmus. Faxit Dominus vt per hos sanctos ritus qui cernuntur, Creatorem suum agnoscant ho-

homines, qui corporis oculis cerni non potest. Interim nuntiatur latus rerum Bungenſium progressus, simulq³ Pauli obitus natione Iaponij, quem egrum Bungi reliqueram, virum magnis virtutibus præditum. Hunc ferunt, agentem animam, intermortuis vocibus nihil tamen æque clare pronuntiaſſe, ac I E S V S, MARIA: cuius mortem homines pariter, vitæque admirati ſunt. Is triennium iam in vinea Domini laborauerat fidelis operarius comēsque noſter magno animi ardore, ſpiritu, curæque ſalutis humanæ. Itaque multum eius morte damni ſecimus. agre enim in tanta hominum nequitia ſimilem Paulo reperias. Balthaſar Gagius Coſini iuſſu ex eo loco Facatam profectus eſt, vt poſſeſſionem adiret area quam Rex nobis ad ades ædificandas attribuit. Inde Bungi regem inuiſet, vt is totam rem auctoritate ſua confirmet. ſperamus autem id valde ere publica futurum. eſt enim ea vrbs ceteris aliquāto pacatior, quod mercatores opulenti, qui ibi commorantur, diuitijs metuentes ſuis, imminentis belli pericula largis muneribus, & congiarijs redimunt. Hic locus quartum iam quintumve annum abundat annonæ. exſpectamus viciffim vaccas Pharaonis ſtrigoſas, quas vtiſſimæ Deus arceat. effodit enim pectus, infantium multitudo a parentibus tali tempore pereuntium: quibus ſi nunc in ipſa vilitate nō parcant, quid in caritate putādum eſt? Magna enim (mibi credite) fratres cariſſimi ſterilitatis incommoda ac difficultates in his regionibus ſunt, prorsus vt ipſi diuites herbis tolerent vitam. Iecirco nos Iosephi prudentiam imitati, in annum inſequentem aliquid ſemper cuſtodientes, Chriſtianorum inopia, ac neceſſitati conſulimus: tametsi inter Iosephi horrea noſtræque permultū intereſt, quippe apud nos non niſi naſturtiorum folia,

lactucaq³, sole tosta adseruantur. Res frumentaria in his locis est perexigua: nam triticum ubi maturum est, imbrium vi tempestatumq³ deperditur. Oryzā fere demittunt, eamq³ non ita multam, ut vniuersa vrbi sufficiat: nec ea pauperes, nisi si quando gratulationis caussa, vescuntur: quos tamen omnes Domini benignitas alit, ac sustinet.

Scriptis his litteris, cognatus quidam Reguli Firandensis armis Regi Bungenstum illatis acie victus est, quē quoniam Firandensis Reguli ope adiutum Rex Bungi cognouit, vastitatem eius regno inferre constituit. propterea Bungo scripsit ad me Cosmus rumorem esse, Bungensem exercitum infestis signis in hac loca venturum: proinde si opus esset, rebus nostris mature prospicerem. Ex hoc denique intellexi quid esset, cur antea me Rex Bungi ut Octobri mense hinc discederem, per litteras monuisset. Huius belli metu perterriti afflictiq³ Christiani quidam ad me noctu venerunt, professiq³ sunt, si ego Firandi remanerem, se ad oppetendam mecum vna mortem in templum nostrum esse venturos: sin minus, intra priuatos parietes vita sinem expectaturos, quos ego salutaribus praeceptis instructos, ijs verbis que tempori ac rei conuenire videbātur, bono esse animo iussi. Huius insula Firandi circuitus nouem passuum millia colligit, & aliquot habet vicos, quorum maximus est hic ubi sum in praesentia, familiarum omnino ducentarum. In reliquis sunt Christiani nonnulli, quos, nisi bellum impediat, singulis hebdomadis inuisere statui.

Hac habui, mihi carissimi fratres, quae de hoc anno 1557 scriberē. Vos oro per IESVM CHRISTVM, ut precibus vestris mihi vere summisionis perfectaq³ obedientia virtutē ab eo impetretis, qui mea caussa ad igno-

mini-

miniosam vsque Crucis mortem esse obediens voluit. Ex
insula Firando. quarto decimo Kalen. Nouemb. 1557.

MELCHIOR NVNNES

Societati IESV in Lusitaniã.

ANno post Christum natum 1555 ad vos dedi litteras ex ora Sinarum, vbi hyemare coactus fueram, cum Iaponem tenere non potuissem. Multa in eo itinere & magna vitæ pericula adiuius, cum aut in vada incideremus, aut inter sese naues incurrerent. In eo autem portu Sinarum cum comitibus meis ad mensem Iunium vsque substitute-ram, quod anni tempus Iaponica navigationi vulgo putatur idoneum. Sed cum repente decretum esset insequentem quoque hyemem ibi traducere; continuo Lusitanos qui simul aderant circiter trecentos consuetis officijs spiritualibus adiunare instituimus. Casa itaque & templo e paleis raptim exstructo, quotidie Christiana doctrina tradebatur: omnibus vero Dominicis festisque diebus sacrum missa & verba de rebus diuinis non sine magno fructu fiebant. Quo quidem tempore dici non potest, fratres carissimi, quantum voluptatis animo ceperim, cum viderem in Sinarum regione, inter tot seculorum idololatrias, diuina sacrificia peragi, & Euangelium promulgari: & præsertim hebdomada sacrosanctæ Paschatisque solennia multis eorum qui aderant lacrymis letitiisque celebrari. Illud etiam percommode factum est, vt Lusitani aliquot redimerentur, ab incolis iam diu in vinculis habiti, mortisque licet iniuste damnati. Tenebantur autem adeo tetra immanique custodia, vt nisi hisce oculis ego ipse vidissem, nunquam fieri posse putassem.

taſſem, vt quiſquam eo vita genere ſpiritum duceret.

Quadrageſima exacta, Cantonem Sinarum urbem (quæ Vlyſiponi magnitudine pæne par eſt) tristes nuntij perferuntur, quibus omnes valde perterriti ſumus, in prouincia Sancij, e Sinarum prouincijs vna, tantam repente aqua vim, ſcaturigine crebra, e terra visceribus erupisse, vt omnem circa regionem ad paſſuum centum octoginta millia inundauerit, vrbes ſeptem villasq; complures obruerit, omnibus incolis vel ipſa inundatione demerſis, vel ſi inundationem effugiſſent, demisso calitus igne conſumptis. Quod ita pro certo eſt habitum, vt Chaurael, qui magiſtratum Cantone ſumma cum po-teſtate gerebat, quod patrem atque familiam ea calamitate amiſſiſſet, adminiſtratione depoſita (id enim in patris luctu ſolenne eſt) ad obrutam Sancij prouinciã magno cum ſqualore diſceſſerit. Hac autem de Sinis tantummodo cognita ſunt: nam Luſitanis alijsve omnino aduenis mediterranea penetrare non licet. Inde, anno proximo, qui fuit 1556, Iunio mense Iaponem verſus nauigare perreximus, & duas inter inſulas certum naufragij vitæq; diſcrimen Dei beneficio euafiſmus. cuius clementia, & in eiufmodi periculis cura ſalutis noſtræ, noſtram in ipſo fiduciam non mediocriter auget, magnamq; ſpem aſſert fore, vt Bungi Rex ad Chriſtum adiungatur, præſertim cum eius rei, Rex ipſe, litteris ad Proregem India ſcriptis, ſignificationes dederit non obſcuras.

Cum ad Bungi portum appropinquaremus, ad oppidum quoddam appulimus, cuius oppidi principes, ſumptis armis ab Rege Bungi defecerant. ibi ex incolis qui ad nauem acceſſerant, audimus Bungi urbem totam euerſam eſſe, auſugisse Regem, putare ſe noſtros etiam So-cios

cios, qui Bungicommodarentur, occisos. Eares quamuis falso nuntiata, omnes quotquot eramus in naui, magnopere conturbauit, ac perculit. Sed Bungum nihilo minus vento aduerso contendimus, & Socios omnes incolumes DEI beneficio offendimus. Quos ego nobis ad litus obuiam prodeuntes quanto meo gaudio viderim, verbis exsequi fratres carissimi nequeo, prorsus vt a morte reuocati mihi viderentur. Neque vero in eo congressu Cosmus ille Turrianus temperare lacrymis poterat, bonus utique senex, & vir plane egregius. Annos aliquot Amangutij vixerat, in ea vrbe relictus a Francisco Xauerio: toto eo tempore nullum gustauerat carnis genus, nec pane piscibusve recentibus (quibus rebus id oppidum caret) sed oryza tantummodo Iaponio more decocta (quæ eiusmodi est, vt eam comedas non nisi fame ac necessitate coactus) salitòque pisco, aut oleribus vescebatur: hysq; cibarijs ita assueuerat, vt carnes iam sine valetudinis incommodo manducare non posset. Is Amangutij rem Christianam administravit egregie, multis magnisq; laboribus ac difficultatibus fortiter superatis. Etenim vel intra priuatos ipsos parietes a Bonzijs lapidibus sputisq; appetitus, illusus, & contumeliose tractatus est, cum sine magno periculo domo pedem efferre non posset, idq; ob eam maxime causam, quod post Francisci Xauerij ex eo regno discessum, Rege ipso Amangutij ex insidijs interfecto, asiduò pæne bello ac seditionibus, cum vniuersa fere nobilitatis ac magistratuum cade regnum illud exarserat: cuius rei culpam Bonziij (quorum est magna apud plebem auctoritas) cum in Christiana sacra suscepta, neglectasq; Deorum religiones conferrent; tantam in inuidiam Cosmum adduxerant, vt & mundus illi crucifixus, & ille mundo vicissim, iure optimo dici posset. Sed

eum in hisce incommodis, & arumnis præclara nimirum conscientia sustentabat: quippe qui ad Christi Domini nostri gloriam retulisset omnia, & Amangutianâ Ecclesiam interim conservari atque augeri intelligeret. Denique mihi narrabat, nūquam se in vita, letitia ac voluptatibus tantum cepisse, quātum per id tempus Amangutij percipisset. plane ut existimem illum e lacrymarum mirasuitate & copia, magna ex parte oculorum aciem perdidisse. Ut Bungum veni, dedi operam ut Regem ipsum inuiserem, multisq; eum rationibus ad CHRISTVM traducere sum conatus: sed frustra, partim quod hostium metu in locum munitum sese præsidiij causa recepisset, partim etiam quod sibi intelligeret Christiana lege mores esse mutandos. Accedebat illa quoque suspicio fore ut populares sui Christianum Regem ferre nollent, ac proinde interficerent. Sed illud maxime retardabat hominem, quod demoni deditus est in hæresi ea, qua animum ait vna cum corpore interire, spiritum esse nullum, & nihil omnino præter ea qua sensu percipimus. Egimus diligenter cum eo, ut cum Bonzijs aliquot, quorum esset præcipua sapientiæ existimatio, coram se regniq; principibus disputatio de religione institueretur a nobis, peruersitatem opinionum ipsorum, & veritatem Christiana fidei nos aperte demonstraturos. quod ille verbo se facturum nobis promisit: re ipsa quamquam efflagitantibus nobis non præstitit. Sunt autem Bonziji cum regni proceribus affinitate coniuncti, nobis vero, quod plebi eorum scelera fraudesq; detegimus, iniquissimi, tantisq; mendacijs populum onerant, nihil ut Euangelio in his terris maiori impedimento esse videatur. Quod idem Francisco quoq; Xauerio (quamvis id nos celaret) vsu venisse nunc deum cognoui. Quot ille in ijs locis incommoda superavit.

cum

eum pedibus iter assidue faceret, cū per vias, adesq; Bon-
ziorū, ac principū concionaretur, vulgaribusq; cibarijs,
que inspidissima sunt, victitaret. In magnis vero frigo-
ribus, instar famuli a pedibus, Iaponios equites citato
gressu persequabatur, talari veste nunquam deposita, &
quidem sarcinula onustus, vt eo comitatu insidias latro-
num effugeret. Idem in castigandis Iaponiorū flagitijs &
superstitionibus adeo fuit liber ac vehemēs, vt trepidaret
comes eius, qui mihi hæc deinde cuncta narrauit. Quoties
ille puerorum insectantium vociferationes, iurgia, lapi-
dationes constanti semper, inuictōq; animo perulit. Mor-
tem vero pro Christo vsq; adeo optabat, vt eam ultro pæ-
ne quarere videretur. Regis quidē Amangutij nefario fla-
gitio libere atq; acriter accusando, non obscurū adiit vitæ
discrimē. Iaponijs procēribus quibusdam eum parum ho-
norifice compellantibus, trementem interpretem, & mu-
cronis ictum in singula momenta expectantem, iisdem
compellationibus (tametsi citra contumeliam) responde-
re iubebat. idque non contumacia elatus, sed quod illud
sentiret ac diceret: nullam (vt tum res erant) suæ do-
ctrinæ dictorumq; in ijs locis auctoritatem futuram, nisi
maiore apud eos esset in honore, quàm ipsimet Bonzj,
quos illi sane valde reuerentur. Quam eius animi magni-
tudinē vitæq; contemptum Iaponij vsq; adeo mirabatur,
vt etiamnum magnum apud multos nomē sanctitatis ob-
tineat. Ego in grauisimā febrim incidi magno sane vitæ
periculo, ex qua tertio deniq; mense euasi: cumq; res Ia-
ponica turbulenta exiguā spē profectus ostenderent, infr-
mo etiamnū corpore ad meū prouinciale munus in Indiā
mihirenauigandū existimaui. Quo licet sauisima (qualē
nec videre me in vita memini, nec vero existere vnquam
posse putari) dierū quinq; tempestate iactati, incolumes

Deo

Deo miserante peruenimus: cuius bonitatem supplices exoramus, vt quos & tot periculis ereptos in hac loca perduxit, eosdem obedientia duce ad cælestia regna sedesq; peruenire patiatur. Cocino. 4. Idus Ianuarias 1558.

GASPAR VILELA SOCIETATI IESV Goam.

ANno superiore, fratres mihi carissimi, ad vos fuisse perscripsi res cum alijs huius prouinciae locis, tum praesertim Firandi gestas, vbi annum sum commoratus. quo temporis spatio Christiani mille & trecenti facti, templaq; tria Christo dedicata sunt, quae idolorum edes antea fuerant. quam rerum conuersionem aduersarius agre ferens, magnas in nos turbas per Bonzium quendam excitauit, qui ex incremento rei Christianae acri odio in nos iam ante concepto, habita etiam nobiscum disputatione turpiter victus, tanta cum indignatione discessit, vt suum dolorem alia ratione punire omnino decreuerit. Confestim praua Bonziorum dogmata atque mendacia vulgo praedicare instituit, idq; eo euentu, vt cuius nomen Firandi ante id tempus obscurum atque ignotum fuisset, plurimos iam sectatores haberet; nec plebs modo, sed ipsi Bonzij ex eius ore penderent. Is populum in nos vehementer suis concionibus incitabat, monebatque et hortabatur, vt nos, sicuti Franciscum Xauerium antea, finibus pellerent, atq; ita Deorum ab se iram ac minas auerterent. quibus rebus effectum est, non solum vt multi in nos falsum dicerent testimoniũ, sed etiam (quod Christianos vehementius pupugit) Crucem effringerent in sacro cœmeterio positam: quam iniuriam

iuriam & Regulus oppidi, & aliquot alij Christi gloriae cupidi quamquam vlcisci parati, iustis tamen de causis patienter tulerunt. Dominus vero Deus noster nihil ijs alijq; multis eorum sceleribus motus, sed recordatus miserationum suarum antiquarum, pro flammis atq; fulminibus signa misit e calo ad eorum tenebras fugandas per quā clara & illustria: etenim in media aeris regione species Crucis apparuerunt, aliaq; prodigia valde conspicua. verum enimvero vsq; adeo densa caligine mētes eorum obductae sunt, vt insolitam lucem intueri nequiverint; sed potius in sua pertinacia obfirmatiores, neophytos a Christi cultu summa vi reuocare conati sint.

Meacum est vrbs totius Iaponis caput, frequentissima academia, litteratorumq; conuentu percelebris, cui ciuitati quoddam Euangelij lux nondum affulsit, Cosmo Turriano Rectori nostro visum est faciendum, vt aliquis nostrum ad explorandū ciuitatis statum, simulq; tentandum quis ibi locus Euangelio sit, mitteretur. Eius rei gratia crebris supplicationibus ac sacrificijs rite peractis, hac mihi prouincia obtrigit, quamuis ad tantū onus haud quaquā idoneo. Sed qui illud mihi per obedientiam imposuit Dominus, idem ferendo quoq; suppedabit vires. Equidē, quod ad me attinet, mortem, iniurias, incommoda, & frigora quae in ijs regionibus maxima sunt, mihi propono. Iaponicae linguae tametsi cōsuetudinem aliquam nactus sum, tamen quo facilius atq; commodius cum Iaponijs agere possem, interpretem e Societate nostra Iaponium mecum duco, iamq; me ad iter accingo. Itaq; ne longior sim temporis angustia prohibent. Illud a vobis fratres carissimi enicepeto quasq; ut me in tali tantaq; re omnis opis egentem, Domino quā diligentissime commendetis. Ex Iaponiae. Cal. Septemb. 1559.

IOAN-

IOANNES FERDINANDUS Melchiori Nunni.

Acta proximi superioris biennij cognoscere ex litteris ijs, quæ publice missæ sunt. Nunc accipe quæ mihi in præsentia occurrunt. Bungenſium Christianorum in suscepta religione maior in dies firmitas atq; constantia cernitur: quippe sese Pœnitentiæ, & Euchariſtiæ sacramentis identidem munium: sacris concionibus adſunt, ſubinde ſe verberibus puniunt, aliâq; pia munera diligenter obeunt: horarias preces quotidie recitant, cruciatibus Domini in horas ſingulas ita diſtributis, vt vniuerſam eius hiſtoriæ ſeriem ſingulis diebus ea ratione percurrant. Neque vero Facatam, quanquam templo a militibus direpto & diſturbato, ceſſatum eſt. Nam præter foeminas puerosq; patres familiarum ſex baptizati ſunt, quorum opera illam Eccleſiam propediem reſtitutum iri conſido. Atque vt intelligas, Iaponij Chriſtiani quantum in virtute proſecerint; narabo quid vni eorum nobili genere nato contigerit. Is cum eſſet Amangutij apud amicū opulentum, qui agros oryzæ feraces ei ſuendos dederat, cumq; videret ſe occupationibus diſtineri, quo minus Chriſto, quemadmodum optabat, totum ſe manciparet ac traderet; fundo vectigalibusq; relictis, Facatam vna cum vxore, liberis, ac ſeruis venit, vbi non modo ſe ipſum Deo vere atq; ex animo dedit; ſed filium quoque indolis egregie nobis tradidit tenera adhuc ætate, Societatis noſtræ doctrinæ præceptisq; imbuendum. Idem, vt vni Deo vacaret, depoſitis omnibus ſæculi negotijs, totum Quadrageſima tempus apud nos poſuit, vbi quidquid a quotidiano miſſæ ſacro & concione ſuper-

supererat temporis, precando, contemplandis sempiternis
 premijs atq; supplicijs, morteq; & extremo iudicio, con-
 sumebat: quibus rebus in Domini nostri IESV CHRI-
 STI cognitione, & amore crescebat in dies. Accedebat
 ad eius constantiam virtutemq; corroborandam, rerum a
 martyribus pie fortiterq; gestarum assidua cogitatio: ex
 quibus, precipue diui Stephani delectabatur praeclaro fa-
 cinore, pro lapidatoribus suis in extremo spiritu Domini
 deprecantis. Vbi hebdomada sacra dies venerūt, vite ma-
 culis per Confessionem diligenter elutis, ipso Paschatis die
 cum alijs quattuor aut quinque caelesti pane sese paui ac
 manijit. Quinto autem sextove post die, capta vrbe Faca-
 ta, ex principibus quidam (qui seditione commota in Re-
 gem Bungi arma ceperat, is apud quē noster Christianus
 (vi diximus) Amanguty antea vixerat) se ab illo deser-
 um indignatus, eum a sicarijs ad necem conquiri iubet:
 quos ille vbi se adorientes aspexit, non modo arma non
 sumpsit, cum esset vir alioqui fortis ac strenuus; sed etiam
 quasi mansuetus agnus in genua procubuit, tam diu ad
 Dominum Deum oratione conuersa, quoad vsque eidem
 animam reddidit, nec dubitamus quin preces pro interse-
 toribus fuderit. Etenim diui Stephani exemplum intimis
 ius medullis inhaeserat. Filius apud nos, vxor autem &
 filia apud sanctam foeminam precationi ac poenitentia
 edita in virtutibus valde proficiunt.

Alexander est quidam alius Christianus. is cum esset
 in famulatu potentis viri in agro Facatensi, haberetq; in
 eodem famulatu socrum & coniugem, quae vxori domini
 seruiebant; a Spiritu sancto permotus, ea familiaritate
 alarioq; relicto, Facatā, Baptismi petendi causa concessit.
 quo impetrato, perceptis iam Christiana fidei rudi-
 mentis, tota de re dominum fecit per litteras certiore,
 cumq;

cumq; ita IESV fauente commouit, vt coniugem & socrum ad ipsum continuo dimiserit, quæ item ad Ecclesiam aggregatae sunt. & coniux quidem, quindecim post diebus excessit e vita, IESVS, MARIA, pie pronuntians: quam multis rationibus in calum ascendisse confidimus: Alexander vero vxoris morte sanctissime obita adeo permotus est, vt omnem pecuniam abijcere, vitam calibem agere, & quoad spirauerit, Cosmo Turriano parere decreuerit. Pij sacrificijs tuis, & reliquorum patrû fratrumq; mihi carissimorum me valde commendo. Bungo. 3. Nonas Octob. 1559.

EX EPISTOLA GVLI- elmi ad Societatem IESV in Lusitaniam.

EGo cum Gaspare Vilela Firandum in subsidium Christianorum Bungo contendere, annumq; ibi totum vterq; partim in baptizando, partim in Christiana doctrina pueris tradenda consumpsimus: qui per vias, campanarum sonitu conuocati, eam paulatim edidicere, peritioribus quibusdam ex eorû numero constitutis, qui magistrorum vice apud ceteros fungerentur. Atque etiam per urbem publice quæ didicerant alacriter concinebant; nec barbarorum nos insectantium clamore, derisionibus, probis deterriti sunt, quin minus captis alacri studio insisteret. resq; eo iam loci processit, vt filij priuatim parentes ipsos edoceant, seq; inuicem inuitent ad eam noctu, modo apud hunc, modo apud illum decantandam, quo parentes etiam vocant suos. Hebdomadae sacra diebus, Gasparis hortatu certus in vrbe

locus ad montis Caluarij speciem est cōparatus, quo Christiani ad audiendum verbum Dei, seq̃, diuerberandos pie admodum ventitabant. In Iaponis proceribus Christianus est quidam Antonius nomine, cuius in ditione sunt circa Firandum aliquot insulae, ac vici. In ea loca Gaspar Christianorū rogatu profectus, incolas p̃ene omnes tanto Antonij gaudio voluptateq̃, conuertit, vt Antonius ipsemet incendium adibus idolorum inferret: quarum custodes, quam demonibus dederant operam, eandem conditori suo, qui vere Deus est, deinceps dare ceperunt. Firandi, in adibus Antonij nouis, Gaspar habuit concionem, ibiq̃, Antonius eo ipso die Christianis omnibus epulum prae-buit: & quo nihil gratulationi deesset, diuinitus factum est, vt filius eius etiam tum ethnicus cum quibusdam domesticis mulieribus conuerteretur ad Dominum. Multa prater eo, quae ex nostrorum litteris cognoscetis. Christus Dominus noster nos tum ad perspicendam penitus voluntatem ipsius illuminet, tum ad eandem rite exsequendam pro sua bonitate cōfirmet. Bungo. 4. Nonas Octob. 1559.

BALTHASAR GAGVS

Societati IESV Goam.

Qua mihi in mentem venerint de statu rerum Iaponicarum, complectar his litteris, tametsi in magna rerum varietate ac mutatione, quae nobis bene de re Christiana merendi laborandiq̃, maiorem etiam occasionem prae-buit. Versamur in hoc Bungenſi domicilio nouē omnino patres fratresq̃, cum Iaponijs aliquot hospitalium domorum ministris. oppidani quotidie, sed Dominicis praesertim diebus

R

festisq̃

festisq³ praeipuis ad templum ita frequentes a millibus passuum amplius nouem conueniunt, vt ades multitudinem vix capiant, interdum etiam bonam eorum partem excludant. Quotidie sacris peractis elata voce recitatur Christiana doctrina. Complures Iaponij qui propius absunt, singulis sabbatis Confessione, celebrioribus vero diebus etiam Communione sese confirmant. Et mirum, ipso statim generalis Confessionis initio, quae sacrum praere solet, ac Iaponice recitatur, ex auditorum oculis emicant lacrymae, ac multo etiam vberiores, cum sacerdos corpus Domini tenens manibus, Domine (inquit) non sum dignus: quae verba tunc ipsi quoq³ Iaponico sermone pronuntiant. Itaque mei sane valde me pudet, cum hosce homines video vix ante biennium ad lumen a cecitate conuersos, tanto sensu ac dolore affici delictorum suorum. Iam vero sortiuntur etiam apud quem Dominicis diebus coeant ad sermones inter se de religione ferendos: eoq³ nostris aliquem accersunt, qui matutinam concionem ipsis in memoriam reuocet. atque in ea quid quisque potissimum animaduernerit, in medium afferunt. Hac pia sermonis communicatione absoluta, symbola pro cuiusque facultatibus in pauperum funera conferuntur. Atq³ hoc ipsum institutum & consuetudinem Amangutiani quoque, sibi a Cosmo Turriano iam ante quadriennium traditam, retinent. Bungi hospitales ades habemus duas, alteram plagis vlceribusque curandis, alijs morborum generibus alteram, exstructam hoc ipso anno 1559, ex lignea materia, multo ampliorem, in qua media aram excitauimus. Absolutum est aedificium die Visitationi beatae Virginis sacro, ibique postridie primum sacrificatum est, habitaque oratio de rebus diuinis magna cum voluptate, latitiaq³ Christianorum: quos vniuersos eodem coactos

vnus ex ijs conuiuio excepit. Eius Nosocomij conclauia sexdecim sunt, quibus medici quoque hospitium est contiguum, viri in curandis agrotis diligentissimi. Ab astate proxima ad hoc vsque tempus amplius ducenti omni morborū genere liberati sunt, cum neminem Cosmus, quamuis desertum ac desperatum excluderet: cancriq³, ac fistula veteres amplius decem & septem annorum, ac viginti, tanta felicitate curati sunt, vt Dei potius beneficium, quā humana medicina fuisse videatur. Quāquam in chirurgia sane excellit vnus e nostris, qui alios etiam domesticos docuit, in quibus est qui propter egregiam Iaponicæ linguae notitiam, simul & pharmacis corpora, & animos monitis ac salutarī doctrina curare possit. Itaque multi ex ijs paulatim conuertuntur ad Dominum. Iaponius erat quidam Meacensis, domestica Bōziorum disciplina ac superstitionibus a puero institutus. Is, non solum audito Euangelio credidit, sed etiam cognita nostræ vitæ ratione ad nos Bungum vna cum Cosmo concessit. Incitabat ipse se ad omnem virtutē, secumq³ præclare pugnat: & quoniam rei medicæ vacauerat, cōposita quedam exposuit duobus libris, Sinarum lingua; deinde migravit ad Dominū. huic successit Michael, quo item sanctissime vita functo, Sima duo a Cosmo sunt substituti, qui eos libros ediscerent. Composita sane facilia, & efficacia sunt, prorsus, vt eorum quibusdam statim ad motū morbi pellantur. Gulielmus quidem Pereria cum huc appulisset, agrotus ipse, & reliqua ipsius turba naualis; ijs medicamentis omnes ad sanitatē perducti sunt. atq³ opus hoc, ære priuato hæcenus Christiani prouinciales, & mercatores aliquot Lusitani sustentant. Sed Rex præterea in eosdem sumptus vectigal attribuit, ex quo pacatis rebus annui capiuntur aurei trecenti. Fæmina est septuaginta annos nara,

maiores Iaponis partem emensa, cum stipi a Principibus cogenda vacaret, exstruendis idolorum templis, quorum illa præcipuo quodam studio cultuq³ tenebatur. Hac ubi Firandum venit, Dei verbis auditis Baptismum enixe petijt, quo impetrato, Bungum se contulit, factaq³ ibidem habitandi potestate, prope ad eam nostram perpetuum sibi domiciliū comparauit. huius virtus Christianis ad exemplum præluceat, victumq³ sibi suis manibus ipsa cum quaeriret, tum duas præterea mulieres, Christianis maritis defunctis honoratis hominibus alit viduas, & in officio atq³ opere continet: singulis sabbatis peccata confitentur, inopem ducunt vitam, carnemq³ suam solitudine ac pœnis voluntarijs edomāt. Quidquid ex parte labore suo pecunia superest, id continuo in Valetudinarij subsidium conferunt: iamq³ præter lineas tunicas aliq³ similia, in vsu pauperum aureos etiam nummos plus centum & quinquaginta erogarunt. sunt etiam ex Christianis qui ceteros, & per urbem, & per vicinos montes aliquo morbo laborantes inuisant, quorum inopia, cum opus est, aliquod per eosdem viatores e Valetudinario subsidium mittitur. Christianus est Michael quidam, cuius heros vita functo homine pecunioso, qui magnam alebat familiam, ad funus conuenere Bonzj permulti, qui vna cum familiaribus eius Iaponico ritu quotquot habent idola, suis queq³ nominibus, elata voce inuocare ceperunt: quos Michael, quamuis mortis metu proposito, non modo noluit imitari, sed etiam multis eos rationibus, sane constanter ab ea impietate reuocare conatus est. Alius erat in eadem familia Christianus, nomine Emanuel, qui Bōzj's aliqua ex parte in ea vociferatione consensit. is deinde a Michaelē oburgatus, culpam agnouit, atque vltro ad pœnam delicti postulandam venit in templum, & die quodam Domini-

co dum

eo dum sacrificatur, sese flagris acriter non sine copiosa sanguinis profusione cecidit. qua satisfactione a reliquis Christianis accepta & probata, cum Ecclesia in gratiam redijt. Alius item Christianus, cui nomen est Paulo, quoddam in solenni quadam barbarorum gratulatione vexillifer esse recusasset, Regis auctoritate ac beneficio vix obtinuit quo minus ab ijs male multaretur, eiusq; domus disturberetur. Mos est Christianorum, in vsu templi aliquid semper e suis fructibus conferre: ipsumq; templum magna admodum cura tuentur; in grauioribus vero difficultatibus, siue turbines ac procella sauiant (quæ in his locis ita sunt vehementes vt adificia euertant, euellant arbores, si vero imbris mista sint, emota etiam loco semina dissipent) nobis præsto sunt: siue belli vis ingruat, armati statim ad templi defensionem accurrunt. in eo quidem tumultu, qui hoc ipso anno excitatus est, cum Balihasar Gagus Facata pæne obsessus ab hostibus teneretur, Christiani permulti sese ad eum liberandum, vel capitis sui periculo comparauerant. Sed eum Dominus, vna cum reliquis ea obsidione locoque, inscientibus inimicis exemit.

Superioribus diebus Gaspar Vilela Meacum est misissus, quod etsi iam dudum erat in optatis, nunc tamen opportunius visum est, cum simul omnes in hanc Bungi urbem conuenissemus. Interpres eum comitatur Laurentius frater, cum Iaponica lingua, morumque, tum rerum Christianarum peritissimus, excellentiq; ingenio praeditus. secum ferunt librum, a Melchiore conscriptum, ab ipso autem Laurentio Iaponice versum: commodum etiam accidit, vt eo ipso tempore hinc profisceretur Meacensis quidam, qui illis dux itineris optimus esse possit. quattuor in vniuersum hoc iter ingressi sunt, quibus Dominus vtinam pro sua infinita bonitate aditum muniat,

gentemq³, illam ad suas tenebras agnoscendas, moresq³, mutandos illuminet. se igitur in viam dederunt sexto Idus Septemb. 1559, non sine magno omnium dolore ac lacrymis. Iamq³, eos Meacum Dei beneficio peruenisse cognouimus. Quid ibidem egerint, qui status sit rerū, ut ex hac parte, prout ere Christiana fuerit, absentibus consulatur, propediem cognoscemus.

Nunc venio ad res Facatenses. ea est vrbs ampla, & opulenta, negotiatoribus frequens, in planitie sita. Bungo distat pedestri quinque dierum itinere. Inde Firandum maritimus traiectus est passuum octoginta millium. Anno superiore, Paschalibus festis exactis, cum Rex nobis donum, ac templum Facata secus mare dono dedisset in suburbano, in quo agricola ferme septuaginta versantur; eo missus sum, cum Ioanne Ferdinando, qui Iaponicam linguam tenet optime, cuius ad conciones cum magnus cōcursus fieret, baptizari aliqui cepti sunt, verum tamen lente, nam ante Baptismum Christianis rudimentis diligenter instituuntur, & certas precandi formas mandant memoria, deniq³, intelligunt in ea religionis mutatione quid suscipiant, quid vè deponant. conuersi sunt ex eo numero sex patres familias, nec inepti homines, & locupletes. eodem conueniebant etiam indidem Christiani aliquot, qui iam antea Euāgelio crediderant, itemq³, Amangutiani nonnulli. Cum res ita procederent anno 1559, officijs hebdomada Sacrosancta persolutis, cum ceteris (locus enim erat idoneus) sacratissima Eucharistia mysterijs ac caeremonijs; altero Paschaliū die armatorum duo millia possessionibus suis pelli se ab Rege, praefectoq³, regio Bungensi, (qui forte ibi tumerat) acriter questi, Facatam aggrediuntur: atque eo quidem die exclusi ab incolis, nocte vero insequente prodentibus Bonzys,

vrbe

urbe vicoq³ potiti sunt. Hic nos in densis tenebris, sublata in humeros Cruce, rebus nostris diligenter quisque pro sua parte consulere. Ac primum omnium quadam templi ornamenta cum Ioanne Ferdinando, puerisq³ domesticis, in Firandensem nauem imponimus: quæ continuo discessit. Inde ego & Gulielmus, comitibus Christiano quodam incola Syluestro nomine, & Lusitano, qui in his locis eo tempore versabatur, in nauem confugimus duobus passuum millibus stantem in salo. nauarchus, qui ex hostium factione esset, simul atque oppidum captum cognouit, statim cum suis de nostro interitu capit inire consilium. suadentibus cunctis, vt nos e medio tolleret, & periculosum fore dicentibus, si nos direptos, ac spoliatos abire permitteret; vnus ipse, nō tam misericordia adductus, quā lucris spe, quoddam multo plura nobis superesse arbitraretur, eam sententiam dissuasit. quo quidem tempore cum actum de nobis esse arbitraremur, veniam delictorum apud se quisque suorum a Deo supplices precabamur. Syluester autem ille Iaponius, non necessitate compulsus (omnia enim ea pericula effugere poterat) sed beneuolentia, & caritate, quamquam enixe recusante me, vna conscenderat, cum diceret certum sibi esse nobiscum mori. eum ego noctu saepe singultientem, effuseq³ plorantem audiebam, quoddam agi de nece nostra a nauicularijs cognouisset. quinimmo facta sibi ab illis abeundi potestate nunquam est vsus. idem ex ijs quæ secum attulerat, ita multa cum nostris amisit, vt vnum ei superesset indusium: post aliquot dies nauicula tres armatis hominibus referta nauem inuadunt, ipsumq³ nauarchum arreptum expilant, nos vero ipsis etiam vestibus, quæ nobis erant reliquæ, vna tantum relicta intima tunica exuunt. cū ijs deinde in nauiculas descendimus. qui tria passuum

millia cum processissent, antequam ad terram appellerent,
 inter se spolia diuiserunt. quod illi dum faciunt, vir qui-
 dam ex eo comitatu præcipuus qui me nouerat, mihi to-
 gam, comitibus vero meis aliquid singulis ad corpus te-
 gendum reddidit. descensione in litus Facatensum facta,
 noui nos labores, noua pericula excipiunt. nam ex hosti-
 bus hi qui in terra remanserant, partem prædæ ab eis qui
 in mari nos diripuerant, efflagitare cæperunt, quæ cum ijs
 communicata discedunt. nos in litore sumus relictæ. ma-
 gna autem erat eo loco ris populi, portæ vero oppidi clau-
 se, dispositaq; præsidia. hic nobis alius pugionem, alius
 hastam intentans, dari sibi aliquid minaciter postulant:
 alij vero nobis manus etiam inferunt, vt victos in suas
 villas abducant. denique nos vestimentis plane omnibus
 nudant. in ea turba, ac tumultu conijcimur in aggeris
 quendam hiatus, quod apud eos futura necis indicium
 est. tum vero plebs in nos cæternatim irruere, nos clamo-
 ribus suis ad eadem exposcere: nos regnorum euersores
 appellare, alijsq; huiusmodi probris contumeliose proscin-
 dere. quæ voces dum ab incondita plebe iactantur, ecce
 tibi miles specu illo nos extrahit, strictoq; gladio, vbi
 sunt, inquit, pecunia? Cui nos: vides in quo statu sumus, et
 petis ea, quæ non habemus. mittit ille confestim in oppidum
 sciscitatum, nobis porro quid faceret. Dum in his vitæ pe-
 riculis versaremur, Syluester interea admissus in oppidum,
 Ioannem quendam Christianum, cui cum hostibus magna
 erat necessitudo, de nostro statu fecerat certiore. qui
 vestimentis quattuor sumptis, continuo ad litus excurrit,
 summotaq; magno impetu multitudine, ex eorum mani-
 bus, qui nos iam captos tenebant, eripuit. simul etiã ad-
 fuit ex oppido nūtius, qui nos occidi vetaret. Inde Ioannes
 domum suam perductos, cibo nos, igneq; refecit, vadimo-
 nium

num etiam pro nobis magistratibus promisit, eosq³ tum pollicitationibus, tum vero muneribus mitigauit. Et quoniam in ijs tumultibus casu disunctus a nobis Gulielmus cum puero Christiano in manus militis cuiusdam inciderrat, eo ipso die nulla interposita mora Ioannes militem adiit, pretioq³ redemptionis transacto (id fuit aureorum viginti) nostros domum reduxit: in qua decem dies morati, quod ea negotiatoribus valde frequens esset, magistratuum iussu ad alium Christianum diuerimus, ibique dies quinquaginta latuimus. Breuiarium ego per eos dies cum reliquis rebus amiseram: id quoque Ioannes & reperijt, & mihi suo ere coemptum reddidit. Tertio mense inter eos labores ac metus exacto, veniam denique profectionis, sine vlla vel hospitum nostroru vel Christianorum aliorum molestia aut detrimento, a magistratibus impetrauimus. mihi enim vtique certum erat quiduis perpeti potius, quam damni quidquam cuiuspiam eorum importare. Bungi autem vt nos euasisse cognitum est, ingens cum Regis ipsius, ac procerum aliquot, tum Christianorum gaudium fuit: quorum nonnulli nobis obuiam ad urbem accedentibus ad tertium lapidem non sine cibarijs prodire: ad secundum vero, atq³ ad primum, alios item offendimus vino fructibusq³ ad nos recreandos aduectis, atque ipsis etiam umbellis ad solem arcendum. nec vero mulieres ei gratulationi defuere, quæ sublati in sinum infantibus, item longe nobis occurrerant: atque hæc omnia mira cum alacritate, lætitiæque fiebant: plorare alij gaudio, alij sublati in calum oculis Deo gratias agere, quod preces ipsorum exaudivisset: omnes vero & mihi, & inter se gratulari; narrare, quanto nos beneficio Dominus, e quot quan-

inque periculis exemisset. Nam quid ego de patribus nostris, & fratribus dicam? qui ut nos iam a se desperatos incolumes redeunt viderunt, tanta voluptate letitiaque perfusi sunt, tantaque nos vicissim, ut arumna omnes praeteritatanquam somnium euanescerent. Laudetur Dominus, qui in his partibus ita remotis, gentem hanc vix dum posito Christiana militia tyrocinio, tanto diuinarum rerum studio inflamat. Magnum haec, mihi credite fratres carissimi, solatium afferant: nec regnum est ullum cum Christi obsequio conferendum. In illis calamitatibus etiam Firando Christiani ter quaterve non modo vestes atque cibaria, sed etiam pecunia tantam ad nos copiam submiserunt, ut ego valde timerem, ne ea res ab adversariis cognita, dimissionis nostrae, ac liberationis negotium retardaret. Nec vero Facatensium quoque Christianorum eo tempore subsidia defuere: ut affirmare possim, Socios nostros nunquam ita omnibus copiis abundasse, ut nos in eo statu, Dei beneficio abundauimus: quam eorum in nos caritatem ac studium Dominus ipse compenset. Ab urbe Facata condita nihil unquam simile ijs tumultibus existisse ferebatur: quo facilius persuasum est barbaris, omnes eas calamitates nostra causa contigisse: quare tanta in nos ira perciti sunt, ut ades nostras, ac templum, & cetera omnia diruerint, demique puteum ipsum quo utebamur, glebis oppleuerint.

Ineunte Quadragesima, honestus vir Christianus, quo commodius rebus diuinis vacaret, possessionibus relictis, amicoque potenti, apud quem familiariter vivebat, ad nos se recepit: filioque vno quem habebat, in Societatis nostrae disciplinam tradito, ipse toto eo Quadragesima tempore pedem finibus adium nostrarum nusquam, ne ad suos

suos quidem extulit: quinta autem sacra hebdomada feria in cena Domini cum ante aram in primo fidelium ordine constitisset, presentem in Eucharistia Sacramento Dominum alloquens, omnes eius cruciatus, quos optime nouerat, memoriaq; tenebat, sigillatim ita recensuit, vt vniuersi generis humani redemptionem aque sibi vni, ac ceteris omnibus applicaret: idq; eo animi sensu, ac dispositione verborum, vt omnes in sui admirationem conuerteret. vbi perorauit, flagris in sua terga capit scuire tanta cum perseuerantia, vt eum cohibere necesse fuerit. is deinde Paschali die Dominico cum alijs aliquot, corpore Domini sumpto, paucis post diebus ab interfecto-ribus circumuentus, quos iratus barbarus miserat, is quem diximus ab eo relictum fuisse, magno sane animo sublati manibus, oculisque in calum defixis, occisus est. vxoris solitudinem, ac liberorum orbitatem, qui bonam virtutis fugem pollicentur, nunc res familiaris nostra sustentat.

Superioribus litteris alterius Christiani hominis itē honesti multos iam annos nati mortem exposui, quam ipse quoque in adibus nostris obiit. is allato ad se extremo corporis Christi viatico, cum iam prae imbecillitate loqui non posset, aspectu Domini recreatus, in eiusmodi verba vocem soluit, quæ inhabitare in eius animo Dominum testarentur. In agro Firandensi, Gasparis Vilela Antonijq; viri principis & Christiani maxime opera, Christiana res ita feliciter gesta est, idola tot igne consumpta, euersa pbana, ipsis aditus ad cultum CHRISTI traductis; vt eius rei dolore accensi barbari, diabolicis instincti furijs Crucem insignem Firandi iam diu positam a nobis, preciderint: templumque, Gaspare
ex-

exterminato, cum ipsa ara & imaginibus disturbarint. sed Dominus horum neophytorum educationi, qui laborantibus nobis adeo amanter affuerunt, consulat: id vtiq; se admodum optare nobis per litteras ipsi demonstrant: cognouimus etiam vnum ex ijs rei Christiana peritum infantes baptizare. Dominum obsecrate etiam atque etiam carissimi fratres, vt afflictam Ecclesiam hanc pro sua clementia excuset. Bungo.

Kalen. Nouemb.

1559.

LIBRI SECVNDI FINIS.



DE

DE IAPONI-

CIS REBUS EPI-

STOLARVM LIBER

TERTIVS.

LAVRENTIVS IAPONI-
us Societati IESV &c.



Ccepi vestras litteras, quæ
mihi periucundæ fuerunt: &
quoniam intelligo quanto
viciſſim deſiderio teneamini
aliquid de ſtatu noſtro co-
gnoſcendi; exponam paucis,
quæ nobis in hac Meacenſi
prouincia contigerunt. Pri-
mum igitur Didaci domum deuenimus in Sacomoto vi-
co: qui vicus iacet ad montis Frenoiama radices, in quo
cum cœnobialitteratiq; permulti: tum vero inſignis cui-
uſdam principis Bonziorum domicilium cernitur. ad eũ
montem cum perueſſemus, miſit me Gaſpar cum litte-
ris ad Bonzium nomine Daizembum, quibus ille perle-
ctis, aduentuſq; noſtri cauſſa cognita; reſpondit magi-
ſtrum ſuum ex principibus eius ordinis vnum, qui Bungo
nos euocauerat, anno ſuperiore extremum diem obijſſe,
& ſe tenui re familiari, auctoritate nulla in monaſterio
relictum, præſidio nobis eſſe non poſſe. ad eum tamen po-
ſtridie Gaſpar, & ego reuertimur: & quoniam nos aui-
de ipſe, decemq; eius diſcipuli Bonzij audire videbantur;
apud

apud eos verba fecimus: a quibus admoniti nullas religiones in ea loca iniussu Bouzj eius regionis maximi induci posse; dedimus operam diligenter, vt eum conueniremus. Sed cum res parum procederet; oppidi praefectum postremo rogauimus, vt nos ad illum introducere ne grauaretur. tum ille: Si disputandi causa venistis (inquit) excludemini: sin adium visendarum, id spectaculum vobis pecunia, muneribusque mercandum est. Gaspar, vt omnes aditus clausos Euangelio vidit; Frenoiama profectus, Meacum contendit. In ea vrbe quattuordecim dies in adibus conductis morati ad docendum minime accommodatis, in alias migrare coacti sumus loco celebriori positas. Huc Meacenses nonnulli iam ad audiendum Euangelium ventitabant. Post quintum autem & vigesimum diem, Bonzio nos deducente, viro in primis ciuitatis honesto, Regem seu Imperatorem Gaspar adiuit. a quo ita amice acceptus est, vt ex ipsomet eius poculo, honoris & amicitiae causa biberet. tum vero frequentiore etiam vrbis parte nobis ad habitandum assignata, magna vis omnis generis hominum ad nos, vel audiendi, vel disputandi causa confluxit: sed animis initto tam obduratis, vt verbo Dei audito partim blasphemaret, partim etiam irriderent nos, atque deluderent. per eos dies cum honesta mulier Meacensis ad concionem venisset; vbi peroratum est, Baptismum petijt statim: sed rem distulit Gaspar, eo quod mulierem nondum ad id Sacramentum idoneam reperit. Cunnapraterea duo (magni honoris nomen id est) noctu ad nos audiendos ita se conferebant, vt nostram doctrinam valde probare viderentur. quidam vero e principibus oppidi Gamangoxini, qui Meaci habitat, cum decem alijs apud nos Christianus est factus. postea cum Gaspar ad Mioxindonum, qui praecipuum

paum Meaci obtinet dignitatis locum, auxiliij petendi
caussa a primario quodam ciue deduceretur; tota vrbe
percrebuit Mioxindoni iussu primarium illum virum in
vincula Gasparem coniecisse. rursus, cum vrbis prae-
fatus per vrbis compita edixisset, ne quis Gasparem la-
deret: fictis rumoribus multi edictum esse mentiebantur,
vt Gaspar oppido pelleretur. huiusmodi multa prater eo,
qua singillatim enarrare nimis longum est. Sed iuuante
Domino IESV CHRISTO confidimus, nos, vt
adhuc fuimus, ita etiam in posterum incolumes futuros.
magna cum Diuini nominis gloria, rabięque ac dolore
diaboli, quando iam nostri in hanc urbem aduentus, ad
Banduensē vsque Bonziorum academiam fama pene-
trauit, sexcentis passuum millibus Meaco distantem.
interim Bonziorum minis, atque importunitate compul-
sus hospes is, ad quem diuerteramus, nos domo sua dimi-
sit: itaque in aliam nos recepimus. Hic acrius etiam in
nos aduersarij seuire caperunt, cum nos alij simias, vul-
pes alij, alij denique a demonibus occupatos, anthropo-
phagosque appellarent: pueri etiam eorundem instinctu
cum ceteris iniurijs & illusionibus, tum etiam lapidum,
glebarum, & arena coniectu infestarent, atque lace-
ferent. Quamquam his rebus, Domino adinuante, mi-
nime deterriti sumus, quo minus Euangelium ad men-
sem Aprilem vsque nuntiaremus, cui Iaponij centum
circiter fidem habuere, baptizatiq; sunt. sub id tempus
Bonzij quinque nos conuenerunt ex ea secta, quam Ba-
racaque appellant, qui meditationibus quibusdam arbi-
tratu suo compositis vacant. ij cum nonnulla de nobis qua-
sissent eiusmodi, vt appareret eos a damone agi, Gasparis
respōsis victi, abiectiq; conciderūt. Duo prater ea ex ea se-
cta qua Tendani dicitur, cū diu nobiscū de religione atq;
acriter

acriter disputassent; concessere ad extremum veram nostram esse doctrinam, tametsi eorum nemo se ad Christum adiunxit.

Alius in primis eruditus, cum e sermone Gasparis cognouisset unum esse opificem rerum omnium, animosq; hominum nunquam interire; iccirco negauit se Baptismum petere, quod ex impurissimo flagitiorum cœno emergere, casteq; viuere se posse diffideret.

In Bonziorum ordine magnum est nomen eorū, quorum eruditionem duo ex principibus (quorum est hoc iudicium) suo chirographo cōprobauerint. Ea veluti quædam canonizatio est: in sella constitutos adorant, eorumq; approbationem scripto testantur. ex eo tempore qui probati sunt, certos locos ceteris ad meditandum proponunt. Hunc dignitatis gradum adeptus Bonzius quidam, nomine Quenxu, qui ipsos triginta annos in meditando consumpserat; in charta pratum, & in eo aridam arborem depingendam curauit. ad arboris autē radices carmina duo descripsit iudicum chirographo confirmata, quorum hac erat sententia:

Prioris; Cedo, quis nam te seuit arbor arida?

Ego, cuius principium nihil est, finis nihil.

Posterioris; Meū cor, quod neg₃ esse, neg₃ nō esse habet,

Neg₃ it, neg₃ redit, nec retinetur vsquam.

Is igitur Bonzius cum ad Gasparem venisset contumacia inflatus, quod diceret sibi iam clarum esse quidnam antequam nasceretur fuisset, quid tunc, quid denique post mortem esset futurus; seq; non discendi causa, sed animi tantum, ad nos accessisse; diuinitus ita repente immutatus est, vt vere nihil esse quidquid sciebat, sibiq; Christianam doctrinam esse necessariam intellexerit. Baptizatus itaque summa populi admiratione; vi-

te exemplo, quam ducit sanctissimam, alios aliquot partim conuertit ad Christum, partim vehementer commouit. Cosinus autē amicus noster qui ante sexenniū Bungi baptizatus est, aduentu nostro cognito nos statim adiuit, parentibusq; ac patria relictis Dominum cœlebs colere, & Gaspari obedire constituit. Bonzius erat quidā admodum senex, annos iam quadraginta in meditando versatus. is Christianam religionem ita auide arripuit, vt id ætatis homo ad verbum Dei audiendum a sex passuum millibus ventitet. Ad hæc, Bonzij circiter quindécim Christum secuti, partim legitimis iungi nuptijs, partim cœlibem vitam agere (quod in eo hominum genere maxime mirum est) decreuerunt. In vico Farima habitat Bonzius, qui piscibus, carnibus, tritico, hordeo, denique oryza abstinet, herbis tantum victitans, arborumque baccis ac pomis, quique æterna salutis adipiscende causa voto se obstrinxit e libro quodam Xacæ, quem Foquequio appellant, se gratis plebem eruditurū. Narrauit autem nobis se ante decennium per nocturnā quietem sibi visum esse versari cum sacerdotibus, qui e Cenghequū, hoc est Europæ regione venissent, sibiq; relictum ad salutē iter ostēderent, experrectumq; postridie, statim audisse Amangutij esse presbyteros quosdam e Cenghequū, de vita futura publice disputantes. Hic audito Euangelio gauisus est: sed quoniam sine comœatu Meacum festine venerat, dixit se Farimam rediturum eo animo, vt sublatiis rebus necessarijs, votisque neglectis, & fallaci illa vita asperitate deposita, Meacum reuenteretur, & Christiana sacra susceperet. occulte etiam ad nos contulere sese audiendi Euangelij causa viri insignes duo, quorum alter in meditando exercitatus, quodam quasi Episcopi munere fungebatur: alter

erat Bonzïus litteratus, & concionator, qui in eo congressu Gaspari aperte cōfessus est, in lege Iaponica simplex nihil esse, vel solidum. Bonziorum familia, quæ a Foxequi nomen duxit, vitamq; seuiorē ceteris omnibus profitetur; audito Dei verbo, nostraq; vita ratione perspecta, quod Gaspar gratis populum doceat, & cum ipse omni feminarum consuetudine abstineat, tum laicos vna tantum vxore iubeat esse contentos; offendi caperunt in Bonzio quodam præfecto cænobi, quem antea venerabantur vt Deum, quod clam amicas habeat, & laboris in docendo sui mercedem exigat: cūque carniū ac piscium esu ceteris interdicat, ea ipse clam comedat: quocirca eum e cænobio pellere, aliūque pauperem ac bene moratum in eius locum sufficere decreuerunt. Tres præterea iisdem meditationibus clari, quintum iam diem conciones nostras assidue celebrant, quos propediem baptizatum iri confidimus, eamque rem ad exemplum magnopere profuturam. Non longe ab edibus nostris incendium excitatum est: cuius incēdij in nos vt veneficos, diabolique præcones caussa conferebatur: sed iam Bonziorum furor aliqua ex parte deferbuisse videtur. quorum cum ita multa, ac diuersa numerentur sectæ, suam quisque profiteri nos dicunt: Xingouini, id ipsum Denichi, quod illi prædicent: Ienxuani Foben quoddam suum; Foquexani Mion (disciplinarum ea nomina sunt) Iondaxuenses Amidam: Xintani denique Quoquium: sed vt speramus, non longe aberit, quin omnes fateantur legem summi calorum terræq; opificis nostro præconio promulgari: quem pro sua infinita clementia facturum esse confidimus, vt ipsum cognoscant, cognitoq; omnem laudem, & gloriam tribuant. Vestras etiam atque etiam fratres mihi carissimi, & istius Eccle-

sia, quibus ego maxime, deprecationes imploro. Meaco.

4. Non. Iunias, 1560.

CONSALVVS FERDI- nandus, cuidam e Societate

I E S V.

Hisce litteris nonnulla, frater mihi carissime, persequar, quæ, in Iapone dum essem, in vinea Domini gesta sunt. Versabatur eo tempore Firandi Gaspar Vilela, cuius iussu Guilielmus vias vrbs ære campano circumiens, pueros ad Christianam doctrinam Iaponice discendam in templum cogebat: ex quibus vnus admodum paruulus nō dum ad cœtum Christianorum adiunctus, Gasparem adiit, Baptismum magnopere efflagitans. quem Gaspar, id ætatis puerum, patre ethnico, cum prius perdiscere Christianam doctrinam iuberet; respondit ille, nequaquam se inde abiturum, quoad Baptismo lustratus esset. denique domum ad suos reuersus, ita cum parentibus egit, vt patrem, matremq, fratres, ac sorores ad Baptismū adduxerit. Ad aliud venio non minus mirabile. Diuturno morbo vexatus ethnicus quidam ex optimatibus, cum varias curationes frustra tentasset, suadenti Christiano cuidā, vt ad valetudinem recuperandam, Christiana religione suscepta, ad templum nostrum accederet, aquāque lustralem seu benedictam ebiberet; paruit agrotus: statimq, in pristinam valetudinē est restitutus. alij præterea morbi complures in his regionibus eadem aqua pellūtur.

Alius Christianus cum e graui morbo iam prope animam ageret; me accersitū rogauit, vt quoniā essem e Societate I E S V, pro se Dominum deprecarer: sanitatē se

continuo recepturum. psalmis septem penitentialibus recitatis, magnam ipsius fidem Dominus reddita statim valetudine remunerari dignatus est.

Profectus ex eo loco Gaspar in insulam quandam ad promulgandum Euangelium, barbaros plus sexcentos triduo baptizauit, Christianae fidei praeceptis imbutos. quare tanto diabolus affecit dolore, ut vnum e Bonzys eo miserit, qui populo persuaderet, falsa esse quae Lusitanus concionator docuisset. quare cognita Gaspar confestim eodem legauit e nostris, qui apertis rationibus aduersarij mendacia redargueret. quare res Christianos non mediocriter recreauit.

Haud ita multo post, barbari tres e principibus ciuitatis, communi consilio ad excindendam Crucem a Christianis erectam in monte, profecti, vix dum scelere perpetrato, inter se rixari ceperunt, sibiq; inuicem id ipsum facinus exprobrare: demum eo rixa peruenit, ut eo ipso in loco, vbi Crux posita fuerat, inter se exprouocatione dimicauerint: quorum duo postridie mane mortui ibidem reperti sunt: tertius vero nusquam postea apparuit (ablatus a demonibus creditur) nec aliud quidpiam de illo auditum est, nisi quod biduo post adolescens barbarus repente ab immundo spiritu occupatus palam dicebat: se nimirum esse, qui Crucem praeciderat, & propterea se in altera vita torqueri acerbissime. quod vbi videre Iaponij, rei occultandae gratia adolescentem abscondere statuerunt, atq; ita ex oculis nostris euauit, ut nihil de ipso deinde cognouerimus, incertumq; sit, eumne barbari interfecerint. qui partim hisce de causis, partim quod sexcentos quos dixi neophytos viderent alios idola cremantes, alios in mare proicientes; concursu ad Regem facto postularunt, ut Gasparem regni finibus pelleret.

quibus

quibus Christiani cum ex altera parte resisterent, resq;
iam ad arma spectare videretur; Rex misit qui Gaspari nuntiaret, nequāquam sibi placere eum in suo regno interim: proinde ad Socios sese reciperet. quocirca Bungum, ubi erat eo tempore Cosmus Turrianus, inde concessit, non sine magno quidem animi dolore: quippe qui in spem venisset Regis ipsius ad Dominum traducendi. is enim sapius Gaspari presente me dixerat, se animo, ac voluntate esse Christianum, & pro Christiano se gerere, quod praeclare intelligeret barbarorum superstitiones quantum a veritate distarent.

Valetudinarium, & sodalitium, quod Misericordia vocant, a Cosmo Bungi institutum, barbari magna cum approbatione suspiciunt: cum enim inter se ex animo ac vere non ament; mirantur in primis reperiri in toto orbe terrarum, qui pauperes curet, ijsq; necessaria cuncta suppeditet.

Duo sane admirabilia mihi narrata sunt, quae in hoc oppido contingere. ethnicus quidam ex primoribus ciuitatis ancillam habebat Christianam. atque, ut ethnici ferme Christianos auersantur, conuersus ad famulam, Cur, inquit, tu Christiana es, cum ego sim ethnicus? nisi cōtinuo ab ista religione recesseris, hisce ego te manibus interficiam. Cui serua Dei, non eo consilio se Christiana sacra suscepisse respondit, ut ijs mox desertis ad barbaros ritus rediret. tum herus eius perseuerantia cognita, cum mortis minis interdixit, ne ex eo tempore ad Crucē adorandam sese conferret. illa vero diuino fulta praesidio, nihil iccirco ab instituta Crucis latría desistere, quoad eam herus obuiam in itinere factus, occidit.

Alterum illud est. Paucis ante diebus, quā ego ad

bunc Firandi portum venirem, Sinarum nauis Lusitanum quendam, qui apud Sinas in vinculis fuerat, in eundem portum aduexit. Sina aliquot ibidem commorantes cum ad nauim accessissent, vt Lusitanum viderūt; querere de nauarcho Sina populari suo caperunt, quo consilio Lusitanum in ea loca perducere ausus esset, cum Rex Firandi sacerdotem Lusitanum ex oppido pepulisset; nisi spoliari se ab Rege nauigio vellet, continuo Lusitanum interficeret. Hac dum agitantur, diuinitus factum est, vt Christianus Iaponius quidam interueniret. is vbi morentem Lusitanum aspexit, ad eum confestim accedens, caussa maestitia cognita, manu apprehensum bono animo iubet esse: quantum per suas facultates liceat, nihil ei apud se defuturum. inde perducit domum, ibique hominem habuit quoad vsque nos eo peruenimus. Et sane Lusitanos Christiani tanta beneuolentia prosequuntur, vt in eorum ades aequae liber atque in suas ipsorum, Lusitanis aditus sit: sed tum praecipue praclarum amoris sui documētum dedere, cum barbari facta in Lusitanos coniuratione arma ceperunt. quod vbi a Christianis cognitum est, communi statim consensu ad eorum defensionem se vel capitis periculo compararunt: cum quidam e Christianis extrema iam aetate, reliquorum domos circum cursaret, hortareturque omnes ad mortem pro Christianis fortiter appetendam: quare perterriti barbari, pace cum Christianis facta a suscepto consilio destiterunt. Orate fratres carissimi Dominum, vt huius gentis animos ad suos errores, ac miseras recognoscendas illuminet. Kalen. Decemb. 1560.

ALOISIVS ALMEIDA

Societati IESV in Lusitaniam.

IN ijs litteris, quæ a vobis ad nos assidue perferuntur, insignes amoris erga nos vestri, & caritatis nota cernuntur. apparet etiam quanto studio teneamini ad nos subleuandos in hac loca veniendi. hanc plenam pietatis voluntatem, quoniam nos remunerari non possumus, Dominus ipse pro sua benignitate compenset: quanquam vt amoris vestro nos etiam aliqua ex parte respondeamus (quoniam auctis scire quid a nobis in re Christiana geratur) anni huius præsertim acta ad vos perscribere statui.

Balthasar Gagus hoc anno ex Iapone profectus in Indiam, aduersa tempestate retentus, hyemauit in ora Sinarum: atq; id fuit causæ, cur a nobis huiusce anni litteras non acceperitis. Post eius discessum nuntij Meaco allati sunt, Bonziorum in Gasparem Vilelamodum aliquantulum refrixisse. itaq; rursus aures dare cepisse Evangelio, fieriq; aliquos Christianos, atque in ijs nobilissimos homines, & in rebus physicis admodum intelligentes. Misæ sunt etiam aliquot a Meacensibus illis neophytis ad Bungenfes Christianos epistolæ, quarum vna duodecim circiter paginarum, magnam harum regionum Christianis attulit voluptatem, sæpiusq; descripta, omnia Christianorum loca percurrit, & simul recitabatur etiam ethnicis. Summa erat epistolæ, sectarum Iaponis omnium (quæ plus vndecim sunt) expositio simul, & confutatio, cum religionis Christianæ confirmatione: nec vero pacatas vnquam res Iaponiorum fore, quoad omnes scierent Christiani: atque id ipsum multis apertiusq;

rationibus probabatur. Mense Iunio ineunte, ex Gasparis ipsius litteris cognouimus illum iter cepisse ad urbem Sacaium, quæ bidui distat Meaco, ubi spes magna messis vberissima ostendebatur, non modo quoddam sit libera, & in primis ampla Iaponis totius; sed multo etiam magis, quoddam cum quidam e principibus ciuitatis illuc per litteras inuitasset, ad easque suas ipsi ad Euangelij promulgationem obtulisset. cuius tantum est eius rei desiderium, vt Bungum etiam certum hominem cum mandatis miserit ad Cosmum Turrianum. Recordabitur, vt speramus, pro sua bonitate Dominus harum gentium, easque conuertet ad se: nos autem in suo confirmabit obsequio.

Quod ad Bungensem Ecclesiam attinet, quæ nunc quidem est Iaponis omnium maxima; admodum augeatur in dies (captis adspirante Domino) cum virtus veteranorum, tum etiam tyronum numerus: quorum tanta est pietas, vix vt possim verbis assequi: nonnulla tamen attingam, vt ex his reliqua intelligatis. Primum nulla nox præterit (vt mihi quidem videtur) quin verberationes in templo fiant, ac fere semper omnium quotquot ibidem eo tempore sunt. quibus in templo non licet, nisi sese intrapriuatos parietes cum vniuersa familia verberant. Quotidie, quamuis ningat, Christianis refertum est templum, nec referatur fere, quin multi reperiantur ad limina præstolantes. Festis autem anni celebrioribus, tanta vis hominum confluit, vt ad multitudinem capiendam vmbacula e frondibus raptim exstructa cum templo continuare necesse sit: atque alij quidem præcipuis anni festis, alij vero diebus Beatissimæ Virginis sacris, alij quintodecimo, alij etiam octauo quoque die Confessione maculas abluunt. Sed Bungenfium studium, ac pietas

Qua-

Quadragesima præsertim diebus elucet. res profecto visenda: quippe in singulos annos crescit huius Ecclesiæ religio ac probitas.

In pueris ijs, qui ad nos Christiana doctrina gratia ventitant, aliqui ita parui cernuntur, vt nihil pæne præter Catechismum eloqui possint: itaque id ipsum quod tenent memoriter, oppido concinunt. Prope templum nostrum duodecim circiter Iaponij patres familias habitant, quorum filij, pueriq, singulis noctibus audito signo salutationis Angelicæ, ad Crucem conueniunt in ea vicinitate, defixam, ibiq, nixi genibus totā horam quotidie in Christiana doctrina recitanda consumunt: idq, parentum iussu, quorum tanta est pietas, vt infantibus Christiana rudimenta vna cum lacte paulatim instillent, eosq, tenera adhuc ætate nostram in disciplinam domesticam traditos Domino consecrent. nec vero parentum pietatem non imitantur liberi, atque vnus præsertim natu maximus omnium, annum agens tertium decimum, cui super mensam cruciatu Christi Iaponice recitanti, fluunt interdum ex oculis lacrymæ, nulla vultus mutatione. alij vero eorūdem cruciatuum recordatione commoti, pjs Christum liberatorem verbis affantur, ita suauiter, vt cuiuslibet ferreum quamuis pectus emolliant. Itaque horum quos domi educamus operam ad cōuersionem harum gentium magno nobis vsui fore speramus: quippe cum Iaponios auditores patriæ lingua magis quàm peregrina retineat. alios præterea quinque Iaponios apud nos habemus prouecta iam ætate viros admodum probos: tres videlicet Bungi, quartum Meaci cum Gaspare Vilela: postremus comes est peregrinationis meæ, annum agens alterum & vigesimum, tanta in dicendo suauitate ac lepore pradi- tus, vt auditorum animos mirabiliter capiat: hæses ve-

eo Iaponicas, multaq; de physicis ita caller, vt hosce litteratos omnes refutet, ac vincat. faxit Dominus, vt eorum animis ignem inijciat. Christiani Facatenses, & praesertim vnus e principibus, Cosmum missis nuntijs per Deum obtestati sunt, vt eo aliquem e Societate mitteret: velle se optimū templum exstruere, & suis alere sumptibus quotquot e nostris ibi commorarentur, quod iam fieri captum est. hisce de causis, & simul, quod multi Christianorum vici alicuius e nobis aduentum, sermonesq; iam diu desiderabant, decreuit Cosmus, vt initio Iunij anni 1561, ad eos pagos, & loca finitima inuisenda discederem.

Pridie quā Facatam perueni, aduentu meo cognito Christiani obuiam mihi alij ad tria passuum millia, alij etiam longius magno cum gaudio processerunt. ego complures dies in ea vrbe moratus, barbaros circiter septuaginta sacro fonte lustravi. in quibus erant Bonzj duo Iaponicarū legum sane periti, cū alter etiā regius concionator fuisset. is septem dies mecū disputando, interrogando, quae dicebā in cōmentarios referendo consumpserat, cum immēsa Dei Domini nostri lux ipsius mentem illustrauit, & eius exemplo multorum prae tenebras dispulit.

In eadem vrbe Facata cum multi, tum praecipue duo morbo graui laborantes diuina ope sanati: quorum vnus paterfamilias tanto capitis dolore torqueri solitus, vt violentas sibi met manus inferre saepe tentasset, tertio decimo die Dei benignitate conualuit. alter erat iunior lepra fœdissima coopertus. is, quod de Christianis honorifice pieq; sentiret, putaretq; iuuante Domino sibi per me sanitatem reddi posse; in meū conspectum adductus est: quem vt vidi, negaui me ei morbo posse facere medicinam: verum tamē ne plane mœstus a me discederet ipse, quiq; eum adduxerat; remediū quoddam illi praescripsi facillimum,

& post tertium diem ad me redire iussi: ita nitidus redijt, vt nunquam lepra laborasse videretur. equidem obstupui perspecta hominum fide, aperteq; denuntiaui Christianis, ne sanitatem pharmaco, sed Deo Domino fideiq; sua acceptam referrent: quæ quidem etiam in animos eorū qui morbo liberati fuerant, redundauit. nam vterque Baptismo petito, & post catechismum impetrato, ad Ecclesiam aggregatus est. cumq; iam discessus mei tēpus oppeteret, quo equiore animo id ferret, spem Christianis maturi redditus præbui: quorū duo e primoribus ita obfirmato animo itineris mei comites esse statuerūt, vt eorū studijs remittere, aut eos de sententia dimouere nulla ratione potuerim.

In exitu Iunij Facata discessimus in insulam Tacaxumam, ambitu passuum sex millium, stipendiariam viri principis Firandensis, Antony nomine, vbi cum essent quingenti circiter Christiani, ethnici tantū octo; ij quoq; ad Deum nostro aduentu conuersi sunt. Præst aut eorum institutioni, excellēti virtute vir, qui e Bonzio Christi seruus effectus est. adem habent, quæ idolorum antea fuerat, in primis ornatam: cuius redditu, itemq; elemosynis quas erogat institutū ibi quoq; Misericordia sodalitiū, non modo ipse antistes alitur, sed etiā inopes peregrini, qui illuc sane multi (quod vidi per eos dies) religionis causa ventitant. eadem stipis per Misericordia sodales rite fideliterq; distribuenda ratio, seruatur etiam in vicina insula Iquichuchi, itemq; in ceteris insulis, in quibus Ecclesia sunt. quo fit, vt ad iter in ijs regionibus faciendum sarcina & impedimenta minime sint necessaria: quippe, quocunque peruenias, omnia tibi gratis, ac sedulo comparantur, maritimo itinere naues, terrestri comites & iumenta: quæ si recuses, iniuriam videlicet sibi fieri, seq; in Christianis officiosis numerari non putant.

Firan-

Firando cum ad hanc inuisendam Ecclesiam aliquot Lusitani venissent, horum Christianorum religione, precandi studio, obedientia, amore quo non modo sacerdotes nostros, sed etiam omnes eorum vicarios prosequuntur, tantopere delectati gauisq; sunt; vt mihi affirmarent, Socios nostros, qui in ceteris orbis terra partibus versantur, si vel particulam norint eorum, quæ cum his Christianis geruntur, omnes Iaponicam hanc prouinciā expetituros: quod equidem credo: nam vna profecto Christiana doctrinæ decantatio multas vobis præletitia lacrymas exprimat. quid enim si videatis pueros centum, ac puellas, his quotidie Catechismi causâ conueniētes, qui paucis ante diebus dicati diabolo fuerant, iam Christianos templum ingredi, aqua benedicta se' aspergere, demum ad precationem rite genua flectere? quid si duobus eorum voce præeuntibus, subsequentes ceteros, doctrinæq; præcepta concinentes audiatis? idque tanta cum modestia, ac verecundia, vt oculos semper humi defixos habeant, ac duo illi præsertim, qui voce præeūt (quos ego de industria non semel, & curiose notauī) & quidem in maximis caloribus, cum facies eorum sudore manarent, tanta fuere constantia, vt manus, oculos, pedes nunquam mihi mouere conspecti sint: raptos profunda aliqua contemplatione dixisses. nec vero doctrina tantum recitanda contenti sunt. nam eius quoque explicationem libentibus nobis requirunt. Iam vero quanta cum animi vestri voluptate intueamini Iaponios hosce Christianos positos genibus manibusq; sublati Christum e Cruce pendentem adorantes, lacrymis ad solum vsque fluentibus, in tormentorum Domini cogitatione ita demersos, vt pæne ecstatici videantur? atque hæc quidem in hisce insulis prope desertis. quid de his locis existimandum est, in quibus (vt Bungi) Sacramen-

eramentorum est vsus frequens? neque vero putare vos velim me litteris assequi quæ oculis video: scriptum enim hoc, res ipsa multis partibus superat. quæ cum ita sint; misereat (quæso) vos fratres carissimi harum Ecclesiarum, Deumq; cum gemitu obsecrate, vt supplemētum aliquod e Societate nostra dignetur huc mittere. quod si forte nimis diu distulerit, quàm vereor, ne qui venerint, paucos superstites e nobis offendant: siquidē tres hac æstate magnū vitæ discrimen adiunimus, quam tuetur Dominus, vt opinor, quoad alijs nobis ad nouam hanc vineam tuendam, colendamq; succedant.

Ex ea quam dixi insula, in aliam traieci maiorem, quæ Iquicuqui vocatur. incolas habet circiter mille quingentos, in ijs Christianos ferme octingentos. ij, quod iam ante de meo aduentu cognouerant, obuiam mihi nauem cum primoribus aliquot Christianis miserunt: quam vt conscendi, in ipsa nauigatione, tribus passuum millibus ante quàm ad insulam peruenimus, Crucem aspxi edito loco positam, quam satis amplo interuallo circumiens murus, sepeliendis Christianis cœmeterium efficit. vbi descendimus, humanissime excepti, continuo ad salutandā Crucem de more perreximus: inde templum eorum inuisimus amœno admodum loco, eleganter ornatum, sexcentorum hominum capax. atque eos in præsentia quidem ne inopem plebem non sine iactura ab institutis operibus auocarem, dimisi, concione in matutinum & vespertinum tempus, puerorum vero catechismo in pomeridianum indicto. itaque tanti concursus fieri capti sunt, vt cum multi excluderentur, aream, quæ ad vestibulum templi est, storeis pro re nata contegere necesse fuerit. Templum est autem excelso loco, lucog; denso, & ad aspectum iucundo. in id ascenditur gradibus, quibus in imis stagnum est aquæ, nudi

dis pauperum pedibus abluendis, non superstitione, vel caeremonia, sed ne templi catastromata calcata commaculent. Postridie quàm huc veni, cetera quoq³ phana lustra impulcherrime posita, quippe qua ante id tempus idolorum fuissent, quibus colendis optima loca diligenter exquirebantur: hoc autem tempore eorum custodes illi ipsi Iaponij sunt, qui antea Bonzj, nunc Christiani appellantur, antea demonem, nunc Iesum Crucifixum supplices venerantur, & colunt. & quoniam ex altero pago eiusdem insulae sane frequenti, quoddam adeo sacra carerent, ad alterius pagi templum tribus fere passuum millibus distans Christiani magno suo incommodo venire cogeantur; templum ibi quoq³ exadificandum curavi, quod paucis diebus multorum subsidio, magnaq³ omnium alacritate perfectum est, tabula picta, ceteroq³ templi ornatu ex urbe Firando illuc aduecto. Christianorum animis recreatis, caelestiq³ fonte purgatis ijs, qui ad Baptismum videbantur idonei; ad alium Christianorum pagum, quem Xixi vocant, ire perrexi, ut eos per Euangelium solarem, & simul ut in eade noua, qua tum ab ijs ad tectum perducebatur, sacellum exstruendum curarem, Iquichuchensibus Christianis officiose nobis in eam rem fabros lignarios septem, aliaq³ auxilia necessaria deferentibus ibi igitur amantissime excepti a Christianis; qui quasi regem expectarent ita sedulo vias ante purgatas ornauerant, prima luce, & vespere de rebus diuinis disputare instituiimus, quo commodius ceteris horis diei sacello exadificando vacarent, quod summa eorū diligentia paucis diebus est absolutum, Catechismi demde cura certo homini tradita, Iram traieciimus eo consilio, ut Facatā propediem reuenteremur, quod eius peregrinationis spatium Casmus nobis ad Augustum exeuntem vsq³ praescripserat. Ira, Cruce salutata,

eum incolis egimus, vt ibi templum (nullum enim erat) communi consilio facerent: ad quod nobis Firando sacrae imagines, ceteraq; necessaria ornamenta transmissa sunt. nonnullis cōcionibus habitis, quibus in fide Christiani sunt confirmati, Baptismoq; lustratis qui baptizandi supererant, Casungam inde contendimus, vbi tanta nobis hominum multitudo sese obuiam effudit, vt festi alicuius diei solennis celebritas videretur. Cruce adorata, ad primarium quendam Christianum diuertimus, apud quem nonnullis concionibus habitis, magna omnium voluntate decretum est templum, in quo sacerdotes sacrificarent, si qui in ea loca venirent: quo item Firando necessarius sacerorum apparatus est missus. Interea dum hic agimus, mihi grauis homo narrauit Iquichuchi mulierem Christianam suadente diabolo, siue eius ministris, abortus faciendæ gratia pharmacū sumpsisse eiusmodi, vt infantē, ipsamq; parentem necauerit. Huius corpus Christiani, vt quæ noxa capiti obstricta migrasset, in ipsorum cœmeterio in quo Crux est posita, sepeliri cum vetuissent; illa post aliquot dies periculose egrotanti adolescenti cuidam Christiano per visum, Corpus (inquit) meum sacra sepultura prohibuitur est illud quidem: sed ne iccirco me Christiani damnatam existiment: quippe ante quàm e vita discederem, Dominus contritione mea lacrymisq; placatus est. quibus rebus Christiani ex adolescente cognitis (nam quæ deinde conualuit) valde animati sunt.

Ex eo loco rursus ad pagum Iquichuchi, atq; inde, speditus Christianis relicta, Firandum discessi ad quadam sacrorum instrumenta accipienda, quæ nobis Lusitanorum nauis aduexerat.

Firandum vt venimus, nauarchum Lusitanum allocuti, ad Antonium diuertimus statim, qui cum vniuersa
familia

familia nos peramanter accepit, detinuitq³ ad multam noctem nonnulla de officij religione percontans: postridie nauarchum adiui, vt permagnam tabulam pictam in naui proponeret Christianis visendam, quos in proximum Dominicum diem (quod eorum commodo fieret) ad concionem simul, & spectaculum, dimisis per agros nuntijs, euocauimus. interea nocturnis hortationibus cum ceteri Christiani in fide animati sunt, tum ethnici circiter quinquaginta ad Baptismum adducti: in ijs e proceribus quidam Antonio nō inferior. Et quoniam Firandi sacra ades erat nulla, petijt nauarchus ab Rege, vt liceret in area nostra edificare templum, quo Lusitani, qui versabantur ibi nonaginta, religionis causa sese reciperent, eoq³ Firandenses Christiani deinceps vteretur. cui Rex se deliberaturum respondit. ea erat dissimulata negatio. itaque id vbi resciuimus, apud Christianum in area nostra habitantem priuatum sacellum excitare, atque ornare constituit. quod ille tanta animi alacritate studioq³ recepit, vt adiū duarum quas possidebat alterius, vltro mihi optionem daret, seq³ edituum fore profiteretur. igitur, Antonio prefertim operas & cetera necessaria benigne suppeditante, edicula comparata est, & omnibus rebus instructa, in qua singulis noctibus Litanie & conciones habebantur. vbi Dominicus dies aduenit, e pagis insulisq³ finitimis ingens Christianorum multitudo confluit tum ad verba Dei audienda, tum vero ad sacram visendam imaginem, positam, vt dicebamus, in naui, loco peristromatibus, vexillis, virentibusq³ arborum ramis ornato. referta iam spectatoribus naui, cum perorassem; eos omnes nauarchus, quod longe ab domibus suis abessent, liberali cibo, potuq³ refectos dimisit.

Iam dies obrepserat, quo die mihi Bungum redeundum

dum esset : quocirca sacra tabula ex oneraria in nauiculam translata, vt inde Facatam deueheretur ; Christianos Iquichuchenses monui, me sabbato proximo (vt promissa facerem) ad eos ex itinere venturum, & inde postridie vespere profecturum : qua illi re audita, parata naui continuo ad me deducendum venerunt. sub noctem conscendi, comitibus pijs aliquot Lusitanis, qui me rogauerant, vt mecum se ad illas Ecclesias inuisendas venire permitterem. Descendentibus nobis ad litus obuiam prodire Iaponico more cum facibus multis : eodemq³ comitatu ad templum venimus, vbi nos magna populi multitudo cum pueris expectabat. Concione habita, & puero- rum Catechismo peracto, quod iam intempesta nox erat, plebem dimisi, maneq³ postridie (Dominicus erat dies) post concionem incolas circiter tredecim Christiana doctrina iam institutos baptizauimus. Inde profecti, magna in itinere ac varia incommoda molestiasq³ pertulimus. Nam et mari, paruis lintribus, ijsq³ monoxylis, vastos interdum sinus traicere sumus coacti, vixq³ imminentium piratarum manus effugimus, qui captos homines diu multumq³ vexatos in seruitutem diuendunt ; & terra, iumentis consulto relictis, lutulenta via atque teterrima cingulo tenus ceno demergebamur : qua tamen sordes occurrentibus passim riuis eluebantur. Accessit ad hac aspidum poene profluium sanguinis, quo sane grauius, acerbèq³ vexabar. Sed eas omnes difficultates, Christianorum ega nos studium caritasq³ compensabat egregia : cum & hospitij, commorationisq³ nostra mercedem constanter ac benigne respuerent : et abeuntes, viatico omnibusq³ rebus necessarijs liberaliter instructos vberissimo fletu prosequerentur : & , quod longe admirabilius est, impressa a nobis humi vestigia ipsa, obstupentibus rei nouitate, ac

rate, ac miraculo qui mecum aderant Lusitanis, oscularentur. Verum, ne longior sim, modum epistolae faciam, si unum addidero, ex quo facile iudicare possitis, quanta sit Iaponica gens ac nominis ad humanitatem religionemque, pro-pensio. Cum fessus e via, morboque, pene confectus, in quodam barbarorum oppido substituissem; tamen si nullum erat desiderium cibi, tamen ne plane deficerem, oryzam reformidans, putridaque piscium salsamenta (hac enim incolarum cibaria sunt) mihi qui oua coemeret, is autem mihi mox oua cum ipsis nummulis retulit. Caussam querenti, respondit, barbaros oua, quod dies ille festus ipsorum esset, vendere noluisse: quod agrotis quaererentur, dono dedisse. Denique Bungum agere peruenimus, ibi quamquam a Cosmo, ac Socijs amantissime acceptus, humanissimeque tractatus, vix tamen adhuc e diuturna agrotatione conualui. Vos clementissimum IESVM obsecrate fratres, ut mihi ad se perfecte colendum vires, animumque suppeditet. Bungo. Calend. Octobris 1567.

COSMVS TVRRIANVS

Antonio Quadrio Indiae pro-
uinciae pro Societate IESV
Praeposito.

LActi rerum Indicarum euentus quos ex litteris a vobis publice scriptis hoc anno cognouimus, cum eiusmodi visi sunt, propter quos ingentes immortalis Deo gratias ageremus, tum etiam nos monuere, ut Iaponicas res (quae nunquam antehac meliore

meliore loco fuerunt) vicissim perscriberemus ad vos. Primum igitur de regionis ipsius natura nonnulla (tametsi multa iam in eam sententiam scripta sunt) tum vero felicem, hoc anno praesertim, Christianae religionis progressum, ad eius gloriam, qui bonorum omnium est auctor, hac epistola persequar.

Iapon insula eodem climate, quo Hispania, continetur: terrae atque arborum fructus varij, & pleriq³ Hispanicis non absimiles; multa etiam argenti fodina cernuntur. Gens admodum bellicosa, & in retinenda omni studio dignitate proxime ad Romanos veteres illos accedit, praecipuumq³ est apud eos idolum honoris, & ob id ipsum bella saepe mouentur, multi partim occiduntur, partim etiam ignominiae vitandae causa mortem ultro sibi met inferunt. eadem est causa, cur parentes reuereantur; amicis fidem praestent; scelera, flagitiaq³, ut furta, adulteria, aliaq³ eiusmodi refugiant.

Publica administratio est triplex. Principem omnium tenet locum supremus religionum antistes, cuius decretis, ac scitis omnia publica, priuataq³ sacra subiecta sunt. Nascentes praeterea Bonziorum secta nullam existimationem, vel auctoritatem obtinet, nisi eas idem suo diplomate ac testimonio comprobauerit. Tundos etiam (qui velut episcopi sunt) tametsi eorum nominatio, qua dicitur, quibusdam in locis pœnes Regulos sit, confirmat tamen, & creat ipse: qui deinde magno apud summos infimosq³ in honore sunt, & sacerdotia conferunt. Iam vero priuilegia quoque, & immunitates a profanis muneribus, ab illo petuntur. Nam quae leuiores sunt, ut carnis gustatus religiosus diebus cum ad idolorum delubra vulgo peregrinantur, aliaq³ similia, eorum potestas pœnes Tundos est. Porro sacerdos hic maximus, tametsi apud Sinas ab eruditione,

ac sapientia; apud Iaponios tamen vel a stirpe, vel a nobilitate, & pecunia legitur. late admodum imperat, magnūq; vectigalibus fiuitur, & cum profanis regibus saepe certat. Atq; hac de religione, sacrisque. Cetera gubernatio bifariam diuiditur. praefecti duo summa cum potestate sunt: quorum alter honoribus praest, alter iudiciorum, et caussarū cognitiones exercet. Honoris praefectus, quem vocant Vo, stirpis successionem delectus, in deorum numero colitur. Hunc terram pede contingere religio est: si tetigerit, magistratu depellitur. domesticis sinibus nunquam egreditur, nec temere sese in conspectum dat. intra adium suarum septa, vel lectica gestatur, vel soccis ligneis ambulat spithamam altis. In sella fere quiescit, ex altera parte pugionem habēs, ex altera vero arcum ac sagittas. intima tunica vititur nigra, extima autem rubra, qua tenui serico, ceu velo quodam, obducitur. pileum gerit in capite pendentibus vittis, ad instar pontificalis tiarae: frontem habet rubro, candidoq; colore depictam, & fictilibus ad cibum vititur patinis. Eiusdem vnus in toto Iapone iudiciū est, quo quisque honoris titulo sit decorandus. multi enim dignitatis gradus ac discrimina sunt, eaq; certis characteribus dignoscuntur, quibus in obsignandis epistolis uti mos est: ijq; pro varietate gradū subinde mutantur. Regem quidem hunc Bungi, ex quo die in hanc urbem migrauimus, eiusmodi honorum vocabula & notas quater & tricies iam mutasse animaduertimus. Habent autem dynasta omnes regniq; procures, suos quisq; apud Vo procuratores: quia natio est laudis ac dignitatis mirum in modum appetens, ad ineundā ipsius gratiam pretiosis inter se muneribus certant: quibus ille adeo crescit (cum ceteroqui fundos ac vectigalia nulla possideat) vt hac vna ditatus praeda, Iaponiorum poene omnium pecuniosissi-

niōssimus habeatur. & quamuis tanto in honore sit, tribus tamen de causis eo dignitatis gradu deicitur: Si pede contingat solum, vt diximus: si quempiam occidat: denique si pacis & otij inimicus euaserit: nunquam tamen iccirco capite plectitur. Restat extremus iudiciorum præfectus. is cum reliquæ iurisdictioni, tum etiam bellis præest indicendis, quæ ipse iusta esse decreuerit, itēque sedandis: nec non puniendis ijs, qui in regno seditionem excitauerint: quas ad res regulorum opera, atque opibus viitur, quorum, nisi paruerint, bona proscripta finitimis ciuitatibus addicit. Hæc sunt magistratus huiusce iura, & imperium, cui tamen non omnino obediunt proceres, quod fere armis, ac vi magis, quàm iure certatur. Quod ad reliqua pertinet, Iaponij regibus quisque suis in profano foro, in sacro sectarum principibus ac Tundis obtemperant: Eæ sectæ (quod iam antea scripsimus) circiter duodecim sunt: quæ licet inter se cultu, ac superstitionibus differant, omnes tamen fere in tollenda animorum immortalitate consentiunt. & quamuis plebi varia deorum nomina ad adorandum proponant, ipsi tamen apud se nihil esse præter ortum & interitum existimant: aiuntque homines, bruta animantia, plantas, redire omnia quendam in locum, vnde profecta sunt. ad cuius opinionis prauitatē pænitus imis sensibus inculcandam paratas habent commentationes circiter bis mille, & quingentas. quas vbi quis diuturna cogitatione animo imprefferit, omni religione solutus, prorsus in illa cæcitate ac tenebris conquiescit. nonnullas attingam, vt genus videas. percontare (inquiunt) caput hominis abscissum a trunco, tu qui es? audiemus quid respondeat illa est etiam: eundem ventum pro corporum diuersitate quæ offenderit, varios edere sonitus. denig, statuunt, quod e nihilo existit, in nihilum re-

ueriti, esseq³ tres hominis animas: quæ ordine alia post aliam deinceps corpus & ingrediantur, & deserant. illud vnum interesse, quod quæ prima ingressa est, postrema discedat. Has autem ineptias in arcanis habet, venduntq³ carissime.

In ijs qui homines doctrina laude illustres in deorum numero venerantur, sunt qui quendam colant nomine Xacam, quæ aiunt Regis filium in primis eruditum fuisse: is praua dogmata posteris scripta reliquit permulta. Itaque librum eius quem Foquequium vocant, pariter venerantur, negantq³ sine eius voluminis ope quenquam posse seruari: eiusdem beneficio ipsas quoque herbas, & ligna beatitudinem esse adeptura. Omnis autem illius libri doctrina eo refertur, vt persuaदेат nihil esse, ex quo omnium esse pendeat.

Qui Solem, ac Lunam adorant, delubrum habent etiam nomine Denichi, cuius imaginem pingunt tricipitem, quam Solis, ac Luna, & elementorum esse virtutem affirmant. Iidem offerentem subinde sese demonis speciem ita vt eam clare conspiciant, multis, ijsq³ admodum pretiosis sacrificijs venerantur. Hominum genus in primis veneficum, & Christianæ religionis inimicum. Delubrum est aliud Quanonis, quem Amida filium fuisse perhibent. hunc pauci colunt, sed eam superstitionem magni faciunt, precesq³ assidue recitant.

Nam de ceteris, qui commentationibus vacant, iam ante diximus, quorum maior est numerus. Veno ad res Christianas, quæ mihi nunquam æque bene ac nunc, ex quo Iaponem attingimus, habere sunt visa. Nam antehac, bellis ac seditionibus prouincialium impediēbamur non modo ne religionem latius propagare, sed ne parta quidem conseruare possemus. Hoc autem anno Bungi rex, amicus

noster,

noſter ita feliciter cum hoſtibus dimicauit, vt propemodum debellauerit. quare ipſius victoriam tantum eſt otium conſecutum, vt ingens plane porta Euangelio pateſcenda eſſe videatur. Verſamur autem in Iapone non plus ſex in vniuerſum e Societate noſtra varijs locis atq; prouincijs. Primum eſt hoc Bungi domicilium, quæ vrbs ab ipſo Rege incolitur, poſita ad Septentrionem gradibus tribus & triginta & ſemis, quæ tota pars inſula in arcticū vergens polum, cum multis iam habeat Chriſtianos, eoſq; conſtantes, tum ijs augetur in dies: in quibus litterati nonnulli ſunt ex ordine commentantium, qui ſe inuicem ad Chriſtum alliciunt, de quibus ex alijs litteris plura cognoſces.

Alter Chriſtianorum locus eſt Cutame in agro Bungenſi, ab vrbe Būgo circiter ſeptem, & viginti millia paſſuum. Chriſtiani ſunt ibi amplius ducenti, quorum vnus ere ſuo egregium templum extruxit, & aliquem e noſtris eſſagitat: ſed quo minus ei concedatur, Sociorum in his locis paucitas facit.

In Firando inſula tertia Eccleſia eſt, quam ſeptem octōve loca Chriſtianorum efficiunt. ſita eſt autem hac inſula ex altera parte Iaponis ad occidentē, ab vrbe Būgo paſſuum ad centum & quinquaginta millia: Chriſtiani bis mille cenſentur: a quibus colendis, iuuandisq; nos annis ſuperioribus bella intercluſerunt. Sed iam Firandi Rex ab hoc Bungenſi deuictus, ſtipendiarius ipſius eſt factus, eritq; poſthac nobis tutus ad eam inſulam aditus. ac mēſe Iulio proximo inuiſit eam Eccleſiam Aloſius Almeida, multaq; ad Chriſti cultum ibi præclare conſtituit, quæ Aloſij ipſius litteris ad vos perſcribentur.

Accedit Facata vrbs in primis opulenta, & mercatoribus celebris. diſtat a Firando circiter ſeptuaginta millia paſſuum.

passuum. templum est ibi, Christianiq; permulti. horum vnus aliud quoque se templum edificaturum promisit. Ibidem ex itinere Almeida paucis diebus baptizauit incolae amplius sexaginta, multo etiam plures baptizaturus in reditu, nisi repente in morbum incidisset.

Quintum obtinet locum Cangoxima oppidum, quo primum in Iaponem veniens Franciscus Xauerus appulit, ibiq; primum Iaponij Christiani fieri capti sunt. posita est autem ea regio in Meridiem ad alteram procurrentis insulae cuspidem, gradibus vno et triginta, ab vrbe Bungo passuum fere ducenta millia: quam item Ecclesiam nuper Almeida lustrauit.

Neque vero Amangutium omittendum est. ea vrbs magis ad Septentrionem spectat, abestq; Bungo passuum centum & quinquaginta millia. ea vinea quo minus annis superioribus inuiseretur colereturq;, bella prohibuerunt: quamquam pacatis iam rebus, ex Christianorum litteris (quibus ad copiosam messem in ea loca inuitamur) didicimus constanter eos in fide persistere.

Sequitur Meacensis Ecclesia, ad alteram huius insulae cuspidem. Ex ijs locis cum primarius quidam Bonzius mihi per litteras demonstrasset magno se desiderio teneri legis diuinæ cognoscendæ, sed confecta iam ætate ad me venire non posse, orare se, vt si mihi minus eo proficisci liceret, quempiam alium mittere; Gaspari Vilela Meacum rei Christianæ causâ proficiscenti mandata cum litteris ad hominem dedi: sed eum Gaspar mortuum offendit, quem ferunt ante obitum dixisse, præclare sibi cognita, ac percepta fuisse, quæ tum ego, tum Iaponij nostri ad ipsum de Christiana religione perscripseramus, seq; e vita ea ipsa fide ac religione discedere. ac Meaci quid actum sit, fusius ad vos Vilela perscribet.

Novissi-

Novissima est omnium Ecclesia Sacaiana non longe
 a Meaco: opulenta vrbs, emporiumq; percelebre, suisq;
 Venetorum more, legibus viens. Inde ad me cum mu-
 neribus litteræ missæ sunt, quibus etiam atque etiam ro-
 gabar, vt eo legarem ad promulgandā Dei legem aliquē
 e vobris. quod mihi cum Sociorum paucitas non permit-
 teret, nullusq; mecum esset sacerdos; ad Gasparem scri-
 psi, vt eo sese conferret, reiꝫ Christiana cōsuleret, quo-
 ad subsidium nobis ex India mitteretur. quocirca te per
 Dominum obsecro, vt operarijs saltem sex, aut minimū
 quattuor inopia nostra subuenias: nam præter has octo iā
 institutas Ecclesias, eiusmodi est in præsentia status rerū
 Iaponicarum, vt minime dubitem, quin omnes huius re-
 gni atq; insulæ partes (modo præcones nō desint) Euan-
 gelium Christi peruagaturum sit.

Quod ad Christianorū mores vitamq; pertinet, plura
 ex litteris Sociorum cognosces. Vnum illud dicam, me
 tot barbarorum, & Christianorum terras emēsū, gen-
 tem vidisse nunquam aut rectæ rationi, vbi eam cogno-
 uerint, æque obtemperantem, aut ita pietati ac pœnitentia
 deditā; plane vt in Confessionis & Eucharistia my-
 sterijs obeundis, religiosi cœnobita potius, quàm tyro-
 nes ac neophyti videantur esse. Iam quanta sit eorum in
 fide constantia, vel ex eo facile coniici potest, quod cum
 Firandenses Christiani, vnius tātum susceptæ religionis
 causa, cum alijs afficerentur iniurijs, tum etiam in ex-
 silium pellerentur, multi, re familiari neglecta, Bungū
 commigrarunt, paupertatis incommodis Christi Domini
 caritati postpositis, pietatis vero illud sit argumentum.
 cum ere campano statis horis datur signum precādi, tan-
 ta est omnium in eo genere alacritas, non modo vt viri,
 sœmina, & pueri; sed pæne infantes ipsi, qui nondū ra-

tionis compotes sunt, nixi genibus ilico preces fundant. Sane Christianus quidā mihi narrauit, cum paucis hisce diebus puellam tenera admodum etate ad vinum a popola coemendum misisset, dum vinum e cupa depromitur, puellam audito salutationis Angelica signo, relicta ilico lagena, genibus positis fixam stetisse, quoad orationem Dominicam, & Angelicam salutationem quinque recitasset: eamq; rem barbaros qui aderant ita admiratos, vt dicerent nullum esse Deum cum Christianorū Deo comparandum, quorum pueri etiam ipsi bonos mores docerent. Iam vero quanti grana, quae benedicta vocantur, faciant Christiani, praclare demonstrant, cum pauca quaedam a nostris huc missa celebrioribus locis publice posita assidue precando percurrunt: & si quod est alicuius priuatum, semper de manu in manum traditur, nec quicquam donari gratius his hominibus potest. Proinde vna cum operarijs mitte quæso ex ijs etiam granis, aliquot, quoniam tanto in honore sunt. & noli dubitare, quin vtrunque beneficium melius hic, quàm apud Malucos, aut Brasílicos collocetur. Quod reliquum est, faxit Deus vt quantum subsidio egeamus, intelligas: tibiq; ac nobis omnibus ad ipsum rite colendum vires impertiatur. Vale. Bungo. 7. Idus Octobris 1561.

GASPAR VILELA

Societati IESV.

ANno superiore, Cosmī Turriani missu, Bungo discessurus Meacum, de mea profectione feci vos per litteras certiores. Nunc, quoniam id fore vobis gratum atque iucundum existimo; ea persequar, quae mihi ex eo tempore cōtigerunt:

vt cum Deo Domino gratias agatis; tum fratrem hunc vestrum a vestra consuetudine tanto locorum intervallo disunctum, supplicationibus vestris adiuuandum intellegatis.

Anno igitur a Virginis partu 1559, comite Christiano Iaponio, Laurentio nomine, probo iuvene, & lingua huius rerumque peritissimo, nauigium ethnicorum conscendimus: iter autem nostrum (quod facile iudicari potuit) aduersarius multis rationibus impedire conatus est. primum enim ipso nauigationis initio, tanta repente malacia ac tranquillitas exstitit, vt naus loco moueri non posset. Tum barbari vt muneribus pacem ventumque a Dijs obtinerent, stipem sigillatim a vectoribus corrogare caperunt. Vbi ad me ventum est, negaui me vnus Dei conditoris cali terrarum cultorem, in quo spes meas omnes haberem repositas, quidquam in ipsorum delubra collaturum. quo illi responso adeo excanduerunt, vt eius incommodi causam apud me residere, ac proinde me in mare proijciendum esse affirmarent. Hic nos ad Deum mente animoque conuersi: cuius beneficio inflari vela mane postridie capta sunt. Sed cum aliquot passuum millia processissemus, aduerso vento rursus retenti, quatrimum stare coacti sumus. Tum vero barbari plane in nos causam eius rei conferre, verbisq; & significationibus conceptam iram ostendere: qua tamen Domino miserante cohibita est. Denique ad portum quendam delati, ibiq; decem dies tempestate coacti subsistere, communi sententia decreuerunt, nequaquam nos secum ex eo loco auhendos: & ipso quoque nauarcho in eam sententiam adducto, nos descendere coegerunt, quem tamen cum aliam nauem nullam in eo portu offendissem, precibus placatum, inuitis omnibus perpuli, vt me ultra
eum

eum locum passuum sex & triginta millia deferret. Et quoniam nauarcho vltius progrediendū non erat; barbari circum naues quotquot in eo portu erant circumcurfare statim incipiunt, & gubernatoribus aperte denuntiare, si prosperam optent nauigationem, nos e nauali comitatu omnino reijciant: quocirca omnibus abeuntibus, relictī sumus in litore: sed paulo post diuinitus alio confestim appulso nauigio, tam feliciter nauigauimus, vt portum citius ijs, qui ante nos soluerant (cum etiam aliquot eorum in piratas incidissent) sine vllō periculo tenuerimus. Tum denuo instare barbari, & nauicularijs suadere conati sunt, ne porro nos ad urbem Sacaium, quo tendebamus, perducerēt. sed frustra. etenim quarto Idus Sextilis incolumes eo peruenimus: qui dies quoniam Diuo Laurentio erat sacer, ipsum Christi martyrem, eius nationis patronum asciuiumus. est autem vrbs Sacaium per ampla, plurimisq; ac pecuniosis mercatoribus frequentissima, suisq; legibus ac moribus more Veneto gubernatur. Hic nos ex itinere aliquantulum recreati, ad montē contendimus Frenoiānam, ab vrbe Meaco passuum milibus decem & octo. mons autem est permagnus: habitatur a Bonzijs, & caput est regni, ad cuius radices iacet lacus plenus piscium, passuū nonaginta millia in longitudinem, vnum & viginti in latitudinem colligens, quem multi confluentes amnes efficiunt. in eius litore locus est ad montem pertinenens cœnobijs plus quingentis visendus, multis alijs bellorum iniuria deletis, quæ quondam trium millium, & trecentorum summam impleisse dicuntur. His autem in cœnobijs Bonziij diuersarum sectarum habitant, bipedum superbissimi: ac ceteri quoq; montis incole ad litteras natura propensi videntur, in quibus (vt opinor) excellerent, si se ad Christianam religionem

ligionem adiungerent. quibus nos Euangelij lumen inferre conati, nihil profecimus, & nemo nobis aures, præter senem quendam Bonzium, dedit: cui, & simul discipulis eius aliquot, demonstrauius vnum esse Deum opificem rerum omnium, animosq; hominum esse immortales. tum ille mihi in aurem insusurrans, orationē meam, quamuis placitis Iaponiorum aduersaretur, plane sibi probari dixit, & præsertim quæ de animorū aternitate a me fuerant disputata: sed quo minus Christi sacra susciperet, se Bonziorū metu, capitisq; periculo deterreri. vbi igitur frustra nos laborare intelleximus, inde profecti, paucis diebus Meacum hyeme tum ineunte peruenimus: est autem vrbs perampla, tametsi maior olim fuisse traditur, cum esset eius lōgitudō passuū vnus & viginti millium, nouemq; latitudo. Hanc montes editissimi cingunt: quibus in imis ingentia vbiq; & opulenta cænobia, atque adificia antiqua cernuntur: quanquam seditionibus & incendijs vna cū ipsa vrbe, magna ex parte disiecta & excisa: vt, quod nunc vrbs incolitur, prisca magnificentiā tenuis quadam velut imago esse perhibetur. Regio est in primis frigida, partim ex copia niuium, partim ex arborū caduarum inopia. Sterilis autem adeo, vt raphanis, rapis, melongenīs & leguminibus vultu vescantur. hæc autem ciuitas dicitur quondam religione ac litteris floruisse: cuius rei argumētum etiam illud afferunt, quòd ex eadem vrbe monteq; omnes Iaponiorum secta manauerint, quarum principes ac magistri in his locis sibi in hoc vsque tempus sedes, ac domicilium collocarunt. Meaci igitur, conducto hospitio, cum nemo fere ad nos ignotos adhuc, & obscuros audiendos accederet, mihi faciēdum existimaui, vt primum omnium regem suæ Imperatorem honoris causa inuiserem.

ut eo beneuolo, propitiōq³ vteremur: deinde sumpta Cra-
 ce, in mediam viam ex adibus prodiens Christum palam
 predicare institui. quas ad voces ingens continuo populi
 multitudo conuenit, alij rerum nouarum studio, alij eti-
 am canillandi atque irridendi. Quorum interrogationi-
 bus cum ita Deo adiuuante responderetur a nobis, ut
 ipsoꝝ rationes plane infirmari, ac refutari constaret;
 aduentus nostri fama totam urbem ita peruasit, ut omni-
 um sermone celebraretur: partimque improbaretur no-
 stra doctrina, partim etiam defensores aliquos inueni-
 ret. Bonzj quidem furentes circumcursare vicos, ple-
 bem in nos incitare, Euangelium probris maledictisque
 proscindere, falsis etiam testibus criminari, nos carnes
 humanas vorare, repertaque domi nostra ossa cadauerū:
 alij deniq³ nos hominum specie demonas dicere: hortari
 etiam vicinos, ut nos sinibus pellerent: adium vero do-
 mino exprobrare, q³ nos in suis tectis morari pateretur:
 qui ipsoꝝ dictis impulsus, mihi renuntiari iussit, ut
 confestim migrarem: cumq³ incertus quo me reciperem,
 haud ita cōtinuo paruissē; euaginato in me gladio im-
 petum fecit, quamuis intelligeret, si me occidisset, se vel
 patris legibus capite punitū iri, vel eius ignominia vitan-
 da causa, mortē Iaponico more sibi vltro esse oppetendā.
 Ac meus quidē quis tum esset animi sensus ac status, cum
 impendentē mihi e barbari manibus euaginatū ensē
 aspicerem, existimare potestis ipsi. Et sane mihi affirman-
 ti credite fratres, permultū interesse, utrū quis mortem
 apud se tacitus meditetur & cogitet, an oblata sibi pro-
 pius intueatur ac cernat. Ego me (ad quem enim confu-
 gerem?) Domino totum commendauī, ac tradidi, cum
 vna me res eo tempore solaretur, q³ inter eos terrores,
 minasq³ verbum Dei in hac urbe, qua omniū Iaponicarū
 super-

superstitionum est parens, disseminari & crescere intelligerem. Eo periculo perfunctus, cum iam aliquot Christianos fecissem, iniquorum furori concedere, & in alias ades migrare constitui, quas nobis vini propola quidam exhibuit perincommodas. quippe quæ Ianuario mense in magna niuium copia, frigoribus maximis; & parietibus, & omni alio munimento carerent. Hic nos maiore etiam animo ceptis institimus, Dei beneficio parati, vitam, si opus esset, in Christiana causa profundere. iamque & ecclesiis plures, & e paganis permulti Christo nomina dare non dubitabant, quamuis ob id ipsum vulgo despiceretur, & Bonz ij, licet aliqua ex parte placati, nondum tamen calumnijs ac maledictis nos lacerare desisterent, quin immo ne vsquam consistere nobis liceret, communi consilio emptores ab eius taberna qui domum nobis locauerat, auocare ceperunt: quo ille permotus incommodo, sepius egit mecum, ut inde migrarem, sed tamen solitudinem nostram miseratus, quod nullus praterea foret nobis in vrbe locus, tres menses de habitatione commodare constituit. quo temporis spatio multa frigoris, laboris, valetudinis incommoda non solum a quo, sed etiam libet animo (Domino auxiliante) pertulimus. Iamque æstas appetebat, cum Regem rursus adiuimus, ut nobis in vrbe tutum manendi faceret potestatem. ac tametsi obrectatores non defuere, feliciter tamen diploma statim abstulimus, mortis pena proposita, si quis nos aut iniuria affecisset, aut quo minus suscepto munere fungeremur, impedire ausus esset. Ea re & iniquorum impetus retardati, & Christianorum numerus ita auctus est, ut necesse fuerit per ampla domo ad eam rem coempta templum instruere, quo non Christiani solum, sed etiam ethnici consuebant, quorum alij se ad Ecclesiam aggregabant,

bant, alij cum verba nostra vehementer probarent, Baptismi tamen petitionem se differre dicebant, quoad latius res Christiana pateret. Annum iam in opere versabamur, meliusq; res ibat in dies, cum perpetuus ille hostis bonorum omnium, Bonzios, aliosq; barbaros impulit, ut magna pecunia vi in commune collata magistratus corrumpere: qui muneribus deliniti inscio Rege nos summa cum ignominia exterminare decreuerant: idq; fecissent, nisi cognita re ethnicus quidā primarius, vir bonus, & nostram causam apud Regem agere solitus, nocte antequam inimici domum nostram irrumperent, me per nuntium monuisset, ut Bonziorum rabiem in praesentia declinarem, meq; in arcem quādam suam ad sextum decimum lapidem ab vrbe, reciperem. Consilio a Christianis probato, magna eorum manu, ea ipsa nocte ad arcem usque deductus, fere quatrimum latui. Sed cum iam res postulare videretur, ne abessem diutius, Meacum occulte reuersi ad Christianum diuertimus. quo tempore varius erat de nostro discessu populi rumor: cum alij iniuria, alij iure optimo nos oppido pulsos dicerent. Christiani vero clam eo ventitantes, quibuscunque rebus poterant, consolari nos & iuuare conabantur: quorū opera quattuor mensium inducijs impetratis, ut interea de nostra mansione, vel profectione ageretur; in publicū magna omnium bonorum gratulatione produimus, atque etiam sacra aedes nobis est reddita. Quae dum geritur, ad Regem delatum est, contra ipsius edictum quā iniqui in nos Bonzij ac magistratus fuissent. qua re permotus, multo nobis in posterum diligentius cauit. aduersarij vero fracti ac debilitati non modo nos vltra persequi destiterunt, sed etiam facta iam nobis libera commorandi potestate, nonnulli fauere ceperunt. ita, quod consilium diabolus

in nostram perniciem sumpserat, id ipsum maxime nobis diuinitus profuit.

Restat ut nonnulla de superstitione, sacrisque huius gentis attingam, ut ipsorum cacitate perspecta, enixius pro ipsis Dominum deprecemini. Primum Augusto mentis concelebrant ludos quos vocant Gibon (quæ vox hominem significat) quod illi ludi homini sacri esse dicantur: quorum eiusmodi est ratio. Primum in urbis vicos, opificumque collegia, pegmata excogitanda moliendaque distribuunt. inde ubi festus dies aduenit, veluti ad supplicationem populus coit. Agmen currus quindecim, vel viginti præcedunt sericis pretiosisq; tapetibus cooperti: in his pueri multi psallentes, vel tympana pulsant, vel tibijs concinunt. Singulos autem currus hominibus tricenis, aut quadragenis impulsos sua quemque artificum turba sectatur. Alia deinde sequuntur vehicula hominibus armatis instructa, sericis item, varijsq; priscarum rerum monumentis ornata. Hoc ordine pompa delubrum præteruehatur, cuius delubri ea celebritas est: qua in re matutinum tempus omne consumitur. Sub vespere inde bina lætica prodeunt: altera illius quem colunt Dei, læticarijs ita compositis, ut præsentis numinis pondere valde fatigari premique videantur; altera esse aiunt amica cuiusdam ipsius. nec ita multo post, tertia lætica vxoris iusta gestatur, cui simul ac maritus per nuntium significauerit se vna cum pellice aduentare; læticarij statim huc atque illuc lymphati discurrunt, itaq; vxoris Zelotypiam insaniamque significant. Hic populus magna edit signa doloris, atque mæstitiæ: plorant multi, multique ad consolandum Deæ animum positis genibus eam supplices venerantur. denique lætica coniuncta ad phanum redeunt: atq; ita ludis finis imponitur.

Nec ille minus miserabilis error est. Eodem Augusto mense biduum tribuunt colendis Manibus mortuorum. Subimminētem noctem in adium foribus lampadas multas accendunt vario genere pictura, & ornatu: inde urbem tota nocte perambulant, alij religionis, alij etiam spectandi causa: magna etiam populi vis cum aduesperascit, ex vrbe, aduentantibus (vt ipsi videlicet opinantur) suorum Manibus obuiam prodit. Vbi quendam ad locum peruentum est, quo loco eos sibi occurrere arbitrantur; hamanis primum verbis excipiunt: Felix (inquiunt) faustusque sit vester aduentus. Iam diu aspectus vestri fructu caruimus: confidete parumper, ciboque vos ex itineris defatigatione rescite. Tum oryzam, arborum fructus, aliaque cibaria apponunt: & quibus ea per inopiam non licet, ij aquam calidam secum afferunt: ibique totam horam morati, quasi finem epularum expectent, precibus eos in suas domos inuitant, adiuntque se precedere, vt domum instruant, parentque conuiuium. Vt biduum illud effluxit, accensis funalibus oppido plebs egreditur, lumina discedentibus praeferens, ne scilicet in tenebris offendant, aut quopiam incurrant: inde in urbem reuersi adium tecta lapidationibus diligenter excutunt, ne qui forte ex Manibus (a quibus nimirum aliquod sibi incommodum metunt) occulte remanserint: tamen si eos miserentur nonnulli, & paruulos dicant esse, & si forte eos in itinere imber oppresserit, extinguere misellos. Interrogati Iaponij, cur illis epulum praebeant, respondent, eos ad paradisum tendentes suum, qui abest leucarum decies millies millena millia, quod iter non minus quam triennio conficitur, fessos e via, recolligendarum virium causa huc diuertere. Per eos etiam dies omnia sepulcra diligenter purgant:

gant: Bonzij autem videlicet regnant; nemo est enim re familiari quamuis exigua, quin ad expiandos rite suorum Manes Bonzij munus aliquod afferat. Videtis fratres mihi carissimi huius gentis errores, & tenebras, in quibus haeret adeo pertinaciter, ut eam inde agre admodum eruas. Obsecrate Dominum, ut eos pro sua bonitate conuertat.

Ad hac alios etiam agunt celebri cum certamine ludos mense Martio sane detestabiles. Cōueniunt post meridiem quibuscunque libuerit, armati, deorumq; suorum imaginibus picti humeros. tum duas in acies diuisi, pueri primum lapidibus, deinde ceteri sagittis, & sclopis, mox contis, postremo gladijs dimicant. qua ex pugna semper fere nonnulli desiderantur, complures vulnerati discedunt, omnibus qui in eo pralio quempiam occiderint, aut plagis affecerint, impunitate proposita. omnino bellicosa est natio. hoc ipsorum studium, hac est oblectatio: militibusq; pro numero ac dignitate capitum, qua ex hostibus casa retulerint, praemia persoluuntur.

Demon autē tanto apud hosce miseros in honore est, ut ei magnificentissima phana exstruantur: in quibus horribili specie sese identidem offerens, cum alibi adoratur a populo, tum praesertim in monte suburbano, in quo fuisse quondam aiunt cœnobiorum septem millia, quamuis nunc minus multa visantur: quorum est vnum in primis opulentum, & confluenti omnium ordinū multitudinem vsq; adeo celebre, ut cum Reges bella gesturi ingentem auri vim ei delubro voueant, & victoria parta persoluant; tum infima quoq; plebs in suis difficultatibus atq; periculis eodem auxilij causa cōfugiat. quibus demon per quietem apparens, persuadet se ipsorum religionē placatum, eos e periculo eripuisse, perindēque

ijs cetera in posterum cessura, ut ipsum rite negligētē re coluerint. quibus ille artificijs ita imperium in has gentes exercet, ut magnopere metuatur, obseruetur, denique adoretur ab omnibus.

Ille quoque deplorandus hominum error est. Bonziū quendam Combadaxi nomine, ante octingentos annos ferunt in hac vrbe versatum: quem equidem existimo hominis forma demonem fuisse: adeo nefaria scelera ab eo excogitata, ceterisq; demonstrata narrantur. hunc tradunt deducere stellas e calo, & futura pradicere solitum: inuentorē etiā litterarum fuisse, quibus Iaponij virtutur, sibiq; multa eaq; magnifica tēpla adificari iussisse, extremaque iam etate subterraneum sibi effodi specum, in quem ultro se condidit, cum diceret, se iam vitæ huius satietate teneri, & in eo specu viuētem velle quiescere ad annorū decies millies millena millia. quo tempore fore, ut magnus quidam in Iapone doctor existeret, seq; tum in lucem hanc esse rediturum: eo sermone habito, se intra specū obturato ostio occludi imperasse. magnum est eius ubiq; nomen, & viuere etiamnum creditur, multisq; se per visum offert, & ab eo plerique suppliciter opem implorant. anniuersaria vero illius diei solennia, quo die sese in specum abdidit, mirum quantā remotarum etiam nationum frequentia celebrentur.

Alij præterea diuersis atatibus fuisse tres, vel quatuor Bonziū summa eruditionis existimatione, quibus item magni honores habentur: & vni præsertim, quem ante annum trigesimum vixisse perhibent, auctorem sectæ eius, quam Icoxos vocant: magna apud plebem auctoritate: cui sectæ Bonzius semper cum imperio præsidet, stupris, flagitijsq; palam turpiter deditus. quem
plebs

plebs nihilo minus tanta pietate, ac veneratione profecquitur, vt eum si modo aspexerit, vim lacrymarum profundat, soluiq; se admissis noxis ab eo suppliciter petat. eidem tantum pecunia deferunt, vt magnam Iaponicarum diuitiarum partem vnus obtineat. Festos vero eius dies quotannis ita conserta populi multitudo concelebrat, vt in ipso cœnobij aditu, cum fores aperiuntur, obrutii aliqui semper intereant: quibuscum ita praeclare agi putatur, vt nonnulli religionis causa sese pedibus irrumpentium vltro calcandos necandosque substernant. nocte autem, oratio de laudibus eius dum habetur, tanta auditorum comploratio oritur, vt si publice magnum aliquod incommodum ac vulnus esset acceptum.

Magna est etiam sanctitatis opinio Bonzj Nequiron, qui ante quingentesimum annum floruisse dicitur, & Foquexana familia princeps fuisse.

Hactenus de rebus Meacensibus. venio ad Sacaianas.

Ego Sacaium Cosmi iussu Meaco me contuli, vbi sum in praesentia: quam urbem, cum ex concursu hominum ad nos audiēdos (quorum aliqui iam baptizati sunt) letam nobis animarum segetem allaturam; tum quod copiosissima ac munitissima est, tutum nobis in tumultibus bellicis perfugium fore confidimus.

Multa vidi post meum aduentum memoratu digna, e quibus, ne longior sim, vnum dumtaxat exponam. Iulio mense festum diem agunt Daimaogini, quem excellenti sanctitate virum, asseclam aiunt fuisse prisci cuiusdam Imperatoris. hunc Sacaienses adorant, templis compluribus ei dicatis, & ludos eiusmodi faciunt. Horis pomeridianis viam urbis longam ad passus ducentos transversis vtrinque tignis ac tabulatis obsepiunt, ne plebi intropicere liceat: tum magna hominum multi-

tudo a tribus passu milibus eo contendit. in primo agmine idolum procedit equo insidens, stricto manibus ense permagno, pueris duobus deinceps comitantibus, quorum alter arcum eius & pharetram, alter accipitrem gerit. pueros multa equitum turma certis insignibus distincta sequuntur, & magna praterea peditum vis, qui voto sese ei celebritati obstrinxere, saltantesque concinnunt, Xenzairaquu, Manzairaquu. hoc est annos mille voluptatis, mille millena millia gaudij. Hanc turbam Bonzij primum candidati psallentes, deinde vniuersa nobilitas in equis mitrata, postremo quinque vel sex venefica magno mulierum comitatu linteata sequuntur: extremum agmen claudunt ingentes armatorum copia ad excipiendam Daimaogini lecticam prodeuntes ad viam, quam clausam esse dicebamus. Leticam vero ipsam inauratam lecticarij ferunt viginti, qui varias cantilenas velut intercalari quodam carmine concludunt Xenzairaquu, Manzairaquu. Eandem, simul atque profertur in publicum, iactata suppliciter stipe, alijsq, similibus veneratur populus. Hanc ego superstitionem, & alias in hac vrbe conspexi, quas Dominus aliquando penitus abolere dignabitur. Meacum ad Natalem Domini cum Christianis agendum post menses quattuor cogitabam, vt mense Martio Sacaium de nouo reuenterer, Christianamque rem omni conatu fulcirem, quoad nobis supplementum isthinc in tanta operariorum inopia submittatur. Vos per Dominum obtestor fratres mihi carissimi, animum inducat is ad hanc provinciam adeundam. Etenim si quod vnquam tempus amplificandae Catholicae Ecclesiae fuit idoneum, nunc certe egregia sese praebet occasio. Iaponica lingua haud sane difficilis est, saltem ad intelligendum. patientia tantum,

ani-

animique submissione opus est ad ea, quae Dominus permiserit, perferenda: quas ille virtutes pro sua benignitate utique impertiet ijs, qui huic colēda vinea sese alacri animo obiulerint. Quem nos etiam atque etiam obsecramus, ut in animis vestris, & omnium semper inhabitet. Sacaio. 16. Kalen. Septemb. 1562.

EX EPISTOLARIAE

Sanctij ad Societatem IESV.

EGo in hac vrbe fratres mihi carissimi operam nauo curandis egrotis, qui in Hospitali domo sunt; & simul pueros quindecim partim Iaponios, partim etiam Sinas, qui apud nos educantur, litteras & muscen doceo, quo maiore caremonia cultūque sacra in posterum peragantur: quam rem ad conuersionem barbarorum non mediocriter profuturam esse confidimus. In his pueris duo numerantur, alter quatuordecim, alter vndecim natus annos, tam excellenti ingenio praediti, ut id etatis, Christianos concionibus suis ad lacrymas vsque permoueant. Sed maiorem Cosinus Turrianus Meacum misit ad eadem sacram tuendam, & Gasparem Vilelam in opere subleuandum: minor apud nos remansit. Institutum nostrum in Iaponijs erudiendis, eiusmodi est. Ioannes Ferdinandus, qui bene iam nouit Iaponice, edocendis neophytis primum operā dat: deinde certū in locum se confert, quo multi ad eū sciscitandi & querēdi caussa cōueniunt, quibus ille respondet, refutatq; cum opus est, errores ipsorum: idq; saepenumero bis in die. transferēdis etiā Iaponice necessarijs quibusdā libris vacat, adhibitis ad eam rem nonnullis incolis Christianis, vt versio purior, clarior, atque suauior sit. ex ijs, qui Chri-

stiana disciplina instituuntur, aliqui sunt viri primarij, quorum vnus ante Baptismum, Bonziorum cœnobio cum potestate præfuerat, in Iaponicis superstitionibus, litterisq; apprimè versatus.

Ad conciones, quæ singulis anni festis diebus, per Quadragesimam vero multo sæpius habentur, operibus suis & ratione lucri neglecta, tam alacriter anidè que plebs ventitat, vt freno potius, quam calcaribus egeat. quantum vero concionibus proficiatur, satis apparet vel ex pietatè, cultuque sacrorum, vel ex consensu, mutuaq; Christianorum beneuolentia, quam sane augeri constat in dies. Hebdomada sacra diebus cum cetera solennitate sunt persoluta, tum vero quinta feria in cœna Domini, posteaquam pauperum pedes de more abluti sunt, agmen processit eorum, qui sese flagris cadebant: sequebantur tredecim pueri ornatu funebri, passionis Domini argumenta gestantes: ij suum quisque carmen elata voce tanto cum animi sensu pronuntiauerunt, vt nemo omnium, quotquot erant in templo, lacrymas tenere potuerit. Paschali autem die Dominico, historia quadam e sacris litteris acta sunt: vt exitus Israelitici populi ex Aegypto, specie rubri maris in vestibulo templi machinationibus artificiosis exhibita, qua transitu Israelitis præberet, ingressum autem Pharaonem vna cum exercitu obrueret. Iona quoque Prophetæ casus, aliæque similia spectacula edita sunt. Supplicationibus absolutis, dialogus publice est habitus, in quo superiorum dierum ex morte Domini luctus atque mœstitia cum Paschalis celebritatis lætitia & gratulatione conferebatur: quibus rebus mirum quanta voluptate affecti fuerint Christiani. Atque iam ante, ipsis quoque Natalis Domini ferijs, orbis terrarum totius inundationem, custodias

Loth,

Loth, Abrahami victoriam, denique pastorum aduentum ad oppidum Bethleem, sermonesq; cum Virgine Dei matre habitos ita ad vinum effinxerant, non modo vt spectatores, sed actores etiam ipsi præ intima animi dulcedine collacrymarentur. Atque hæc de rebus Bungensibus.

Nunc de ceteris Iaponis partibus pauca complectar. Gaspar Vilela Meaco Sacaium profectus primarij cuiusdam viri precibus inuitatus, non solum peramanter ab eo acceptus est, sed etiam eiusdem sumptu ac benignitate fanum adificauit, quo populus ad Euangelium conueniret, statimq; constitit operæ fructus, nonnullis ad Baptismum adductis, in ijs adolescente filio eius apud quem Gaspar diuerterat, præclara indole puero, qui tam illustria virtutis, ac pietatis dedit indicia, vt eius opera parentes quoque ipsius, fratremq; natu maiorem, qui iam ad religionem Christianam valde se propensum ostendit, ad Ecclesiam Dei aggregatum iri Domino fauente speremus. Puerum hunc Gaspar deinde, parentibus non inuitis, quos nimirum adolescentulus precibus vicerat, Bungum misit, vbi quid egerit, ex Aloisij Almeida epistola cognoscetis.

Quod ad Amangutianam Ecclesiam pertinet, quam iam diu nobis lustrare non licuit, morem præceptaq; sibi a Cosmo tradita Christianos studiose retinere cognouimus. Dominicis diebus in templum sacra tabula picta quam eo misit Cosmus ornatum, frequentes conueniunt. atque vbi Deum rite precati sunt, vnus eorum ex Catechismo Iaponice scripto nonnulla recitat, de quibus deinde disserunt inter se.

Habent etiam quosdam quasi æconomos agrotis ac pauperibus subleuandis pecunia, quæ tum ad eam rem, tum ad curanda Christianorum funera in commune con-

fertur. Aliqui etiam Bungum ad Confessionem, & audiendum verbum Dei se conferunt. eam Ecclesiam Cosmus, quoniam per operarios non potest, saltem per litteras consolari & confirmare non desinit.

De Firandēsisbus autem rebus illud accepimus, Regem hoc anno se denuo Christianis æquum præbere capisse, templiq; exstruendi iam nunc illis potestatem fecisse eo fortasse consilio, ut cum Cosmo in gratiam redeat, & hac ratione cum Lusitanis fœdus & hospitium renouet: quorum sibi amicitia, atque commercium quàm sit fluctuosum, ut clarius desiderando sentiret, nauem eorum, superioribus diebus Firandum appulsam, & Cosmo, & Lusitano viro nobili, qui Bungi eo tempore versabatur, nauarchi eius auunculo, visum est faciendum, ut in alias oras auerterent. Igitur abeundi potestate ab Rege Bungenſi quamuis agre impetrata de Cosmi valetudine atq; incolumitate sollicito, Firandum vterque profecti sunt. Bungi autem, ubi a Christianis auditum est, Cosmū profectionem parare, mœrentes continuo ad eum ventitare ceperunt, parentem illum, atq; pastorem agnoscere, manibus hi, illi etiam humi prostrati, pedibus oscula figere: quibus Cosmus exposuit, quàm iustis de causis iter illud ingrederetur, & simul mandauit, ut vicarijs, donec rediret (quod propediem erat futurum) diligenter obtemperarent: atque ita ab eis digressus est, multis eum viris, mulieribus, pueris magno cum luctu ac mœrore extra oppidum prosequētibus. quo absente, cum barbari se in templum nostrum insolenter inferrent, eare cognita Rex misit e familiaribus suis, qui templum assidue custodiret, & in vincula abriperet, si quis in eum locum se contumeliose gessisset: atq; eiusdem præsidij negotium duobus etiā primarijs ciuibus dedit in ea vicinitate habitantibus. In ipso autem

autem itinere labores atq; pericula Cosmo non defuere: tertio quippe die in latronum insidias incidit, quorum vnus intentum iam arcum in Cosmi pectus non sine magno eius vita discrimine obuenterat, cum ex ipsius comitibus quidam, ante sagittam emissam, adductas arcus habenas praececidit. Firandi autem magna cum gratulatione a Lusitanis exceptus, qui naui vexilla sustulerant, & tormentorum strepitu latitiam significauerant, in adiculam diuertit ab Aloisio Almeida raptim, dum templū adificatur, exstructam: vbi cum ceteros Christianos, cognito Cosmi aduentu terra ac mari vndique confluentes, tum nautas ipsos Lusitanos admissis noxis per Confessionem absoluit, iisdemq; facile persuasit, vt cum oneraria ex eo portu discederent. Hac habui de Iaponensium rerū progressu quae scriberem. Vos Dominum precari assidue insistite fratres, vt nos idoneos veritatis Euangelica pracones efficiat. Bungo. 5. Idus Octobris 1562.

ALOISIVS ALMEIDA

Societati IESV.

ANno superiore cum Ecclesijs Facata, Firandi, alijsq; lustratis Bungum agrotus ex itinere rediissem, vt primum e morbo conualui, de tota peregrinatione mea feci vos per litteras certiores. quas quoniam vobis esse gratas intelligo, pergam ea scribere, quae quidem in ijs locis contingere, in quibus mihi versari ex eo tempore contigit: nam cetera ex aliorum litteris cognoscetis.

Firandi erat Christianus quidam quintum circiter, & sexagesimum agens annū, scriba Regis intimus, quem ille apud se in honore habebat, liberaliterq; tractabat. is igitur Christianus cum animaduerneret se iam ad vitam
exi-

exitum appropinquare; susceptas in vita maculas matu-
ra Confessione delere, & (quoniam nullus erat ibi sacer-
dos) Bungum vel cum Regis offensione, periculoq; rei
familiaris omnino sese conferre constituit. remitaq; cum
uxore communicat; quæ (vt erat præstanti virtute ac
pietate mulier) consilium vehementer probauit: illud
solummodo monuit, vt quàm occultissime abiret, ne in se
Regis iracundiam prouocaret. Quocirca nauem Christi-
anus intempesta nocte conscendens, Bungum iter inten-
dit: cuius discessu postridie cognito Rex, partim quodd eius
opera admodum indigeret, partim quodd se inconsulto in-
uitoq; abisset, iratus, nauigio statim instructo, misit qui
hominem persequerentur. Iamq; magno suo bono e fini-
bus Firandensis regni in Reguli cuiusdam ditionem eua-
serat; cum superuenientibus qui ad eum capiendum mis-
si erant, Reguli iussu, cui cum Firandensi rege amicitia
intercedebat, eodem Rege postulante oppressus, & in cu-
stodiam traditus est. Firandi vbi cognitum est illum in-
uentum fuisse, nec tamen vt rediret vlllo pacto adduci po-
tuisse; legauit ad eum Rex cognatos ipsius nonnullos,
qui ad redeundum hortarentur: sed vxor contra per lit-
teras ei suavit a suscepto itinere nequaquam desisteret,
bonoq; animo esset, se laborum ipsius periculorumque bre-
ui consortem futuram. Sed videlicet currentem incita-
bat. Cosmus autem vbi id rescivit, egit cum Rege Bungi,
vt Christianum ab regulo per litteras impetraret: quas
qui pertulit litteras, offendit hominem magna in Deum
fide, speq; subnixum, de se ipso autem adeo demisse, ma-
leq; sentientem, vt non modo qui Bungum ad Confessio-
nem incolumis perueniret, sed qui vlllo prorsus beneficio
afficeretur a Deo Domino nostro, se prorsus indignum af-
firmaret: tantoque in se ipsum odio erat incensus, vt ad
quo-

quotidianas verberationes, & precandi assiduitatem, alia quoque voluntaria supplicia adiungeret, tanta cum sui cognitione, vt precibus Christiani, qui regiam epistolam attulerat, adduci nequiuert, quicquam vt de instituta vite austeritate remitteret. Denique solutus Bungenum egre peruenit tanta animi sui cum voluptate, tantasque Deo gratias agens, vt rem verbis assequi nequeam. Cuius aduentus cum ad cetera multa profuit, tum ad Christianorum fidem, ac spem in Domino augendam. Eum Cosmus, pueris, quos alimus domi, instituendis praefecit, & pijs quibusdam libris in Iaponicum sermonem vertendis. Magnum apparet in eo precandi studium, & caritas; & licet extrema iam aetate sit, vix vnquam cessantem reperias. Eum Dominus ad finem vsque conseruet.

Per idem tempus nobilis quadam mulier primarij cuius vxor ex familia regis Bungenfis a damone agitata, per campos tanto cum ululatu, atque impetu ferebatur, vt a nemine contineri posset. Hanc sibi Cosmus a Christiano quodam insigni viro commendatam ad se perducit, & in cubiculo publici valetudinarij perpetuis custodibus adhibitis, collocari iussit. Et quoniam in spem venerat mulier, se Baptismi beneficio sanitatem esse recepturam, habebatque mentis eius animique vexatio dilucida interualla; ijs opportune Cosmus est vsus ad eam Christianis praeceptis rite imbuendam. quibus vt satis erudita visa est, in magna Christianorum corona, eam Dominico die baptizare constituit. Erat mulier tum sane quieta, sed cum primum caput salutari aqua perfundi captum est, tanta repente vi se commouit, clamoreque edidit ita magnos, vt omnes quotquot aderamus perterrefecerit. Tum Cosmus a quattuor viris apprehensam teneri ad finem vsque

Baptismi

Baptismi imperauit. quo absoluto misera fractis viribus concidens, inter famulorum manus in Hospitale cubiculum est relata. Ex eo tempore nullum eiusmodi incommodum, aut molestiam hucusque perpeſſa est. quare & Christianorum fides non mediocriter aucta, & maritus ipsius ita permotus est, vt ab Rege petierit, vt sibi per eum liceret Christiana sacra suscipere: quod ei Rex ita prolixè, libenterque permisit, vt diceret gratum sibi fore, si eum reliqua familia imitaretur: itaque baptizatus ipse cū liberis, cognatis, & famulis, sane quā in virtute proficiunt. Ego interea vires e morbo collegeram. quocirca mensis Octobris initio misit me Cosmus, comite e Christianis domesticis vno, ad templa quinque visenda, varijs locis agri Bungensis commodo Christianorum exstructa. mensem in eo itinere posui, multos baptizauī barbaros; Christianos autem docui, qua ratione templa concelebrarēt, sermonesq; inter se de religione sererent, si quando Bungum venire non possent. quasdam etiam areas defixis Crucibus Christianorum sepultura dicauimus: denique in singulis templis benedictum, seu piaculare granum relictum cum codicillo, qui descriptas grani indulgentias contineret. Inde Bungum reuersus, Cangoximam mense Decembri profectus sum. profectionis causa fuit Emanuelis Mendozæ cum sex Lusitanis aduentus, qui vt per Confessionem peccatis sunt absoluti, Cosmum rogarunt etiam atque etiam, vt me Cangoximam ad hyemem ibi cum ipsis exigendam, Christianos visendos, & promulgandum barbaris Euangelium mitteret. id ipsum Regi quoq; Cangoximano fore gratissimū, quippe qui magnā eius rei voluntatem scriptis ad Proregem India litteris, itemq; ad Antonium Quadrium eidem prouincia pro Societate Prepositum, ostendisset. Bungo igitur (vt dicebamus)

nus) profecti, gelu, & frigoribus maximis, quadriduo ad
 mare peruenimus: cum semper, vbi sub vesperam constite-
 ramus, verba de rebus diuinis ad barbaros fecissemus. In-
 de solutis anchoris, inter nauigandum, aduerso vento in
 oppidum sano frequens coacti descendere, cum spectaculi
 nouitate permota (nunquam enim Lusitanos antea vi-
 derant) magna incolarum vis ad nos conuenisset, per eam
 occasionem eis Euangelium nuntiauius: quo illi audito,
 obstupefacti, ad nos audiendos iterum ac tertio rediere,
 atq; vniuersi pœne professi sunt, nisi Reguli metus obsta-
 ret, se Christo nomina libèter daturus, idq; eo cum animi
 dolore sensuq; vt nos ad misericordiam prouocarent. Di-
 xi me cum Regulo acturum (qui Bungenfis Regis est sti-
 pendarius) vt cuilibet Christiano esse impune liceret,
 eosq; solatus vt potui, ex eo loco discesi. digressu meo la-
 cryma nonnullis oborta, vt si diu mecum vixissent, apud
 quos non toto biduo fueram, ex quo facile iudicare possi-
 tis, quanta sit huius gentis ad humanitatem, religionemq;
 propensio. Angunem delati, & a Regulo peramanter ex-
 cepti, vt primū opportunum est visum, de rebus diuinis, &
 animorum immortalitate cum eo colloqui cepimus, mul-
 tisq; sermonibus vltro citroq; habitis, cum etiam familie
 partem a cœna ad audiendū accersisset, sera iam nocte ab
 Rege dimissi, nauarchum quendam Lusitanum sane tem-
 pestiue conuenimus: cū enim nostra hortatione permotus,
 concubinā, ex qua duas susceperat filias, iusta cū dote in
 matrimonio legitimo collocasset, paucis post diebus est mor-
 tuus. Ex eo portu Tamarim tendentibus, vbi Emanuelis
 Mendoza naus in statione erat, arx in itinere occurrit
 Hexadoni viri principis, in edito mōte posita, omnium, quas
 in vita videre me memini, & loco, & opere munitissima.
 quippe quam decem fere propugnacula cingunt, inter se
 non

non nisi ponte subdutili peruia, magnoq³ interuallo distantia, fossis ita profundis, vt despicientium oculis altitudo caliginem offundat, perpetuo (vt aiunt) silice feramenti exciso: quod equidem vix hominum manu fieri potuisse crediderim. ibi cum Hexandoni vxorē, & quatuordecim præterea Christianos multis iam annis Franciscus Xauerus fecisset, mihi faciendum existimaui, vt me ad eos consolandos, confirmandosq³ conferrem. qui me omnes, sed vxor præsertim Hexandoni amicissime acceptum multa tum de Francisco Xauerio, tum de Bungenfi, Meacensi, ceterisq³ in Iapone constitutis Ecclesijs percontati, feliciq³ ipsarum progressu valde latati sunt. me autem iccirco etiam libentius viderunt, quodd iamdiu neminem omnino e Societate nostra conspexerant. quo toto temporis interuallo eos in Christiana fide partim senis cuiusdam Christiani, honorati viri velut magistri familie studio, partim etiam quibusdam miraculis diuina prouidentia retinuerat. Relictum sibi libellum descriptis Xauerij manu Litanij, alijsq³ precandi formulis, aque ac sacras reliquias pia mulier admodum religiose custodiebat, experta virtutis remedium. Etenim agrotos complures, in ijs Hexandonum iam desperatum, corporibus ipsorum impositus libellus ille sanauerat. Nec minore cura senex traditum sibi ab eodem seruabat flagellum, quo singuli Christiani interdum (nec enim sapius permittebat ille, veritus ne vsu nimio attritum absumeretur) sese cadere consueuerant. quodd eam rem non solum animis, verum etiam corporibus suis prodesse diuinitus intelligerent. itaque mulier ipsa quam diximus, morbo grauissimo implicita, cum varia medicamenta frustra tentasset, ad ipsum flagellum postremo confugiens; Francisci Xauerij, vt putandum est, meritis continuo in pristinam valetudi-

rudinem est restituta. cum omnibus igitur de re diuina familiariter colloquutus, ara etiam excitata cum sacratissime Virginis imagine admodum eleganti, quam eo mecum attuleram, pueris nouem, in ijs duobus Hexandroni filijs Baptismo lustratis (quos iam senex ille Christianis rudimentis imbuerat) incredibili cum eorum merore postridie mane discessi, commeatu ab ipsis affatim instructus, atque pollicitus me in reditu quindecim dies apud ipsos commoraturum. Cangoximam simul atque peruenimus, Regem adiui confestim, eoq³ collaudato quod Euangelium in suo regno promulgari cuperet, multisq³ prater ea verbis habitis, petij, vt liceret mihi in presentia Tamarim vsque ad Lusitanorum stationem excurrere. quod ille cum permisisset ea tamen conditione, vt auum ipsius ex itinere inuiserem; Tamarim tridui itinere, diuertentes ad Regis auum, ire perreximus, maxima niuium copia, qua aciem oculorum retunderet, viaq³ teterrima, occultis passim occurrentibus foveis, e quibus iumenta sese ægre admodum expedirent. In eo igitur portu, egrotis primum curatis, quorum ingens erat numerus partim sentitia figorum, partim etiam cibariorum inopia: deinde barbaris nouem, qui id ipsum a me diu, multumq³ contenderant, baptizatis: certo prater ea nauis loco, ad fœminarum tutelam de Iaponijs coemptarum (quas illi ex ora Smarum aduexerant) custodibus binis apposis: denique communi cōsilio indicta pecuniaria multa, si quis temere iusurandum vsurpasset; (late enim patebat hoc vitium) Cangoximam redij, & conciones ad Christianos habere institui. nam ethnici veriti Bonziorum offensionem, ad nos venire non audebant: quod ego cum animaduertissem, cepi consilium familiaritatis, si quo modo possem, atque amicitia cum Bonzijs ineunda, quo deinde populus

ad nos maiore cum fiducia veniret. Erat in eo ordinē vir quidam insignis magna etiam ante id sacerdotium existimatione, tum vero & Regis ipsius consiliarius, & amplis cœnobijs tribus summa cum potestate prapositus. Hunc igitur adi, collirio ad oculos curandos, quibus ipse laborabat, allato: atq; ille meo sane quāmlatus aduentu, sibi valde optatum fuisse dicebat, quæ X auerius disputaret, cognoscere; sed interpretem defuisse. Inde me multa de summo rerum opifice, de immortalitate animorum, de tempestatū varietate, terra tremoribus, pluuijs, alijsq; rebus huiusmodi interrogans, magna sua cum voluptate totam eam noctem apud se detinuit. Quibus ille sermonibus captus, cum ad me sape, alio item Bonzio comite, ego vicissim ad illum familiariter ventitarem, cumq; doctrinam nostram cum apud alios, tum apud Regem ipsum ita collaudasset, vt Rex Xixona (hoc est sanctam rem) publice responderet; vel eo Regis testimonio, vel confirmata atq; illustri mea cum Bonzio consuetudine animati barbari ad nos audiendos venire ceperunt. Ex quibus multos Deo adiunūte ad Christū adiūximus. In eo numero fuere primarij duo Regis ipsius cognati, quos Catechismo institutos vna cū vxoribus et parte familiæ (triginta quinq; in vniuersum fuere) baptizauimus. quorū deinde omniu ope ac studio sacrū Deo Domino templum exstructū est.

Rebus ita constitutis, per Christianum nuntium in arcem Hex andoni magnis precibus accersitus, optimis cum Christianorum, tum etiam ethnicorū studijs me magnopere expetētium deesse non potui: e quibus circiter quinque primarij audito aliquoties Euangelio in Ecclesiam adscripti sunt. in ijs quidam adeo excellenti ingenio, vt in commentarium relatis ijs, quæ de me didicerat, librum confecerit exorsus ab ipso mundi initio, ad vsque Christi Domini

Domini nostri in terras aduētum, eius præcipue cruciatibus singillatim enumeratis. quæ ipsius lucubratio & hominibus illis, & alijs etiam populis, ad quos eam ego ipse deinde circumtuli, maiorem in modum profuit. Idem iussus a me Iaponica quadam scripta de Christiana religione describere, mandatum ita auide arripuit, ut opus vniuersum (omnino chartis quinque & quinquaginta constabat) vnius dimidiatique diei spatio absoluerit. Hunc ego, & Hexandoni filium natu maximum, quem Xauerius baptizauerat, docendis in templo ceteris Christianis præfeci, regula præscripta, quam in eo munere obeundo tenerent, quam quidem in rem, ut quibus otium suppetit, diligenter incumbunt, præsertim vero librarius ille, quem dixi, qui quidem Christianis lectionibus, & commentationibus mirifice delectatur, seq̃, cum libro quem a me descripsit, in lucum abdens, quæq̃, legit ex eo secum identidem reputans, tanta voluptate perfunditur, quod ad hanc Deirerumq̃, celestium cognitionem peruenerit, ut lacrymas præ gaudio continere non possit. Is ipse in Christianorum cœtu post Litánias publice decantatas interrogatus a me quidnam esset factururus, si Rex ei diceret, Christiana sacra fac deseras, quoniam ex meis populis es, meisque sumptibus victitas; responsurum se dixit ilico: Here, vis ne me in te sine fuco ac simulatione beneuolum? in re tua familiari procuranda fidelem? vis me submissum? vis perferentem iniuriarum? vis denique in omnes clementem, ac benignum? iube me esse Christianum. hæc enim virtutes omnes vna religio Christiana complectitur. Ac ceterorum quoque Christianorum (ad quorum numerum ibidem alij septuaginta per eos dies accessere) egregia pietas, assiduus precandi studium. mirus inter se amor atque concordia cernitur. vna

tantum res ipsorum animos vehementer angebat, quoddam Hexandonus communium meritorum Ecclesiae expers tam diu in Iaponica superstitione persisteret, pro cuius conuersione cum preces ad Deum, lacrymasq; (uxor ipsius praesertim) quotidie funderent: tum ego uxoris rogatu hominem adij, & ex eo quaesivi, cur veritatem saepe iam cognitam depositis Iaponiorum erroribus sequi negligeret. Tum ille Deum testatus Christianam religionem sibi plane probari, secus permissurum se nequaquam fuisse, ut eam familia sua tota susciperet; vna re quo minus eos imitaretur, impediri se dixit, quoddam vereretur, ne grauius animum Regis offenderet: sperare se Deo propitio fore aliquando, ut Rege ipso libente, Christum, quem intimis sensibus adorabat, palam ac libere profiteri posset. quo illius responsa Christiani valde letati sunt. Ex eo loco rursus ad Cangoximanos reuersus, Cosmi litteris per Christianum Bungensem ad me perlatis eo consilio sum reuocatus, ut ad Regem Vocoxiura proficiscerer, qui nos in suum regnum liberalissimis conditionibus inuitauerat: cum praeter alia multa, & Lusitanis omnibus in eum portum commeantibus, quicq; cum ipsis negotia contraherent, in decennium ab omni portorio immunitatem se daturum esse promississet; & quicquid circa est agri ad passuum octoginta millia Cosmo obtulisset, ut intra eos fines ethnicus nemo ipsius iniussu habitare posset. Cangoxiima igitur institutis qui Christianorum cœtu in templum statis diebus aduocato, doctorum vice ac munere fungerentur, baptizatisque ijs, qui iam ad id Sacramentum idonei videbantur, ceteros quibus potui verbis sum consolatus: duos praesertim Bonzios illos, de quibus dixi, quos in discessu meo perquam studiose CHRISTO nomina profitentes, in aliud tempus iccirco reieci, quoddam curan-

curandis Iaponico ritu Regis procerumque funeribus, nullaratione se posse desistere dicerent, eaque re Christianiana sacra, quae ipsi apud se taciti colerent, minime pollutumiri arbitrantur. denique a Christianis vario com-
meatu peramater instructus, & magna cum doloris amorisque significatione dimissus, ad arcem Hexandoni (quae ab oppido Cangoxima passuum abest decem & octo millia) dum nauis paratur, biduum substiti. atque inde incredibili Christianorum dolore, ac gemitu ipsis etiam ex arce summa feminis ad mare me deducen-
tibus, &, quasi in eo salus omnium vereretur ita me ut celeriter ad se redirem enixe rogantibus, conscendi, & decimo septimo die Bangum magna nostrorum gratulatione perueni. atque inde tertio Nonas Quintiles Vocoxiuram, qui locus ultra Firandum est quattuor & viginti passuum millibus, discessi. quo ut perueni, salutatis ex itinere Facatensibus (qui cum initio diu multumque Euangelio restitissent, bellis deinde perdomiti ac velut subacti, diuinum semen libentius acceperunt, bonamque in primis virtutum frugem tulerunt) Regem Vocoxiura primum adij, qui me honorifice sane bis conuiuio excepit. deinde cum eius ministro, qui Regis ipsius nomine ad Cosmum litteras dederat, de re communi agere institui. cumque ille quedam ex ijs, quae per epistolam nobis ultro detulerat reuocaret, faciendum mihi existimaui, ut ad Cosmum scriberem, eique totam rem integram reseruarem. Ad portum igitur reuersus, dum in Christianos ex instituto adiuvandos incumbo, Firando nuntij perferuntur, quanto cum rei Christianae adiumento Damianus Iaponius familiaris noster excellenti pietate virtuteque iuuenis, qui nuper Facatensibus quoque summa cum omnium admiratione operam nauarat egregiam, in eo oppido versaretur.

nec ita multo post quadam parantibus nobis, quæ ad Cosmum mitterentur, ecce tibi repente affertur ipsum adesse Cosmum. Primo incredibilis visa res: ea Cosmi atas, ac valetudo, ea difficultas itinerum est; sed ubi iam ad portum applicuit, quanto gaudio affecti simus facilius est vobis existimare, quam mihi scribere. is me confestim ad Regem legauit, ut cum eo rem omnino transigerem. quod ego cum fecissem ablati etiam syngraphis, Bungum ipsius Cosmi iussu ad epulas in adibus nostris (id enim semel in anno solenne est) Regi Bungensi parandas excurri: quo secum ille filium heredem regni futurum meo rogatu cum proceribus duxit. Cumque in eo conuiuio candidati pueri nostri domestici quattuor, magna cum omnium delectatione fidibus canerent, Regis filius mensa relicta sese ad aequales suos hilariter, ac festiue recepit; puer ille quidem, ac pene potius infans (annum quippe agit quintum) sed in quo sensus animi ac ratio longe præcurrat ætatem. Bungo rursus Vocoxiuram reuersus, qui locus a Christianis incolitur, habetque in monte summo Crucem, quæ eminens valde conspicitur a Petro Barretonauarcho Lusitano defixam, quod eodem loco tribus deinceps diebus sub vesperam, inspectante se, aliisque compluribus, sublime in aere signum Crucis apparuisset; Cosmum sanctissimis (ut solet) occupationibus districtum offendi. Tanti ad eum Confessionis & Eucharistie causa concursus undique Christianorum fiebant, ut omnis perturbationis vitanda causa, triceni per vices ordine sibi succedere iuberentur. quorum erat ita magna in Cosmum obseruantia ac veneratio, ut coram eo oculos attollere non auderent: tanta religio ac pietas, ut in sacris mysteriis obeundis, ac præsertim in corpore Christi sumendo copiam lacrymarum effunderent: ea denique animi vir-

tus,

rus, ac probitas morum, vt barbari ipsi Christianorum virtute admiratione sese colligerent, & seueriorem vltro disciplinam induerent. Per eos dies Facatensium Praefectus nauigium cum hominibus fere triginta ad Cosinum misit rogatum, vt quoniam ires e militibus suis in praelio scelopis icti grauius agrotarent, opem illis ferre ne grauaretur. Fecit Cosinus, vt Facatam e domesticis nostris adolescentem Iaponium mitteret chirurgie laude praestantem, qui non modo vulnera extractis artificiose glandibus mira felicitate sanauit, sed etiam oblatam sibi mercedis loco magnam argenti vim, stupentibus barbaris constanti animo excelsoque repudiauit. Qua re commotus Praefectus, vt nos aliqua ratione remuneraretur, immunitati nostra toto sua ditiois imperio, qua saepe nobis iter habendum intelligebat, publicis diplomatis bus cauit.

Restat vt epistolam hanc eximia indolis adolescentuli commemoratione concludam: in quem cum omnia & animi & corporis bona quasi secum ipsa certans natura con-gesserit; tum etiam dona accessere caelestia, quae singulare pueri ingenium, memoriam, oris corporisq; totius dignitatem ac speciem multo admirabiliorem efficerent. tanta enim in eo castitas ac sanctimonia cernitur, vt octauo quoque die post Confessionem rite peractam caeleste Eucharistia conuiuium non sine lacrymis ineat: tanta vero animi submissio, & humilitas (cum illustri admodum loco sit natus) vt Bungum ad eam inuisendam Ecclesiam a Gaspare missus ex vrbe Sacao, bona cum parentum venia, quos puer precibus expugnauerat, eo simul atq; peruenit, vt scilicet vnus e Christianorum grege videretur, non modo comam sibi totoderit, quod in Iapone valde inusitatum est, verum etiam omni delicatiore cultu ornatumq; abdicato;

de contemnēdo seculo publice disputare instituerit. Idem in patriam a parentibus reuocatus, Vocoxiuram, vt inde Sacaium renauigaret, a Cosmo perductus est. quem aiunt ex itinere in vrbe Firando apud vxorem Antonij viri principis, eiusq; ancillas, cum se per id tempus ad sacram Confessionem pararent, de Pœnitentia sane opportune verba fecisse. quam ille Christiana philosophiæ partem iam antea sapius a se tractatâ callet egregie. Huiusmodi pueri sunt (fratres mihi carissimi) quorum opera faces amoris diuini Deo adspirante Iaponiorum cordibus iniectum iri speramus: atque ob id ipsum apud nos delectam eorum manum Societatis nostræ præceptis atque institutis imbuimus. Interea Socios omnes nostros per Iesum Christum obtestor, ab eo precibus impetrent, vt mihi vitam ponere in ipsius obsequio ac famulatu concedat. ex Iapone. octauo Cal. Nouemb. 1562.

EXEMPLVM REGIS CAN- goximanorum epistolæ ad Lusit- tanum Indiæ Proregem.

ANno superiore cum duo ex Societate IESV meum in hoc regnum concionandi causa venissent; bellicis occupationibus impeditus, quem & ego cupiebam, & ipsi merebantur honorem, illis habere non potui. Eadem fuit causa, cur Lusitani ad Omangum portum naui delati, non modo perinde ac desiderium meum, & ipsorum dignitas postulabat, accepti non sint; sed etiam pro piratis habui, quibus ora maritima per id tempus erat infesta, commisso pralio

prelio Alphonsum Vazium non sine meo quidem dolore,
 e suorum numero amiserint. Tu si ad me litteras dederis,
 magno me decore auctum atque ornatum existimabo,
 atque ipse vicissim ad ad te scribam quotannis. Lusitani
 vero, vel sacerdotes tui si ad me cum tuis litteris vene-
 rint, eo erunt apud me loco, qui rebus tuis iure debetur.
 Xaxuma. anno quarto.

EIVSDEM REGIS LITTE-
 rarum exemplum ad Antoniũ Qua-
 drium Indiæ prouinciæ pro So-
 cietate IESV Præpositum.

Socij duo Cosini Turriani, qui Bungi versatur,
 meum in hoc regnum se contulerunt, quorum
 ea est animi magnitudo roburque, ea in dicen-
 do vis atque doctrina, vt mihi caelestia quada-
 m tonitrua esse videantur. Sed illud in primis admiror,
 aut Lusitanos mercatores negotiorum causa, aut vestri
 ordinis homines vnius rerum opificis gratia (praesertim
 cum ita late pateat propiusq; absit India) e remotissimis
 regionibus totum pæne terrarum orbem circumeuntes,
 ad aquam calidam ebibendā paruas in hasce insulas tam
 longa, & periculosa nauigatione contendere. Sane, ante
 Christiana sacra suscepta nihil erat in his locis, prater
 calores maximos: vt mihi Socij vestri Nauabangi, quasi
 ventilatores videantur, qui corda mortaliū saluari au-
 ra opportune resfigerent: qui profecto libenter meum in
 hoc regnum est cur veniant, quamuis exiguum. nam vt
 alibi aduersos maris aestus, hic quidem certe semper se-
 cundos offendent. Ac licet populares mei Christiani ipso-

rum praesentia destituti, se interea Crucis aspectu excelsoloco sublata sustentent; meum mihi tamen hoc regnū a Socijs vestris relictum, quandam obducti nubibus caeli, aut Solis propria luce defecti repraesentat imaginem. Simuletiā Lusitanos negotiatores, quorum mihi perspecta fides ac probitas est, in mea ditionis terras commeari mihi gratissimum fuerit: qui sic habeant, se non modo ab omni iniuria tutos fore, sed etiam amicissime, liberalissimeq; tractatum iri. nec latronum insidias metuant, qui, quibus in oppidis Christiani sunt, nulli versantur. Te quidem certe obsecro, ut de tuis aliquos primo quoque tempore mittas, quos ego magno cum desiderio in ipso litore opperior. Date anno quarto, mense septimo, octavo die, & vigesimo.

LIBRI TERTII FINIS.



DE


DE IAPONI-

CIS REBVS EPI-

STOLARVM LIBER

QVARTVS.

GASPAR VILELA
Societati IESV.

 Nno 1561, Augusto mense
urbem Sacaiū ingressus sum,
qua in Septentrionem sita,
gradus obtinet quinque &
triginta, & semis. Cūque
Euangelium in ea promulga-
re cepissem, multos reperi,
qui verum id esse fateretur,
sed quo minus ex eo viderent, fama & existimationis
ratione impediri. gentem enim diuitijs affluentem, &
dignitatis in primis audam facile absterret diabolus, in-
iurijs & contumelijs proponēdis, quibus in hac vita Chri-
stiani fere semper obnoxij degunt, si ducem ac liberatorē
suum imitari voluerint. quo fit, vt agre admodū Sacai-
ani ad Baptismum accedant. quanquam in ijs ipsis dif-
ficultatibus quadraginta circiter baptizati sunt, in qui-
bus erant milites quattuordecim pratoriani, quorum ita
insignis, vite morumq; mutatio constitit, vt ex lupis agni-
mansueti non sine magna omnium admiratione facti esse
videantur.

Atque vt Sacaium per eos dies Meaco discederem,
di-

diuinitus equidem factum existimo, ne videlicet in ea pericula inciderem, quæ mihi nec opinanti imminabant. Etenim mense postquam inde excessi, Meacum quadraginta millium armatorum obsedit exercitus: quæ etiam causa fuit, cur ad Christianos, sicuti promiseram, non redirem. Illius autem belli incommodis hæc Sacaij vrbs fuit immunis, in primis Iaponis totius contra omnes hostium impetus munitissima, nam ab Occidente alluitur mari, ab alijs vero partibus fossa cingitur profundissima, & aquis plena perpetuis. Atque etiam intestino omni tumultu, ac seditionibus vacat, nec rixæ fere audiuntur. cum enim vrbs viæ suas quæque portas, & custodes habeant, statimq; cum opus sit, occludantur; nullus noxijs ad fugam exitus patet, sed continuo comprehensi ad tribunalia pertrahuntur. Quamquam ij, qui inter se inimicitias gerunt, si alter alteri ad iactum lapidis extra mœnia occurrant, se inuicem male admodum accipiunt. Sed ad bellum Meacense reuertor, cuius exitus fuit eiusmodi. Cognita vrbs obsidione patruus Regis, confestim ei cum exercitu in subsidium venit: huic obuiam iere ex altera parte Neugori Bonzij, qui hominum ordo quandam militiæ Rhodiæ speciem refert. Castris igitur Meacum inter, & Sacaium locatis, crebra prælia committebantur: ita tamen, vt res Bonziorum semper esset superior. denique vigesimo die, cum ad vniuersam dimicationem ventum esset, Regis patruus victus, quoddam in castrum confugit. Rex autem Meaci, eius rei nuntio audito, se in arcem recepit vrbe deserta, quæ ab hostibus capta, rapinis incendioq; vastata est. ijdem sequenti victoriam, signis ad castrum de quo diximus, motis; patruus Regis, eiusq; copias omnino delere parauerant; cum Rex Meaci exercitu viginti millium hominum quàm occul-

tissime instructo, & ingenti flumine superato, hostes re-
 pente nec opinantes tanto impetu oppressit, ut cum essent
 ad hominum triginta millia, fusi fugatiq; sint. quos Rex
 deinde coniunctis cum patruo viribus fugientes Meacum
 usque insecutus, tanta ipsorum cade urbem recepit, ut
 multos in annos ea victoria debellatum esse existimeretur.
 Itaque aduersa factio extremam sibi perniciem metuens,
 pacem ab Rege petijt, seq; interponente Vo, siue Cubo,
 qui rebus ad honorem, dignitatemq; pertinentibus toto
 Iapone praesidet, impetrauit. In his tamen belli periculis,
 & calamitatibus, templum nostrum Dei beneficio inte-
 rrum, & incolume perstitit, & in ipsa obsidione Lau-
 rentius Iaponius Meacum bis penetravit (nam me ipsum
 per litteras Cosmus ante sedatos tumultus eo redire pla-
 ne vetuerat) semel ad celebrandas cum Christianis Na-
 tales Domini ferias: iterum ab iisdem euocatus ad gra-
 tias principibus ciuitatis agendas, qui Bonzios cum tem-
 plum nostrum per vim occupassent, iniusta possessione ma-
 norum bonorum gaudio depulerant. Toto eo belli tempore,
 quod annum circiter viguit, pia quadam munia Christi-
 ani Meacenses obiere, tribus in singulos menses homini-
 bus institutis ad pauperum incommoda subleuanda elee-
 dosynis, quae ob eam ipsam rem in commune confereban-
 tur: cum etiam semel in mense in consilio publico de ipso-
 rum pauperum commodis ageretur. mulier vero Christi-
 ana in primis locuples, & honesta, cum liberos non ha-
 beret, partem suam bonorum a marito obtinuit, eamq;
 mendicos, lepra ulceribusq; tota urbe finibusq; Mea-
 ensibus laborantes, quamquam nonnullis obrectan-
 bus Bonzijs, magna tamen ceterorum omnium, qui ni-
 l vnquam simile viderant, admiratione, atque appro-
 batione distribuit.

Mul-

Multa in his locis cœnobîa Bonziorum visuntur, in quæ (vt aiunt) pœnitentiæ causâ se recipiunt, qui mundo nuntium remisere, densis adeo tenebris obcœcati, vt nefaria flagitia in hisc cœnobîjs admittere nulla religio sit. nam discrimine recte vel perperam facti confuso, seditionibus, furtis, rapinis, cadibus, cuncta miscentur. Quam etiam ob causâ ex ijs quidâ nomine Cacubau, vt ex ea videlicet hominum colluione, faceq³ emergeret, socîjs aliquot secum adhibitis, Bonziorum formam instituit, eorum qui Neugori nominantur: quorum alij precibus vacant, alij militia, alij quinis quotidie singuli perficiendis sagittis. Arma vero semper habent parata, principemque familie suæ Cacubau in deorum numero venerantur. Rectorem cui pareant, habent nullum. viribus namq³ certatur & quamquam in cōsilijs, qui etate præeunt, priores sententiam rogantur; suffragiorum tamen vis, & iura vsque adeo promiscua sunt, vt quod reliqui omnes communi sententia decreuerint, vnus modo si intercesserit, prorsus impediât. Itaque ad vnam eandemq³ deliberationem toties conuenitur, quoad plane dissentiat nemo. Vbi vero tenebræ se intendere, sepe sese inuicem perimunt, ac diripiunt: nec tamen iccirco se violare leges existimant; cum ijdem muscam, aut passerem necare nefas ducant, quodd legibus suis viuēs quicquam vetentur occidere.

Nunc paucis exponam, quod anno superiore me fugit, Iaponij miseri cum ad sedes, vt ipsi putant, beatorū migraturi sunt, qua ratione se ad iter accingant. Eas autem esse varias opinantur: alias infra maria, alias alibi, certis præpositis dijs, qui a quibus in vita culti sunt, eos in suum quisque domicilium præmij loco perducant. atq³ ad infernas quidem sedes qui profecturus est, hoc maxi-

me modo se comparat. Dies complures stat vigilans, & ex quodam quasi suggestu de mundi contemptu concionatur. huic alij sese comites adiungunt, alij stipem elemosynæ causa largiuntur. nouissimo autem die orationem habet ad comites, qui pro amicitia simul omnes epoto vino, paruū nauigium conscendunt, imposita falce ad spinas rubōsque qui occurrunt in itinere praeidendos: nouisque induti vestimentis, manicas lapidibus infarciunt: ad collum autem ingenti saxo religato, quocitius ad paradysum illum suum perueniant, sese e nauigio sponte praecipites dant. Quem mihi videre contigit, hunc septem comites sequebantur, qui quidē tanta cum animi alacritate & gaudio in mare sese proiecerunt, vt nouitate spectaculi plane obstupuerim. Qui autem Amidas venerantur, alium ritum obseruant. Cum eos tadiū cepit vita, in specum ad instar dolij, in quo consistere possint, sese coniungunt, superne ita contextum, vt vna tantum ex arundine perforata spiritum ducant. atque ita ieiuni ad mortem vsque persistunt, asidue Deum illum suum, seu potius demonem inuocantes. Nuper in hac vrbe Sacaio contigit (quod tamen vt audio haud insolitum est) vt Bonzius quidam pecuniosus, omni scelere ac nequitia infamis, annos natus septuaginta, cum in morbum incidisset, se mori nolle affirmaret. Idem interdum comens repente ex omnium conspectu prorsus ablatu est: quod ipsi quoque Iaponij malum & infaustum interpretantur. Est autem in his locis opinio e falsis vatum predictionibus, ex hoc tempore omnia fore semper pacata. id autem a ratione confirmant, quod annus hic post millesimum & quingentesimum alter & sexagesimus; postremus sit vt ipsi aiunt) inferiorum, quos a quadringentesimo septuagesimo numerant: & propterea hoc anno dicunt
faci-

facinorosos omnes bello consumptum iri, vt pax in posterum vigeat, quam illis Dominus noster dare dignetur, quo latius sanctissima ipsius lex atq; religio peruagetur.

BALTHASAR GAGVS

Societati IESV.

Qui status esset rerum Iaponicarū, & quibus Deo fauente laboribus in vrbe Facata perfuncti essemus, per litteras vobis exposui anno 1559. nunc ea perscribam, quae mihi Goam ex Iapone petenti in itinere sesquiammi spatio contigerunt. Cum certis de causis Cosmo Turriano necessarium visum esset, vt aliquis nostrum proficisceretur in Indiam; ego eam peregrinationem obire in usus commune vno e fratribus qui calum Iaponiā non ferebat, Rege, Socijs, & vniuersa Bungi Ecclesia salutata, sexto Kalend. Nouēb. 1560, iuncū (navis genus id est) vterq; conscendimus, & duodecim dies vento vsi sumus ita secundo, vt nobis iam in conspectu esset ora Sinarum, postridieq; nos putaremus portu Veniaga potituros, vbi semper quingenti, aut sexcenti Lusitani morantur. vectores igitur & reliqua naualis turba, prospera navigatione plus aequo elati, prematuris gratulationibus atque conuiuijs commeatum nauticum consumere atque exhaurire caperunt. In hac animi iucunditate, cum ita prope ab continente abessemus, vt quolibet vento litus teneri posse videretur; eo ipso die sub vesperam aduerso repente vento increbrescente, imbrisq; densissimis tam saeva tempestas exorta, adeoq; ingentes excitati sunt fluctus, vt iuncus modo attolleretur altissime, modo infime magno omnium cum horrore desideret. Augebat perturbationem ac metum, cum intempesta nox caecaq; tenebrae;

tum

tum minantes circa scopuli. quo in discrimine cum aduerso flatu retineremur, ecce tibi noctis hora circiter decima gubernaculum nauis effractum in mare delabitur, quo amisso de huiusmodi nauibus plane actum existimatur. statimq; propterea præciditur malus, ne iuncus ex vehementi agitatione mergatur: & simul ipsa quoq; vela cum antennis in mare prolapsa sunt. Tū vero omnes longe alijs ac pridie sensibus animi, serio de morte cogitare, certatimq; ad Confessionem concurrere incipiunt, tanto omnes terrore perculsi, vt mente pæne emoti viderentur, neque iam in summa nauis quisquam appareret. vnus gubernator in vado explorando, contemplandoque per magnetem cursu totā eam noctē absumpsit. Postridie, sciuente adhuc mari, fufisq; armamētis, salutis spes iam fere nulla supererat. tantum argenti pondo ad aureorū centū millia vehebantur, quæ tali tempore nulli nobis vsui esse possent, cum ita vehemens esset agitatio, vt alterum in latius procumbente iunco, ima carina (Quillam vocant) appareret: & simul ex leuitate saburra, & pondere tabulæ non modo diu retineretur, quo minus in alteram partem recumberet, sed etiam compagibus resolutis, carina fatisceret. quocirca tertio tempestatis die malum alterum, qui stabat ad puppim, nauta præcidere, & mercatorum cubacula leuandi oneris caussa disturbare, ipsos deniq; foros e crassis trabibus asseribusq; compactos resoluere sunt coacti, vasto iam nauis alueo, ac propemodū vacuo. hic velum exiguum nauiclerus e mappis cubiliūque linteis & ornamentis, veste serica, alijsq; nonnullis, quæ tum sese obtulerāt, pro renata cōcinnat & comparat: quod ipsum statim impetu venti discerptum est. iamq; humane opis vnum illud supererat: validus nempe clauus ad extrema tempora reſeruatus, sed in ijs procellis

T

metu-

mezuendum erat, ne repositus ad puppim statim effringeretur. Verumtamen, ne in Bornei fyrtes incideremus, quo in loco nonnulla nauigia Lusitanorum e Sinis in Indiam cursu directo perierant (praesertim cum illuc nos impetus maris deferret, nec plus centum & quinquaginta millia passuum inde abessemus) tutius visum est gubernaculum restituere, paruumque sarcire velum quod vnum restabat. Sed omni iam veste consumpta, merentibus omnibus, quoddam nihil ad resarciendum occurreret; diuinitus factum est, ut quirimas iunci, obturandi causa scrutabantur, in sarcinam vestium inciderent, cuius antea non sine luminibus diu multumque frustra quaesita, cum merces in Iapone exponerentur, pretium domino magister navis aureis octoginta persoluerat. Ex hac igitur sarcina aduersus venti vim duplici velo confecto, & baculis quibusdam, arundinibusque, crassis aptato, clauoque summo conatu locato, quem ego prius precationibus pijs, & aqua benedicta rite lustraueram, ceteris eo tempore vota nuncupantibus variasque fundentibus non sine lacrymis preces; diem vnum, noctemque processimus: sed cum navis iustis careret velis, atroci tempestate usque adeo quassabatur, diffractum ut denuo sit gubernaculum. Tum vero seruandi argenti spes prorsus amissa. accersiti nautae barbari Sinae, ut vectoribus in scapham confugientibus, ipsi in iunco remanerent, aliamque sibi raptim exstruerent, se deliberaturos ea nocte respondent; inde ad sortes demonemque inuocandum conuersi: quod ego cum cernerem, orabam Dominum, ne nos demonis arbitratu interire permetteret. Mane, simul atque illuxit, nauta sese statim ad alium clauum reficiendum, scaphamque parandam expediunt. Clauus e refixis iunci tabulis reffectus, & collocatus, non diutius sustinuit impetum maris,

ris, quàm quanto temporis spatio Litanie recitatae sunt. quo magis in suscepta sententia persistebant Christiani, ut in scapham, quotquot ea caperet, sese reciperent, & iuncum una cum argento, ceterisq; deferrent. atq; ego sane liberaliter inuitatus in scapham, partim ne pericula adirem noua, partim ne plus ducentos mortales, scapha exclusos angustijs, omni solatio destitutos in iunco relinquerem, sacerdotes duos e nostris, & fratrem vnum imitari omnino decreueram, qui superioribus annis e Lusitania proficiscentes in Indiam, ad insulas Maldiuanas naufragio & fame perire, quàm scapham conscendere, quæ Cocinum incolumis tenuit, ceteris vectoribus desertis in extremo periculo vitæ, maluerant, inq; eo officio vitam naturæ debitam Christo Domino pie fortiterque reddiderant. Sed interea fabri lignarij quartum iam gubernaculum reparauerant, ad quod collocandum, pacemque a Deo exposcendam stipe a vectoribus in Hospitale domicilium Bungenfis Ecclesiæ corrogata, miserante Domino factum est, ut clauus is omnium infirmisimus nos ad continentem aliquando perduceret. Quindecim ipsos dies ea tempestate iactati sumus, quotidie (ut erant pericula) morientes. cum etiam vulgo neglecta, nec iam elauibus custodita argenti lamina pedibus traherentur. Eiusmodi quippe temporibus pauper spiritu est quilibet.

Initio tempestatis eius, vectores, nautasque mature monuimus, ut animarum saluti consulerent: qui in mea potestate se plane fore cum promississent, ego ut sublatiis peccandi occasionibus ad gratiam diuinam magis essent idonei, primum illud curavi, ut femina quæ vehebantur in naui, certum in locum abderentur, ubi quinque menses remotæ a virorum oculis perstiterunt: deinde ad

ceteros animandos confirmandosque conuersus, tantum Deo adiuuante profeci, vt qui principio abiectis animis concidissent, ad equitatem, ac fortitudinem reuocati, pro admissis in vita noxis leue sibi supplicium illud atq; incommoda ducerent: placandoque Domino certatim dediti, vel precibus ac litanij vacarent, vel sublati in calum oculis pia cum prece suspiria mitterent, vel alta apud se cogitatione defixi lacrymas funderent: alij etiã flagris semet caderent, alij mare sacris reliquijs, & aqua sancta lustrarent, alij deniq; nummos in cultum Diuorum a vectoribus peterent, quorum vis tanta collecta est, vt quindecim dumtaxat viri locupletes, aureos fere mille contulerint. Ac mihi sane credite fratres, in hac vita labores & incommoda esse expetenda, quippe quorum amaritudinem, magna suauitas, & firma spes comitetur: quod secus in rebus prosperis vsu venire vel primis nauigationis diebus clare perspeximus. Inter has igitur difficultates rursus in terra conspectum delati, & cum iam contenebrasset, nimia cupiditate prouecti, periculum fuit, ne vi ventorum ad terram allideremur. Sed ex eo periculo, cum primum illuxit, euasimus, & a Sinis nautis cognitum est, nos per magnam Sinarum ad insulam processisse, nomine Ainanem. ex qua insula nautici com meatus, & anchoralia a Sinis fere petuntur. hic dum portum subimus, qui in Septentrionem ad gradus decem & nouem est positus, in aliud repente omnium maximum vitæ discrimen incidimus. In ipso enim aditu iuncus in arenam bis adeo vehementer incussus est, vt plane iam carina dehisceret. ac pereundum nobis vtique fuerat, nisi Praefecti seu Limenarcha permissu, praesentem incolæ nobis opem tulissent: quos nonnullis donis remunerati descendimus 11. Kalend. Decemb. quem ipsum in diem

Præsentatio Dei matris MARIAE sacratissima Virgini inciderebat. & quoniam iunco afflicto, ac pæne iam dissoluto, ad portum Veniamam nauigare non poterat; Lusitanum quendam continuo ad Cantonem oppidum, atque inde Amacanem ad Lusitanos mercatores pedestri itinere misimus, qui de nostra salute iam desperauerant. Amacanem peruenit nuntius Natali ipso die Domini, anno 1561, statimq; ad nos deportandos Lusitani aliquot nauigia submiserunt. Et quoniam in Ainane insula menses quinque posuimus, ex qua deinde Amacanem trigesimo die peruentum est; de eius insula, & incolarum natura, ac moribus, ne longior sim, pauca de multis attingam. Est autem Ainanis regio cum fructibus Indicis, & omni cibariorum genere abundans, tum etiam margaritis & vnionibus nobilis: frequenter incolitur, vrbibus opere lapideo exstructis: gens vero ipsa moribus rustica, vestitu brachata, eminentibus e capite ad instar bouum cornibus binis e tenui confectis velo, forficibusq; ceu tonsorum e summa fronte, peracutis. eius ornatus caussam cognoscere nunquam potui, nisi, si forte demonem effingunt specie belluæ sese offerentem. In hac ego insula sacrificauit aliquoties, & Sacramenta distribui. Inde proficiscentes ad Sinas, cum parua nobis insula ipso Paschali die Dominico sese obtulisset; partim eius diei celebritate, partim etiam ipsius loci amœnitate inuitati, descendimus, & commodum in monte quodam ingenti specum, & fornicem in templi formam excauatum offendimus, ibiq; ara excitata, sacroq; peracto, caelesti pane Lusitanos refeci. Ex eo loco ad Sinas delati, idoneam tempestatem expectantes, ad alteram vsque feriã Natalium Domini anni 1562 substitimus. atque inde solutis anchoris tertio decimo die Petram albam felici nauiga-

gatione tenuimus. Hic imminentibus tenebris territi quominus fretum Sincapuranum inueheremur, exscensione facta Domino gratias agebamus vniuersi, cum repente vela complura piratarum apparuere (Aceni vulgo appellantur Taprobanae populi) ad regnum Iantana tendentium. Tum nobis Malacensis quidam denuntians, nos ut instrueremus, Acenorum regem centum nauium classe aduentare, quonam consilio, sibi incertum esse. Ea res nobis sane metum attulit, quod oneraria pretiosis mercimonijs referta, ab armis autem esset inops. nihilo minus nauta, vectoresque sese ad pugnam expediunt. Sed classe Acenorum sine iniuria praeuerecta, ad dimicationem ventum non est. Postridie vero Sincapuranum fretum inuecti, cum ventus deficeret, anchoras iecimus. interim Acenorum naues ferme triginta, in ijs maioris formae decem, quibus totius classis vehebatur Praefectus, ad nos aduentantes, partim ad puppim oneraria sese opponunt, partim etiam latera ipsa pene abradunt, ut appareret eos mercibus adamatis (nec enim ignorabant ex quo loco profecti essemus) pugnam optare. cumque biremes maioribus bombardis, atque sagittis, quas praesenti veneno in ipsa naui assidue inficiebant, nos infestare cepissent, quamquam nostri, quorum erat numerus ad ducentos, arma parauerant, sequi omnes ad propugnandum instruxerant; tamen certissimo in capitis discrimine versabamur: cum ex altera parte hostium classis multo viris armisque superior immineret, ex altera vero litus esset propinquum, salo in quo stabamus non plus cubitos quattuor profundo, itaque aut precis ab hoste anchoralibus, quod vrinantes faciunt, in vada incurrendum, aut in manus hostium plane deueniendum fuisset, nisi nos insperantes praesenti periculo Dominus exemisset. quippe hostes comiter

amicosque

amicēq; a nobis cōpellati, nonnullisq; muneribus deliniti,
 non modo nos laceſſere deſerūt, verum etiā ita beneuoli
 diſceſſere, vt ſibi met ipſi Luſitanos, & nobilitate, & bel-
 li gloria cōpararent. Malacā inde peruenimus tertio de-
 cimo Kalen. Februarias, qui dies Diuo Sebaſtiano ſacer
 eſt: vbi a Socijs noſtris amantiſſime excepti, ad octauum
 vſq; idus Februarij piratarū meū cōmorati ſumus. Ma-
 laca dum ad Colanum portū, in quo arx eſt Luſitanorū,
 contendimus, Ceilanys iam ſyrtibus ſuperatis, vento ad-
 modum proſpero in Cilanos ſcopulos recta deſerebamur,
 niſi ad iactū lapidis animaduerſo periculo, & mutata re-
 pente velificatione Comorinū promontoriū feliciter præ-
 teruecti (quod vix fieri poſſe videbatur) ipſo die Paſcha-
 li Dominico, magna Melchioris & reliquorum Sociorū
 gratulatione qui in eo Matris Dei collegio ſunt, Cocinū
 appuliſſemus: quo ex loco ad hoc Goanum diui Pauli
 collegiū dudū exſpectati quinto decimo die peruenimus.
 Cuius equidē collegij cū egregia rei Chriſtiane adiuuāda
 ſtudia, tum varias plurimaſq; exercitationes, & ſpirita-
 les, & litterarias, deniq; ipſius Eccleſiæ incremēta vehe-
 menter ſum admiratus: quā porro Dominus ad gloriam
 ſuā tueatur, & augeat. Haſtenus de navigatione. nunc
 de Iaponicis rebus pauca perſtringam. In Iapone Eccleſiæ
 numerantur nouē templo quæq; ſuo inſtructæ: quorum
 templorum quinque circiter idolis ante dicata, nunc ſa-
 cris altaribus, & I E S V C H R I S T I, Mariæq; Vir-
 ginis Dei matris imaginibus exornata diuino cultui ſer-
 uiunt. Facatenſe templum Chriſtianus quidam, Coſmus
 nomine exſtruxit. idēque vt nos in ora Sinarum tem-
 peſtate retentos cognouit, argenti laminam mihi in ſub-
 ſidium miſit. Nam Cutamenſe (quod templum eſt per-
 magnum in agro Bungenſi, paſſuum ab vrbe viginti

quinque millibus) suo sumptu adificatum Christianus Lucas cœmeterio circumdedit, excelsa lapidea Cruce in medio posita, ad quam se post mortem sepeliri iussit. Cutamensis ager, quem diximus, vectigalis est dynasta cuiusdam ethnici, cum quo ipsiusq; comitibus, dum Ecclesiam Cutamensem inuissimus, de rebus diuinis saepe colloquutus sumus quibus ille sermonibus, nostraq; consuetudine usq; eo delectabatur, ut quattuor horas totas interdum nobis aures praberet, atque ita commoueretur, ut velle se Christianum fieri diceret: sed hominum rumusculos veritus (quæ res toto terrarum orbe plurimum potest) suscepta sententia destitit. Idem apud Lucam rursus totum vespertinum tempus nos audiendo consumpsit, clareq; perspectis ex ea disputatione Iaponicarum sectarum omnium erroribus atque fallacijs; comitibus suis, qui secum aderant, aperte professus est gratum sibi fore, si quis eorum Christiana sacra susciperet. quæ res nonnullos ex ijs adduxit, ut conceptum animo Baptismi desiderium expromerent: quo ille ita gaudius est, ut eos ipsemet hortaretur, ut constanter in proposito perseverarent. Ac fere omnes Iaponij procures nobis amici sunt. nam etsi aliqui, acie mentis retusa flagitijs, lucem Euangelij aspicere nequeunt; valetudinis tamen causa, si quando ipsi, aut ipsorum familiares in morbum incidunt, ad nos confugere consueuerunt. ut iam in his terris Christianam rem non modo Theologi, sed etiam medici chirurgiq; promouent. quod ipsum apud Sinas quoq; propediem fore confidimus: quæ in prouinciarum iam dissipatus est, candidam gentem, promissa barba, Sinarum Imperij potituram. quod si (ut speramus) euenerit; pauca omnino pro mensis eius, itemq; Iaponicæ, & Indicæ copia, Christianarum sodalitatum omnium opera fuerint.

In Iapone, simul atq; cognitum est me in Indiam profecturū, Christiani omnes a viginti septem passuum milibus ad me salutandi causa venerunt: qui vero longius aberant, mihi se per litteras excusarunt. Itaque in medio discessu tanta hominum multitudo conuenerat, vt eos nec templum, nec atrium nostrarum adium caperet. Hic ego fratres mihi carissimi, Christianorum lacrymas consulto pratero, quorum mœrorem solari conabar noui supplementi spe, cuius causa me ad Socios mecum ex India reducidos abire dicebam. Ad mare tendentem ingens agmen omnis ætatis virorum, atque mulierum ita obfirmato animo me prosequutum est, vt ad eos domū remittendos bis in itinere mihi subsistere necesse fuerit. quorum equidem precibus (nam ijs me magnopere commendaue-ram) nos e tantis periculis diuinitus ereptos existimo. Sunt autem Iaponij acceptorum beneficiorum adeo memores, gratiq;, vt si modo ipsorum eleemosynas acceperimus (quod illi sibi honoris loco existimant) ne dum si eos inuiserimus, aut alia quapiam re adiuuerimus, eorum primarij ad agendas nobis gratias domum vsque se conferant. quod ipsum interdum etiam ethnici eorum cognati faciunt. quod si qui nobis (vt fit) in domesticis ministerijs operam dederint, illam dumtaxat mercedem requirunt, vt sub vesperam hilari vultu dicamus: Goxinro deniar, hoc est, laborastis egregie. Id si reticeatur; valde inæsti afflictiq; discedunt.

Bungensum Rex proficiscenti mihi enssem dedit elegantiori opere, aureaq;, vagina in anguis formam elaborata, mittendum ad Regem Lusitania, quem esse tenera adhuc ætate cognouerat, itemq; pugionem India Proregi præclarum: quæ omnia in Iaponem iccirco remisimus, quod tempestatis iniuria nitorem suum atque decorem

amiserant. Ad ipsum autem Bungi Regem Constantinus Prorex munera & litteras miserat: & simul eum affecerat laudibus, quod Euangelij pracones in suis regnis tueretur, benignèq; tractaret. quod ille munus ac litteras ita illustri gratia excepit, ut non modo eum qui attulerat, aureis amplius sexcentis donauerit, sed etiam ad Proregem vicissim miserit in bellicos usus affabre factum thoracem auro sericoq; distinctum, cum inaurata galea cupreoq; frontali, item hastilia duo pugionibus praefixa, argenteis crustis ornata, quas Nangunatas appellant, aliisque similia. Nos autem ipsos mirum quanta beneuolentia prosequatur. nam cum ceteris rebus amice nobis fauet, & commodat, tum in consilio dando fidem praestat cum humanitate, ac facilitate coniunctam, liberumq; permittit, ut sequamur id, quod optimum esse iudicauerimus. In Christianorum vero negotijs, quanti nos faciat, plane demonstrat. etenim vel infimorum hominum res, commendatio nostra si accesserit, suas putat, eosq; nominatim appellat, quod magnum est apud Iaponios honoris indicium, aditusq; eis ad se praebet facillimos: deniq; illis etiam internuntijs ad nos utitur. quibus rebus Christiani maiorem in modum animantur. Ipse autem Rex opulentissimus est, cogitq; exercitum, quoties libet, armatorum hominum ad centum millia, habetq; in sua ditione non modo magnates, Comites, & Praefectos, sed etiam dynastas quolibet Hispano Principe potentiores. Quod si quando a nonnullis Iaponijs Dux potius, quam Rex appellatur; id accidit propterea quod speciosa hac vocabulorum insignia ac titulos, non tam ab se inuicem Iaponij procures, quam ab externis atque aduenis expetunt.

GASPAR VILELA

Societati IESV.

ANnum in vrbe Sacao moratus, Meacum pa-
 catis iam rebus discesi anno 1562, magna^q
 Christianorum letitia acceptus, conciones
 habere cōtinuo institui: & quo maiore gra-
 tulatione, studio^q, celebrarentur instantes iam Natales
 Domini feria, Iubileum promulgavi septimo ante anno
 datū a summo Pontifice. quo illi ita permoti sunt, vt ipso-
 rum et in Confessionibus diligentiam, & in festorum Na-
 talium expectatione pietatem ac studiū magnopere ad-
 mirarer. Natalis Domini dies festus cum aduenisset; no-
 uem, qui mihi maxime idonei visi sunt, exposita prius ipsis
 augusti illius ac tremendi mysterij sanctitate, ad sacram
 Eucharistiam admisi, ita religiose accedentes, vt magno
 temporis spatio lacrymantes ante perstiterint. Reliquo-
 rum autem desideria id ipsum auide expetentium verbis
 leniui; tota^q, ea nocte Natali in laudibus summi parentis
 ac Domini exacta, matutino tempore sacrum feci, de^q
 ipso Natali, tanto cum spiritali omnium gaudio ac volu-
 ptate disserui, vt identidem prisca illa mihi subirent na-
 scentis Ecclesie tempora, cum Christiani omnes vno amo-
 ris vinculo caritatis^q, coniuncti, ad festos dies agendos,
 & conuiuia spiritalia celebranda coirent. Peractis ferijs,
 deinceps concionibus institi, ad quas ethnici multo iam
 tum pauciores, quam antea ventitabant: credo propter-
 ea quod initio ad nos audiendos cauillandi studium ac
 petulantia complures impelleret, quos nunc perspe-
 cta veritas ab ea derisione atque illusionē deterret. Neo
 fere nobis iam aures atque operam dant, nisi qui serio
 saluti

saluti suæ consulere, ac ratione parere in animum induxerunt. quod ipsum ceteri quoque Meacenses utique facerent, nisi eos fictis rationibus deceptos ab eo consilio demon abduceret. aiunt enim, cum perpetuum quandam innocentis vitæ cursum religio Christiana requirat, se militiæ Christianæ sacramento obligari, & pugnam aduersus voluptates deliciasq; nolle capeßere, ut cum se magna ex parte huius vitæ iucunditate priuauerint, tum sempiternis in altera vitæ supplicijs, nisi ad finem usq; perseuerauerint, deinde mactentur.

In hebdomadæ sacrosanctæ, Paschalibusq; solennibus, eadem Christianorum pietas, animi sensus, atque religio constitit. quorum solennium celebritatem auxere nouem Baptismo lustrati, in ijs cuius quidam locuples, & Iaponicis superstitionibus admodum eruditus, cuius oculos mentis, cum nihil post mortem omnino superesse putaret, Dominus ita aperire dignatus est, ut sacrosanctum Baptismum magno animi ardore lacrymisq; suscepit.

Per eos dies seditione Meaci rursus exorta, quam ini qui in Christiana sacra conferebant (multo iustius Regis ipsius tyrannidi tribuendam, qui regna septem vi metuzq; tuetur, nec spei quicquam habet in ciuium caritate repositum) ad reuifendos neophytos, Sacaium, de Christianorum Meacensium sententia discessi, Meacensis templi Ecclesiæq; custodia Christiano admodum seni relicta. Meacum reuertar (ut spero) ad festum diem agendum natalem Reginae cælorum MARIAE Virginis, cui adem iccirco dicauimus, quod eo ipso die Meaci primum sacra missæ peracta sunt. In hac autem vrbe Sacaium, non admodum magna mihi spes propinquæ mensis, nunc quidē ostenditur, tanta enim est incolarum superbia ac leuitas, ut cælum honoris existimationisq; iactura mercari se nolle fa-
tean-

teantur. quanquam tempore procedente sperandum est
 agrum hunc ipsum bonam pietatis frugem laturum. Ra-
 tionem instituti nostri in Bonzijs hisce tractandis, aliq̃
 nonnulla cum de ipsorum ornatu cultuq̃ corporis, tum de
 incolarum natura moribusq̃ separatim perscripta ad vos
 mitto: quo ijs cognitis gratias Domino nostro agatis, qui
 nos ex infinito prope cæcorum numero exemit, & simul
 eidem supplicetis, vt ad ipsum conuertantur hæ gentes,
 Indica Brachmanum superstitione deposita, quam ab In-
 dico magistro ex regno Sionis acceptam huc vsque reti-
 nent: quod ipsum ex delubris etiam apparet, quæ in Ceilo-
 ne oppido India eadem quæ in Iapone videre me memini.
 idq̃ vobis obiter significandum putauī, vt praua huiusce
 religionis origine cognita vos ad eam reprehendendam,
 & confutandam facilius comparetis. Precibus vestris, ac
 sacrificijs vt me Domino commendetis, a vobis etiam atq̃
 etiam peto. Sacaio. 5. Cal. Maij 1563.

Scriptis iam litteris, rogat me per nuntium ethnicus
 quidam vir opibus præpotens, vti ad se baptizandum ve-
 niam in urbem Naram. Omnino vereor vt verbis homi-
 nis fides habenda sit: grauem enim adhuc se rebus diui-
 nis aduersarium præbuit. Verumtamen, quicquid sit, ex-
 periar: præclare mecum existimans actum iri, si in Chri-
 stiana causa vitam ponere mihi contigerit. nec enim per-
 mittet Dominus, vt huiusce lucis vsuram anima mea salu-
 ri, atque immortalitati anteponam. Sin ethnicus ille vera
 narrauerit, seq̃ ex animo ad sacrosanctam Ecclesiam
 aggregarit; ne ego tum omnia Societatis nostra Colle-
 gia nouam in hanc messem per litteras euocare non du-
 bitem. magnum enim in his locis eius viri nomen, me-
 naq̃ est auctoritas. Faxit Dominus quod e sua gloria
 maxime fuerit, cui me inter acies gladiatorum, intentaq̃

in me inimicorum tela versantem plane commisi totum
ac tradidi.

ALOISIVS FROES SO- cietati IESV in Indiam & in Europam.

E Maximis nauigationis periculis summo Dei ac
Domini nostri beneficio liberati, ex ora Sina-
rum iucolumes in hunc Iaponis portum deueni-
mus quem Voexiuram appellant, obuiosq; ha-
buimus in litore Christianos incolas omnes tanta ex ad-
uentu nostro voluptate ac latitia gestientes, vt nos hume-
ris ipsimet suis sublimes tollere atq; asportare velle viderentur. quorum ducenti circiter nos ad templum vsq; deduxerunt. Cosmi vero Turriani gaudium fuit ita magnum, vt collacrymaretur, satisq; se vixisse iam diceret, quoniam quidem operarios sibi in subsidium missos a Domino in tanta negotiorum mole, tanq; opportuno tempore cerneret. Ioannem autem Ferdinandum e magnis assiduissq; laboribus ita consumptum macieq; confectum offendimus, vt animam agere poene videretur. Etenim ad domesticas quidem & quotidianas Cosmi occupationes, accedebat etiam magna frequentia principum virorum, & Christianorum tum ex alijs regionibus tum ex hoc regno vel baptizandi vel salutandi causa aduenientium. Ioannes autem post sacra missa a Cosmo peracta, totū fere diem & saepe noctem partim rudimentis Christiane doctrinae vulgo tradendis, partim etiam proceribus Bonzys qui ad Baptismum accederent, separatim instituendis ponebat. Mihi vero baptizandi onus impositum est: ac nono post nostrum aduentū die primum sexaginta Baptismo
lustra-

Instrati sunt, multiq³, deinceps, ex prima nobilitate, Barptolemai regis maxime hortatu ac persuasionibus incitati: quorum plerique Catechisnum sua manu continuo describebant, quo facilius memoria commendarent, eundemque domesticis traderent, singulis autem, a Baptismo, sane quam enixe ac studiose petentibus, Crucis sigillum e collo gestandum, itemq³, Rosarium precandi causa dabatur.

Firandi autem, simul atque Sodales ex India aduenisse auditum est; Antonius & vxor ipsius Elisabeta misso confestim nuntio Cosmum magnopere obsecrarunt, vt quoniam tres e nostris in hoc portu sacerdotes essent, vnum ex ijs ad Firandensem ceterasq³, eius tractus Ecclesias inuisendas omnino mitteret. quod si per litteras ab ipso non impetrassent, duos e filiis suis ab se legatum iri, qui id ipsum humi strati supplices peterent. Neg³, ita multo post ab vrbe Ximabara Tono (honoris ac prefecture nomen id est) qua in vrbe Christiani eo tempore plus mille & quingenti numerabantur; nobilis vir cum mandatis ad eundem Cosmum est missus, vt ab eo promissa exigeret. promiserat enim Cosmus, simul atque supplementum ex India aduenisset, missurum se qui Ximabara commoraretur. Eadem erant postulata Regis quoque Bungenfis, qua in vrbe annum iam sacra missa facta non fuerant. Ac Bungum quidem, quod eius Regis gratia ad rem Christianam iuuandam in primis est necessaria, Baptista paucis post diebus profectus amicissimeq³, ab ipso Rege acceptus est. Antonio autem Firandensi, itemq³, Tono Ximabarano Cosmus respōdit, simul atque per occupationes liceret, se ipsum ad illos esse venturū. Christiani vero, quiq³, insulas, quiq³, Firandum oppidū incolunt, vbi rescire nos maculares orbiculos seu grana benedicta ex India, itemq³,
Vero-

Veronicas attulisse; multi cum vniuersa familia, ij^q admodum pauperes, conductis mercede nauigijs ad hunc portum traiecere. interrogati cuius rei causa; nullius praterea, respondebant, nisi vnius petendæ Veronica nam qui orbiculum optabant, octo diebus ante, supplicationes ad Deum habebant quo facilius impetrarent: atque etiam, cum sibimet ipsi diffiderent, Lusitanis apud nos deprecatoribus utebatur: ea^q dona quam sibi grata essent, ipsis etiam lacrymis testabantur. Iam vero alij Christiani Amangutio, quinquaginta aut sexaginta leucarum itinere, alij Facata, alij deniq³, alijs e regionibus ad nos huc vsque Confessionis causa contendunt. quorum sane religio caritasq³ est admirabilis. Per idem tempus Barptolemaeus quoque Rex ad Cosinum inuisendum in hac loca se contulit: quem continuo adiunimus, ei^q xenia dedimus Rosarium ex equo marino, itemq³ granum benedictum vnum auro insertum. quæ ille quanti faceret, vel ex eo ostendit, quod vtrumque statim e ceruice suspendit. cuius aduentus magna Lusitanorum quoq³ gratulatione (namque illum omnes admodum diligunt) concelebratus est. Regis autem ipsius animi submissio ac pietas, cum sacro missæ interesset potissimum elucebat. etenim cum in templum quotidie mane, multo ante lucem veniret (maximam enim noctis partem fere Iaponij procures vigilant) non modo sacerdotem ad statam horam vsq³ præstolabatur; sed etiam plebem infimam aduentu suo summoneri plane vetabat, vixq³ parato sibi honoris causa stragulo ad confidendum utebatur: prorsus, vt quilibet vnus e populo videretur esse. Sermones vero de rebus diuinis ita auide expetebat, vt sacro interdum peracto, ante recitatum a pueris de more Catechismum templo nequaquam excederet. idemq³ vt quadam sacramissæ & Eucharistiæ myste-

mysteria probe cognosceret, accersitum ad se eius rei gratia nocte Ioannem Ferdinandum summa sua cum animi voluptate pœne ad lucem detinuit multa percontans, quæ sibi partim ad comites suos docendos, partim ad Bonzios refutandos, esse necessaria diceret. quæ ille, & simul purgatorij ignis inferniq; supplicij discrimen a Ioanne cum didicisset; ad Cosmum salutatum accessit, cui id honoris etiam habebat, vt in adium ingressu pugionem ceteraq; arma deponeret. Paucis diebus in his locis moratus, ad subsidium fratri suo germano Rimanorum Regi ferendum, qui bello erat implicitus, proficisci coactus est. & quoniam consueuere Iaponij principes Manibus mortuorum decem dialia fere sacra, non sine magna Bonziorum præda saginâq; persolvere; Barptolemeus rex patre suo per eos dies adoptiuo vita functo, re cum Cosmo communicata, pro exsequijs illis, Bonziorumq; conuiujs, totidem dierum epulum sex pauperum millibus præbere constituit: partim vt sibi ipsi, quoniam impio patri non poterat, diuinam gratiam conciliaret: partim etiam, ne post Christiana sacra suscepta, pristina benignitatis atq; clementiæ oblitus esse videretur. Idem, in rebus diuinis multo plura præstare quàm polliceri solitus, simul atq; Vmbra regiam urbem regressus est, de mortui Regis imaginem quam odoramentis suffire venerariq; solebat antea, igne comburi iussit: quod a Bonzijs ingens piaculum est habitum. cumq; ex itinere ad oppidum Muram se contulisset, vbi erat eo tempore vxor ipsius Regina; multis eirationibus persuasit vt vna cum omni famularum comitatu baptizari decerneret. quæ res eo mirabilior visa est, quodd ea Regem ab eodem consilio antea reuocare tentauerat. simul etiam Rex templum ibidem magnificum edificare constituit, Bonzijs ad eam rem e cenobio quo-

dam edeꝝ puls. quapropter etiam Aloisium præstanti
 virtute virum, regia vrbis præfecti fratrem, sibiꝝ in pri-
 mis familiarem, ad Cosmum cum mandatis misit. quibus
 rebus irapermoti barbari impellente demone, Regi ipsi in-
 fidias compararunt. Capita coniurationis fuere duode-
 cim viri vrbis administrationi præpositi. ij ad rem occul-
 tandam, Regemꝝ fallendum, Christianos fieri velle se si-
 mulant. quos tamen Rex, quasi eorum scelus præfagiret,
 diu multumꝝ ante Baptismum probari iussit. Et quoni-
 am Cotondonus spurius regis demortui filius, Barptole-
 meo in legitimi filij locum ab Rege ac Regina adoptato,
 hereditario iure regnoꝝ priuatus fuerat; Gotondonum
 coniurati cum alio quodam e proceribus facinoroso homi-
 ne Feribo, in societatem consilij assumunt. omnes deniqꝝ
 Barptolemaum hortatur vt regni possessionem cum pom-
 pa solenni aliquando capiat, & simul Regina Baptismum
 ac ceterorum, Cosmo accersito, quanta maxima possit ce-
 remonia & ciuium gratulatione concelebrat. namque eo
 ipso die statutum facinus perpetrare decreuerant. sed ve-
 riti mox ne ipsorum consilia patefierent, rem aggredi an-
 teuertunt. Aloisium regis internuntium vltro citroꝝ ad
 Cosmum rei Christiana causa commeantem Feribus in
 itinere adortus interimit: cuius in comitatu ne Cosmus
 esset, diuinitus factum est: præmissio quippe ad Regem
 Alexandro, Aloisium subsequi deinde ipse decreuerat. Ea-
 dem ipsa nocte XII viri regijs adibus vrbisꝝ incendium
 inferunt, ex quo Rex cum præfecto vrbis Aloisij fratre pau-
 cisꝝ præterea comitibus, in arcem proximam confugiens,
 haud ita multo post Rimanorum Regis auxilijs regnum
 prope vniuersum ingenti Christianorum gaudio recepit,
 misitꝝ Cosmo nuntiatum, se Vocoxiuram, cum primum
 posset, ad ipsum inuisendum esse venturum. Interea Go-

tondonum, & Feribum, aliosq³ rebelles varijs locis Rex Rimanorum obsidebat, eorumq³ agros ita vastabat, vt ex hoc ipso portu incendia cernerentur. multi etiam seditiosi, Regis imperio capite plectebantur. quam rem ad Christianae religionis propagationem magni momenti fore confidimus. Sed paucis mihi perstringendum videtur quam ratione Barptolemaeus Rex sese ad Christum adiunxerit. Is claro in primis genere natus, Cegandono patre admodum sene (qui viuit adhuc) acerrimo & Bonziorum fautore, & Christianae religionis inimico; ab Rege vt dicebamus adoptatus est, (quem arcta affinitate conungebat) populo magistratibusq³ approbantibus. Aliquot deinde post annis Cosmus cum Vocoxiuram se contulisset, Rex ad eum salutandum ineunte Quadragesima venit, quem antea nunquam viderat. Ad ipsum vero postridie Cosmus Lusitanis nonnullis comitantibus qui in hoc portu hyemabant, honoris causa adiit, eumq³ in ades nostras in posterum diem ad prandium inuitauit. Aprandio Cosmus partim suo ipse sermone, partim Ioannis Ferdinandi, qui bene Iaponice nouit, opera, cum alia multa Regem de rebus diuinis edocuit, tum de animorū aternitate, in scitiāq³ & errore illorum qui nihil esse omnino praeter materiam primam opinarentur. habita est hac disputatio in sacello quodam optime ornato, proposita MARIAE Virginis sacratissima imagine cum filiolo IESV, cuius ille tabula cum cetero aspectu mirifice gaudebat, tum stupebat in primis quod quamcunque se in partem verteret, defixos in ipsum oculos puer IESVS habere videretur. Atque ille quidem omnia quae dicebantur, clare percepit. in digressu autem, Cosmus ventilabrum aureū Regi donauit, Cruce praefixum cum clauis tribus, & nomine IESV eleganter sane descripto. quod ventilabrum Gaspar Vilela ex

vrbe Meaco miserat. cuius argumenti litterarúmque notitate permotus Rex, vt ea omnia per otium cognosceret, rursus ad nos cum magno comitatu se contulit, ceterisque in atrio relictis, vno Aloisio secum adhibito, templum ingreditur, ibiq; rursus de sacris fidei Christiana dogmatibus, de que sanctissimi nominis IESV, Crucisque mysterijs atque virtutibus, Regis ipsius rogatu Ioannes admodum fuse copioséque disseruit. e quibus multa Rex sua ipse manu in commentarium retulit. ex eo die, aurea Crucis sigillo munitus, quod secum de Cosmi sententia gestabat assidue, se identidem IESV CHRISTO commendans, crebrisque Cosmi cohortationibus incitatus, denique nomen CHRISTO Domino dare constituit. Nocte igitur domum ad nos cum suis familiaribus venit, pijs de religione sermonibus ad insequentem vsque lucem aures præbet, quibus Cosmi iudicio iam satis institutus, sacro Baptismate ab eodem lustratus est, manibus in modum precantis magna cum submissionis pietatisq; significatione coniunctis, comitum suorum ex præcipua nobilitate corona circumdatus, qui pariter eius consuetudine moritisq; adducti, in eandem Baptismi voluntatem vehementer incubuerant. Xumitanda appellabatur antea: ex eo tempore Barptolemaus nouo nomine vocitatus est. Inde ad bellum discessit, Cosmum obtestatus, vt pro sua suorumq; salute, ac felici vxoris partu Dominum precaretur. Porro in itinere Maristenis delubrum, quem Deum rei militari præpositum Iaponij magno cultu caeremoniaq; venerantur, iniecto igne consumpsit, eodemq; loco signum Crucis erexit, quod ipse & vniuersus ipsius comitatus supplices adorarunt. In castra vero simul atq; peruentum est, misit qui toto regno Deorum phana comburerent. Ex ipsis vero lucis materiam caduam gratis ad
naues

naues parandas ac reficiendas Lusitanis attribuit. Quin etiam in castris, quicquid a bellicis occupationibus otij superest, id totum nocte dieq³, in militibus ad Christianam pietatem informandis insumit, quos paulatim ad nos, quores minus inuidiosa apud ethnicos ac Bonzios sit, Baptismi causa dimittit. Eiusdem, in bello insignia sunt nomen IESV cum clavis tribus in humerali depictum, Crux collo depēdens, granumq³ benedictum in baltheo. Denique tantorei Christiana studio incensus est, ut neminem intra insula huius fines habitare patiat, quin concionibus sacris intersit. Christianos vero cōtra omnium, etiam parentis Cegandoni iniurias ac vim tuetur egregie. & quoniam Rex est splendore atque auctoritate conspicuus; magnopere, ut dixi, fore speramus, rebus pacatis, ut Euangelium ipso adiutore Dominus longe, lateq³, disseminet. Vos ego etiam atque etiam oro, ut sacrosancta sacrificia vestra, piaseq³ suffragationes mihi deesse ne patiamini. Vocoxiura 18. Cal. Decemb. 1563.

ALOISIVS ALMEIDA Societati IESV in Indiam.

EXponam his litteris fratres mihi carissimi, quam ratione Rimanum in regnum, urbemq³ Ximabaram nuper inducta Christiana religio fuerit. Ac portus quidem hic seu emporium Vocoxiura, quod commutato iam nomine Mariæ Virginis adiutricis vocatur, compluribus Facata, Firando, Meaco, alijsq³, ex oppidis huc ad Cosmum Christiana doctrina causa commigrantibus, ita frequenter habitari captum est, ut Ecclesiam hanc regionis huiusce totius caput aliquando fore speremus; Barptolemao etiam rege vna cum

ipso flore nobilitatis haud ita pridem ad fidelium nūmerum aggregato. Eius autem frater, Barptolemai monitis precibusq; sapius excitatus, vt a Iaponica superstitionis erroribus ad rectam veritatis Euāgelica semitam se traduci pateretur; a Cosino magnopere petijt, vt aliquem ad se instituendum in castra (bellum enim per id tempus gerebat) omnino mitteret. Missus ego sum, benigneq; ab eo acceptus, nocturno tēpore, quod a negotijs magis erat vacuū, de rebus diuinis ad Regem diu multumq; dixi, quod ipsum deinde per alias occasiones alibi cum ipsius rogatu fecissem, ijs sermonibus admodum delectatus permotusq; Rex, certis de causis Christiana sacra ipsemet in praesentia suscipere supersedit, sed duas mihi dedit epistolas, alteram ad Cosini, cui potestatem per eas litteras faciebat Euangelij toto suo regno libere promulgandi; alteram ad incolas oppidi maritimi Cochinosi, in qua erat scriptū, vt ad audiendum Euangelium ad me conuenirent. ad quos me qui perduceret vnum ex amicis, ac familiaribus mihi comitē dedit: quo sane breui peruenimus, hospitioq; excepti ab vrbis Praefecto, verbū Dei disseminare institimus. Nec sane frustra. etenim baptizati sunt quinquaginta supra ducentos, in quibus fuit cum vxore, ac liberis ipse ad quē diuiteramus, vrbis praefectus. Deinde cū in ades regias in primis instructas loci maiestate deterriti timidius incolae ad nos & ipsi venirent, & filios mitterent, veriti, ne ab ijs adiū ornatus, & catastromata foedarentur; vbi id animaduerti, egi cū Praefecto de alijs adibus, populi docendi causa, comparādis. ille mihi sane liberaliter omnium quotquot essent in oppido, dedit optionē. delectum est edificium quoddam per amplū, sed magna ex parte dirutum, secus aream, quam nobis Rex templo edificando attribuerat. Opera centum ad ruinas instaurandas, ademq; sacram

sacram exstruendam Praefecti imperio ex censu ciuium exhibita, opus virum³ celeriter absoluerunt. Tum vero liberius ad Christiana doctrina rudimenta, sacrasq³ conciones pueri senesq³ sese conferre: e quibus deinceps non ita multo tēporis spatio centum & septuaginta Baptismo lustrati sunt. designatum est etiam Christianis humandis prope ad eam sacram Cruce defixa per amplū soli spatium, quo primum illati sunt infantes duo tertium circiter annum agentes, quos Dominus pro salute harum gentium deprecatores in calum asciuit. Secuta deinde est in Barptolemaum regem coniuratio, bellicique tumultus, quibus tametsi oppidani commoti, atque a Bonziorum fautoribus potentibus viris ad Christianam religionem deserendam sollicitati sunt, Cruce etiam ipsa contumeliose diffracta; ipsi tamen in fide fortiter persisterunt. quod ego met deinde ex eorum sermonibus clare perspexi, cum ad eum portum per id tempus naui accessissem. cum enim ab hostibus Christiana religionis vrbe occupata, publico edicto nos intrmittere vetarentur; ad stationem nostram, sera admodum nocte, parato nauigio frequētes venerunt, se diligenter excusantes, quod nos excipere hospitio sibi per aduersarios non liceret, pietatem tamen suam atque constantiam verbis testantes huiusmodi: Christiana religione deserta, quam porro sectabimur? in difficultatibus nostris, atque periculis ad quem confugiemus? an ad lignea suae lapidea simulacra, quae huc vsque coluimus? quis insitam vnius Dei caritatem ex animis nostris euellet? Quibus ego verbis maiorem in modum recreatus, eosq³ vicissim, vt potui, consolatus; ad Cosinum ceterosq³ Socios Vocoxiuram ex eo loco profectus sum, qui sese cum Christianis ad hostium furorem vitandum, in onerariam receperant. verum sedatis iam maxima ex

parte tumultibus, & Barptolemao, qui in arcem quandam ex incendio regie vr̄bis cum paucis vix viuus euaserat, in regnum restituto, metus hosce omnes iuuante Domino propediē sublatū iri confidimus. sed de his hactenus.

Venio ad res Ximabaranas : quam ego in vr̄bē ab ipso Tono, seu Regulo accersitus, Cosmo iubente, me contuli, benignēq; exceptus, & in optimo totius vr̄bis domicilio collocatus. Postridie me Rex inuitat ad cēnā. A cēna familiares suos atque domesticos in cēnaculum conuocat. Hic ego bene longā de Christiana religione disputationem instituo. illi vero multa ac varia me interrogant: quibus ego dum ad singula respondeo, noctis magna pars abiit. Mane cum illuxisset, Tonus rogatu meo popularibus omnibus Christiana capeſſenda religionis fecit publice potestatem. ex eo tempore ter quotidie concionari capimus, matutinis primum horis, tum pomeridianis, postremo vespertinis, tanta hominum vi confluyente, vt non domus solum, sed etiam via auditoribus oppleretur. Secundum hunc rei Christiana cursum more suo aduersarius non semel impedire conatus est. Tria visuntur Ximabara cēnobia Bonziorum, qui cum alijs de causis plurimum possunt, tum quoddā Principes ciuitatis affinitate contingunt. Eius ordinis hominum fallacias atque superstitiones quoddā palam coarguimus, populumq; ab ea secta ad CHRISTVM omni ope traducimus, capitali nos vbiq; fere odio insectantur. Ximabara autem, simul atque ita propensam in nos populi voluntatem intelligunt, inimicitijs quas antea inter sese exercebant, communi metu suadente depositis; calumnijs fictisq; criminibus nos oppugnare constituunt. Ad Tonum adeunt, mirantes cur in suis terris tam improbum genus hominum versari patiatur. Anthropophagos esse nos, & quocunque Christia-

na sacra inferamus, eodem continuo bellum excidiumq;
importare. Si nobis in vrbe habitatio detur, Lusitanos
ipso illi imperium erepturos. Ad hæc, plebem incitare co-
nantur, partim vt nos ex vrbe pellendos vna voce abs To-
no deposcat, partim etiam vt nos publice conuicijs male-
dictisq; proscindat. Eam rem vbi parum procedere ani-
maduertunt, consilium etiam audacius capiunt. Dum
ego in adibus nostris de re Christiana ad populum maxi-
me dissero, facta manu quidam e Bonzijs de communi
ceterorum sententia in ades nostras irrumpit, positamq;
ibi Crucem effringit. Sane indigna visa res est, valdeq;
omnes, sed hospes præcipue noster eo facto cōmoti. Itaque
nihil propius factum est, quàm vt eum interficerent.
Bonzijs autem furore elati scelus scelere cumulant. Mos
est neophytorum susceptam a se Christianam religionem,
Cruce in charta depicta, atque in adium foribus colloca-
ta, publice profiteri. id illi sibi non modo apud Deum sa-
lutare, sed etiam apud homines gloriosum existimant.
Hæc omnia insignia Bōzj postridie, primoribus vrbis pro
affinitate fauentibus, discerpere ac lacerare decernunt.
Quod vbi Tonus rescuit, Christianis confestim totam
rem iussit renuntiari, eosq; hortatus est, vt tumultus vi-
tandi causa, eam iniuriam a quo animo ferre ne grau-
rentur: se ipsum in Bonzios vtique animaduersurum,
sed tempore. Quorum amentia ac furor eo vsque procef-
sit, vt quicumque ad nos audiendos venirent, eos vsu eti-
am fontis arcerēt in proximo siti, ad quem plurimi aqua-
tionis causa ventitabant. prorsus, vt nobis eius molestia
vitanda causa, in aliam vrbis partem migrare necesse
fuerit.

Iam vero illa quoque res accidit, nō minus euentu fe-
lix ac lata, quam initio tristis ac turbulenta. Adolescen-

res duo ad nos audiendos rei nouitate inuitari ex oppido finitimo venerant. dumq; in adibus nostris morantur, in familiari & iuuenili colloquio (vt fit) vnus eorum alterius procaci interrogatione laceſitus, ſtricto mucrone in ſocium præceps iracundia ferebatur; cum illum ex his qui aderant Iaponij quidam (aderant autem fere centū) vi arreptum retinent, eiq; de manibus ſicam extorquent: quo ille factō ita iratus inde diſceſſit, vt aut eam vlciſci iniuriā, aut mortem ſibi met inferre, Iaponico more, decerneret. Acceſſit ad exſtimulandum iuuenis animū ſatis iam per ſe incitatum, patris quoq; denunciato vehemēs, ne ſuum in conſpectum veniret omnino, niſi prius ab adiū præcipue domino apud quem res illa contigerat, doloris pœnas exegiſſet ſui. igitur adoleſcens, amicis aſſinibꝯq; coactis, vim comparat: quod vbi Ximabarā allatū eſt, Chriſtianos omnes magnopere conturbauit, me vero potiſſimum, verentem, ne ſi ad manus ventum eſſet (quæ res non ſine multorum cæde erat futura) tum vero Bonzj ciuibꝯ quod cupiebant plane perſuaderent, nos rixarum ac ſeditionum vbique terrarum auctores eſſe perpetuos. Iamq; ſe, quanquam in magno omnium merore, oppidani ad Ioannis (ſic enim appellabatur) hoſpitis noſtri deſenſionem inſtruxerant, aduentabatq; armatum agmen aduerſariorum; cum iuuenis ille dux agminis repente præter omnium ſpem gentisq; conſuetudinem exterritus ſubſtitit, ſatis dignitati ſuæ, ſatis parentis imperio factum exiſtimans, ſi vacuam nobilis cuiuſdam viri domum ingreſſus in ſuburbano poſitam, reſiſtente nemine, pugionem inde viciſſim abſtulſſet, atque ita (vt fecit) in patriam reuertifſet. Id a Chriſtianiſ vbi reſcitū eſt, tanta voluptate lætitiæq; perfuſi ſunt, vt ab ipſo noctis crepuſculo, quamquam eos domum dimittente me, ni-

hilo-

hilominus gratias Deo cuncti simul agentes, factumque
inuicem gratulabundi narrantes, ad insequentem lucem
usque perstiterint. Nec tamen inter hasce aliasque dif-
ficultates, & Bonziorum insectationes, Domino DEO
fauente, cessatum est. nam præter quotidianas concio-
nes & catechismum, Baptismi celebres varijs tempori-
bus complures habiti sunt. Ac primum quinquaginta bar-
bari nomen Domino dedere. deinde rursus circiter se-
ptuaginta. tertio denique Baptismo, candidati trecent-
tum numerati sunt, e quibus baptizauimus duntaxat
eos, quos satis probe institutos Christianis præceptis inue-
nimus. ceteri, qui minus adhuc idonei videbantur, in
aliud tempus reiecti. Christianorum primitias libauit
Dominus in hoc item oppido, sex videlicet trimos, aut
quadrimos infantes: quorum qui primus excessit e vi-
ta, Christianæ fidei veritatem illustri sane testimonio
comprobauit. cum enim iam ageret animam, sublatis
ad sidera manibus; Tem iangate mairo, id est, conse-
stim (inquit) in calum migrabo. cuius rei miraculo ne-
ophyti magnopere confirmati sunt. Ipse autem Regulus
tametsi necdū Christianus est, & certis de causis in ali-
ud tempus Bonziorum scelus ac maleficia debitis vindic-
care supplicijs distulit; suam tamen erga nos beneuo-
lentiam, & Christianæ religionis vel tuendæ, vel ampli-
ficandæ studium plurimis rebus ostendit. primum enim
nobis honoris causa familiariter sæpe conueniendis no-
men nostrum apud Ximabaranos in admiratione & in
gratia posuit: deinde aream templo adificando optimā,
materiamq; suo sumptu conuectā, operasq; ducētas nobis
attribuit ad arcis ruinas æquādas solo, quæ arx quondam
illa ipsa in area fuerat. in templi vero ipsius apparatu &
cultum familias septuaginta in ea vicinitate habitantes
certum

certainum vectigal pendere iussit, exturbationis poena proposita, nisi in officio perstitissent. Idem, quod Christiani ad templum, aestu maris accedente, egre admodum veniebant, ingenti ponte ad ipsius templi valuas usque perducto, facilem ijs tutumq³ aditum praeiuit. Auctus vero filiola (quam nos quod clarissimo genere orta est, magno Christiana rei adiumento futuram aliquando speramus) eam nobis tradidit baptizandam, quod fecimus, & nomine Christiano Mariam appellauimus, vt eam videlicet nomen ipsum ad omnem virtutem ac sanctimoniam incitaret.

Hae fere in oppidis Cochino, & Ximabara gesta sunt: quam ego vtrunque Ecclesiam per id tempus saepe reuisi, & alteri Damianum, alteri Paulum comites ac familiares nostros interim dum ego abessem, praeposui. Vos etiam atque etiam obsecro fratres, vt pro hac vniuersa Iaponica vinea Domino Deo nostro quam diligentissime supplicetis. Ex portu MARIAE Virginis adiutricis. 5. Calend. Decemb. 1563.

IOANNES BAPTISTA Montius Michaeli Turriano e Societate IESV.

ANno superiore in Iaponem peruenimus, & maritimum in oppidum Christianorum descendimus, vbi Cosmus Turrianus cum vno e fratribus nostris rem Christianam praclare gerebat. quibus ego cum nauare operam ibidem vellem, Bungum a Cosmo iccirco summissus, quod sesquiannum iam ea princeps Iaponis totius Ecclesia sacerdotem desiderat.

derabat. Ibi quanta Bungenſium & laita, & benignitate acceptus fuerim, explicare nimis longum ſit. Regem ipſum etiam inuiſi aliquoties, a quo ſemper honorifice humaniſſimeq; tractatus ſum, qui tametiſi ethnicus adhuc eſt, in ea ſecta qua nihil ſuper eſſe poſt mortem exiſtimat; Chriſtiana tamen religioni tantum tribuit, rebusq; noſtris uſque adeo fauet enixe, ut vnus e fidelium numero eſſe videatur. credo propterea quodd omnibus ducitur, videtq; ſe ex quo tempore Euangelium in ſuis terris promulgarı captum eſt, non ſolum imperio, atque opibus auctum, ſed etiam filio, quod vehementer optabat. Quod ad conuerſionem harum gentium attinet; Euangelium longe lateq; iam peruagatum eſt, & ſane probatur in vulgus, & ſere ſemper ad Baptiſmum, Dei beneficio aliqui perducuntur. Ratio autem noſtra cum illis agendi eſt eiufmodi. Queritur primum quam ſectam ſequantur. deinde non modo quam ipſi profitentur, ſed etiam reliqua omnes Iaponica ſecta multis rationibus ita confutantur, ut earum ope ac praſidio aeterna ſalute ſe nequaquam poſſe potiri intelligant. Id ubi perceperunt, docentur eſſe vnum rerum omnium opificem, qui ex nihilo cuncta creauerit, eaq; omnia fungi officio prater Angelos deſertores, & hominem, qui e primo illo ſtatu ſua culpa exciderit, in quo ab Deo parente poſitus fuerat; idemq; natura legibus, rectaq; rationi aduerſetur. Diſcunt deinceps Deum eſſe trinum & vnũ, cuius imperium primus ille homo neglexerit. Et quoniam infinita maieltati ac numini facta iniuria, infinitam quoque ſatiſfactionem exigeret, ſecundam Trinitatis perſonam, cum genus humanum, aliãve omnino creata natura ſoluendo nõ eſſet, humanitatem noſtram vltro aſſumpſiſſe atque induiſſe, ut idem homo ſimul & Deus innocentiffimus pœnam noſtris ſcele-

sceleribus debitam pretioso sanguine suo acerbaq³ morte persolueret, & nos in omnipotentis Dei gratiam restitueret. Hac illis omnia clare & copiose explicantur, tum ad eorum quaestiones probe respondetur, & omnis eorum animis, quoad eius fieri potest, dubitatio tollitur, atque ut illis certa precandi formula, & praecepta Decalogi tradita sunt, promittunt se barbaros ritus, superstitionesque deposituros. denique sacri Baptismi vis atq³ mysteria iisdem explicantur, atque in Christo dant nomina ac baptizantur. Versamur autem in his Japonis regionibus hoc tempore e Societate sacerdotes septem, fratres quinque. multi praeterea sunt incole familiares, ac veluti sodales nostri praestanti virtute homines, qui nos in opere haud segniter adiuuant. Sed vniuersi pro messis copia sane quam paucissimus, nec nobis (quod facile credas) ab occupationibus multum superest otij. itaque subsidio vehementer indigemus. Pijis deprecationibus tuis & ceterorum me valde commendo. Bungo. 5. Idus Octobris 1564.

EX ALIA EIVSDEM IO.
Baptistæ Epistola ad Ioannē Polan-
cum presbyterū Societatis IESV.

Nunc aliqua mihi de Bungensum Christianorum pietate, ac deuotione dicenda sunt: quæ virtus cum semper in ijs apparet eximia, tum vero Quadragesimæ tempore maxime cernitur. etenim praeter asperitatem vitæ priuatam, & assidua supplicia voluntaria, Christiani in templum sexta quaque feria conueniunt frequentissimi, atq³ ubi de passione Domini peroratum est, extinctis luminibus atrocissime cuncti sese diuerberant. Equidem ut primum inter-

interfui, attonitus reinouitate atque miraculo, prorsus
obstupui. Neque vero dumtaxat virorum hoc decus est:
ipsæ quoque mulieres in hanc partem se admodum strenue
atque acriter incitant. quarum nonnullæ cum me summis
precibus obsecrarent, sibi ut in templo sumptis ne digno-
scentur virilibus tunicis, echinatis globulis ferreis in
sua terga sanire liceret; negavi scilicet: primum id mi-
nus decorum arbitratus, deinde etiam veritus, ne si ad ce-
teram austeritatem & pœnitentiã, qua se ipsæ pœne con-
ficiunt, verberum quoque tormentum ac dolor accederet,
certum adirent vitæ discrimen. id ipsum graui admodum
etate senes a me magnopere contenderunt. Iam vero sa-
cra hebdomada officia, quo animi sensu ac lacrymis, Pa-
sehalia autem solennia quanto animi gaudio, atque ho-
minum multitudine celebrentur, dici vix potest. Nec
sane minor est Natalium feriarum gratulatio & cele-
britas. quin etiam pia simul & iucunda per eos dies spe-
ctacula committuntur, illustribus aliquot actionibus e sa-
cra historia Iaponico versu descriptis: quæ poemata Chri-
stiani magno suo bono memoriter hauriunt, namque ea ra-
tione & magnam sacrarum litterarum partem addi-
scunt, & hisce carminibus identidem concinendis pro-
fanas cantiones, quibus antea assueuerant, paulatim
dediscunt. Nam quid ego de Confessionibus dicam? quo
in genere ita solertes accuratius sunt, ut aliud nil egisse
videantur in vita. Quibusdam ego, id vehementer
optantibus, per interpretem aures prabui, quorum non-
nulli scriptam Confessionem suam secum attulerant. Cre-
das mihi affirmanti velim, quotidianas me sesquianni to-
tius (tam diu enim sacerdote caruerant) recognitiones
actionum suarum, quæ examina dicimus, in ijs scriptis
liquido comperisse: ea dispositione atque ordine in comen-
tariis

tarium crimina suis quaque diebus notata retulerāt, cum ante id tempus octauo vel quinto decimo quoq³ die Sacramentum Confessionis obire essent soliti. quæ mihi eorum diligentia eo laudabilior videtur, quod ex medicis interuallis peccata rite confiteri haud ita difficile duxerim: ipsorum vero octodecim mensium errata in temporum seriem digesta proferre, id vero in primis mirandū est. Quid queris? contritione sua, animiq³ candore ita me sibi obligarunt, vt cum Christo Domino ingentes & agam, & habeam gratias, quod me in hac loca perduxerit; tum etiam tibi plurimum R. P. vel eo nomine debeam, quod auctoritate studioq³ tuo perfectum est, vt aliqua mihi pars demandaretur huiusce tam fructuose prouincie: quam ego vt ex instituto ac spiritu nostra Societatis geram, peto abs te, vt infirmitatem meam tuis ad Deum precibus ac sacrificijs subleues. Bungo. 6 Idus Octobris 1564.

ALOISIVS FROES

Societati IESV in Indiam.

ANno proximo, Voco xiura vico ab hostibus concremato, & exciso, Cosmus Turrianus cum Aloisio Almeida, & Iacobo Consaluo officij causa conquistus a Christiano quodam nobili viro Tacuxim oppidum Regis Bungenſis eger nani deductus est. Ego autem ab Antonio Firadensi viro Principe accersitus, Cosmi iussu Tacaxumam contendi febris frigoribusq³ vexatus, quæ me quattuor menses male habuerunt. Eodem venit post mensem Ioannes quoque Ferdinandus. Insulani sunt numero trecenti circiter, & quinquaginta, omnes Christiani, quorum quibus licuit, ad-

aduenienti mihi nauigiolis obuiam prodire, ceteris in litore præstolantibus. quorum omnium quanta sit pietas atque religio, ex eo facile iudicabis, quod bis in nocte ad Dominum deprecandum, Christiue passionem secum reputandam surgere e lectulo consueuerunt. Quin etiam primis tenebris multi cum se in preces fuderunt, ad mediam usque noctem in ea cogitatione suimet pœne obli- ti persistunt. Pyxidiculam ego cerearum agni cœlestis imaginum, quas Roma summus Pontifex consecrauerat, Socijs nostris attuleram ex India. id ubi resciiuit Chri- stiana quadam anus Facatensis, multis precibus vnâ mihi earum extorsit. Eius rei fama statim hoc toto tra- ctu perccebuît. itaque ad me quotidie & Firando, & alijs ex locis nauigia veniebant virorum fœminarûmque plenissima, e reliquijs illis amoris (sic enim appellant) aliquid a nobis efflagitantium; negari non poterat. itaq; totum eius cere consecrationisque mysterium exponebat Ioannes, deinde in eos distruebatur. & sane ceram in particulas ita minutas secare coacti sumus, vt Christia- nis mille quingentis ac triginta sufficerent. quas pro su- is quisque copijs vel argentea theca, vel anea, vel stan- nea, vel ex aurichalco includebant, ex altera parte no- mine IESV spinea corona circumdato, ex altera tri- bus ad imam crucem clauis incis. Templum autem ipsum, quod Firando, aliisque ex insulis confluentem ad nos multitudinem non caperet, per eos dies ampli- ficatum, & sacrario, atque adificijs ad hyemem tra- ducendam ornatû est. opere absoluto, dum Iaponius qui- dam apud nos ceram in candelarum vsum ad ignem li- quat, arida palearum materia, e quibus parietes erant exstructi, flammam ita auide arripuit, non modo vt ho- spitium nostrum, ademq; sacram, sed etiam quindecim.

fere vicina Christianorum tecta comprehendere atque consumpserit. quorum sane mihi equitas animi ac patientia visa est admirabilis, cum incensis domibus domesticoque instrumento, in publicum se coacti proripere, tempestate perfrigida, cum e celo densa nix caderet, una cum coniugibus liberisque, qui nonnullis eorum erant septeni, octonive, nostram tamen vicem magis quam suam ipsorum dolerent. Ex ea clade sacrorum apparatus Dei beneficio ereptus est, & aliquid e suppellectili vestibusque, quas nos omnes egentibus Christianis, quorum domus arserant, miseratione commoti diuisimus. Ioannis vero Ferdinandi commentarius multis iam annis elaboratus, in quem ille sacras conciones, & catechismi explicationem Iaponico sermone retulerat, sane quam incommode perijt. Ego interea cum agrotus decumberem, ex eo periculo me ad quendam Christianum recepi, ibique in summa egestate storea mihi pro stragulo fuit, lignum pro cervicali: eo statim magna utriusque sexus hominum, ac puerorum turba confluit, incommoda nostra & calamitatem lacrymis prosequentium: mortuos parentes lugere dixisses, atque, ut est gens ad omnem humanitatem ac misericordiam prona, quamquam in summis rei familiaris angustijs, alij ad me contegendum proprijs vestimentis exuere sese, alij in cibum duas tresve cocleas, alij virides cepas, alij denique sylvestre allium afferre. aliquot etiam Firandenses, & Facatenses Christiani, qui in eam insulam anno priore Vocoxiura migrauerant, cocta nobis cibaria septem octove dies e suis domibus misere. Eius incommodi nuntio Firandum vicinasque in insulas perlato, confestim ad nos subleuandos Christiani cum fabris, paleis, funibus, arundinibus aduolarunt: quorum opera cum ades nostra, templumque

tum etiam incensa Christianorum tecta magno omnium gaudio ac voluptate resecta sunt.

Sub idem tempus ecce noua calamitas. Aduectum ex India pretiosum ornatum sacrorum vna cum aureo textili, & simul vitrea vasa donanda principibus, Firandum Cosmus, vt ibi videlicet ab incendijs tutiora essent, ad Christianum amicum custodienda transmiserat. Hic dum ludos quosdam profanos ipso Cinerum die agunt barbari, vnus ex ijs temere arreptum ignem in adificiũ coniicit, qui vento adiuuante, adeo vehemens ac sauum excitauit incendium, vt bonam vrbs partem cum adibus Antonij dynasta, & Christiani eius qui nostra seruabat, momento pœne temporis hauserit. quæ res magnam mihi præcipue, febri, tali anni tempore, laboranti, patientie materiam prauit, quodd in eas ego quoque sarcinas, Diui Thomæ partes, quæ appellantur, itemq; nonnulla valetudinis aduersa remedia, quibus admodum inops est hæc terra, conieceram. Inde, paucis interiectis diebus, vigilias agere sumus coacti latronum & hostium metu, quibus paruum hoc Firandi regnum infestum est: paratisq; nauigijs quibus alio, si res ferret, aueheretur sacra vestis & instrumentum, nos cum Christianis in editum locum munitumque recepimus. Sed belli tumultus ille DEO fauente sublatus est. Et quoniam Iaponica lingua ignoratio rem Christianam magnopere distinet, erepto ex assiduis occupationibus tempore, faciendum sibi frater noster Ferdinandus existimauit, vt de Iaponico sermone grammatica præcepta conscriberet. ijs duplex etiam Lexicon addidit: in altero Iaponicas voces, in altero Lusitanicas alphabeti ordine cū sua cuiusq; significatione prætexēs. Sexto vel septimo mense, haud tamen itcirco intermissis concionibus, ceterisq;

muneribus, eam lucubrationem absoluit, in primis utiq;
necessariam Iaponijs excolendis.

In ferijs Natalibus, atque Paschalibus incolarū summa deuotio. Nocte Natali sub vesperam ientaculo exceptos bifariam in templo diuisimus. Ibi alternantibus choris certos ex veteri testamento locos, sacrāsque Prophetarum predictiones temporari accommodatas versu Iaponico decantarunt. Deinde solennia missarum sacra peracta sunt. Dominica in palmis cum sacrum fieret, Passione Domini per vices, ut sit, recitanda, tanta populi comploratio orta est, ut vix inter pronuntiandum nos mutuo exaudire possemus. Iam sexta feria, quæ proxime consecuta est, complures tum Firando, tum ex finitimis pagis Christiani ad verberationem cum flagris ac tunicis confluxere, quod Firandi conuentus huiusmodi ab Rege prohibentur. nec sciantibus eo die procellis atque imbribus deterriti sunt, quo minus acriter sese cadentes, sanguinemque mittentes, permultos passus agmine composito incederent. quod ipsum separatim mulieres quoque, Christi amore incensa fecerunt, idque summa cum religione, & sanctimonia. Porro aquam Sabbato sancto benedictam, magno studio ac fide ad morbos pellendos partim apud se religiose asseruandam sumpserunt, partim etiam Firandum, ceterasque in insulas, atque oppida, Christianis dono mittendam. Paschali vero die Dominico, ad summam gratulationem species tantum & pompa magnifica defuit. cetera sane egregia. vnum dumtaxat pallium erat nobis, quo eodem pro umbella in supplicatione vsi sumus. sub ea gestabam ego sacratissimum CHRISTI corpus in calice, linteatus preibat Ferdinandus corona rosea redimitus, & quanquam macie ita confectus, ut vix herere vestigijs posse videretur;

tur; valde tamen iucunde canebat, Dic nobis Maria, quid vidisti in via? Cui respondebat ex altera parte Iaponius quidam senex, trullam bacillo pulsans, nec enim vlla in his locis Organa musica sunt. Eo die cibum apud nos cuncti sumpsere, quod festus ferme celebrioribus factitant, praesertim vero die Visitationi MARIAE Virginis sacro, quem diem precipuo cultu, atque honore exigunt Misericordiae sodalitia, cōiuij curatoribus in qua- libet Ecclesia constitutis.

Ipsis hebdomada sacrosancta diebus Firandi res accidit ad prouidentiam Domini iustitiamque declarandam admodum illustris. Princeps Bonziorum erat in vrbe quidam Sasimandaque nomine, regni totius huiusce tanquam Archiepiscopus, capitalis Christiana religionis inimicus, cuius scelere antea & Cruces praecisa, & Gaspar Vilela cum reliquis omnibus e Societate nostra Firandopulsi exclusiq, fuerant, quam rem Antonius dynasta grauissime tulerat, nec tamen vindicauerat, eo quòd Bonzius principum affinitatibus admodum potens esset. Is igitur ab eodem Antonio, qui regij exercitus Imperator vna cum Rege eo tempore militabat, per interpretem petijt fundum quendam continuandum praedijs delubrorum suorum. Id cum Antonius aperte negasset, accensus ira misit continuo Bonzius primum, qui Antonij villas, deinde sex circiter Christianorum Antonij popularium domos incenderent. Enimuero tum Antonius rei atrocitate commotus Regem adit, Bonziji improbitatem diutius ait tolerari non posse: nisi in ipsum Rex animaduertat, sese confestim rei militaris cura deposita, ad vlciscendum eam iniuriam profecturum. cui Rex quamquam inuitus ac mœrens, tamen quòd Antonij viri nobilissimi, & secundum se opulentissimi opera plurimum indigeret,

respon-

respondit se totam rem ipsius arbitrio plane permittere. Tum recordatus iniuriarum quibus ille nos affecerat, postulat Antonius, ut Bonzium eo dignitatis gradu deiecerit, Firandensis regni finibus in perpetuum exterminaret: & ne quas spes redditus ei relinqueretur, agros illius ac bona alijs possidenda assignaret. Quo statim facto; & Christiani molesto grauique aduersario liberati, & Bonzys dedecus ingens, ac dolor iniustus est.

Decem menses Tacaxum fuimus: quo temporis spatium vicinas insulas, quæ in Antonij ditione sunt, bis Ferdinandus inuisit. nec sane frustra. nam & Christiani, ipsius aduentu mirum in modum recreati, & barbari multi ad ouile CHRISTI perducti sunt. in ijs vetula quædam annuum agens circiter nonagesimum, mulier honorata, multisq; affinitatibus pollens. Hæc æternæ beatitudinis gratia, multa Iaponis delubra superstitiosis peregrinationibus circumierat, habebatque papyraceam tunicam, quæ descriptam Amide vitam continebat, quam illi cum alijs diplomatibus, & indulgentijs (Ecclesiasticos enim ritus demon effugit) Bonzj pretio ingenti vendiderant, polliciti, si eo amictu, supremo die suo efferreretur, omnibus noxis solutam, recta ad beatas Amide sedes proculdubio peruenturam. Aegrotum quendam eius propinquum Ioannes inuiserat, cuius domi casu ipsa quoque ium aderat. Eam igitur Ioannes accersi iubet, si pauca de Redemptore generis humani, de quæ altera vita cognoscere cupiat. audituram se respondit mulier: verum enimvero falli, si quis iccirco se Christianam futuram existimet. Sed ubi demonis malitiâ, fraudes Amide, cui illa, tanto opere fideret, Euangelicam denique veritatem Ioannes aperuit; ut Iaponica ingenia facile rationi-

Nonibus cedunt, eius orationem mulier ita approbauit, vt lacrymis obortis Baptismum continuo peteret. quid multa? solennes preces edidit, chartaceam illam tunicam, aliæque Bonziorum scripta quæ diximus, ad Ioannem attulit comburenda, sibi post hæc sacrum fore nihil, aut religiosum affirmans, præter nomen IESV. ac deinde baptizata, tantam animi pietatem atque ardorem ostendit, vt cum vniuersos Christianos, tum eos præsertim, qui eam antea nouerant, ingenti gaudio affecerit: quam metuebant prius, nunc autem metu duplicatum in amorem conuerso, maxime diligunt: ac mirantur quæ prius præ imbecillitate corporis stare vix posset, eam nunc quotidie templum petentem, Angelicamque salutationem trecenties recitantem, & singulis noctibus bis orandi causa e cubili surgentem. Eadem postea ad me Tacaxumam cum alijs Christianis nauis contendit, vt rei diuinæ interesset, & granum aliquod benedictum, & ceræ, quam diximus, consecrata particulam a nobis exposceret.

His rebus, alijsq; peractis, quas ego breuitatis causa prætereo, Ferdinandus ad me reuertit. Et quoniam Firandenses Christiani magno nostri desiderio tenebantur, mihi autem per Regem a Christiana religione contra quàm initio simulauerat, alienum, in ea vrbe rem diuinam facere non licebat; supplicationibus habitis, & re cum Antonio communicata, omnino visum est faciendū, vt Ferdinandus saltem eo sese conferret: vbi ille dum fideles in officio retinet, labantes in fide confirmat, barbarosq; præceptis Christianis instituit; interea naues Lusitanorum duæ in hanc orāe Sinis delatæ. quarū magistri cū iniussu meo Firandi portum inuehi nollēt, Rex ra-

tione lucri coactus (nam alioqui, secus ac primis aduentus nostri in Iaponē annis simulauerat, & nobis, & Christiano infensus est nomini) se mihi per quendam e suis familiaribus excusauit, quod bellicis districtus negotijs nōdum mihi salutem nuntiari iussisset, & simul magnopere petijt a me, vt Lusitanos vrbs aditūne prohiberem: se primo quoque tempore de mea quoque introductione cum nauarchis acturum. Illi igitur, permittente me descendunt, & promissa ab Rege sepius exigunt, templum ere suo se exadiscaturos recipiunt. Rex tergiversando rem extrahere, nosq; iam aperte frustrari, cum eo ipso tempore oneraria cui a sancta Cruce est nomen, aduenit, sane opportune. nam & sacerdotes e Societate tres Melchiorem Ficare dum, Balthasarem Acoftam, & Ioannem Cabralium, summa cum animi nostri voluptate ac latitiane opinantibus nobis aduexit, & occasionem optimam praeuit Regis ab ea perfidia reuocandi. Hanc ego nauem actuario quasitam reperi in ipso cursu velis adhuc inflatis; & Petro quidem Almeida nauarcho pro excellenti eius probitate, & in Societatem nostram obseruantia, facile persuasum est, vt vela submitteret statim, ibidemque subsisteret: mercatores autem siue nauigationis nausea tadioque, siue alia quauis de causa, nullis rationibus de sententia deduci potuere quo minus scaphis oppidū peterent, & mercimonia exponerent. magno illis ea descensio stetit: namque a furibus igne apothecis eorum iniecto, magna mercium parte vel flamma ventoq; sauiēte cōsumpta, vel etiā ab ipsis furibus inter eam trepidationē ablata, aureorū circiter duodecim millium damnum fecere. Interea Petrus Almeida, qui iactis archoris, ab oppido sex millia passuum stabat, rogatu meo Regi aperte denuntiat, se nisi nobis restitutus nequaquam

quam appulsurū. Rex autē, dierum aliquot mora inter-
posita, ad extremum metuēs, ne si rem diutius distulisset,
magna rerum suarum iactura nauarchus alios portus pe-
teret, nobis & urbem intrandi, & sacrae adis exstruendae
potestatem fecit. Descendentibus nobis ad litus die natali
D. Barptolemai Apostoli, gratulatio ingens & a nautis
Lusitanis significata est, & ab incolis Christianis, cum se
præter spem, voti compotes factos viderent. Nos cum na-
uarchis & magno præterea comitatu Regem adiuiimus,
eig, gratias egimus. accepti sane frigide, quod dedit acce-
pimus. inde Antonio eiusq, matre salutata, ad instaura-
tionem templi continuo animum adiecimus. ex onerarijs
Lusitanorum tribus, pecunia in adificationem corrogata,
opus celeriter ad culmen perductum est. Itaque in eo tem-
plo natalem diem MARIAE Virginis egimus Balthasa-
re sacrificante, & magno omnium gaudio concionante.
Tanto autem studio a nobis de hac Firandensi commora-
tione multis de causis laboratum est. Primum quod ita
mandauit Antonius Quadrius: deinde ne Christiani inco-
le summa virtute ac religione homines deferantur: tum
ut iacta a nobis in animis puerorum, qui sane præstanti
sunt indole, semina Christiana doctrine, ad bonam fu-
gem nostra opera perducantur: postremo Lusitanorum
etiam gratia, qui ad hoc emporium libentissime comme-
ant, ad merces distrahendās ac diuendendas opportunif-
simum. Dum hac ad Firandum geruntur, cognitum est
Cosmum Turrianum Bungenſis regis hortatu, atq, au-
xilio ad oppidum Rimanī regni Cochīnocū peruenisse,
eamq, Ecclesiam, quam hostes affixerant, eiusdem Re-
gis ope ac beneficio restitutam. Eo Melchior Ficaredus
cum mandatis ac litteris, quas afferebat ex India; ad
Cosmum profectus est. Nec ita multo post Cosmus ad nos

scripsit, vt ad se ego & Balthasar Acoſta veniremus, Ca-
bralio, & Ferdinando Firandi relictis. qua prima nau-
gandi facultas fuerit, proficiſcemur. atque ego me, niſi
per mea ſteterit peccata, Meacum ad Gaſparem Vilelam
miſſumiri conſido. nam noſtrorum hominum ſubſidium
aliquod non ipſe modo, ſed etiam Meacenſes vehementer
exoptant: quippe qui ad eum, ſacrorum caſſa, e remotis
vrbis ampliſſima partibus agre admodum ventitant. Cui-
us proſectores geſta ſatis declarant nihil eſſe tam ardu-
um atque difficile, quod non animi robur ac perſeueran-
tia ſuperet. Nam qui primis legationis ſua temporibus,
contumelijs, probris, lapidationibus nullo defenſore appe-
titus, diuq; vexatus eſt; tantum conſtantia, patientiaq;
proſecit, non modo vt populo, ſed etiam vt principibus,
Regeq; iam ipſo aquo ac beneuolo vtatur. In agro Mea-
cenſi intra quadrageſimum circiter lapidem Eccleſias ſe-
ptem inſtituit, multis e prima nobilitate ad Chriſti cul-
tum adductis: magnum denique rei Chriſtiana ſtudium
in illis gentibus excitauit. Verum hac, & reliqua huius
provincia acta ex aliorum litteris fuſius cognoscetis. Vos
ego patres, fratresq; mihi cariſimi per Deum obſecro, vt
reſtris in ſacrificijs precibusq; memoriam mei retineatis.
Firando. Quarto Non. Octob. 1564.

IOANNES FERDINAN-
dus Franciſco Perezio ex
Societate IESV.

ET ſi putabam vos de rebus Meacēſibus e Gaſpa-
ris Vilela ipſius litteris cognituros; tamen cum
Chriſtiani duo certi homines nuper ad nos Me-
aco veniſſent, faciendum mihi exiſtimauit vt
qua

qua ab illis accepimus, tibi per litteras primo quoque tempore exponerem. Anno superiore, cum Gaspar ad Bonziorum furorem atque impetum declinandum ex vrbe Mexico Sacaium Christianorum hortatu precibusq; se recepisset; Didacus quidam neophytus ad Xamaxinodonum inius adiit, debitam sibi a nescio quo pecuniam iudicio repetens. hunc Xamaxinodonus vt agnouit, per ludibrium sitne Christianus interrogat. Ego vero sum, inquit ille: cui rursus Iudex: cedo, vestra quae dogmata sunt? recusanti respondere Didaco, seq; excusanti quodd tyro esset etiamnum; acrius instare denuo barbarus, et virgere, vt aliquid in medium afferat. Neceſſitate poene coactus Didacus de animorum immortalitate, deq; eterno totius vniuersitatis parente capit nonnulla differere: quibus permotus Xamaxinodonus, abi (inquit) nuntia magistro tuo vt ad suam mihi doctrinam declarandam accedat. nam si tu rudis adhuc & nouitius tam bene disputas, quid de ipso doctore tuo putandum est? quodd si veritatē religionis Christianae probauerit, eam ego fortasse & Quequidonus collegae meus suscipere non grauabimur. Didacus igitur non sine diuino consilio id factum existimans, forensi actione deposita, Sacaium ilico ad Gasparem excurrit, eiq; iudicis mandatum exponit. Gaspar rem cum Christianis qui ibidem aderant, communicat. illi negant se dubitare quin ea sit insidiosa euocatio; proinde nequaquam eundum. omnino probabilis erat ea sententia: verumtamen, ne cui, verbum Dei audire se velle dicenti, aliquo pacto defuisse videretur; Laurentium Iaponium comitem suum ad eum legauit: qui, quamquam proposito vitae periculo, libens discessit ea conditione, vt nisi intra quatrimum reuertisset, minus commode cum eo actum existimaretur. Dies duo, tres, quattuor; nec tamen redit.

pro

pro mortuo scilicet vel certe male accepto est habitus. mittitur de communi sententia Meacum vnus e Christianis Antonius nomine, vt cuncta Sacaium explorata certa^q, referat. Huic in ipso itinere occurrit Laurentius & comites duo cum iumento tendentes ad Gasparem deportandum, quod iam Xamaxinodonum & Quequidonum Laurentij opera Dominus ad se conuertisset. Meacum igitur cum Socijs tribus Gaspar profectus (ij sunt Iaponij Laurentius, Augustinus, & Damianus missus ad eum mense Decembri) Xamaxinodonum & Quequidonum Baptismo lustrauit. Erant ambo venefici, & demone familiariter utebantur. ijdem iuris Iaponici peritissimi, summa^q prudentia & eruditionis fama. itaque ab ipso Rege & ijs qui rerum potiuntur, de religione, bello^q, consulebantur: Christiana autem religionis adeo acres aduersarij, vt in ea affligenda & Gaspare exturbando Bonzij ipforum precipue opibus, gratia, auctoritate niterentur. Nunc autem diuinitus immutatus vterque tanto studio in Christiana causa defensionem incumbunt, vt Iaponicarum opinionum prauitatem atque fallacias scriptis arguere atque aperire instituerint, Euangelica veritate ad calcem operis addita. quem librum ad communem omnium vtilitatem salutemque sunt edituri. Sane grauem ex eorum conuersione plagam ac dolorem Bonzij accepere, praesertim quod illos imitatus Xuicaidonus quoque, vir in Iaponicis meditationibus exercitatus, & Mioxindoni rei militaris praefecti cognatus, ad Christum accessit, atque inde in patriam reuersus passuum ab vrbe Meaco viginti quattuor millia, quae Imoris appellatur, estque in Mioxindoni ditio, tantum apud affines & amicos exemplo suo monitisque profecit, vt eo Laurentius ipforum rogatu missus a Gaspare, patritios sexagin-

ta eorumq; familias (omnino erat hominum numerus ad quinque millia) baptizauerit, ade sacra confestim exstructa. quorum tanta fuit in fide virtus atque constantia, vt post Laurentij discessum, a Bonzijs ethnicisq; ad defectionem sollicitati lacesitiq; partim altercationibus, partim etiam ludibrijs & insectationibus, non modo non ab incepto desisterint, sed etiam pro defensione Euangelij diem vnum in armis fuerint. Quibus rebus Xamaxinodonus cognitis, Gaspari persuasit vt ad Mioxindonum, cuius domicilium ab Imori castro vnus diei distat itinere, sese conferret, caussamque Christianorum apud eum ageret. Ab eo Gaspar benigne acceptus, cum de rebus diuinis ipso valde approbante verba fecisset, summa eiusdem voluntate obtinuit, vt Imoreses ethnici Bonzijsq; neophytis negotium postea ne facerent. quare Christiani molestia liberati & magnopere confirmati recreatiq; sunt: ad quorum numerum tredecim alios in reditu Gaspar adiunxit, postridieq; Meacum reuersus est. Ex eo tempore in agri Meacensis munitis oppidis quinque ad passuum non vltra quinquaginta millia totidem Ecclesie instituta dicuntur. Regis autem ipsius Meacensium tanta esse fertur in Gasparem animi propensio, vt cum Gaspar ab Amangutianis litteras accepisset, eam Ecclesiam a Moridono tyranno vexari, pjs ipforum discussis cœtibus, euerso templo, areaq; ipsa per vim occupata; Regem adiuerit, atque ab eo impetrauerit, vt ad Moridonum scriberet, gratum sibi esse facturum, si Christianos commendatos haberet, eorumq; templi instaurationem atque adificationem adiuuaret. Eam epistolam Rex insigni cuidam viro dedit ad Moridonum in castra leucas triginta vltra Amangutium perferendam: eiusdem epistola separatim exemplo ad Christianos Aman-

gutia-

gutianos allato, qui propterea magnam in spem rerum meliorum venerunt.

Hæc habui quæ de Meacensibus rebus in præsentia scriberem, ut tam læti nuntij quam primum in Indiam pervenirent. Gasparem ipsum de eiusdem rebus aiunt scripsisse. Eius litteræ, quas Bungi itinere pergens alius nescio quis ferre dicitur, ut speramus, propediem subsequantur. Hactenus de alijs. Quod vero ad me ipsum attinet, te per IESVM CHRISTVM R. P. obtestor, ut mei in sanctis sacrificijs tuis nominatim memineris, atque id ipsum a reliquis omnibus Socijs peto: quo ipsorum deprecatione placatus mihi Dominus tantum virtutis impertire dignetur, ut Societatis nostræ disciplinam, ac leges ad finem usque vitæ custodiam. Firando 6. Idus Octob. 1564.

ALOISIVS ALMEIDA

Societati IESV in Lufitaniam.

Complectar his litteris fratres mihi carissimi ea dumtaxat, quæ mihi, certa Iaponis obeundi loca in itinere contigerunt: nam cetera nostri Meaco, Firando, atque aliunde, ad vos ipsi perscribent. Anno proximo Pater Cosmus Turrianus, Vocoxiura, ubi tum commorabatur, misit me, duo in oppida regni Rimani ad prædicandum Evangelium; quibus in oppidis intra tertium circiter mensem (quæ Dei benignitas est) non infima conditionis homines amplius mille

mille ducenti ad ouile Christi perducti, baptizatiq; sunt. Atque illa quidem iam cognouisse vos arbitror: Barptolemaum Regulum valde potentem Rimani Reguli fratrem magna cum nobilitatis parte conuersum ad Christi fidem, aliosq; deinde complures. Didicistis praterea, vt opinor, Vocoxiura vicus ac portus, nostris ab eodem Barptolemao attributus, cum edificijs, tum vere neophytis in dies quàm feliciter crescere caperit. Hunc adeo latum rei Christiana progressum cum diabolus ferre non posset, Bonzios permultos e popularibus Barptolemai sollicitare non desistit, quoad facta coniuratione, armisque clam sumptis, Regulum vtrunque repentino impetu aggressi; Barptolemaum, quodd idolorum cultu sublato phana ipsa Deo vero dicasset regno deturbatum, in arcem quandam compulerint, intra quam sese continebat hoc tempore; fratrem vero eius, quodd in regnum suum patefecisset adiutum Euangelio, dimidia fere parte oppidorum sua ditioris exuerint. In eo tumultu, Vocoxiura vicus, iniecto furtim a vicinis hostibus igne, confestim incensus est. Cosmus in Rimani cuiusdam neophyti nauem cōfugit, Leonis nomine, qui periculo cognito statim præclaris nauigijs duobus ad opem Ecclesia temploque ferendam aduenerat: quod tamen ipsum vna cum adibus Christianorum agricolarum, cum iam Cosmus, vt dixi, nauigium conscendisset, inspectantibus nobis, eodem conflagrauit incendio. Spectaculum nostris oculis graue admodum, & acerbum. Vicus primum exustus ac dirutus is, qui modo & conuenarum numero, & plurimo Dei cultu florebat: innocentes pueri permulti, quorum pijs vocibus, ac quotidianis precationibus in Dei laudem nuper omnia perstrepebant, raptim in naues impositi, dilapsique: cetera neophytorum turba cum liberis atque fami-

familijs, sine tecto, sine cibarijs, sine vlllo praesidio, relictâ crudelitati hostium atque scuitia. Rebus igitur desperatis morentes cursum direximus ad portum, qui primus regni Bungenſis occurrit, distantem leucis a Vocoxiura circiter quinquaginta. In ea navigatione, digna memoratu nonnulla accidere; e quibus hoc vnum in praesentia exponam. Cum ad alias eius ora stationes, tempestatis causa, coacti sumus appellere; tum ad quandam regni Rimani portum, citra eum locum quem petebamus, passuum millia quinque, & viginti. Eius portus atque oppidi facile princeps erat Leo: qui inde Vocoxiuram ad nos, vt diximus, nauigijs duobus erat profectus. Eo igitur delati, quodd Cosmus valetudine admodum vteretur aduersa, descendimus, ibique dies octo substitimus. quo tempore Christianorum concursus ad Cosmum ingens fieri captus; quodd neminem e sacerdotibus nostris antea viderant, eiusq; aduentum magnopere optauerant. Verum noctu fere ventitabant, exploratorum metu, hostiumq; Christiani nominis, quibus oppidam erat refertum. Nam Reguli pater, qui etate iam exacta Regni administratione decesserat, cognita seditione ac bello in filium excitato, rebellibus renuntiari iusserat, omnia ipsorum arbitrio compositum iri; spondendâque, ipsum filium Regem, itemq; nepotem, in exsilium ituros; Cruces Christiano ritu defixas auulsum iri, Christianos ad patrios ritus Christo deserto redituros. Id erat causa cur neophyti minus aperte Cosmum inuiserent, quorum erat numerus ferme octingentorum. Ipsi vero pueri Christiana doctrina sic erant eruditi, vt cuncti precandi formulas, plerique etiam Catechismum totum tenerent. ij, curabat Cosmus vt inter sese, dialogi more, fictis ad tempus personis, de Christiana religione,

Gentiliq³ superstitione certarent; idq³ tanta cum animi voluptate, vt perspecta gentis huiusce fides, ac pietas, omnem pæne acceptæ cladis dolorem abstergeret. Sed hoc ipsum quoque solatium nobis humani generis hostis inuidit, ac Bonzios impulit, vt facta manu, diuersorij nostri arundinea tecta nocturnis lapidationibus magno cum strepitu peterent: quo maxime tempore neophyti spiritualium sermonum delicijs fruebantur. Quocirca nihil hostium vim ac potentiam veritus Leo (quod alius nemo præter ipsum auderet) nos adium suarum excepit hospitio: cumq³ nihilominus Bonzij furerent, tanto dolore ipse cum omnibus suis exarsit; vt inscientibus nobis arma capere, ignemque cœnobijs Bonziorum inferre, summa præsertim vxoris voluntate, decerneret. Eam rem odorati Bonzij, furere desierunt. Verum quia commoratio nostra diuturnior, periculosa neophytis esse videbatur, idq³ ipsimet ita iudicabant; quamquam magno cum dolore, quem ex ipsorum solitudine & calamitate capiebamur, magnaq³ mutua beneuolentiæ significatione, silentio noctis digressi; postridie Tacaxim oppidum Bungenfis ora tenuimus. Ibi Cosmus loco propinquo consistere, & neophytorum animos, epistolis, inter eos terrores atque discrimina confirmare, totiusq³ rei exitum expectare constituit. et quo esse ibi tuto liceret, ad regem Bungi me misit, duarum, & triginta leucarum itinere; vt is de mansionem suam cum Tacaxiano Præfecto per litteras ageret; quod Cosmus ipse propter valetudinem longius progredi non auderet. Rex erat eo tempore Vosuqui (id oppidi nomen est ab vrbe Bungo passuum millia fere octodecim) quem vt conueni, Cosmiq³ mandata exposui, Rex valde letatus Cosmum in suis versari sinibus, protinus mihi dedit ad Præfectum epistolam; Cosmo aream adesq³ ad

habitandum attribueret, & ex incolis, Christianum, quicumque vellet, fieri permitteret. Atque hac quidem eo ipso die: post mensem autem, Cosmum regni proceribus per litteras magnopere commēdauit. Post menses vero duos, cum Christianam rem parum procedere cognouisset, duas edidit tabulas ornatas auro, nigroq; colore distinctas, quarum alteram Cosmus apud se, alteram vnus e nostris haberet in alio Bungenfis agripago per celebri (Cauaxirim appellant) leucas a Tacaxi septem. Earum in vtraque rei Christiana tribus capitibus chirographo suo cauit quā diligentiſſime. Primum enim edixit licere in ſuo regno, ſummiſ, medijs, infimiſ Christianos fieri: deinde pœnas propoſuit, ſi quis diuina legis præcones, aut impediret, aut vlla ratione laſiſſet. tertio declarauit placere ſibi in perpetuum tota ſua ditione prædicari Euangelium. Ac mirum ſane quantopere Chriſtiana religioni faueat, quamquam ei nondum addictus. Petentibus nomine Bonziorum quibuſdam, vt nos exterminaret, alienum eſſe eiſ dignitate, ferre qui Deos ſuos tam impudenter, tam contumelioſe proſcinderent, infames item edacitate carnis humana (hoc enim illos non pudet crimen noſtris obijcere) & quocunq; pergerent, euerſiones atq; excidia ſecum afferentes: cum hac, inquam, & alia ſexcenta in nos probra iactarent; annus, reſpondit ille, circiter quartusdecimus agitur, ex quo hi homines, in hac loca magno vtique meo bono delati ſunt: tribus quippe dumtaxat regnis antea præſueram, nunc vero quinque poſſideo. antea pecunia laborabam inopia, nunc Iaponis Reges omnes diuitijs ſupero; atque ad populares etiam meos hoc beneficiū pertinet. denique omnia mihi ex eorum hoſpitiſe cunda acciderunt: quin etiam filio ſum auctus, quod vehementer optabam, cum nullum antea ſuſcepſſem. Qua-

ro nunc ex vobis ecquid attulerit mihi commodi religionis vestra defensio? proinde cauete, ne in posterum ad me istiusmodi verba faciatis. quo illi responso fracti, abiectiq; cessere. Idem fere Meaci contigisse cognouimus, cum Bonzj ex ea vrbe Gasparem Vilelam exturbare conarentur. Mos est Iaponiorum, cum aliquam pecunia summam principibus largiuntur, chirographum illis offerre, ex quo ipsi deinde per suos domesticos eam pecuniam exigant. Eiusmodi chirographum, facta collatione, Meacenses Bonzj detulerant ei, qui causas ipsorum apud Regem agere consueuerat, vt idem ille nostros Meaco pellendos curaret. Is auditum aliquoties Dei verbum (vr erat bonus natura) probauerat. Ita quere[m] sustinere, & chirographum apud se detinere constituit, quoad clarus, quae tradebantur a Vilela, cognosceret. Adit igitur & audit hominem magno cum assensu: redit iterum, ac terro: demique clariori oborta sibi luce Christianus efficitur. atque hac maxime ratione Dominus, hominem hunc, sicut & ceteros, qui se haud difficiles praebeant, ad veritatem ab errore traduxit. Verum, vt ad institutam narrationem reuertar, tabulas ego regias ad Cosmum misi; quarum vnā Duartes Sylua Cauaxirim promulgandi Euangelij causa pertulit. Ego Bungi moratus sum a natalitijs Domini ad Paschatis vsque peracta solennia. Interea quanta, quam assidua concionum frequentia; quam crebri Baptismi, quae in publicum Hospitale caritatis officia; quot eleemosyna; ferijs vero Natalibus, quam pia e sacris historijs spectacula exhibita: per Quadragesimam, qui ardor animorum, quam graues, quam acerba poena a neophytis vltro suscepta, Paschalibus denique diebus quam festiua, ac iucunda gratulationes tum publice, tum priuatim extiterint, quoniam ea vobis minime noua

Bb 2 sunt,

sunt, nihil attinet scribere. Per eos dies Duartes Sylua
 Cauaxire dum incensus rei Christiana studio, immemor
 cibi potusq; ad Euangelium dies ac noctes predicandum
 incumbit, grauem morbum e summo labore contraxerat.
 Ad eum ego curandum (abest autem Cauaxiris oppidum
 Bungo leucas paulo plus triginta) Cosmi iussu ingenti la-
 bore perrexi; quoddam perpetuis imbris amnes adeo intum-
 uerant, ut vado transmitti non possent. Ita coactus re-
 cta via deflectere, quinto demum die perueni Cauaxirim
 fratremq; nostrum offendi humanis omnibus remedijs, in
 magna diuinorum solatiorum copia, destitutum; macieq;
 pene extrema confectum: sic prorsus, ut nonnulla, quae me-
 cum ad instaurandas aegroti vires attuleram, parum illi
 exhausta prope iam naturali virtute profuerint. Et quo-
 niam Cosmi visendi, antequam migraret e corpore, ma-
 gno desiderio tenebatur, noctem quietam nactus, ipsius
 Cosmi iussu Tacaxim eum naui transuexi, quem acce-
 ptum amantissime, officiosissimeq; tractatum, Cosmus fru-
 stra sanare conatus est: decem superuixit dies: sumpto bis
 corpore Domini latus abiit, praclaro nobis cum virtutum
 aliarum, quae in ipso elucebant, tum vero Christiana hu-
 militatis ac patientiae documēto relicto. Quam multas il-
 le, sui praesertim aduentus initio difficultates, & incōmo-
 da pertulit. quot imbecilli corpusculi vexationes poeniten-
 tia nomine subiit. quanta vero industria, quanto fuit stu-
 dio Christiana religionis propaganda. equidem nil vidi si-
 mile, cessabat nunquam. itaq; praeter ceteros labores, non
 Iaponicas modo, verum etiam Sinenses, quae multo diffi-
 ciliores cognitu sunt, didicerat litteras; artemq; Iaponi-
 ca lingua grammaticā, & copiosa lexica primus ipse con-
 fecerat. Sed redeo ad Cosmum. Is eo ipso tempore ab rege
 Rimanorum accersitus, tametsi cū eo congredi vehemen-

ter optabat, atq; ob id ipsum etiam in oppido Tacaxe remanferat; prius tamen regem Bungi constituit tota de re facere certiore: binas interea litteras ad Rimanū dedit, quas cum mandatis ego deinde sum subsequutus: ignosceret moræ: ita de se meritum esse Bungensem, ut illo insulto proficisci fas esse vix duceret. Rimā Tacaxe tēderibus pagus occurrit, quam Leonis patriam esse iam diximus. Eo ut perueni, me viso, et protectionis meæ causa cognita; neophyti, dici vix potest, quanta letitia affecti sint. Serum erat diei, totum id tempus confluentibus ad me salutandi causa datum est; baptizati quoq; nonnulli; in ijs ethnici cuiusdam filius, qui pro ea consuetudine, quā cum Christianis sancte institutam habebat, non modo sese Deo commendare iam caperat, verum etiā Christianæ doctrinæ rudimenta memoriter hauserat. Postera luce ex eo loco profectus Rimam quinq; leucarum intervallo deueni. Regulus cum cetera comitate, tum etiam cœna me excepit; multaq; de Bungenſi re percontatus, quod ad Cosmum attinebat, ita respondit: Cochinosum suæ ditionis emporium totum esse Christianorum (quadringenti, & quinquaginta fere neophyti numerantur) eo Cosmum posse concedere, ibique expectare, dum debellatum esset; daturum se, qui me illuc vsq; perduceret, mihiq; aream, ac domum, in vsus Cosmi assignaret. itaq; factum est; cesitq; res e sententia. Cosmus bona Regis Bungenſis venia concessit statim, & Cochinosum naui delatus, magno omnium gaudio exceptus est; nullaq; interposita mora, neophyti solum purgare, ad esque instruere aggressi sunt. Ille perspecta hominum virtute, ac probitate magnopere delectatus est; illud vero præcipue mirabatur, cum temporis spatium non plus trimestri ad Christum Dominum

*cuncti conuersi fuissent, tam recenti re, nullis hostium
minis, aut denuntiationibus de suscepta religione potuis-
se deduci. Grates Domino, qui illos tanto animi robore,
ac fortitudine impertijt. Būgo, Pridie Idus Octob. 1564.*

LIBRI QVARTI FINIS.

DE IAPONI-
CIS REBVS EPI-
STOLARVM LIBER
QVINTVS.

ALOISIVS ALMEIDA
Societati IESV Pacem & Salu-
tem in Domino.



*T cōmunis officij ratio, qua ad
alloquendos litteris amicos ab-
sentes impellimur, & prācipuus
animi fructus, quem vos perci-
pere ex Iaponicarum rerum
cognitione intelleximus, me
hortatus est, vt confectum Dei
beneficio iter Meacense, caris-
simi fratre, hac epistolā vobis exponerem. Cum statuis-
set Praefectus noster Cosmus Turrianus, vt ego & Aloisius*

Froes

Froes Meacum eo consilio peteremus, ut ipse quidem merneret ibidem, & Gasparem Vilelam adiunaret in opere, ego autem ut Aloisium illuc usque profecutus, quod ad spem propaganda in ijs locis Christiana religionis attinet, comperta atque explorata referrem omnia; Cochinnoco Rimani agri vico maritimo, quod his temporibus Cosmi Turriani domicilium est, ab ipso Cosmo non sine magna beneuolentia significatione faustisq; precationibus ad nauem usque deducti, solutis anchoris eo ipso die ad urbem Ximabaram secundo vento deuenimus; atque ibidem (ut est grex ille neophytorum eximio quodam rerum diuinarum studio) vel concionum frequentia, vel eorum qui ad CHRISTI fidem traducti sunt genere ac numero, bidui ferme operam adiuuante Domino sane quam preclare posuimus. Cum iam hora profectionis adesset, a neophytis parato nauigio ad mare deducimur. quidam etiam (ex quo facile hominum in nos amor eluceat) qui ad tempus adesse nequiuierant, citato ad nos cursu contendere, & aquis eodem impetu sese credere, ut nos iam in salo stantes, affari sibi cominus liceat. Ioannes vero Dynasta proprio nauigio nos longius prosequutus, cursum inde ad Barptolemaum regem intendit, qui paucis ante diebus Cosmo Turriano Crucem auream dono miserat cum epistola, in qua erat scriptum, se Crucis eius beneficio, quam secum semper tulisset, non modo magnis e periculis euasisse, verum etiam multas ex hoste retulisse victorias. Id argumentum suae fidei & amoris mittere se ad Cosmum, cupere tamen aliam sibi vicissim ab eo remitti; eam, quod Cosmi fuisset, maiore etiam apud se in honore futuram. Crucem igitur Ioanni Dynasta Cosmus tradidit ferendam ad Regem: addita muneri ab Aloisio Froe nonnulla reliquia. Cui vos quoque Regi

adeo pio & de Christiana religione bene merenti, fratres carissimi, felices bellorum euentus ab immortalī DEO precamini. ijdem enim & Barptolemaum & Christianam religionem hostes oppugnant. Ximabara igitur Tacaxim, qui Bungensis Regni Rimanique est limes, atque inde Bungum terrestri decem ferme dierum itinere, non sine summa difficultate perreximus. nam prater vim frigoris acerbissimi, & conflagrosa atque insua loca; diuturnus etiam imber calles ita lutulentos effecit; vt saepenumero prolapsi fuerimus: cum interea defatigatis corporibus ad resciciendas vires in diuersorj's nasturtiorum & inhamis herba folia praeberentur. Cutamis est pagus, a Bungo millia passuum septem & viginti, egregio templo visendus, quod ibi Christianus quidam exstruxit. In eo pago noctis vnus demum quiete capta, Bungum postero die peruenimus. Rex erat eo tempore Vosuqui. Eum conuenire septimo post die placuit, de que suscepta peregrinatione facere certiore. Ille vero nobis benigne & comiter acceptis, litteras etiam ad amicos Meacenses commendatitias dedit. In eo pago Christiani visuntur aliquot: in ijs noster hospes in primis Christo deuotus & probus. Is non paruo nos affecit solatio, cum totam precationum suarum nobis rationem exponeret. Ea erat eiusmodi, vt orsus a summo Pōtifice ceterisq; Ecclesiasticis ordinibus, & Regibus Christianis; ad vniuersos nostrae Societatis homines, sed nominatim ad vnumquemque nostrum, qui versamur in Iapone, descenderet; tum pro conuersione infidelium, sed regis Bungi praecipue, supplicaret: longam inde pertexuit seriempetitionum, certis in singula rerum capita obsecrationibus distributis. tam copiose praeerea de contēptu mundi, tam scite de alliciendis ad CHRISTVM Iaponijs proceribus disputauit, vt eius

pieta-

pietatem vehementer admirati fuerimus. Quid multa? nostram vicem Doctoris officio functus est. Nos Bungum inde reuertimus. Bungo Meacum versus iter intendimus, magno neophytorum numero nos ad passuum tria millia prosequente. Verum aduersa tempestate Bungum reiecit sumus omnino ter: cum ipsi palam neophyti faterentur, se nobis contrariam a Deo nauigationem enixe precari, ut apud se Natalem Domini diem festum agere cogeremur. Spatium id fuit mensis vnus: quo tempore non destitimus vicinis locis verba facere ad incolas, & hospites nostros ad Christi fidem & cultum suscipiendum hortari; cum ipsi quoque Bonzij ementito corporis habitu se mulierum cœtibus inferentes, clam ad nos audiendos accederent, ydemq; a suis popularibus proditi, ac disputationibus nostris Domino adiuuante conuicti facile cederent. per eos dies Tonus ad Christi ouile aggregatus est, insigni nobilitate vir, ingenioq; præstanti. Iam Natalitia Domini aderant: ijs ingenti Christianorum gaudio celebratis, denuo soluimus, & vento secundo ad insulam nomine Hiu sane haudquaquam securi peruenimus. Sauebat maiorem in modum mare: parua erat nauis: vectorum mira colluies, Lunam, Solem, ceruos, aliasq; belluas vario ritu adorantium. Metum augebant præterea in oculis nostris & recenti aliorum naufragio reliquæ & sarcinæ fluitantes. Verumtamen nos Dominus, quoniam nitebamur vno, ad eius quam diximus insulæ portum, leucas a Bungo quadraginta perduxit. Eius circuitum insule passuum aiunt patere millia ferme trecenta. Quattuor in regna diuiditur, oryzæ ferax. Locus autem ipse, ad quem sumus adpulsi, Fore, gentis vocabulo nominatur. Ibi aliquot reperti Christiani, qui Euangelium in vrbe Meaco perceperant. Ex ijs quidam in primis honestus, con-

rimo nos gratulabundus inuist: noctemque totam apud
nos traduxit alijs nullis nisi de benignitate diuina ser-
monibus. Equidem nullum adhuc vidi tanta vel aucto-
ritate, vel prudentia, vel cognitione veritatis Christiana
Iaponium. Filium annos vndecim natum egregia
puerum indolis cultui Christi dicauit. Reliqui eius do-
mestici eximia sanctitate & religione sunt omnes, sed
uxor praeipue, quae ventrem ferens, & quidem proxi-
ma partui, ut audiuit Christi sacerdotes adesse, inspe-
rato gaudio elata, postridie confestim ad nos, ancillis
ac liberis comitata, bene longo intervallo se contulit, ver-
boq; Dei refecta, vespere cum suis domum reuertis, eaq;
ipsa nocte peperit filium, cuius rei nuntium dilaculo misit ad
nos. Dies octo ibidem commorati, sex incolis conuersis ad
Christum, eadem naui Xuaquam (nam eo usq; erat con-
ducta) sexto die prouehimur, qui portus in itinere me-
dio sese offert Sacaium Bungo petentibus. Hyemis initium
erat asperissima: iuga montium niue cooperta, quae assidue
cadebat densa adeo, ut iam tum experiri liceret, inter eius
regionis & aliarum frigora quantum interesset. Ibi
quod nullam in cursu maioris formae nauem inuenimus,
paruum nauigium coacti conducere, per infesta piratis
loca (incertum maiore frigore, an metu) quae petebamus
portum beneficio Dei tenuimus. Sacaium inde peruen-
tum est, cum quidem proxima nocte incendium eminus
apparuisset nobis, quo mille circiter urbis eius tecta con-
sumpta sunt. Atque ut nos aduentare cognouit ex opti-
matibus quidam Christianus, nomine Sanctius, certos
homines obuiam misit nobis instructo maiore nauigio, in
quod e nostro myoparone transcendimus, ad eumq; per-
ducti liberaliter admodum & amanter excipimur. Do-
mum habebat per amoenam in usus hospitum atque adue-

narum intra adium suarum septa more patrio separatam ac propriam: eam nobis ad diuersandum assignauit. Ibi post quietem, nobis affuit ilico Sanctij ipsius vxor & liberi (quod ex ipso congressu facile apparuit) admodum ingenue & liberaliter educati. Horam circiter iucunde fuere nobiscum. inde recepere sese. Atque Aloisius quidem Froes, quod ita omnino statuerat, postridie bene comitatus Meacum iter intendit, ego remansi, vt negotijs quibusdam expeditis, sine mora subsequerer. Ille cum ad oppidum Ozaquam vespere processisset leucas a Sacaio tres, ea ipsa nocte flammis adificia illius oppidi non-genta deleta sunt. quare perterriti neophyti, qui Aloisium deducebant, veritique ne quid illi ab oppidanis incommodi accideret (quod nostri nominis fama iam valde percrebuit, rumoribus improbijs dissipatis nos vrbium clades & exitia circumferre) hominem ex vrbe quam occultissime tectum eduxere, eoque ipso die tanta vis niuium calo delapsa est, quanta his annis quinquaginta nunquam. Verumtamen Deo adiuvante ex hisce difficultatibus Meacum Froes euasit incolumis. Ego e febris, quod in itinere pertuleram, magnitudine, in corporis dolores acerbissimos incidi, qui me quinq; circiter & viginti dies adeo vexauere, vt paene confecerint. Eo autē toto tempore Sanctius in me curando plane paternā assiduitatem ac diligentiam praestitit, cum & nocte ipsemet cum duobus tribusve ministris egrotati mihi sedulo assisteret, ageretq; vigilias; & vxor ac filij subinde me amicissime atq; humanissime inuiserent. Neq; vero medicus defuit praestanti eruditione Christianus. Conualui denique Dei beneficio. Et quoniam ad ingrediendum iter nondū suppetebant vires, erantque nonnulli, qui me audire cuperent; interea pradicare Euangelium institui. Credidere

octo,

octo, baptizatiq³ sunt, ad quos inflammandos excitandosq³ Sanctij quoq³ & filiorum spectata pietas & ardor animi, vt puto, non mediocriter valuit. Per eos ipsos dies Sanctij filia venit ad me, nomine Monica (grandiori natu scemina prosequente) fusisq³ rite precibus coram sacratissima Virginis effigie, quam ferre mecum in itinere consueui, ad me verba fecit in eam sententiam, vt diceret, se quidem summa Dei benignitate Christianam esse, & eiusdem Christi, Virginisq³ Matris instinctu decreuisse iam pridem Virginalem vitam ad mortem vsq³ traducere: quin etiam illud sibi certum fuisse, tondere comam, quod apud Iaponios relictis seculi susceptaq³ vita seuerioris indiciu est; & a Sanctio patre cotendere, vt se in vilibus ministerijs pro mancipio haberet in posterum: nunc autem inaudisse (nimirum suis peccatis id postulantibus) se auiculo suo a parētibus esse desposam superstitioso inprimis homini, & falforum Deorum libros, Bonziorum ritu, peruolutanti quotidie: praeclare intelligere sese, quanto id cum salutis suae periculo futurum esset: proinde peterē a me & orare, vt Sanctium patrem ab ea mente deducerem: se valde confidere, Christo fauente, rem omnem cessuram esse feliciter. Ego, collaudato puella consilio, primum admonui, vt secum reputaret etiam atque etiam, se tenera esse admodum etate (sexturn decimum agebat annum) necdum expertam varias demonis artes insidiasq³, quas ille ad tam ardua nitētibus tendere soleat. sane, si ad extremum vsq³ spiritum in virginali castimonia perstitisset, ingens praeium a Christo Domino laturam in calo: sin forte offendisset, enim uero & sibi met detrimento, & parentibus nobilissimamq² familiae magno futuram esse dedecori. Quocirca si robur baud sentiret sibi inesse tanto certamini par, nubere sa-

rius esse, non tamen auunculo. Tum illa, Christi fretam auxilio sperare se dixit & de se ipsa, & de inimico generis humani victoriam: sese periclitandi causa, quid in eo genere posset, triduum totum, & quidē magna cum animi sui voluptate atque letitia per mediam transegiſſe, itaque statuisse apud animum suum, qui in eo ieiunio & vires & solatia sibi suppeditasset Iesus, eundem sibi ceteris omnibus in difficultatibus affuturum. His ego auditis, tam pium eius propositum admiratus, hortatusq; etiamque etiam, vt vigilaret in retinenda constantia; virginem a me dimisi. postridie Sanctium alloquor, filie voluntatem expono, doceo matrimonium illud tribus maxime de causis esse nefarium. Primū qudd vir sit ethnicus, & colēdis idolis adprime deditus; deinde qudd Monica auunculus; postremo qudd ipsa repugnet & renitatur puella. Ad hac ille; neminem esse tota vrbe Christianum, quicum filiam matrimonio possit honeste coniungere: perditum idololatram per eam occasionem facile ad CHRISTVM posse conuerti; denique sibi non esse iam integrum, quippe qui conscijs principibus ciuitatis, homini in primis opulento potentiq; filiam enixe cupienti desponderit: vereri se, vt inimicitias & inuidiam sustinere possit, si rem inchoatam, ac pœne confectam, repente reuocare nitatur. quæ cum ita sint, tamē quoniam id matrimonium saluis Christianis legibus contrahi nequeat, se omnino, quicquid ego velim, esse facturum. Laudauit pietatem hominis. Ille perturbato in presentia recessit animo, sed mox, vt est vir egregie prudens, Deo duce ac præsidente, incestas nuptias mira lenitate discussit. Neque ego interea destiti Monicam salutaribus præceptionibus instituere. quas illa cum & eximia quadam animi submissione, & magna gratiarum acti-

one

one semper exciperet, priscas illas mihi Virgines reddere videbatur, quas optimo iure Catholica Ecclesia ob excellentem vita sanctimoniam in numerum caelestium retulit. Est autem puella maiorem in modum solitaria, & precationibus dedita: cubiculum habet remotum ab omni domestico strepitu, cum signo Crucifixi, & spiritalibus libris, quibus, ut est legendi scribendiq; bene perita, dat operam. Frater eius est Vincentius nomine, natus annos circiter vndecim. Is, percunctanti mihi, quem sibi modum statueret amoris in IESVM CHRISTVM Deum suum ac Dominum; ut sanguinem (inquit ille) ipsius causam profundam, & quamvis minutissima in frustra dissectus, me Christianum esse profitear. Interim ego iam firmior esse caperam. Itaque nostrorum monitu, qui Meaci versantur, ethnicum quendam adire constitui in Sacaians finibus eo tempore commemorantem, cuius auctoritas & opes in vrbe Meaco magna dicuntur esse. Id iter pedibus conficere me Sanctius nequaquam est passus. nam & longius erat, & ego vires nondum plane receperam. Lecticam ab eo sum coactus accipere cum lecticarijs duobus admodum leuem, commode sedentis hominis dumtaxat vnius capacem, quadrata forma, fenestellis ad latus additis, quae ab insidente aperiri claudique ad libitum possint, quo maxime vehiculi genere vtuntur nobiles ornatu magnifico, & opere quam elegantissimo. Sic igitur ad eum, quem dixi Dynastam alieno ministerio deferor. Scribam habebat Christianum apud se: cuius beneficio nobis & facilis ad eum patuit aditus, & de rebus diuinis agendi benigne potestas est facta. Comes erat mihi Iaponius quidam in eo genere in primis exercitatus. Is cum de vanitate plurimum Deorum, de Iaponica superstitionis origine, itemq; de vno rerum omnium opifice &

conditore vero Deo differeret (auditores autem aderant
præter Dynastam viginti) eosq; ipsos statueret iudices,
vix cultus verior esset existimandus; ingens apparebat
omnium adprobatio: scriba vero gaudio triumphare, quip-
pe qui Christianam religionem ante susceperat. & cum
omnes eo sermone commoti, tum tres præcipue nobis au-
res deinde sapius præbuere, baptizatique sunt. Sed quia
cognoueram eo ipso tempore Gasparem Vilelā esse Imo-
ri, quod castrum leucas distat ab vrbe Sacaiō sex, reuer-
sus ad Sanctium, dixi discedere me velle postridie. Tum
ille, quoniam quidem mihi abire certum esset, velle se,
ait, nonnulla mihi e suis thesauris ostendere. Ritus est Ia-
poniorum, qui quidem nobilitate ac diuitijs præstant, ho-
spitiū paulo honoratioribus in digressu beneuolentiæ
caussa præbere spectanda, quæ apud sese pretiosissima
sunt. id est omne instrumentum necessarium ad potionē
herbæ cuiusdam in puluerem redactæ, suauem gustu,
nomine Chia. Est autem modus potioni eiusmodi. pul-
ueris eius, quantum vno inglandis putamine contine-
tur, coniiciunt in fictile vas, ex eorum genere, quæ pu-
teolana vulgus appellat. Inde calenti admodum aqua
dilutum ebibunt. Habent autem in eos vsus ollam anti-
quissimi operis ferream, figlinum, poculum, cochlea-
ria, infundibulum eluendo figlino, tripodem, foculum
denique potioni calefacienda. Hac igitur Iaponiorum
est gaza, nec sane apud eos minoris est, quàm apud no-
stros homines amuli, gemmæ & e carbunculis atque
adamante monilia. Sunt etiam perui earum rerum æsti-
matores atque proxeneta. Puluis autem ipse magno ad-
modum pretio venit, eiusq; propinationem solennes præ-
cedunt epulæ. Quinetiam certæ adiū partes dicantur his-
ce cōiuijs, quarū est mira mundities, nec in alios patet
vsus.

vsus. Postridie igitur me per nuntium accersit Sanctius, cuius e cubiculis per angustam admodum ianuam cum neophytis duobus in xystum educimur. Inde scale nos excipiunt cedrina admirabili quodam artificio elaborata, eademq; ita purgata mundaq;, vt nunquam ad eam diem calcata pedibus esse viderentur. per eas in atriolum ascendimus. Inde arcta aditu in cœnaculum ducimur conuiuii destinatum, vsque adeo egregio perfectū opere, vt hominum manu fieri potuisse vix credas. pars erat eius cœnaculi armarijs instructa more nostro. Stabat et creta nigerrima focus vlnæ ambitu; ipsa nigredine (quod mirere) splendorem aquantelucidissimi speculi; olla tripodi admodum eleganti superimposita, pulchra ad aspectum, quam dixit mihi vnus e neophytis optima conditione sexcentis aureis coemptam a Sanctio, sed re vera multo pluris esse. Interea mensa nobis adponitur non tam ciborum varietate (quos terra ipsa non fert) quam genere ministerij, & munditijs elegans. Eximia est enim gentis in conuiuiorum apparatu solertia. Nullus præterea quamuis in maxima discumbētium multitudine strepitus, vix hiscere famulum videas. Omnia ad modestiam & grauitatem mire composita. peracto prandio, nixi omnes genibus (nam hoc apud Iaponios Christianos in more positum est) Deo gratias egimus. Tum Sanctius potionem quam dixi Chia, sua ipse manu miscuit nobis atque porrexit. Deinde supellectilia, quæ tunc ibi erant, exposuit. In ijs ferreum tripodem exiguum paulo plus palmi circuitu ad sustinendum olla, cum aperitur, operculum. Eum ego tripodem attrectans manibus, quodd vetustate rimas ageret solidatum duobus locis offendi. Ac nihilominus aiebat Sanctius eum in primis nobilem esse Iaponis totius, sibiq; aureis constitisse mille

& triginta, quamuis eum ipse longe pluris faceret. Porro hac instrumenra sericis tegumentis inuoluta conduntur arculis pretiosis. Alia praterea minime vilia dixit mihi Sanctius in presentia non ostendere se, quod ad manum non essent, verum in reditu prolaturum. Quæ vobis æstimationes minus a vero abesse videantur, si reputetis id quod res est, Meaci esse quendam ex principibus ciuitatis, qui vasculum fictile ad vrceoli magnitudinem, in vsum eius quam dixi, potionis, aureorum triginta millibus æstimet: omnino carius, sed certe multi non deerunt, qui decem millibus cum eo libenter decidant. Nam quæ tribus, quattuor, quinque millibus æstimentur, idq; frequenti commercio, alia vasa plurima sunt. Atque etiam gladijs quibusdam est eadem apud Iaponios dignitas. Iamq; profectionis instabat hora. Salutata igitur vxore Sanctij & liberis, in suburbanum quoddam, ientaculo de more preparato, deducor ab ipso Sanctio, eiusq; filio, fratribus, & cognatis, & neophytis aliquot egregio corporis cultu, quod id ad honorem meum pertinere arbitrarentur. Ab eo comitatu digressus, ad amnem deuenio nauigabilem hora post solis ortum tertia, ab vrbe Sacaio nouem millia passuum. Præstolabantur ibi me duo nauigia, quæ nobis Christianus vir, Imorensis castri primarius, factus de profectione mea certior, ad tempus occurrere iusserat. quorum in altero filius erat ipsius, duodecim circiter natus annos, in humero sclopum gerens, virili plane ac militari corporis habitu; in altero large & copiose exstructa cibaria. Is, vt me ad conscendendum inuitauit, continuo mihi madata parentis exposuit: ignoscerem sibi, quod ipsemet obuiam mihi non prodisset: se id cupisse vehementer, sed quod recentem hospitem Gasparem Vilelam sibi deferere non liceret, vicarium eius

cc offi-

officij misisse filium, qui me domum vsque perduceret. Ad montis radices in quo summo castrum est positum, adu. rso sumine sub occasum Solis delati, quodd arduus admodum & asper ad iugum vsque restabat ascēsus, descendenti mihi praesto fuit lectica: & quanquam accelerantibus gradum lecticarijs, circa medium cliuum oppressere nos tenebra in sylua cedris & pinis ingētibus frequentissima; sed opportune obuiam habuimus e castris, cum accensis funalibus homines, quares ad itineris difficultatem leuandam non mediocriter profuit. Deniq, oppidum intrauimus, magna cum Gasparis Vilela, tum hospitii nostri familiaq, letitia. Castrum est totius regionis huiusce munitissimum in Mioxindoni ditione, qui rerum ferme potitur hoc tempore, ibiq, cum fidelissimis habitat, qui magna ex parte Christiani sunt. Ii postero die cum animarum sordes per Confessionem eluere cuperent, ad concionem, qua bis habebatur quotidie de Sacramento Penitentiae, conuenere vestitu serico versicolori, inauratis ferme praecincti pugionibus, & quidem tanta nostrorum hominum reuerentia, vt eos plerumq, manibus humi positos pefinde alloquerentur vt reges. Crux erat domi nostra posita: hāc ubi suppliciter adorarūt, Gaspare magna demissione salutato, aures admodū attētas Dei verbo dedere. Inde multa sciscitanti, quae pertinerēt ad refutanda Genxuensium mendacia (quod hominū genus & secta, Iaponicarū omnium vehementissime Christianae religioni aduersatur) itemq, alij alia percontati, cū Gaspar ad omnia respōdisset, leti digressi sunt. Postridie Confessionū initium est factū. Quo in opere Gaspar hebdomadā posuit. Adijimus etiam salutandi causā regem, quod semel quotannis Gaspar facere cōsueuerat. Ille vero nobis non poculū modo porrexit (quod summū honoris indicium est) sed etiam, quan-

quãdiu apud eum fuimus, flexis aque ac nos genibus per-
stitit, verbisq; dimisit nos humanissimis. Insula est passu-
um mille & quingentorum ferme circuitu ad montis eius
radices, quam grandis ambit fluius, & in ea templum
Christiana religioni consecratum. Hanc possidet præstan-
ti fide neophytus, & miro incensus desiderio Iaponici no-
minis totius ad Christum adiungendi, qui, vt adem sa-
cram in vrbe Sacao edificandam curarem, non modo me
multis rationibus adhortatus est, sed etiã Caxarũ (mone-
te genus id est) in eos sumptus quinquaginta millia libe-
raliter detulit. eoq; subsidio rem aggredi nobis erat in
animo. Ad hanc igitur insulam Missa celebranda gratia
Sabbato sub vesperũ venimus. Templum in posterum diẽ
pro nostra tenuitate exornauimus. Prima luce insequen-
ti Christiani affuere: Gaspar sacro missa peracto, de ma-
trimoniũ Sacramento sermonem habuit, q; nonnulli cu-
perent nuptias Ecclesiastico ritu contrahere. Baptizati
sunt etiã octo fere nobiles. At me rursus e frigore tormi-
na corripuere acerbissima. Meacum igitur Gasparis hor-
tatu delatus ager menses duos decubui. Exacta demum
hyeme, vt calũ intepuit, recreatus, quã circa Meacũ sunt
Christianorũ loca, q; ita Cosmus Turrianus mihi manda-
uerat, lustrare constitui. de quibus ad vos pauca perscri-
bam, quoniam quidẽ separatim res Meacenses ex Aloisij
Frois epistola cognoscetis. Naram igitur veni primum,
diei vnus itinere. Vrbs ea ditionis est Daiondoni inter
Meacenses proceres longe potentissimi, & apud Mio-
xindonum atque Cubucamam gratia & auctoritate
summa. Neophytos e prima nobilitate duos adij pro-
tinus, hortatusque sum, vt sacri Baptismi beneficium
agnoscerent, & immortales Deo Domino gratias age-
rent. Illi me ad præfectum in arcem deduxere munisif-

simam aspectuq³ pulcherrimam. Collis erat præcelsus e lapide molliori. Eum collem ante quinquennium Daiondonus fabris adhibitis ad iustam planitiem ita depresit, ut eadem opera ex ipsomet lapide solida turres & propugnacula exsisterent. In medio autem complures effodit puteos negotio facili, quippe cum ad tertium statim cubitum, aquarum copia scaturiret. Tum illuc e popularibus suis ditissimum quemque ac fidelissimum euocavit: solum in areas descriptum illis adificandi causa distribuit. Illi porro certatim ades extruxere magnificientissimas, contignationibus multis, & more nostro specularibus fenestris instructas. Illud vero præcipue delectat intuituum oculos, quoddam non priuata solum adificia, sed mania etiam ipsa turre & tectorio inducta sunt leuissimoproprorsus ac nitidissimo. Nihil in orbe nostro tale conspexi. Calcem quippe non arena commista, sed candidissimo quodam charta genere subigunt. Nam quid ego de tegulis dicam, qua duorum digitorum crassitudine, nigricantes, & varietate figurarum oculos retinent, & in quingentesimum annum atque eo amplius durare dicuntur? Oeci porro & cubicula cedrina sunt gratissimi odoris. pergula omnes ex vna dumtaxat eiusdem materia tabula. parietes pretiose calati priscis annalium monumentis. Quod inter effigies est spatij, totum id inauratum est. Columna cum epistylis ac spiris ex aurichalco item inaurata, calatura magnifica, quibus e medijs eminent eiusdem operis rose per ampla, visuq³ pulcherrime. Iam vero lacunaria tum alijs commentis opificu, quæ dicendo assequi nequeo, admirabilia, tum vero tabularum iuncturis adeo artificiose latentibus, ut quamuis defixos fallant obtutus. Sed mihi inter cetera mirabile visum est cubiculum vlnarum quaque versus quattuor & se-

femis, eligno croceo vndatim crispante, venustatis exi-
mia, ita polito ac splendido, vt cum speculorum fulgore
certet. quamquam ego dotem eam ipsius materie fuisse
minime credidi, quod ad eum modum sine aliquo artis
lenocinio radiare vix posset. Huic adium dignitati hor-
torum respondet amoenitas, quibus dici nihil puto posse
iucundius. Multa sunt Meaci visenda, sed nihil ad hæc.
Itaque non immerito locus hic confluentibus vndiq; ani-
mi tantum & oblectationis causa viris principibus cele-
bratur. Nobilissima phana sunt etiam, quorum vnum
Cobucui nomine post concionem ad neophytos habitam
adiuimus ipsorum rogatu postridie. Eius propylæa tripli-
ci constant atrio cum totidem peristylis. In primo aditu
egregij sunt operis lapideæ scalæ, quibus in summis, ad po-
stes ianua, colossi duo præclare facti cernuntur, clauas
quasi custodia causa tenentes. post tertium denique pe-
ristylium, templi sese facies aperit. In id gradibus item
lapideis artificiose factis ascensus est. Valvas colossæ le-
ones duo custodiunt. In medio templo, sedentium habi-
tu, septenum cubitorum tria signa sunt posita, Xaca &
filiorum, latera ipsius cingentium. Pavimentum omne
est e quadrato lapide. Sed miraculo præcipue sunt colu-
mna septuaginta cedrina, diametro & altitudine planè
visenda, quarum singulis taxarum decies hoc est auri-
orum quinq; circiter millibus constitisse codices & rati-
ones templi testantur. Eas cum reliquis parietibus valde
iucunda miniati operis pictura conuestit. Tectum eo quo
dicebamus tegula genere affabre & varie laqueatum, ad
vlnas quattuor porrigitur extra parietes, mirum vt vi-
deatur tanta molis procurrēs pondus sustineri ac suspen-
di posse. Ad templi latus coenatio Bonziorum sane ma-
gnifica, & eadem qua templum ipsum structura atque
Cc 3 operis

operis firmitate, vlnas in longitudinē quadraginta, duodecim in latitudinem extendiuntur. Dormitoria porro cubicula in duos diuisa ordines, cētum & octoginta numerantur. Multi præterea & perampli sunt Oeci, quorum vnus pensilis, columnis quattuor & viginti, vlna vnus & dimidiata ambitu superimpositus, bibliothecam continet Bonziorum, tanta quidem librorum copia, vt vel fenestras ipsas propemodum obstruere videantur. Balnea præterea, & cella in vsus domesticos, & promptuaria visuntur artificiosissime elaborata. Iam vero culina quanta mundities sit, quod id Iaponiorum omnium commune est, nihil attinet dicere. Abena quibus aqua ad potandum calefit (frigida enim neque hyeme, neque æstate bibunt) vlna altitudine, duorum digitum crassitudine, oris ambitu vlnarum trium, stant ex ære purissimo. Culinam riuus præterfluit. Tota nocte, vt in magnis ædibus (conclauia numerantur minimum quattuor & viginti) laterna collucet. Ab huius templi adificatione sexcentessimus iam annus est. Stagnum habet ante se vlnarum in omnem partem circiter quinquaginta plenissimum piscium, graui pœna proposita, si quis eos attigerit. Inde ad Casungæ delubrum accessimus dicatum idolo, a quo diuitias, honorem, vitæ diuturnitatem, & quicquid in hoc seculo est optabile promissum sibi cultores inani spe delusi, miserandum in modum expectant. Itaque magna in veneratione & honore apud Iaponios est. Adeuntibus prætum occurrit primum, aspectu grato, herba non vltra dimidium palmum excrecente: prætum excipit lucus, isque densissimus; hunc perpetua & aquabili ad templum vsque latitudine limes interfecat, passuum longitudine circiter mille, planus ad iter vsque medius: inde in cliuum assurgit lapideis gradibus vlnas bi-

nas inter sese distantibus. Vtrinque admista pinu cedrus extollitur tanta proceritatis, vt meridiano diei tempore totus pœnelimes opacetur, stipitibus ita crassis, vt ex ijs mali in vsum cuiusvis quamlibet capacis oneraria nauis confici possint. Sane cedros ex ijs vidi complures vlnarum quinque ambitu, rotunditate plane tornatili. Locum amenitatem augebat præterlabens etiam riuius. Vt propius ventum est, duplex apparuit ordo pilarum e lapide quadrato cum basibus, laterna superimposita lignea nigricante cum emblematis ex aurichalco inauratis cælatisque magnifice, & lapideo tegmine turbinato ad flatus arcendos ac pluuias. Aliæ erant laternæ e solido metallo, item auro coopertæ, opere admodum sumptuoso. ex vtraque parte stant quinquagena, quarum singule omnibus ardent noctibus. Media autem pila nomen ostentat aureis litteris incisum eius, qui delubro laternam quamque dicauerit, annua pecunia in vsum perpetui luminis attributa. Tum ingens domus Bonziarum exsurgit nobilium fœminarum, quæ annum egressa quintum & quadragesimum, sese delubri ministerio manciparunt. Student cultui corporis, ornatu serico, & maxime peregrinorum ex toto Iapone religionis causa assidue confluentium, leuanda fiti dant operam. Ex hac Bonziorum domo porticus admodum pulchra ad vsque adyta pertinet phani, quo nemini patet ingressus, nisi qui ipsius loci antistites sunt, quorum vidimus aliquot intra sedentes togis amplis e serico indutos, tectosq; capita pileis plus palmum altis. In eam autem porticum nummi iactantur a populo. Aliud est in eadem sylua delubrum, quod Fachimanum appellant, simile ceteris: nisi quod laternarum est etiã pretiosior calatura, &

auri maior copia. Circa, est atrium candido & nigro stratum lapillo, medicis confutum malis, ordine certo dispositis, magnitudine pari, in singulis interuallis vase lapideo collocato, quod fruteta continet, non vltra duos palmos altitudinis, iucunda rosarum & florum varietate commista. Inde, quod redeuntibus domum, minus nobis erat deuium, phanum inuifimus aliud extra nemora positum cōsecratum Idolo Daibut, quæ vox Magnæ sanctitatis denotat virum. Huius phani fions ianuas habet tres, sed vnā præcipuam: atrij vero latera singulas, altitudinis atque amplitudinis omnes miræ. Patet autem atrium id quadrata forma vlnas omnino sexaginta, quoniam eiusmodi est apud Iaponios edificiorum & priuatim & publice ratio, vt quanta cuiusque mensura sit primo statim intuitu intelligas. In eius atrij medio est phanum vlnas longum quadraginta, triginta latum. Scala & pauimenta ex ingenti quadrato lapide: vbi portam intraueris maximam, duo sese ostentant colossi, maioris etiam formæ, quàm quos antea diximus. Duo præterea stant ianitores ad latera, truci admodum aspectu, vlnarum quattuordecim altitudinis, instar turrium, membris inter se præclare conuenientibus, alter Tamondea dicitur, alter Besamondes, quorum singulos vni calo præesse vulgus opinatur. calcantque pede singuli demonem. In medio autem templo tria sedent signa. Canon, & Xixi, parentem Xacum interlocant. Xaca statua e cupro in ampla & pulchra quiescens rosa, quattuordecim vlnas latitudinis obtinet: reliquæ duæ nouenas, lignæ, sed omnes affabre admodum auro intertæ, radijs tâta claritate micantibus, vt intuentis aciem pœne perstringant. post hæc alia duo simulacra cernuntur; Ho-

mocon-

mocondis, & Zoiolis (quibus etiam calorū prefectura
vulgo tribuitur) superioribus omnino similia. porro ex v-
trag³ templi parte pulpituū cernitur. ea est quadriforis
mansio. parietibus duarū vlnarū altitudine. Interius
alia est eiusdem formæ domuncula, in eius medio stat ca-
thedra maiestatis eximie. Totum vero suggestum parua
ambit operis egregij porticus, trium palmorum latitudi-
ne. Iam vero lacunaria templi columnæ cedrina sustinent
octo & nonaginta, miræ altitudinis, æqualiter teretes, vl-
narum trium & semis ambitu. Septingentesimus annus est
templi conditi. Annis viginti exstructum dicitur fuisse.
Idem anno abhinc quadringentesimo conflagrauit, ac re-
stitutum est denuo, sed nequaquam pari magnificentia
materiæq³ præstantia, quod ipsum indicant lapideæ co-
lumnarū bases ex incendio relicte, quarum amplitudo
longe maiorem columnarū formam postulare liquido
cernitur. Iam vero extra peristylium templi, turris lignea
firmo admodum opere ingentibus triginta pilis imposita,
tintinabulum seu campanam sustinet aneam tanta ma-
gnitudinis, vt eam dimensus præsentē me neophytus qui-
dam, vlnarū os duarū, sex ambitum, trium & semis
altitudinem, æris vero ipsius crassitudinem palmi vnus
dimidiatiq³ compererit. Suauissimum edit sonum, ex-
auditurque longissime. Qua templi patent fines, itemq³
vrbe tota, & circa urbem passuum ad duo circiter millia
plurimi cerui & palumbes non modo vagantur impune,
sed etiam tecta ciuium subeunt, atrectante nemine, pro-
pterea quia delubro dicati sunt. Ac de phanis quidem
huius vrbs & monasterijs, ne sim longior hactenus. Quæ
postquam rogatu, vt dixi, neophytorum inuisimus, po-
stridie Nara Tochimleucarum quinque intervallo veni
sub vesperam, acceptusque sum a Christianis incolis in-
genti

gentilitia, credo quod Iaponij cuiusdam opera conuer-
si ad Dominū, cum Gaspar plurimis maximisq; occupa-
tionibus impeditus eos adire non posset, nullum adhuc e
Societate nostra conspexerant. Gens est fere nobilis, pra-
fectus Cubacamam cognatione attingit. Itaque vulgo
cum adeunt hominem, non nisi celsitudinem ipsius inter
loquendum appellare mos est. Triduum apud eos fui dum-
taxat. Concio defuit nunquam. Multa de quibus ambi-
gerent singuli quiescere: precationi vero mirum omnes ij
quam dediti sint. Digredienti autem mihi non modo mu-
nuscula quadam obtulere benevolentia caussa, qua, ne se
cōtemptos putarent, recusare non potui, sed etiam equos
& exploratores itinerum peramanter dedere. Itaq; Sa-
uam, sex a Tochi leucas, iter intendimus. Id castrum in
editissimo positum iugo leucas a Meaco viginti distat in
Orientem, situ amoenissimo, quippe omne circa spatium,
cum alia formosae varij generis arbores, tam cedrus pluri-
mapiñusque conuestit: & inde in subiectos agros appri-
me consitos frequentesque edificijs atque cultoribus ad
passuum millia circiter sexaginta prospectus est. Huc er-
go dum tendimus, medio ferme itinere, stratos equos du-
os, & quidem optimos, nullo sessore conspiciamus, sagitta-
rijs fere quindecim comitantibus, quos nobis Christianos
omnes, Christianus ipse dominus loci Franciscus obuiam
miserat. Igitur Tochianis domum remisit, & gratijs
actis, nouo comitatu Sauam magna Christianorum volu-
ptate peruenimus. Franciscus autem ipse, vt nos lauius
exciperet, simul etiam, vt nobis occurreret in itinere, ve-
natum eo die ex oppido excefferat. Sed in nos iccirco non
incidit, quod opinione celerius ambulauimus. Saua porro
diuertimus ad eadem Christianorum sacram, cui coniun-
cta domus est Socijs nostris excipiendis, itēque separa-

tim laicis, qui sese nostris hominibus comites dederint, cedrina fere materia opere egregio fabrefacta. Hæc etiã porticus ambiunt, longissimo, vt dixi, gratissimoque prospectu. Sub noctem Franciscus affuit magna cum domesticorum & clientium manu, aprum ingentem asserens, non sine magno quidem & labore quasitum & impendio, quippe non canes modo, sed etiam quosdam homines fera male multauerat. Pictam in templo CHRISTI Resurgentis imaginem, quam e nostro effingendam exemplari Franciscus egregij artificis manu curauerat, nixi omnes genibus pia cum prece venerantur primum venatorio nondum ornatu deposito: nos deinde perbenigne salutat Franciscus, agitque gratias, quod ad se tam longe contenderim; tum, veritus credo ne mihi fesso de via molestus esset, magna cum amoris humilitatisque significatione se domum recepit. Vir est inter populares suos corpore simul & animo eminentissimus: nam & statura Iaponijs, quotquot vidi ad hanc diem, omnibus antecellit: & eximia humanitate atque animi magnitudine praditus est. Accedit summa cum in armorum vsu dexteritas, agilitasque membrorum; tum Iaponice superstitionis legumque peritia: quod ille studium cum ad veritatem religionis Christiana transtulerit, tantos breui tempore processus effecit, vt Dei magnitudinem assidue predicare, ceterosque ad virtutem exemplo vita, plenisque pietate sermonibus incitare non desinat. Sane ego eum ex abdito quodam loco exaudiui cum ad domesticos aliquot, quorum erant ethnici nonnulli, de fide Christiana differeret, doceretque quantum inter patria Idola Deumque verum interesset. Qua in disputatione, elatus ardore animi, eo deuenit, vt diceret, non modo fidelis ministri sed ne hominis quidem

quidem loco, qui Christianus non esset, posthac neminem apud se futurum. Atque hac viri fides religio^q, eo admirabilior est, quod vix ante annum ad Christum adiunctus est, eumq³ semel tantum a Baptismo Gaspar inuisit. Castrum est Saua finitimum, cuius qui potitur, a Daiondone rege descenderat. Hunc quamquā magno proposito periculo non dubitauit adire Franciscus, nobis qui Sauere manferamus, enixe Dominū pro ipsius incolumitate precantibus: tantaq³ prudentia tractauit rebellis ingenium, ut quocunque voluerit flexerit hominem, eumq³ Daiondone, cuius in ditione sunt ambo, reconciliauerit. Magnam eares Sauanis letitiam attulit pacem optantibus. Nec modo secularia procurauit ibi Franciscus, sed etiam nactus occasionem, Euangelio promulgato & Iaponicarum opinionum vanitate detecta, primarios quosque eius loci viros desiderio Christiana religionis accendit. Paulo post, alium Dynastam conuenit ethnicum, eumq³ cum familia tota conuertit. ij paucis ante diebus Baptismi Sacramento Ecclesiae adiuncti sunt. Postea legatus ad Mini regem, duos regni procures ad Christum eadem felicitate traduxit, quos ego cum exclusus temporibus baptizatum ire non possem, ad Gasparem scripsi Meacum, ut aliquem eius rei causam ad illos mitteret, quod eorum Baptismus ad Christianam religionem augendam non me diocriter pertineret. Atque hac & alia id genus multa Franciscus. Nos autem Saua & conciones, & priuata colloquia de rebus diuinis habuimus, & varia sciscitanti- bus incolis factum est satis. Baptizati prater ea nouem: in ijs claro admodum loco natus adolescens, qui de Christiana fidei mysterijs a populari quodam neophyto edoctus, ad me Sauam vsq³ leucarum decem interuallo Baptismi causam venerat. Affertur ad nos interea, nauem in portu

Saca-

Sacaiano stare paratam : quam ego ne occasione[m] amitterem, quamquā morientibus digressu meo Sauanis, inde discesi. Et quia Sacaium petentibus periculosa quadam loca erant pratereunda, Franciscus non modo necessaria nobis ad profectiōem omnia, sed etiam sclopis alijsq[ue] telis armatos quattuor & viginti custodes attribuit, nec omnino quicquam est passus nos in iter illud impendere. Compenset Dominus egregiam hanc in nos viri benignitatem. Vos vero carissimi fratres pro eiusdem salute Dominum assidue deprecamini. Sacaium vt veni, ingenti gratulatione me Sanctius eiusq[ue] domestici rursus excipiunt. Triduum substiti dum nauis soluerent, nec interea neophytos confirmare, officijq[ue] monere destitimus. Cognoui etiam Monica virginis in suscepto consilio constantiam, qua ab alio quodam Meacensi procere non mediocriter expetita, omnes conditiones animo excelsa repudiauerat. Sed cum iam hora profectiōis instaret, Imorensis oppidi Princeps, qui magna virorum nobilium manu Sacaium ad me salutatum accefferat, itē[m]que e Sacaiano grege Christiani primarij nos viatico instructos, honoris causa ad nauem vsque deducunt, nauarchoq[ue] commendant diligentissime. Comes vero nauigationis nobis magno Dei beneficio accessit Sacaiannus medicus eximia eruditione atq[ue] existimatione vir, qui a superstitionibus patrijs conuersus ad Dominum, non modo communis officij laudem, verum etiam Euangelica perfectionis culmen expetijt; seculoq[ue] plane relicto, se ad nostram Societatem aggregare constituit. Itaq[ue] vt prorsus exiret de terra sua, & de cognatione sua, rogauit me, vt Bungum, aliōve se mecum adducerem. Cessi facile hominis precibus, iussuq[ue] omni patrimonio cedere filio item medico, pretiosum dumtaxat ornatum corporis retinere, quo facilius nobis ea ratione

tione ad Iaponios principes, qui externa fere specie ducuntur, aditus patefieret, ad Cosmum Turrianum inde perduxi, cuius mandato, ingenti neophytorum approbatione concionari iam de rebus diuinis instituit. Idemque nuper in vrbe Sacaio tam sumptuose indui, & tanto commitatu incedere solitus, mirum quanta nunc humilitate, quanta mansuetudine versetur in domesticis apud nos ministerijs. Verum ad rem redeo. Sacaij circa Idus Marias conscendimus, & Bungum die tertiodecimo secunda nauigatione peruenimus. Latius nuntijs de re Meacensi, Bungenfis Ecclesia vniuersa valde gauisa est. Inde quarto post die Vosuquim perrexi, vt regem inuiserem, a quo humanissime acceptus, petij neophytis id in primis optantibus locum templo ibidem exstruendo: ille vero non aram modo nobis ad mare secus arcem optimo situ, verum etiam fabros ad adificationem libenter attribuit, quam rem speramus ad Christianae religionis incrementum magnopere profuturam. His peractis, Bungum redij. Bungo perueni octauo die Ximabaram, quo Cosmus etiam Turrianus trigesimo circiter ante die Cochimoco se transfulerat. Magnos ibi concursus offendi ethnicorum ad verbum Dei audiendum. Christiani facti paucis illis diebus ad centum & octoginta. Tonus etiam ipse, itemq; separatim vxor stipata grege cognatorum & ciuium, Cosmum Turrianum adiere, & concionanti cum aures praeuissent, magis etiam quam antea propenso ac beneuolo in nos animo recessere. Tum Confessionibus omnium Christianorum auditis, nauigijsq; duobus peramplis ipsorum opera comparatis, Cochinocum magna nos turba longe prosequente renauigauimus. Et quoniam allatum erat Ioannis Pereria Lusitani onerariam nauem appulsam esse ad portum Rimani regni Facundam, leucas a Coch-

shinoro quinque circiter & viginti; misit eo me Cosmus
 ad Lusitanos visendos: eodemq; Melchior Ficheredius
 quinto decimo post die ad eorum Confessiones audiendas
 & sacrum Missæ faciendum Bungo peruenit. Hic dum v-
 terq; moramur, me Barptolemaus rex Muram ad se per
 nuntios euocat. Ego adprobante Ficheredio me in viam
 dedi Iaponio comite viro sectarum Iaponicarū in primis
 perito, nec Christianæ religionis ignaro. Aduentu nostro
 Barptolemaus, qui neminem ex nostris biennio toto vidis-
 set, valde latatus est. multa deinde percōtatus, addit ve-
 rer se, ne familiares sui, & ij quidē quibus maxime fidat,
 inter diuturnas bellorū occupationes Christianæ doctri-
 næ rudimenta dediscant, itaq; renouata institutione opus
 esse. A cœna igitur e domesticis suis primarios euocat, iu-
 betq; arrectis auribus nostrum sermonē excipere. Non o-
 mittam hoc loco quadam ad huius Reguli Christianā hu-
 militatem & pietatem declarandā magnopere pertinen-
 tia. primum ad mensam, diu renitēte ac repugnante me,
 peruicit deniq; vt loco superiore quāuis inuitus accum-
 berem. Sublata mensa, familiariter se inter me et Iaponi-
 um comitem interlocat, & studiose docet hominem (eo
 enim utebamur interprete) quam potissimū in sententiam
 ad suos quorū optime norit ingenia, verba facere oportere.
 Inchoato deinde sermone, idem in inferiorē locū seor-
 sim ac demisse in famulorū turbam eo sese cōsilio recipit,
 vt re ipsa exemploq; suo demōstret, quantus honos Euan-
 gelio, quantus Euangelij præconibus debeat. Ac prima
 quidē illa disputatione ex ipsis creatis naturis vnum esse
 omnium creatorē euidenter ostendimus. Tum declaratiū
 est, quæ Iaponiorū numina, quis Christianarum Deus es-
 set, infinita bonitate, potentia, sapientia præditus. Quæ illi
 cū obstupentes audirēt, magnopere videlicet latabantur
 sese

sefe ab inanum Deorum veneratione ad talis tantiq³ Domini cultum esse traductos. Reliquis vero diebus actum de caelesti beatitudine, pœnis inferorum, alijsq³ rebz eiusmodi, quas maxime neophytis initio proponere consueuimus. Et sane talibus egere monitis visa est mihi Barptolemai familia: nam ipsius quidem Regis in fide constantia plane vicit expectationem meam. Quæ laus hominis eo maior est, quod nec ita pridem Christiana sacra suscepit, & eo ipso nomine a popularibus suis per summum scelus atque perfidiam regno spoliatus, finibusq³ suis exactus est, vix vno sibi relicto puero victus quotidiani administro-
 quanquam deinde in regnum est diuinitus restitutus, rebellibus partim supplicio affectis, partim, cum ad sanitatem redirent, veniamq³ supplices peterent, in fidem receptis. Ego dies aliquot apud eum commoratus, Facundam ad Lusitanos reuerti. Ibi redduntur mihi a Cosmo litteræ ut ad se primo quoque tempore veniam, inde mihi necessario Bungum esse proficiscendum. Cochinoscum ergo traieci minime tutâ nauigatione, etenim nocte desertum quendam ad portum adpulsos duo piratarum inuasere myoparones, qui tamē præclare instructo nauigio nostro, propugnatoribus acriter dimicantibus reiecti, cessere. Cosmus interea in febrim inciderat, ea simul atque leuatus est, Bungum ab eo discesi, tum aliarum rerum causa, tum vero ut Ioanni Baptista nostro in eius Ecclesiâ procuratione succurrerem. Primo post profectionem die Ximabaram delatus, Airem Sanctium ibidem reperio in erudiendis Catechumenis occupatum. Et quoniam neophyti magno concionum desiderio tenebantur, dies aliquot rogatu ipsorum in eo munere posui. Candidatos etiam aliquot Christianis præceptionibus probe institutos sacro fonte abluimus. Tonum ego præterea, & ille me vicissim inui-

inuisti, audiſtq; cum suis perattente de rebus spiritualibus differētem. Quin etiam cœmeterio Christianorum, quod illi mirum in modum expetebant, locum idoneum, itemq; nouo templo exstruēdo, & in alios etiam vsus, insulas tres excelsa consitas pinu benigne largitus est. porro grex ille neophytorum in primis flagrat studio rerum diuinarum, quod cum alijs rebus plurimis clare perspeximus, tum illa præsertim. Instabant anniuersaria quedam ethnicorum festa ludivē celebritatis eximia, ad quæ, vt apud nos ad corporis Christi solennia, omnes omnium ordinum homines ritu patrio conuenire consueuerant. Cum se Christi-ani affuturos negarent, enimuero Bonzijs ceterisque indignum facinus visum. Itaque Tonum adeunt, de iniuria Christianorum queruntur, obsecrant etiam atque etiam ne patrijs dijs & ciuitati vniuersa, sibi denique ipsi tantam inuiri contumeliā patiat. Permotus hac oratione Tonus, vocatos ad se Christianorum primarios diligenter hortatur, ludos ne deserant. Aiunt illi, se Christianis legibus prohiberi, spectaculis interesse, quæ idolorum honoribus tribuantur. proinde nequaquam affuturos. Ad ea Tonus, si minus idolis, mihi certe meisq; iussis hoc date. Illi vero in proposito omnes obfirmati, Quidquid volueris, inquit, nobis facito, leges nostras nequaquam violare decreuimus, atque ita ab Tono digressi, in templum sese vniuersi recipiunt, martyrium fortiter expectantes. Et sane (vt acri sunt & vehementi Iaponij ferme Dynasta natura & ingenio) mirum est Toni imperio cunctos non ilico fuisse mactatos. Sed eorum fortasse multitudine territus, iussit illis renuntiari, quoniam in sua religione tam obstinati persisterent, quod attinet ad ludos, agerent quod probarent, se illos vltra non cogere. Quare neophyti magnopere in fide pietateq; confirmati sunt. Eprinci-

pibus ciuitatis Christianus quidam Leo nomine Toni propinquus nuper est mortuus. Is, quoddam ex suo templum additis liberaliter hortis exstruxerat, & Christianam religionem non modo contra ceteros ethnicos, sed etiam contra ipsum Tonum, ubi opus esset, egregie tuebatur, Bonziorum scelere creditur veneno fuisse sublatu. Hunc neophyti, ut mutuam inter se Christianorum caritatem publice ostenderent, quam magnificentiſſime ad sepulcrum extulere: feretrum cum litanij & precibus magnaq; ce-
reorum ardentium multitudine septingenti fere neophyti sequebantur. arca vespere conditus est circumſuta ſerico. poſtridie lapideum additum eſt monumentum, & lignei circumquaque cancelli, Crucibus duabus, altera ad oſtium ſepti, altera ad monumenti caput impoſita, opere politiſſimo. Itaque vulgo locus quotidie celebratur ac viſitur. Verum de Ximabaraniſ haſtenus: Ego inde Bungum, mox veni Facundam: ibi haec ſcribebam ad vos ſe-
ptimo Cal. Nouemb. 1565.

ALOISIVS FROES SOCIETATI IESV in Sinas & Indiam.

ANno ſuperiore, fratres cariſſimi, ad vos ſcripſi Firādo, conſtituiſſe Coſmum Turrianum, ut Meacum ſubleuandi Gaſpariſ Vilela cauſa proficiſceret, quodd multa eſſet ibi meſſis, operarij pauci; mihiq; comitem itineris ab eo aſignatum fuiſſe Aloiiſum Almeidam. Nunc mihi, tam longa peregrinatione Dei beneficio, peracta, viſum eſt faciendum, ut ea potiſſimum per litteras vobis exponerem, qua vobis cognitu iucundiſſima putarem fore. Et quoniam totum hoc ſcribendi munus ita inter nos ego & Almeida initio diſtribuiſſimus, ut ille iter ipſum quaſq; in itinere geſta ſunt,

ego

egores Meacenses, et alia nonnulla de Iaponiorum natura moribusq; probe cōperta persequerer; omīssa peregrinatione, ego quod mearum est partiū hisce praeſtabo litteris: vos autē maior uidelicet huiusce gentis miseratio capiet, reputantes quanto artificio, quanta solertia sagacissimus ille humani generis aduersarius, per specie religionis, ceremonijs plurimis ritibusq; deceptos Iaponiorū animos ad interitum perducatur, ac pertrahat. Iaponij, quippe quibus parū fuit semper cōmerciij cum nationibus ceteris, e sua geographia orbem terrarū vniuersum diuisere trifariam, in Iaponem, Sionem, Sinas: & quanquam ritus & sacra ab Sionijs acceperē Sinisque, omnes tamē nationes prae se cōtemnunt, inflatiq; opinione sese ceteris quibusuis gentibus ingenio ciuiliq; prudentia longe anteponunt. De situ regionum, soliū natura, ad ea quae non semel iam antea scripsimus, vnum illud addam, calores in hisce insulis aestate feruentissimos esse, per hyemem vero sauisima frigora. In regno quidem Canga, quod appellant, tanta vis niuium cadit, vt adificijs coopertis, cum nō nisi per tegulas transitus sit, certis anni mensibus incolae sese domi contineant. Typhonis procellae vehementissima. Terra motus ita frequentes, vt ad eos pauores propemodum obcalluerint Iaponiorum animi. Regio argenti fodinis abūdat, cetera sterilis, nec id tam naturae vitio quā incolarum negligentia. Boum tamen armenta dumtaxat in agriculturam aluntur. Salubre calum, aqua bona, gens colore admodum candido, aptaq; membrorum conuenientia: capite incedunt fere semper nudo; curantq; non sine magno dolore, lacrymisq; caluitiem: subnaſcentes enim toto capite pilos forcipibus euellunt idem idem, paucis tantū in occipitio relictis crinibus, quos in nodum coactos custodiunt quā diligentissime. Iam inde a pueris pugione

enſeq₃ ſeſe præcingunt, nec niſi ad ceruical deponunt, cum
 eunt cubitum. In ſpeciem blandi & affabiles, re vera ſu-
 perbi elatique. Bellico maxime ſtudio tenentur, armorū
 cura præcipua. Viriles tunica varijs picta coloribus ad me-
 dia crura cubitoſq₃ pertingunt. Muliebres pepli decora
 ſpecie, longiores. Omne genus alea vt ſurtum auerſantur.
 Mercator quanquam pecunioſus contemnitur: patritijs
 licet exigua re familiari ſuus manet honos. Dignitatem
 vero ſtudioſiſſime retinent, certantq₃ in anib^{us} inter ſe of-
 ficijs, honoreq₃ verborum. Quo in genere ſi quis forte ne-
 gligentior fuerit, leui ſæpe de cauſſa inimicitias contra-
 hit. Inopiam (qua tamen pleriq₃ laborant) deteſtantur
 adeo, vt editos in lucem liberos, fœminas præſertim, ij
 quibus anguſta domi res eſt, iniecto faucibus pede, crude-
 liter miſerati, interdum præfocare non dubitent. Vxores,
 quas habent fere ſingulas, vel prole ſuſcepta, leuiſſimis de
 cauſſis mariti vulgo ſummi inſimiq₃ repudiant, atque ha-
 viciſſim maritos (tameſi rarius) alijsq₃ iunguntur. Inter
 cognatos nuptiarum a ſecundo gradu ius eſt. Frequens
 etiam aliena prolis adoptio. In oppidis paulo nobilioribus
 plerique non viri ſolum ſed etiam fœmina litteras norunt.
 Cibi parca gens eſt: oryza ferme & oleribus, & in ora
 maritima piſce veſcuntur. Conuiuijs crebro ſeſe inuicem
 excipiunt: cumq₃ in eo toto genere, tum in propinatione
 præſertim diligentiffimi ſunt. Itaque ne quid inter prima-
 rios per inſcitiam peccetur, exſtant de officijs & quaſi cæ-
 remonijs conuiuiorum rituales libri, quos perlegunt. Di-
 gitis eſcas attingere ruſticitatis putāt: paxillis binis mun-
 ditiarum cauſſa cibum in os inferunt. Aeſtate non ſecus
 atque hyeme aqua bibitur quāmpoteſt ferri calidiſſima.
 Aedes flammiſ obnoxia, ceterum egregie facta mundeq₃,
 quibusdam quaſi culcitricis e palea craſſiore vſquequa-
 ſter-

sternuntur: in ijs & accubant sellarum vice, & vestiti etiam dormiunt. ligneum cervicali capiti subditur. Intra domesticos parietes vel excalceati versantur, ne strata coinquinent, vel cum in publicum prodeunt, cothurnis socculos item e palea superinduunt, quos domum reuerſi deponant. Nox inter primores magna ex parte cōfabulationibus, cantu symphoniarum, conuiuijs teritur: dormitur interdum. Lecticarum vsus Meaci praesertim atq; Sacaij permagnus est: earum forma sunt exigua tanquam occlusae vndiq; cathedrae. Liberos educationis eiusmodi est, vt verbis dumtaxat eorū vitia castigentur: nec vero minus considerate attenteq; sexennes septennēsve pueros, quā grandes admodum nati senesq; commonefaciunt. Aduenarū congressibus admodū delectantur: et ab ijs exterorū mores ac ritus minimis etiam in rebus curiosissime exquirunt. Argumentis ac rationibus, quae quidem dilucida sunt exemplisq; illustrantur, magnopere permouentur. Omne furti genus oderunt. Si quis in eo scelere deprehenditur, a quolibet impune perimitur. Vincula nulla publica, nulla custodia, nulli poenarum exactores, priuatim patres familias domi quisq; suae capitalium rerum cognitiones exercent, et scelera grauiora capitali supplicio nulla mora interposita vindicant. Atq; hoc fere metu populus in officio continetur. Ante annum circiter CCCC (quod veterum monimenta testantur) Iaponiū nomen omne vni parebat Imperatori, cuius in vrbe Meaco sedes est, & Iaponico sermone Cubucama dicitur. sed rebellantibus paulatim dynastis, opes eius maxima ex parte sunt imminutae: honoris tamen vocabulum mansit incolume, eumq; ceteri aliquo pacto superiorem agnoscunt, eidemq; tribuūt plurimum. Itaq; Iaponis quondam vnum imperium in regna deinde sex & 60 diuisum est. Quo etiā fit, vt propagandorum m-

nium libidine, dum sese inuicē propinqui reges inestant, magno sane rei Christiana impedimēto perpetuis Iaponia terra bellorum incendijs ardeat. In vrbe Meaco domicilium est etiam summi sacrorū antistitis. Hunc pæne pro numine venerantur. Habet intra ades suas idola 366, quorū in singulas noctes vnum per vices ad eius latus excubiarum causa constituitur. Sacrosanctus vulgo putatur, sic vt prohibeatur humi vestigia ponere. Quodd si terrā pede contigerit, honoris gradu deijcitur. Eleemosynis alitur, cultu haud ita magnifico: ministros habet nomine Cungues barba & capillis abrafis. Horum est magna toto Iapone auctoritas. Iisdem legatis vtitur Cubucama ad regum lorum finitima bella sedanda & controuersias componendas. per eas autem legationes ingentē sibi solent conciliare pecuniā. Biennium est circiter, cū ex ijs quidam aduenit Bungum vt de cōditionibus pacis regem inter Bungi & Amanguti regulum ageret. Is, quodd causa Bungen si fauit impensius, perfecitq, vt ablata Amanguiiano regna duo Bunge si iure belli retineret; aureorum amplius triginta millibus ab eo donatus est. Verum de his hactenus. Nūc ad alias venio superstitiones ac ceremonias, vt videatis, quod initio dixi, carissimi fratres, quā artificiose demon Iaponios in fraudē induxerit, quantaq, sit ipsorū in eius obsequio cultaq, tum diligentia, tū alacritas. Ac primum in Iaponiorum animis prorsus extincta ac deleta est memoria omnis atq, notitia non modo Christi Redemptoris, verum etiā vnus Dei rerum omniū opificis. Superstitionū porro permulta sunt sectæ, quarū quam quisq, voluerit liberum est sequi; sed præcipue duæ, quæ ab Amida & Xaca denominantur. Itaq, complura visuntur cœnobia non modo Bonziorum, sed Bonziarum etiā vario corporis habitu, quippe alij internis tunicis albis, extimis nigris

utantur, alios cineraceus distinguit color, quorū idolum est nomine Denichi. Ab ijs Amidani magnopere disident. Bonzj porro fere omnes magnifice habitāt, habentq; perampla vectigalia. Iisdem cœlibatus indicitur, nuptias contraxisse capitale est. In phano medio aram excitant: in ea signum Amida ligneum, corpore supralumbos nudo, muliebrem in modum auribus perforatis, in rosa item lignea confidet præclara ad aspectum. Ingētes habent bibliothecas, cœnationes ad cibum vna sumendum, aramenta seu timinnabula, quibus ad preces horarias excitantur. Vespere præfectus certum unicuiq; argumētum ad meditandum proponit. A media nocte ante aram templi, alternantibus choris quasi matutinas recitant preces e Xacalibro nouissimo: prima luce horam vnā singuli meditando consumunt. Mento capiteq; sunt raso. Amplissima peristylia construunt, & in ijs Fotoquiorū (hoc nomine Iaponij quidam sancti appellantur) sacella: dies per annum festos agitant multos. Sunt aut Bonzj clari vt plurimū genere. Namq; Iaponij procere multiplici prole onerati, quibus filijs amplum satis patrimonium relinquere se posse diffidunt, hos fere ad Bonziorū numerum aggregant. Sunt autē auarissimi Bonzj, omnesq; norunt vias conficiendæ pecuniæ. Vendunt populo multa chirographa, quorū præsidio sese tutos a demonibus fore vulgus existimat. Mutuantur etiam nummos, quos in altera vita multiplicato reddant fœnore, dantq; cautionis causa syngraphas creditori, quas e vita discedens secum ad inferos deferat.

Alia est familia sane frequens eorum, quos Ianambu-xu vocitant, crispante ac vibrato capillo. ij res vel amissas, vel furto sublatas ita comperiunt. Statuunt ante sese puerū, hunc demō certis euocatus carminibus occupat, ex eo deinde puero, quod auent cognoscere sciscitatur. Horū

preces in vtrāq³ partem multum valere creduntur. Itaque preces eorum faustas aequē dirasq³ pretio populus comparat. Huius ordinis candidati, antequam admittantur, bis tēve milleni simul montem quendam editissimum petunt. Ibi sexagesimum diem poenitentia nomine, vbi sese voluntario supplicio macerauerint (quo ipso tempore sese illis demon varia specie visendum offert) quasi iam laurea donati, et in ceteram adscripti familiam, floccis quibusdam albis ornantur e collo pendentibus, attrisq³ pileolis qui non nisi summum capitis verticem tegant. Atque his tanquam insignibus inde Iaponis provincias peragant, seq³ operamq³ suam vbiq³ venditant, aduentum suum in oppida significantes pulsu catilli, quē secum circumferre singuli soliti sunt. Non desunt alij nomine Genguis, qui res item furto surreptas, furesq³ ipsos per diuinationem demonstrent. Ii in præcelso montis iugo sibi domicilium collocarunt: oris atro colore ob assiduam solis, pluuia, venti, geluq³ patientiam. Vxores ducunt, sed non nisi ex suo genere ac stirpe. Iisdem (vt fertur) e capite quasi corniculum quoddam extuberat. Editissimas rupes atq³ cacumina subeunt, fluuios trañciunt maximos vnius arte demonis, qui vt infelices magis in errorem inducat, iubet illos montem quendam altissimum ascendere. Hic eum miseri ad præfinitum vsq³ tempus magno cū desiderio præstolantur. Tū illis deniq³ circa meridiem, aut sub vesperam sese offert demon, quem sub Amida nomine venerantur, transitq³ per medium eorum cætū. ex eo viso tanta in hominum pectoribus ac medullis insidet superstitio, vt nullis deinde rationibus possit euelli. Cōsueuerat etiam diabolus in alio quodā mōte sese Iaponijs visendū præbere. Quisquis maiore beatarū sediū ac paradisi desiderio tenebatur, cōferebat eo sese, eamq³ visionē exspectabat: deniq³ oblatum

oblatū sibi visum, eiusdē suāsu, in interiores vsq₃ sequeba-
tur recessus ad foueā profundissimā. In hanc dāmon desi-
liens, cultorem vna secum ad interitum detrahebat. pa-
tuit in hunc modum fraus. Senem ea superstitione captū
filius ab eiusmodi consilio reuocare frustra conatus, sum-
pto arcu & sagittis ad locum vsque occulte prosequitur.
Cōparet tibi dāmon humana specie nō sine splendore quo-
dam. Hunc senex dum venerabundus adorat, adducit ar-
cum propere filius, emissaq₃ in spectrum sagitta, pro viro
vulpem immutata repente figura confixit. Inde fugien-
tis cruorem bestia persecutus, ad precipitium illud, quod
dixi, peruenit, quo in imo per multa ossa reperit mortuo-
rum, quos dāmon per eam speciem ante deceperat, atque
ita & a prāsente parentem interitu, & ceteros ab opini-
one vsq₃ adeo pestifera liberauit. Ad hac locus est frequē-
tibus Bonziorū cēnobijs admodum celebris (Coiam ap-
pellant) quorū princeps auctōr q₃ perhibetur fuisse Com-
bendaxis veterator callidus, arteq₃ dicendi famam san-
ctimonia consecutus; cum tamen diabolica plane iura le-
gesq₃ descripserit. Inuentor etiā fuisse dicitur litterarū,
quibus nunc vulgo Iaponij vtuntur. Is cum ad senectū-
tem peruenisset, sese vltro desodit scrobe profunda qua-
drata forma, cubitorum circiter quattuor, eāque de-
inde seueris verbis aperiri omnino vetuit, nec enim in
prāsentia mori se; post aliquot millies millena anno-
rum millia virum quendam doctrina laude prāsantissi-
mum in Iaponis regna venturum nomine Mirozu, tum
se quoque demum e fouea proditurum: interea fessum
diuturnis laboribus corpus quiete velle reficere. Circa
ipsius sepulcrum lampades ardent multae varijs eo missae
prouincijs; persuasum est enim genti, quicumque in id
monumentum exornandum largi ac benefici fuerint,

eos non in hac modo vita diuitijs auctum iri, sed etiam in altera ipsius Combendaxis patrociniō faturos incolumes. Eius porro cultui qui sese mancipant, intra ea cœnobia quasi claustra concluduntur, capillo in speciem abdicate vita secularis abraſo, cum tamen ibi deinde, prout eos egit libido, in omni flagitiorum genere volutentur. In illis adibus, quæ (vt dixi) permulta sunt, præter magnam laicorum turbam, Bonziorum sex circiter millia numerantur. Mulieribus aditus eo non est, capitali si accesserint pœna proposita. Eatonochaiti præterea domiciliū est Bonziorū. Hi magnam puerorum turbam varijs artibus ad omne doli furtiq; genus erudiunt. Si quos eximia nati sunt indole, hos de regum singulorum edoctos profapia ac stirpe, & procerum ritibus; armorum etiā vsu, dicendiq; arte exercitatos, regio ornatu in alias prouincias dimittūt eo consilio, vt sese regum filios ementiti, per cōmendationem speciemq; nobilitatis conciliata mutui nomine pecunia, bene nūmati ad se reuertātur. Itaq; locus is tanta est apud Iaponios infamia, vt si quē ex ea disciplina forte deprehēderint, confestim interimant; nec tamen impostores iccirco ab improbitate malitiāq; discedunt. Iaponia terræ in Septentrionem adiacet amplissima syluestrium hominū regio, leucas ab vrbe Meaco trecentas. Bestiarū pellibus induūtur, toto hirti corpore, ingenti barba, mystacibus maximis, quas paxillo subrigunt potaturi. Vini gens auda in primis, ad bella ferox, formidolosa Iaponijs. In prælio sauciati, salitis aquis ablunūt vulnera. id vnum genti remediū est. speculū gestare dicuntur in pectore; ad caput gladios alligant sic, vt in humeros manubriū desinat. Sacra habēt nulla, celū dumtaxat venerari soliti sunt. Aquita per ampla est vrbs in regno Iaponis Geuano. illuc frequētes commeant mercimonij causa

caussa, itemq³, viciſim ad eos Aquitani, ſed rarius, q³ illuc delati, fere perimantur ab incolis. Multa erant præterea in hoc genere qua ſcribere, ſed ne ſim longior, ad Iaponiorum inſanias redeo; qui ad memoriã ſui nominis propagandã illud vel maxime pertinere arbitrantur, inanis gloria cupidiffimi, vt quanto maximo apparatu pompaq³, vita fun-cti ſepeliantur. Funerum autem & exſequiarum in vr-be Meacoritũ eiufmodi eſt. Hora circiter antequã domo efferatur cadauer, amicorum turba veſtitu q³ optimo ad rogum anteit. mox propinqua ac nota mulieres progrediuntur amictu candido (color ille funeſtus eſt) verſicolori velo caput obducta. familiã etiam pro ſuis quaq³, facultatibus ducunt, albo item ornatu ſubſerico. quæ vero dignitate atq³, opibus præcellunt, cedrina ſingula magnifico apparatu & artis eximia lætica vehuntur. ſecundo loco incedunt pedibus viri permulti ſumptuoſo veſtitu. Longo deinde interuallo Bonzius earum ſuperſtitionum antiſtes auro ſericoq³, refulgens lætica geſtatur ampla & præcelſa prætioſi operis, Bonzijs ſtipatus fere triginta petasatis limeatisq³, atro ſuperindutis pallio textu pertenui. tum cineraceo quidã veſtiũ colore (nam is quoq³, funeſtus eſt) accenſa prælonga pinea face, demortuo (ne offendat errēt ve ignarus viarum) iter monſtrat ad pyram. Huic Bonzijs ferme ducenti ſuccedunt, nomē concinētes demonis eius, quē deſunctus in vita præcipue coluit: ſimul etiã ingēsſatini ad rogum vſq³, tintinnabuli vice pulſatur. tũ chartacei duo per ampla & expaſa figura caniftri præfixi haſtilibus, chartacea itē roſæ varij coloris copiam continent: quos qui geſtāt, tardiori præcedētes gradu, ſic haſtilia ſubinde cōcutiunt, vt flores illi paulatim in ſpeciē pluuiæ decidunt, ventoq³, flante ſpargantur; eū videlicet imbrē argumēto eſſe aiunt, mortui animā ad paradifi gaudia penetrare.

trasse. post hac autē, octo prima lanugine Bōzj diuifibifariā, praelongas arūdines cū vexillis cubitalibus, quibus item idoli nomen inscriptū est, per terrā auersa trahunt cuspide. Tum iisdem insignes litteris, ardenti inclusa candela decem laternā feruntur, obductis velo pertenui lateribus. Ad hac iuuenes duo cinereis vestimentis pineas præferunt faculas, palmorum trium longitudine, haud tamen accensas, quibus deinde rogo flammās injiciant. Eodem vestimenti colore permulti sequuntur verticem capitis adoperti exiguis admodū pileolis mento subligatis, enigro fulgente corio forma triquetra (quod apud eos honoris indicium est) iisdem schedula insignes, capiti affixa, in qua nomen eius, quem dixi, demonis legitur: quod ipsum quo magis celebretur, pone certus homo tabellam ostentat cubiti longitudine, palmi latitudine, albo velo tenuissimo tectam, inscripto ex vtraque parte eodem illo nomine litteris aureis. Tum demum a quattuor viris, lectica sedens magnifica defunctus ipse gestatur in veste candida, demisso capite, iunctisque precantis habitu manibus. ad ceterum amictum extima toga papyracea superadditur libro exarata, quem Deus ille suus, cum in terris ageret, scriptum reliquisse perhibetur, cuius presidio meritisque vulgo se compotes fore salutis existimant. Cadauer filij subsequuntur, quā elegantissimo cultu corporis: quorum natu minimus pineam item fert facem ad ignem pyra inferendum. Extremum agmen est magnæ hominum multitudinis iisdem qua modo dixi pileorum insignibus. Vt ad locum exsequiarum peruentum est, Bonzj vniuersi & cetera simul turba cum strepitu aramentorum catinorumque, hora spatio demonis illius nomen magnis clamoribus inuocant. Deinde hoc maxime modo fit bustum. Area quadrata sa-

tis ampla, cancellis eminētibus, & velo crassiore ita pra-
 cincta est, vt singulis in quattuor cali plagas ianuis in-
 troitus pateat. In medio fouea referta lignis, tecto ele-
 ganti opere ex vndulata materia super eam excitato, du-
 as habet e regione mensas vario ciborum genere (pisci-
 bus tamen exceptis & carnibus) praesertim vero carycis,
 medicis malis, placentis affatim instructas. Stat etiam in
 earum altera vaporarium vasculum suffimēti causa pru-
 nis impositum, & lignum aquilani in disco. Vt igitur
 eo deuentum est, lectica vinculum inijcitur e fune pre-
 longo, quem, qui adsunt, certatim manu apprehenden-
 tes vociferantur, vt diximus: postea totum septum in-
 trorsus terna lustratione circumeunt. Deinde lectica pyra
 superimposita Bonzius earū ceremoniarū antistes, car-
 men affatus, quod circūfusa turba nequaquā intelligat,
 accensam faculam ter supra caput in orbem iccirco cir-
 cumagit, vt eo significet gyro, defuncti animam nec ori-
 ginem habuisse, nec vero finem aliquando habiturā esse.
 Rotatā inde faculam abiicit: hanc duo e defuncti filijs
 cognatisve arreptam stantes ad lectica latera ad Solis
 ortum alter, alter ad Occasum, super cadauer ipsam mu-
 tuo sibi quasi honoris & officij causa ter vbi porrexerint,
 denique in lignorum struem inijciunt. Superinfunditur
 oleum statim, cum aquilano ligno & alijs odoramentis,
 prout copia suppetunt, magnoq; incendio corpus in cinere
 vertitur. Interea filij ad mensam accedunt, & aquilano
 ligno in vaporariū indito, soleni suffitu parentē quasi iam
 ad caelestiū numerum adscriptū supplices venerātur. Ad-
 oratione peracta, merces laborum Bonzijs pro dignitate
 persoluitur: Antistiti quinq; vel decem vel etiam viginti
 aurei nummi: ceteris vel argentei deni viritim, vel certus
 caxarū numerus: prandiū vero paratū (amicorū ac Bon-

ziorum turba dimissa) vel busti ministris, vel pauperibus
 vlcerosisq³ relinquitur. Postridie liberi cum affinibus &
 amicis ad rogum reuersi, cineres, ossa, dentesq³ demor-
 tui in vas inauratum imposita, domum referunt, ipsumq³
 vas veste contactū in medijs adibus collocant. frequētes
 adsunt iterum Bonzij ad priuatas exsequias. eademq³ se-
 ptimo die demuo repetuntur. Deinde translati certum in
 locum cineres terræ mandantur, quadrato imposito lapi-
 de, in quo ductis a summo ad imum vsq³ maioribus litte-
 ris, nomen describitur demonis, quemcunq³ demortuus
 in vita coluerit. inde continuis diebus ad sepulcrum se fi-
 lij conferunt, ibi spargunt rosas, ibi calidam apponunt, vt
 habeat defunctus, vnde sitim leuet. nec solum die, sed
 mense etiam & anno septimo priuatos intra parietes ea-
 dem funebria iusta recurrunt, ingenti videlicet Bonzi-
 orum sagina, crebrisq³ vindemijs. Omnino in hac fune-
 ra impensa sit a locupletioribus aureorum trium circiter
 millium, a tenuioribus ducentorum trecentorumve. nam
 quorū tanta est inopia, vt funeri sumptus desit, eos per
 noctem ac tenebras nullo apparatu vel pompa in sterqui-
 linium abiectos humi defodiunt. Aliud est etiā genus fu-
 neris, quod viuētibz in ora præcipue maritima ducitur.
 Ii cum Amida sese eximio quodam cultu deuouerint, eius
 visendi cupiditate flagrantes, mortem vltro sibi metip-
 si consciscunt. Ac primum emendicata per dies aliquot sti-
 pe, & in manicas indita, publice concionantur ad popu-
 lum, totamq³ consilij sui rationem exponūt, magna omni-
 um approbatione; tantam quippe sanctimoniam cuncti
 suspiciunt: deinde sumptis falcibus ad vepres ac sentes,
 qui ad beatorum sedes iter impediunt, præcidendos, na-
 uigium conscendunt nouum, saxiq³ ad collum, brachia,
 renes, crura, pedesq³ religatis, in altum prouecti, vel
 per-

perforato de industria merguntur alueo, vel etiã deinceps
in mare singuli sese precipitant. Alueo vacuo cõfestim ignis
ab amicis ac propinquis officij causa proprio separatim na
uigio prosecutis ingicitur, nefas putantibus nauẽ tantis reli
gionibus consecratã ab vlllo prorsus in posterũ attingi mor
taliũ. Sane, dũ nos peteremus Meacũ, octo diebus ante
quam ad insulã Hin peruenimus, viri sex, fœmina duẽ si
mul eo genere lethi perierant ad oppidum Fore. His de
inde populus adiculam vniuersis, columnam pinumq; sin
gulis perpetui honoris causa prope litus erexerat, & im
posita baculis complura chartæ segmenta, adicula toto te
cto defixerat, carminibus plurimis intra parietes deposti
tis, quæ beati illius cœtus egregias laudes celebrarent.
Itaq; visebatur locus die nocteq; supersticiosissime. Ac for
te per eos dies dum ad quendã infantẽ Baptismo lustran
dum ego & Aloisius Almeida tendimus, illac nobis iter fa
cere contigit, atque eo ipso tempore prodeuntes e sacra
rio quinq; circiter vetula cum globulis precatorijs, quæ
vulgo rosaria dicimus, (Christianos enim ritus ex hac
quoque parte demon effingit) partim ludibrio nostram
ridere dementiam, partim seuero vultu nobis impieta
tem exprobrare sacrum illud monumentum nulla vene
ratione honorisve significatione prateruentibus. Restat
vt de Banziorum concionibus pauca perstringam. Ea sã
minus crebra quàm apud nos, certe quàm apparatusima.
In templo permagno cum serica superne vmbella suggẽ
stus attollitur. In eo statũ ornatu sumptuoso cathedra:
ante cathedram mensa cum tintinnabulo & libro. Vbi
concionis tempus aduenerit, ad suum quaque doctorem
in varia templa frequentes Iaponiorum sectæ conue
niunt. Ille suggestum ascendens, & in sella confidens,
magnifice sese circũspicit, deinde indicto campana silen
tio,

tio, pauca ex eo quem diximus, recitat libro, qua mox idem fusius explicat. Sunt autem hi concionatores viri fere disertī, atq; ad flectendos animos auditorum idonei: & quoniā hiat semper auaritia Bonziorū, eo potissimum omnis spectat eorum oratio, vt populū inducant specie pietatis ad sua locupletanda cœnobīa, tanto beatiorē in altera vita fore quemq; affirmantes, quanto, quæ ad sacra vel exsequias pertinent maiore pōpa & impensa curauerit. Cumq; ita multa atq; ita inter sese diuersa numerentur superstitiones atq; familie; in eo tamen vel maxime laborant magistri, vt sua quisq; mendacia & fabulas ita discipulis probent, nihil vt prater ea verum, nihil ad æternam salutem tutū, nihil dignum quod audiat, existiment. Accedunt alia quoque artificia, incessus grauitas, oris atq; habitus dignitas, deniq; species omnis exterior, quibus rebus Iaponiorū pectora tantis opinionū peruersitatibus imbuuntur, tantamq; ex ijs fiduciā ac spem salutis æternæ concipiūt, non solum vt domesticos intra parietes, verum etiā in publico, totaq; vrbe rosaria fere semper manu percurrant, ab Amida Xacaq; diuitias, honores, bonam valetudinem, sempiterna gaudia suppliciter postulantes.

Quæ cum ita sint, carissimi fratres, existimare potestis ipsi, quanto Dei auxilio indigeant, non modo qui in hac loca Euangeliū afferunt, sed etiam qui allatū accipiunt, seq; relictis idolis ad Christū adiungunt: quippe tot a diabolo machinis oppugnantur, ita sollicitantur assiduis Bonziorum dissuasionibus, postremo ab affinibus amicisque adeo contumeliose, moleste, acerbēq; vexantur, vt nisi diuina gratia sacrificijs ac precationibus Ecclesiæ Catholicæ conciliata subueniat, multorū vel potius fere omnium fidem atq; constantiam his certe nascentiū Ec-

clesiæ-

clislarum inijtjs valde periclitari necesse fit. Quo magis vobis, qui salutem animarum tam vehementer expetitis, Iaponicos hosce greges precipue in Domino commendatos esse par est. Nos Sacaium ex itinere venimus quinto Calend. Februariis. Aloisius Almeida quibusdā negotijs primum, deinde etiā valetudine aduersa impeditus, ibi diutius substitit: ego diei non amplius mora facta, profectus inde, Meacum leucarum tredecim interuallo perueni pridie Calend. Februariis. Aduentu meo cum ceteri Christiani, tum Gaspar Vilela precipue, qui neminem nostris Meaci toto ferme sexēnio viderat, mirum in modum recreatus est. Is quadragesimum nondū atatis annum excedit, sed cani septuagenarium indicant, frigorum vi vehementer affecto consumptoque corpusculo. Meacensilingua, qua, vt celeberrimi populi regiaq; vrbis fertur elegantissima, iam nunc ita perire vtitur, non modo vt Confessiones intelligat, sed conciones etiam habeat. Quosdam etiam libellos ad pietatem utiles in eandem transtulit, aliōsque deinceps nō intermittit subcisiuis operis vertere. Quod reliquum est, nos omnes Dominus pro sua bonitate perpetuo tueatur, opemq; nobis ad voluntatem ipsius & recte interpretandam, & rite exsequendam impertiat. Meaco. 11. Calend. Martias M.D.LXV.

ALOISIVS FROES

Societati IESV in Sinas.

EX ijs litteris, quas ad vos dedi mense Februario, multa de Iaponicis ritibus atque superstitionibus cognouisse vos arbitror: alia nunc de rebus precipue Meacensibus addam hac epistola, quamputo vobis fore non inincundam. Ego, vt scri-

Ee

pfe

psi ad vos antea, Meacum attigi magna Christianorum
 latitia pridie Calendas Februarias : incidit meus aduen-
 tus in ipsum noui anni initium, quod hac hyeme Iaponij
 a Calendis Februarijs auspicati sunt ; varius enim est in
 his regionibus anni cursus, longe alia, quam apud nos ra-
 tio temporum, atque descriptio. Vetus est autem gentis
 mos, vt anno incunte, ab die nono Lune adusq₃ vigesi-
 mum, regni procures, & Bonziorum Principes ad Regē
 quisq₃ suum salutandum non sine donis accedāt. Ea sunt
 fere magnus charta numerus, aurea flabella, arma affa-
 bre facta, & alia eiusmodi; atq₃ hac consuetudo, iam in-
 de ab antiquis ducta temporibus, cū in alijs regnis omni-
 bus, tū vero in hoc Meacensi tanto diligentius retinetur,
 quāto Cubucama, honore atq₃ amplitudine ceteris omni-
 bus Iaponis Regibus antecellit : atque idem honos vxori
 quoq₃ ipsius, matriq₃ tribuitur. Hos autem salutatores
 Cubucama longo cubiculorum ordine admittit ille quidē
 in penetralia, operis eximij peristromatis aureis adorna-
 ta; sed ad eorum verba, salutationesq₃ (ea loci personaq₃
 maiestas est) nihil omnino respondet : insignibus tantum
 Bonzijs quibusdam id habet honoris, vt flabellum quod
 tenet manibus, paululū inclinet ; atq₃ in hunc modum
 prima nobilitatis viri inducuntur : nam inferiorum ordi-
 num hominibus, quamquā locupletissimis, & longe pre-
 tiosissima dona ferentibus, nullo pacto ad eum aditus est.
 Et quoniam ad viam Euangelio muniendam, & existi-
 mationem apud rudem, ignarumq₃ veræ virtutis, & glo-
 riæ populum colligendam pertinere magnopere visum est,
 vt Euāgelij præcones nequaquā exclusos inde fuisse con-
 staret; dedit operam Gaspar, vt illum ipse quoq₃ per idem
 anni tempus inuiseret. ac superioribus quidem annis au-
 lici cuiusdam beneficio potentis viri, & ad Christianam

religionem propensi, aliquoties introductus est: nunc vero mihi quoque eiusdem opera patuit aditus. Cubucamam ergo primum, deinde uxorem, postremo separatim in adibus matrem inuimus, honesto comitatu ad regiam usque deducti. & cum benigne accepti sumus ab omnibus, tum vero a matre humanissime, quippe qua non modo portionem nobis misceri iussit a famulis, verum etiam Zacanam, (salsamenti genus id est oliuarum instar) de more paxillis insertam, suis ipsa manibus honoris causa porrexit. Eam inuenimus in cœtu nobilium foeminarum sedentem ante sacellum ornatissimum, in quo erat Amida puerilis effigies egregie picta cum diademate, aureis e capite radijs emicantibus. mirum ibi silentium, mira modestia, mira denique domestica disciplina: vehementer dolendum ut sit, tantam indolem tantis diaboli fraudibus opprimi; orandusque sit etiam atque etiam Dominus, ut hæc tenebras, Euangelij splendore pro sua infinita bonitate dissipet.

Vt eo functi sumus officio, postridie Gaspar ad neophytos reuiscendos abiit Imorim; ego Meacensibus predicare Euangelium institi, cum alijs, tum vero quibusdam e Cubucamæ familia viris illustribus, qui ad nos ventitare ceperunt: ex ijs tres audito iam aliquoties verbo Domini Baptismum a nobis vehementer efflagitant; sed incirco differtur, ut interea melius Christiana rudimenta atque instituta percipiant. Auditores habemus mirum in modum curiosos; nullum querendi finem faciunt, praesertim qui sunt e Genxuensi familia, qua omni sublato nunimis metu, corporis voluptates pecudum more persequitur. ij nihil in animum inducunt credere, nisi quod cernunt oculis, manibusque contrectant: quamobrem expugnatur difficillime, nec nisi euidentibus plane demon-

strationibus cedunt. Obijciunt autem nobis inter alia; si quidem est Deus, ut dicimus, idemq³ adeo bonus est; cur ad hoc vsq³ tempus celauit bonitatē suā, eamq³ tam sero Iaponijs declarauit? respondetur autē ad hæc omnia sic, ut contradicere nequeant, sed tantā, tam densē illis tenebræ sunt, ut insolitā Euangelij lucē vix pauci admittant. qui tamē eo sunt ingenio, atq³ indole præditi, ut vbi verbum Dei quasi terra semen acceperint, quo tardius acceptum, eo diligentius amplectantur ac foueant. In vniuersum autē, Iaponiorū ingenia ad Christianā religionē in primis idonea sunt, præstantq³ non solū in cognoscenda veritate sedulitatē ac studiū, sed etiam in retinenda fide atq³ constantiam. tres quidem ij quos modo diximus aulici, tanta sunt in eo genere diligentia, non modo ut Christianæ doctrinæ præceptiones ac formulas suo descriptas chirographo deinceps memoria mandent, idq³ celerime; sed etiam quæ ex concionibus nostris audire, domum reuersi in commentarios referant, præsertim quæ de Mundi creatione, de immortalitate, varijsq³ viribus ac facultatibus animæ differuntur. Eos deinde commentarios offerunt Socio nostro Damiano recognoscēdos identidem. Et cū eiusmodi gentis natura, tum illud quoq³ vel maxime Christianam causam adiuuat, q³ multa sunt superstitionum sectæ, non solum diuersæ ac variæ, sed etiā inter se pugnantes: quo facilius est diabolica mendacia fraudesq³ conuincere. Circa Meacū in patentibus campis plurima sunt idolorū phana, e quibus adij Christianorum ductu nonnulla: in ijs quoddam est Amidæ sacrū ab vrbe quattuor fere passuū millibus, a priscis Imperatoribus cōditum, ac subinde renouatū, longitudine vlnarū centum circiter & quadraginta. ingētes habet valuas in medio. ingredientibus obijcit sese suggestus, in quo Brachmanis habitu,

habitu, perforatis auribus, mentoq; & capite raso ingens Amida statua confidet. supra statuam quasi pro umbraculo pendent excepta catenis multa, magnaq; tintinnabula: circa, ludentium specie triginta cernuntur milites strictis telis armati, saltantes Aethiopes, anus venefica, demonesq; teterrimi: effingitur etiam certa quadam imagine ventus, horrificoq; aspectu tonitrua: ad hanc septeni gradus ad templi totius longitudinem porriguntur: in ijs ordine certo disposita vnius Canonis Amida filij imagines omnino mille, hinc inde quingena, eadem omnes forma, ore venusto, egregie facta, tricena brachia totidemq; manus ostentant: e quibus duo tantum ad reliqui corporis magnitudinem apta proportionem conueniunt, cetera parua sunt, duo etiam lumbos praeingunt. Singula porro statua bina tenent iacula, pectus insignita septenis hominum vulticulis, corona capiti imposita cum diademate radiante. Sunt autem cuncta eius templi non modo simulacra, sed etiam quae diximus tintinnabula, & ipsa catena magna obryzi auri copia scite admodum ab imo ad summum usq; verticem intecta sic, vt fulgorem intuētes oculi ferre vix possint: locus est celeberrimus, multiq; eo longinquis e regionibus religionis causa confluent.

Inde passuum interuallo duum circiter millium, collis attollitur, ad cuius radices veterem quandam academiā multis distinctam caenobijs tenui fluens aqua riuus circumit amoenissimus: multa ibi delubra, quorum in aliquibus magno cultu adoratur statua cacodemonis, facie magis etiam q̄ apud nos pingitur, foeda & horribili, in summo autem colle ingentia tria lignea templa, ligneis item columnis mira crassitudine suspenduntur, infimo pavimento strato laterculis leuigatis. In eorum vno colosseū immanis magnitudinis Xaca signum, singulas habet ad

dextram leuamq³ statuas paulo minores: a tergo autem quoddam quasi folium exsurgit, ex quo sigillorum vnus palmi duo circiter millia prominent, infantesq³ præterea bini fere quadraginta, deniq³ latus vtrumq³ templi sparis armati daemones bini custodiunt: hæc autem aurata sunt omnia. Alterum est templum probandis, & laurea donandis veteri academiarum more scholasticis destinatum. In eo pulpitu, vexillis compluribus e superiori parte pendentibus, eminet ligneum, in quod scalis tribus ascenditur. est ibi mensa cum cathedra parata magistro, qui actibus eiusmodi præsidet, itemq³ ad imum suggestum altera in vsum discipuli, qui eo iudicio probandus, insignibusq³ doctrina publice decorandus est. templum autem ipsum lacerta, seu stellioni dicatum est, quem vulgo Deum ac præsidem litterarum & eruditionis existimant: huic nulla neque ara, nec statua, vt ceteris Dijs erigitur, in summo tantum laqueari, multiplicem conuolutus in spiram ingenti orbiculari forma depingitur, vt scholastici dum eum supplices venerantur, oculos mentemq³ simul ad superna cogantur attollere. Tertium phanum altitudine duo proxima superans, clausum offendimus. e regione sunt ades perample, calatura magnifica; scholasticorum id domicilium est. multa erant præterea ibidem visenda, sed imminente iam nocte reuertimus.

Hæc habui quæ ad vos in præsentia scriberem. ea si minus lata videbuntur, quoddam parum videlicet ad rei Christianæ amplificationem attineant; eo diligentius orandus erit vobis Dominus, vt de Ecclesiarum incrementis, & rei Christianæ progressibus multa nobis in posterum ad vos, maiore cum animi nostri vestriq³ fructu, spiritaliq³ solatio scribere liceat. Quamquam post nostrum ab vrbe Firando discessum non pessime posita est opera. Deo quip-

pe adiuuante Iaponij sexaginta ad Christianorum numerum adiuncti sunt. Quod reliquum est, nos omnes pro sua clementia Dominus perpetuo tueatur, ac protegat. Meaco, pridie nonas Martias. 1565.

ALOISIVS FROES SOCIETATI IESV in Indiam.

Quod vos velle maxime intelligo, id agam his litteris, vt Ecclesiastica primum, tum cetera persequar. Quadragesima diebus Dominicis omnibus Gaspar Vilela Euangelium declarauit. quarta quaque feria Damianus noster de Penitentia sacramento copiose disseruit. sexta, sacro missa peracto, non destitit Iaponius puer ex ijs quos educamus, de Passione Domini verba facere: quam in sententiam, conuenientibus nocte neophytis, Vilela denuo disputabat, ijs praeipue locis insistens, quibus auditores ad pietatem excitari maxime possent. Dominica in Palmis (quoad eius fieri potuit in tanta ediū angustia) Catholico ritu caremonijsq; transacta est. inde ex oppidis finitimis atque etiam remotioribus neophyti ad indulgentias (quas a summo Pontifice datas Catholico ritu proponimus) Paschatisque solennia frequentes venire ceperunt. in ijs quidam nobiles cum vxoribus liberisque, tametsi equis, atque lecticis vsi, tamen asidua pluuia valde vexati, pietatis laudem cumulaere patientia meritis. Vilela ducentorum fere & quinquaginta confessionibus auditis, quinta feria in coena Domini mandatum Euangelicum de mutua dilectione publice docuit. postea cum de Eucharistia suauissime perorasset, caelestem panem Christianis circiter sexaginta

distribuit, qui cum ex intimo sensu, & gaudio spiritali copiam lacrymarum effunderet, sane q̄ ingenti nos affecere solatio. in sacello intimo Aloisius Almeida sepulcrum erexerat ornatissimū. in eo Corpus Domini conditū est, armatūq; custodes adhibiti. Vespere, solēnibus officijs persolutis, puer Iaponius in exponenda Passionis Domini serie collecta e quattuor Euangelistarū historijs, horas duas ferme consumpsit. quæ deinde explicatione potissimū indigere sunt visa, in ijs Vilela ex instituto declarandis immoratus est, suadens auditoribus pœnitētiā, sed calcar videlicet currētibus addidit: nam cum saepe alias, tum eo maxime anni tēpore voluntarias ab sese pœnas, easq; adeo acerbæ exigere soliti sunt, summopere gratulādum vt sit, in vltimis hisce terrarū finibus, inter tot idolorū cultores, in ipso deniq; (vt ita dicā) regno diaboli, sacratissimæ Crucis trophæa, salutaremq; humano generi mortē Christi Domini, tam incitatis hominū studijs, tātareligione, tam grata memoria celebrari. Maioris hebdomadae luctū atq; tristitiā, ingens gaudiū Dominica Resurrectionis excepit. a media nocte, domus Christianis cōpleta est, Missam & supplicationē matutinā expectātibus. ea peracta, simul etiā Christianis aliquot Eucharistie Sacramento refectis, concio habita est de Resurrectione Domini, Paschalibusq; mysterijs. inde conuiuio excepti sunt, quod Natali die & Paschate Domini solenne Gaspar instituit, eo consilio, vt quā arctissimis Christianorum animi caritatis ac beneuolentia vinculis inter se iungantur, simul etiā per eam occasionem colloquia de rebus celestibus habita, ductaq; præ dulcedine ad vespērā. quædam præterea e diuinis laudibus decantata. quo strepitu exaudito gemiles, præsertim quod nonnihil de apparatu adicula nostra cognouerāt, instare vehementer vt fores aperiri-

aperirentur: obfisti non potuit: introiere permulti, pleræque vero mulieres diuino quodam instinctu nixæ ante aram genibus, manibusq; sublatis, effigiem CHRISTI Domini supplices adorarunt. Post hæc neophyti, qui ex oppidis vicinis ad festa conuenerant, Gaspare officiosissime salutato digressi sunt. nunc autem id Gaspar agebat, vt sibi diuersorium prope regiam in superiore vrbs parte conduceret, quod toto iam fere triennio frustra conatus est, vt ibi quoque, loco celeberrimo, posset Euangelizare commodius. Verum satis iam de rebus Ecclesiasticis: ad alia veniamus. Ante discessum Almeida, cum tempus eius reuerſionis adesset, perducti sumus vterque ad insignia quædam vrbs ædificia ac templa, quorum tanta est religionis ac magnificentiæ fama, vt ad ea viſenda ex alijs omnibus regnis peregrini Meacum fere assidue confluant. Ex ijs nonnulla perstringam. infinitum est enim singula persequi. Aedes igitur quasdam Cubucamæ primum adiuimus eximio quodam artificio atque elegantia exstructas oblectationis & animi caussa. nihil ego nec in Europa, nec in tota India tale conspexi. ijs horti subiecti sunt cum alijs arboribus ignotis in orbe nostro, tum cedro, cupresso, pinu, malis medicis consiti: quæ omnes arbores, varias in figuras artifice manu coactæ, cameras, tintinnabula, turres, aliæque id genus plurima referunt. iam lilij, cyani, rosæ, florumq; tanta est copia, tanta colorum odorumq; varietas, non solum vt peregrinos atque aduenas, verum etiam domesticos ipsos atque cultores cum voluprate atque admiratione retineant. neque horti solum, sed vrbs ipsa quoque pulcherrima. via latæ ac directæ, foribus arcium instar (quæ res furta & latrocinia maxime prohibet) occluduntur. in ijs variarum mercium institutores, opifices, ac sellularij, cū alia in vsus deliciasq;

mortalium, tum præsertim aurea flabella conficiunt, sericamque cuiuslibet operis taxtrinam exercent. in medio celeberrimum Amida phanum cum omnibus horis dei, tum vero sub noctem clausis iam tabernis frequentissime visitur, iactantur a populo nummi cum precibus, & simulacrum adoratur. nos eo ex hortis Cubucamæ via longalataque perducti, inde sumptuosissimas præfecti Meacensis nuper instauratas ades adiunimus: quibus item hortu coniuncti, non modo arborum multitudine artificiosissq; figuris delectant oculos, verum etiam aquæ limpidissimæ copia, quæ a nouem circiter passuum millibus excisa rupe, regali sumptu perducta, lacum in hortis medijs efficit, in quo complures varia magnitudinis insula, ligneis lapideisq; peruiæ pontibus, vsquequaque latissimis arboribus opacantur. Inde quanquam fessos iam, ac reditum cogitantes, neophyti nos longius pertraxere. multa igitur prætereuntes phana, ingentem ingredimur lucum, in quo Bonziorum cænobia quinquaginta miræ amplitudinis, a regum et principum liberis, qui sacris addicti sunt, magnifice ac sumptuose incoluntur: facitque ipsa vicinitas, vt eorum præfecti se inuicem elegantia munditijsq; superare contendant. Ex ijs aliquot inspeximus obiter. Cuiusdam est ianua lignea egregio quodam artificio, longeq; alia quàm apud nos forma. hæc nos in xystum induxit stratum quadrato lapide nigro, parietibus vtrunque excurrentibus opere tectorio lætioris atque candoris eximij. Xysto nouum quoddam genus hortorum prædeditur, in quibus manu facti colles e saxis ad eam rem e longinquo petitis, frutetis confiti pontibusq; coniuncti cernuntur. Solum partim arena crassiore admodum candida, partim etiam atris lapillis obducitur, e quibus passim elaxi maioris forma lapides, ex imo leucoia, violas, ac flores

emit-

emittunt adeo artificiose commistos atque dispositos, ut cum in orbem singulis anni temporibus floreat, ver ibi perpetuum esse videatur. Multa præterea tum ne longior sim, tum quod ea verbis assequi me posse diffido; sed illud non omittam, quod in reditu vidimus. In medio phæno quodam, machina lignea sculptilis, varijsq; picta coloribus, multis forulis collocatos continet libros ab vno Xaca conscriptos. eadēque, ut est versatilis, quem quisq; voluerit, librum offert protinus. & quidem tanta est voluminum copia; ut incredibile sit, vel vna ætate a multis auctoribus, vel multis ætatibus ab vno auctore confici potuisse. eorum autem vsus est maximus non in Iapone modo, sed etiam in Sionis regionibus, vnde omnis Iaponica fabulositas & superstitiones primum exstitisse, atque inde paulatim, oram Sinarum, Peguensem, Bengalanam, totumq; eum tractum Bisnagam vsque peruagata dicuntur. aliud etiam phanum in reditu vidimus inferorum regi dicatum, cuius præcelsum horrifico truciq; aspectu simulacrum regio sceptro insignitum, duobus hinc inde ingentis item statura demonibus cingitur, quorum alter calamo describit hominum noxas, alter descriptas in tabula recitat. parietes picti, varias inferorum ostentant pœnas, quibus plurimi sexus vtriusq; mortales demonum ministerio cruciantur. Celebratur autem ades hæc, auge- turq; pecunijs fere assidue: nunquam enim desunt, qui ad regis effigiem timore perfusi, ea ab sese tormenta atque supplicia deprecantur. Atque hæc illo die. Postero autem, Christiani cuiusdam Principis inuitatu ad audiendas Bonziorum conciones in suburbana cœnobio (sunt aut exitus ex vrbe spatianti causa gratissimi) venimus. egressi, turbā virorū aque ac fœminarū cum suo quemq; rosario supplicantes adspicimus. percontati a neophytis, quid-

quidnam id esset, dimissam tum concionem esse respondent. interrogati de numero, aiunt homines earum rerum periti, capitum esse quinque circiter millia. addunt insuper, in eo templo quotannis cētum diebus continuis ab vno eodemq₃ Bōzio conciones haberi, multis magnisq₃ indulgentijs auditori perseveranti propositis. Optatum erat nobis omnino aliquem ex ijs concionatoribus audire, cognoscendi maxime studio, saluāque religione & officio transferendi ad vsum nostrum, quæ ad conciliandos permouendosq₃ Iaponiorum animos pertinere viderentur. & quoniam allatum est, rem adhuc integram esse in alio quodam cænobio, pergere porro illuc vsque decreuimus. eo tendentibus igitur nobis primo Guiuani phanum occurrit, quod ingenti frequentia, superstitione, amniuersarijs mimorum ludis varijsq₃ spectaculis magnopere celebratur & colitur. Inde exeuntes, viam ingredimur pinis vtrinq₃ iucunda admodum specie confitam: simul aspiciamus populi concursum, ad cōcionem citato gressu tendentis. nos vt ad locum peruenimus, moniti a Christianis periculum esse, ne Bonzj si nos adesse sentirent, concionari desisterent, occulto loco ad initium vsque concionis non sine magna quidem vel admiratione, vel pudore substitimus e conscientia teporis ac negligētia nostra concepto, cū interim vnius horæ spatio auditores illi omnes ad parui pulsum tintinnabuli nixi genibus, incredibili quadam significatione pietatis, rosaria manūsque tollentes in caelum, in oratione persisterent, vociferantes assidue: Namu Amida Ambut. Hoc est, Da salutem Amida: quod ipsum nomen etiam domi forisque seu emant aliquid, seu vendant, modulata quadam pronuntiatione gestientes ac libentissime sapius inuocant. quin etiam pauperes ipsi inter emendicandum, ijs a quibus eleemosynam petunt,

pro-

propitium precantur Amidam. Bonzij vero ac legisperiti
verba illa plebi inculcare non desinunt: Ichinem, Amida-
but, Sucumet, Murioo, Zai: id est, quisquis Amida san-
ctū nomen ex animo inuocauerit, proculdubio saluus erit.
Imperato deinde maiore campana silentio, vt concionator
suggerit ascendit, tum nos quoque sensim irrepsimus.
phanumerat ad fores vsque ac porticus refertum viris ac
fœminis. in ipsis autem ara gradibus multi Bonzij consi-
debant manibus intra togam abditis, oculisque demissis.
Porro concionator claro, vt aiebant, genere, decora qui-
dem in primis facie aspectuq; gratissimo, in excelsa vnde
ab omnibus conspici posset sedens cathedra, sericis ad talos
vsque perquam splendide vestimentis indutus, interiore
candido, exteriori purpureo, flabellum tenens aureum;
ex libro quem habebat in mensa propositum, quadam sub-
inde recitare, tum fusius explicare tanta non solum actio-
nis venustate, sed etiam (vt Gaspar Vilela affirmabat
eius lingua bene peritus, & ceteri qui nobiscum aderant)
orationis elegancia atque artificio, vt mirum videri non
debeat, eiusmodi homines tanto in honore ac veneratione
esse apud populum. mihi quidem hac apud animum me-
um reputanti, venit in mentem, non sine Sancti Spiritus
vehementi quodam instinctu Franciscum olim Xaue-
rum tam acris studio tam longinquam hanc peregrinatio-
nem expetisse Iaponicam. profecto enim hæ gentes, na-
tura bonitate ingenijq; præstantia multis Europa nostra
(quod earum pace dictum sit) nationibus antecellunt.
Quod si minus magnifice de Iaponijs vel sentiunt nego-
tiatores Lusitani, vel prædicant; id nimirum iccirco fit,
quod non nisi cum populis maritimis negotia contrahunt,
qui ab interioribus tantum absunt vite cultu morumq;
elegancia, vt præ iysrussici videri propemodum possint.
itaque

itaque per contemptum sylvestres etiam vulgo a Meacensibus appellantur, cum tamen alioquin ab humanitate ipsi quoque maris accolæ nequaquam abhorreant. Sed iam finis epistola sit. plura propediem: atque vtinam cuiusmodi omnes optamus. Meaco. 5. Calend. April. 1565.

ALOISIVS FROES

Societati IESV.

DE statu rerum Meacensium, & religionis Christiana processibus ad Paschatis vsque peracta solennia, superioribus litteris ad vos fuse perscripsi. at texam nunc fratres carissimi reliqua, e quibus facile iudicare possitis, quam assiduis vestrum omnium sacrificijs pijsq; deprecationibus egeamus.

Postquam a Paschali conuentu neophyti in suas domos & vicina castella digressi sunt, nos Meacensibus Evangelium predicare perreximus. auditores minime deerant. multi etiam diabolicis fraudibus, & Iaponica superstitionis prauitate conuicta, sic immutabantur afflati diuinitus, vt constantissime crederent, in vno Christo Domino ac Redemptore nostro omne salutis humana perfluum esse repositum. Ventitabat etiam ad nos cum alijs principibus ciuitatis, quidam Regis Mini cognatus, vir sane perspicax: is cum a nobis multa subinde perquiret, litterisque responsa mandaret commentandi causa; tantus illi paulatim splendor veritatis illuxerat, non modo vt ipse in voluntatem Christiana suscipiende religionis vehementer incumberet, sed etiam spem nobis adferret fore, vt Mini regnum vniuersum ipsius opera atque aucto-

auctoritate sacrosanctum Euangelij lumen acciperet. Ad hæc, Iubileum a summo Pontifice datum ad felicem euentum Tridentini Concilij precibus ac ieiunijs impetratum, in hac vrbe propositum est octauo ante Pentecosten die. cuius rei nuntio in pagos & castella perlato, magno studio ac pietate sese comparauere neophyti ad tam insigne Christi Domini beneficium: & quanquam per eos dies Gaspar in febrim incidit, & ego non optimus usus valetudine, tamen concursu ad nos Christianorum facto, Dominica Pentecoste, imbecillitatem nostram Domino fulciente, per occasionem tam ampla consequenda indulgentia, multos & verbo Dei, & sacratissimo Christi corpore paviimus, quod illi nimirum, ut solent, vberissimo fletu crebrisq; percepere suspirijs. atque is erat Christianæ rei cursus, ut in tantis gentium tenebris, tantaque aduersariorum potentia, sat secundus iamque parabat Vilela totam hanc Meacensem obire provinciam, & prout se obtulisset occasio, per ethnicorum pagos & oppida circumferre Euangelium; cum captis interuenit atrocissimum, & post hominum memoriam inauditum facinus, quod non modo conatus nostros omnino impediret, sed etiam nos ipsos in extremum vitæ discrimen adduceret. Nam Regulus Imorensium (de quo scripsi ad vos antea) Mioxindonus, deuictis a se gentibus quibusdam potentia atque opibus auctus, ipsum quoq; Cubucamam, ut in pace otioq; securū & imparatū a rebus omnibus, certe nihil eiusmodi metuentē; imperio quod magna cum aqutate regebat, per summū scelus atq; perfidiam deturbare, ac tyrannidem occupare constituit. neq; apud inflammatum dominandi libidine animum vel Cubucamæ virtus & probitas, vel plurima eaq; maxime ab eodē in se profecta beneficia valere. Igitur assumptis latrocinij socijs

focijs duobus, Narensium tyranno Daiondono, & alio quodam dynasta; cum delectis armorum duodecim milibus repente Meacum iter intendit eo certiore spe rei perficiendæ, quodd et ipse Cubucama nomine vniuersa rei bellica præerat, & plurimos habebat in vrbe Meaco clientes atque satellites. copijs ergo prope urbem iussis opportuno loco subsistere, ipse cum fidelium manu Meacum ad Regem specie officij ingreditur, nimirum vt quibusdam recentibus honoris insignibus a Cubucama decoratus, ei gratias ageret. atque vt quod volebat quàm maxime sine tumultu transigeret, ad alia verborum officia illud etiam addit, vt Cubucamam in suburbanum quoddam Bonzi-orum cœnobium blandis precibus ad cœnam inuiteret. namque ibi circumuentum adoriri placuerat. Sed cum res parum procederet, quodd Cubucama de confidente prope Meacum exercitu factus denique certior, & suspicatus id quod erat; non modo se Mioxindono minime crederet, sed etiam fugam pararet (ex qua deinde imprudenti commitum suorum consilio reuocatus est) Mioxindonus aperte ratus agendum, copias omnes ad regiam propius admo-uet: ac ne inexpiabili in suum Imperatorem ac Regem odio accensus esse videretur, dum inops consilij Cubucama cum familiaribus trepidat, præmittit ad Regiam qui palam denuntiet, se Cubucama ipsius caput minime petere, certis tantum eius cognatis amicis que grauius in sensum, eorum potentiam vltra ferre non posse: itaque tum demum rem conuenturam seq̃, inde cum pace abiturum, si cōplures proceres, quos nominatim in scheda descripserat, quamprimum interfici iubeat. ad hæc tam insignis impudentia postulata ira maxima percitus is qui ad ea cognoscenda Cubucama iussu prodierat, grandis natu aulicus ille ipse qui nos ad Cubucamam introducere consueuerat,

sueuerat, abiecta quā legerat schedula, verbisq; grauissimis in parricidas inuectus, ad extremum addit, rebus iam desperatis quoniam quidem alia ratione non possit, certe voluntaria morte sese officio fideiq; sua satis esse facturum. His dictis regressus in regiam, coram ipso Cubucama strictum pugionem gentis more sibi condit in viscera, & moribundus occumbit. eodem ipso letho quattuor alij, cum prae timore oclusis ianuīs non admitterentur, mox in ipso regia periere vestibulo. Senis vero demortui filius, ut patrem conspexit exanimem, praeceps dolore atque iracundia fertur in coniuratos infestus, pugnansq; perimitur: tum illi pluribus locis palatio flammās inyciunt, quod ut sensit Cubucama, certus praelio potius quā incendio mortem oppetere, ex honestissima grauissimāq; femina matris amplexu se proripit, vaditque cum suis armatus in confertam hostium aciem: ibi quā acerrime dimicans, ventrem hastili, caput sagitta confixus, duobus praeterea vulneribus acceptis in facie, concidit. Super eum praeliantes egregie centum circiter aulici primae nobilitatis viri sternuntur, quorum cum animi magnitudo ac fidelitas omnium, tum praesertim adolescentuli cuiusdam quartumdecimum annum agentis enituit. qui cum in certamine hostes pæne obstupescisset audacia miraculo, eūque viuum sublato vndique clamore conarentur excipere; ille Cubucamam defunctum intuitus, sibi que turpissimum ratus Regi suo Dominōque esse superstitem; ense confestim abiecto pugionem arripuit, abscisōque sibimet gutture eundem pugionem adegit in viscera. Inter hac hostes, quā per incendia patuit aditus, in regiam frequentes irrumpunt; fratrem Cubucama Bonzium una cum matre, nequaquam vel huius adolescentiam vel illius senectutem miserati, acerbissime contrucidant: regia

gaza diripitur: cuncta ferro flammâq; miscentur: honoraria puella ac pedissequa, regulatorum fere ac principum filia, & clarissimis orta familijs, omnia miserabiliter eiulatu gemitibusque complentes, inter obsessos armatis exitius conantur sibi fuga consulere, quarum aliqua vestimentis etiam in illa ipsa immanitate petulanter atque procaciter a militibus exuuntur: alia vero ad viginti, dum ancipiti metu distracta, hinc micantes horrent gladios, inde saeuienti perterrentur incendio; in conclave quoddam abdita quo nondum flamma peruaserant, igne deinde grassante opinione celerius, ibidem oppressa atque ad vnam omnes absumptae sunt. porro Cubucama ipsius filiae duae ad pedes hostium prostratae suppliciter, Christiani cuiusdam beneficio, in aedes propinquas amicorum, incolumes euasere. at mater ipsarum regina, inter ancillarum greges tum quidem elapsa feliciter, in quoddam sese cœnobium recepit, passibus mille circiter & quingentis ab vrbe disunctum; sed paulo post a conquistoribus deprehensa, ubi sese Daiondoni & Mioxindoni iussu mortis destinata esse cognouit; chartam atque atramentum poposcit, scripsitq; sua manu multis verbis ad filiam litteras, quarum erat clausula, viro suo per summam iniuriam a rebellibus interempto, se quoque nullo suo merito ad necem rapi: verumtamen aquisimo animo sese mortem obire, nec dubitare quin hoc totum pro sua infinita clementia de se statuisset Amida, quo citius ad paradisi gaudia peruenire, ibique Cubucama suo in perpetuum perfrui sibi liceret. Deinde obsignata epistola, cum Bonzys apud quos delituerat gratias egisset, ad aram Amidæ perrexit: ibi manibus sublati in calum, obtinenda indulgentiæ causa Amidam bis inuocat nominatim, & simul cœnobiarcha ad absolutionis indicium manus capiti supplicantis

placatis imponit. inde regressa in cubiculū, elatis manibus
Amidā rursus appellans, a sicarijs iugulata est. Iam vero
qui Cubucam in extremo certamine affuerāt, eorū ades
direpta, suburbana adificia solo aquata, corpora simul
cum ipso palatio concremata sunt. Cubucam tantum ca-
dauē, hostium permissu, a Bonzijs ad rogam ac sepultu-
ram elatum est in cœnobium, quod ille ad eam ipsam rem
ingenti sumptu cōstruxerat. primarius autē quidam e Cu-
bucam familiaribus peregre proficiscens, cū rem gestam
in itinere cognouisset, Meacum rediit ilico, atq; vbi dele-
tam regiam, & omnia versa vidit in cineres, sepultura lo-
cum recta petiit, ibiq; dissecto sibi met ventre super Cubu-
cam tumulū corruit. Sorores Cubucam duæ sunt Bon-
ziæ; quas, quamuis inclusas cœnobio, nihilo minus aiunt
peti cōiitjs atq; ludibrijs hostiū: atq; ob id ipsum a soda-
libus perpetuo custodiri, vigilijs distributis, ne sibi met necē
ex desperatione cōfiscāt. Nos interea ciuitate ad acerbū
adeo spectaculum ingenti pauore percussa, cum domū no-
stram neophyti confugissent, ad preces ac litanias cōuersi
videlicet, mortē expectabamus in singula pœne momēta.
nec sane, quod Bonziorum in nos odium est, quaq; eorun-
dem apud Mioxindonum atq; Daiondonū gratia & au-
ctoritas, multū ab extremo periculo absuimus. sed cum ad
nos clam venisset pro amicitia scriba Mioxindoni, pectus
feriens, & impietate Domini sui grauissime detestans &
increpans; multis deinceps nuntijs atq; interpretibus vl-
tro citroq; missis, magno vix tandē labore impetratū est,
sacra iam veste ceteroq; instrumento in pacata loca præ-
misso, ut exsulatū nobis abire liceret. Itaq; Gaspar Imo-
rim ad Christianos profectus est, ego parua sum relegatus
in insulā nomine Cangam. Atq; ut intelligatis, nisi hac tā
atrox repēte procella exstitisset, quā letos Domini vinea

fructus ostēderet, quo die discesimus (is fuit sancta Mariæ
 Magdalena sacer) eo ipso die, quamquam in magna
 trepidatione ac tumultu, Bonzius vnus, laici duo e Mi-
 oxindoni familia Baptismi Sacramento renati sunt.
 Quod superest patres fratresque carissimi, vobis orandus
 est etiam atque etiam Deus, vt afflictas res pro sua boni-
 tate sapientiæque restituat: ne stultis ratiocinatoribus,
 & occulta iudicia Domini parum aqua lance pensanti-
 bus, plus diabolus ad euersionem Ecclesiæ Meacen-
 sis, quàm Christus ad eiusdem tutelam defen-
 sionemq₃ valuisse videatur. Ex Iapo-
 nis insula Canga. mense Au-
 gusto. 1565.

FINIS LIBRI QVINTI.



SPE

451.

SPECIMEN
QUODDAM LITTE-
RARVM VOCVMQVE

IAPONICARVM, DESVM-

ptum eRegis Bungi Di-
plomate.

EXEMPLVM DIPLOMA-
tis, quo Rex seu Dux Bungi tem-
plum ad CHRISTI cultum Patribus
Societatis attribuit. Templum au-
tem ipsum, Day dogie, hoc est
Magnus aditus cæli
appellatur.

Dux

Regni
de Zuo,

Regni
Nangati,



Regni
Bugen,Regni
Chicugen
caqui,Regni
Iuami,

Regni
Bungi,Regni
Bichyi,

concessit Day .i. magnum

dogie .i. aditum cæli

patribus

Occidentis

qui venerunt ad declarandam

Igem

faciendi

Sanctos

iuxta ipsorum voluntatem ad finem vsq;

思 爲 林

mundi. is est locus positus

歸 爲 家

intra Amangutium magnam vrbem,

下 爲 家

cum priuilegijs vt nemo possit

與 林 爲 家

occidi nec apprehendi in illo. Atque vt fit


下 爲 家

testatum meis successoribus



do illis hoc diploma,


vt nullo



tempore

eos deturbent

ex hac




possessione.



Regni de Teybum, anno 21.

ipfius



octau

octauī

menfis vigesimo octauo




die.




SVBSCRIPTIO.

Dux

Daidiquibozat



Forma figilli.



Voces ipſe Iaponicæ quas ſonant litteræ, in Hiſpanico exemplari plerūque deſiderantur, ſubditis earum loco Luſitanicis dictionibus : quas nos quoque (vt potuimus) Latinas eodem ordine fecimus.

DE QVINQVAGINTA DVOBVS E SOCIETATE

IESV, PRO FIDE CATHOLICA

NVPER OCCISIS,

EPISTOLAE DVAE.

PETRVS DIAS LEONI HEN-
rico Lusitaniæ Prouinciali salutem
& pacem &c.

EXponam his litteris felicem exitū Ignatij Aze-
bedij Brasilia Prouincialis, & comitum. Nonis
Iunij, cum Aloisio eiusdem Brasilia prouinciae
pro Lusitania Rege praefecto, classe nauium se-
ptem, Vlyssipone profecti, octauo die Maderam hanc in-
sulam prospera nauigatione tenuimus. Nonē circiter &
sexaginta in vniuersum e Societate nostra conscendera-
mus, in tres onerarias distributi. Quae S. Iacobi diceba-
tur, ea cum Didaco Andrada multisque alijs e nostrorum
numero vehebatur Ignatius. Francisco autem Castrio cū
fratribus duobus, & pueris orphanis, Ioannis Ferdinandi
navis obtigerat. Me cum Socijs amplius 20, eadem quae
Aloisium Praefectum navis exceperat. Et quoniam certis
de causis in hoc Madera portu aliquamdiu subsistere de-
creuerat Aloisius, vectores & nauta S. Iacobi, quod mul-
ta negotia haberent in Palma ex Canarijs, seu Fortu-
natis insulis vna, magnopere efflagitarunt vti sibi liceret
praeire: se expeditis mature negotijs aduenienti reliquae
classi praesto futuros. Atq; initio quidem recusabat Igna-
tius, in tanto maris & piratarum discrimine a ceteris di-
gredi periculosum ratus: verum deinde victus precibus,
abeundi veniam ab Aloisio petijt. quae impetrata, quasi
diui-

diuinaret ea quæ postea consecuta sunt, pridie eius diei, qui Apostolorum Principi sacer est, Sacramento Confessionis, & Communionis præmunierendos curauit omnes, & simul diuisit ijs Agni celestis cereas imagines aliquot, a summo Pontifice consecratas, & alia quædam religiosa munuscula, quæ ex vrbe Roma secum attulerat.

His peractis, soluere pridie Kalen. Iulij vento secundo, qui tamen eos in medio cursu defecit. Porro Dominico die proximo, quinto nonas Iulias, allatum huc est, Iacobum Soriæ maritimæ rei pro Nauaria Regina præpositum, (is Caluini sectator egregius, capitales inimicitias cum Papistis, sic enim Catholicos per ludibrium hæretici appellant, exercere sese palam profitetur, ac prædicat) stare cum nauibus circiter septē in portu ad quinq; leucas hinc sito, cui a Sancta Cruce nomen est inditum. Perturbauit is nuntius vehementer omnium animos, statimque Aloisius, oppidique Præfectus cum populo uniuerso ad pugnam comparauere sese. Itaque Sabbati luce quæ consecuta est, cum se Iacobus Soria in conspectū nostrum dedisset, occurrentibus sibi Catholicis, qui probe instructa militibus, tormētisq; nauigia decem eduxerant, perterritus cēsit, fugāque sibi consuluit. Hostem fugasse contenti nostri postridie reuertuntur, ille vero hoc perfunctus periculo, Canarias petijt, ac die Iouis insequenti ad aspectum vsq; Palma Insula, & oneraria nostra, quæ portum capere nunquam potuerat vento destituta, sane feliciter est prouectus. eo autē ipso die Ignatius mane cum ceteris fratribus ad Tertia cohortis (id loco nomen est) vicū a portu leucas quinque circiter, scapha contēderat eo consilio, vt, si daretur facultas, ad portum terrestri itinere perueniret, sed cū res exitū non haberet, in nauim se denuo recipere sunt coacti. Vt vel ex hoc sa-

tis appareat, expetendum id genus mortis paratū illis fu-
 isse diuinitus: eoq; magis, q̃ iter illud leucarū 80, vix
 diebus 15 ab ipsis emensum, addo naui minime impedita,
 vento etiā in initio vt diximus valde secundo; id iter to-
 tum nauibus quinque (& quidē earū nonnullis admodū
 onustis) non plus triduo a Iacobo Soria decursum est. Po-
 stridie nostri eadem malacia nouem fere millia passuum
 a littore detenti, vbi aduentantes Caluinianos aspiciūt,
 paucis dispositis tormentis defendere sese omnino consti-
 tuunt: Ignatius autem sumpta Mariae Virginis imagine,
 quam Roma secum extulerat, prout res & tempus po-
 stulabat, ad officium, atq; ad pietatē hortari Catholicos
 instituit. Interea vnum e nauigij hostes ad nostram one-
 rariam applicant, in eamq; tres primo, in ijs naclerus
 magna apud eos existimatione, transiliūt. atq; ij quidem
 statim a Lusitanis tolluntur e medio, sed maiore deinde
 hostium irrumpente numero, diutius obfisti non potuit.
 Tum Iacobus Soria, vbi cognouit nostra Societatis homi-
 nes ibi versari, omnes ad vnum occidi imperauit, voci-
 feratus: Interfice, interfice, quoniam ad praua dogmata
 disseminanda Brasiliam petunt. In eorum numero, qui
 onerariam occupauerant, erat Iacobi cognatus quidam:
 qui cum vitam aliquot Catholicis promississet, id iussit
 Iacobo renuntiari. quæsiuit ille, cunctine presbyteri (sic
 enim nostros vocabat) essent interempti: cum interem-
 ptos esse responsum fuisset, tum ab alijs manus abstineri
 non vetuit. quo facto sane praeclare suū in nos odium ex-
 promptis, praesertim q̃ paucis ante diebus, intercepto na-
 uigio, quo Franciscani concionatores duo, totidemq; sa-
 cerdotes laici in Lusitaniam vehebantur, neminem eo-
 rum occidit: nactus deinde nostros magna ex parte ado-
 lescentulos atq; nouitios, nulli pepercit omnino. Macta-

tus est autem omnium primus Ignatius, quem obuian-
 hostibus prodeuntē elata manibus ea quā dicebamus ima-
 gine, magnōq; animo profitentē sese cum suis esse Catho-
 licum, lancea tribus ictibus confoderunt, & sacrā imagi-
 nem extorquere frustra conati sunt. tum Didacus An-
 drada in amplexum ruit Ignatij: atq; ita coniuncti simul
 ambo confecti vulneribus precipitantur in mare vna cum
 ipsa imagine, qua de Ignatij manibus nunquā exciderat.
 Inde tabulata oneraria subeūt, quo Ignatius in eo tumultu
 fratres octo, & triginta (tot enim erant eum ex hoc
 portu profecuti) condiderat. binosq; ac ternos ordine de-
 inceps eductos ad nauis marginem, ac talaribus tunicis,
 quamquam exigui admodū pretij exutos, adacto bister-
 ve singulis in viscera pugione, semianimes enaui detur-
 bant: quorundā etiā pracidunt brachia, vt omnem pror-
 sus euadendi spem ceteris adimāt. Atq; hunc exitū felix
 comitatus ille sortitus est. Postea quasitū de triū illorum
 cade, qui ex hostiū classe in onerariā primi trāscenderāt.
 Eius auctores cadis, oneraria gubernatorē cum admini-
 stris duobus, ad se perducī furore percitus iubet Soria. ibi
 ipso nō solam imperante, sed etiam inspectante viuentiū
 pectora dissecātur, & extracta crudeliter intestina deij-
 ciuntur in pelagus. Iam vero hanc immanitatē Caluini-
 ani illo etiā scelere cumulant. in onerariam reuertuntur,
 sacrosanctū caput vnus ex vndecim Virginum millibus,
 quod solatiū neophytorū Ignatius in Brasiliā afferebat,
 e carchesij fune contumeliose, nefarieq; suspendūt, de-
 inde arreptā aliam Virginis Deiparę effigiē, egregio per-
 fectam opere, quā item Roma secū Ignatius aduexerat,
 cum sacris alijs imaginibus permultis, in angulo nauis per
 ludibrium collocant: in easq; vt in scopū sicas eiaculari
 lasciuientes incipiūt. Rosaria vero benedicta, ac sanctorū
 reli-

reliquias, librosq; de religione, & alia scripta quadam ad Brasilia prouincia rem magnopere pertinentia, vt sibi minus vtilia vel superuacanea potius, alto mandarunt. Huiusrei gesta seriem totius a Lusitanis duobus accepimus, qui spectatores affuerunt, cū per eos dies a Caluini-
anis captiui detinerentur. Qui nostris occisi sunt, aque tyrones, ac veterani, præclaris erant adiumentis rerum gerendarū instructi: itaq; ad rem Christianam promo-
uendam valde habebantur idonei.

Obstupeſco ſane mecum ipſe conſiderās mutationes, migrationesq; noſtrorū e nauī in nauē Vlyſipone primū, deinde in hac inſula Madera: vt felix ille manipulus, ſicuti Gedeonis quondā milites, pæne viritim a Domino le-
cti fuiſſe videantur. Me in S. Iacobi nauem imponere, ipſe apud Aloīſiū præfectū remanere Ignatius iam prope decreuerat, ſed mutauit deinde conſiliū: partim vt equi-
dem exiſtimo, ne laborem, atque periculum ſubterfuge-
re voluiſſe videretur; partim etiā q̃ ego tanto indignus bono videlicet fui. Reliqui ſumus: nunc e Societate ad 30. Captum iter numinis ſidutia perſequi certum eſt: virū eodem euentu, neſcimus: illud quidem intelligimus: Iacobum Soriam id vehementer expetere, nobisq; tendere inſidias. Sed iam inſtat hora proſectionis, itaq; ſinem ſcribendi facio, meq; & comites tuis ceterorumq; ſacrificijs, deprecationiq; commendo. Ex inſula Madera. 15. Kalend. Septemb. 1570.

FRANCISCVS HENRICVS
Rector Domus Vlyſſiponenſis, & Socij;
Patribus fratribusq;, qui Romæ verſan-
tur, ſalutem & pacem Chriſti
Domini &c.

EXitum Ignatij Azebedij, & Sociorum nouem
& triginta iam cognouistis, vt credimus; qui
Brasiliam vna cum Aloisio Regio Praefecto pe-
tentes, vt in ea prouincia, rei Christianae pro-
curanda caussa, more nostro collegia instituerent, in iti-
nere a Calumianis oppressi, vitam in professione fidei Ca-
tholica profuderunt. Nunc aliorū XIV. qui anno post,
in eadem caussa parem praestiterunt animi fortitudinem
(ad septuaginta enim nostris Vlyssipone discesserāt plu-
res in naues impositi) persequemur eo ipso ordine, quo
rem totam alter duorum qui Dei benignitate superfue-
re, nobis exposuit.

Post obitum Ignatij, cum Lusitanica naues e Madera
Insula cursu in Brasiliam directo soluisent; alia aliū
euentum sortita sunt: ea vero, qua Petrus Dias cum So-
cijs aliquot vehebatur, ad Cuba insula portum, cui a san-
cto Iacobo nomen est, fluctibus, & procellis adeo labefa-
ctata peruenit; vt eam relinquere plane sibi necessarium
duxerint. Sed cum alia esset ibi nulla, Banam eiusdem
insula portum, in Oriētem procedere statuunt; ac tridui
primum iter emensi pedibus, & quidem excalceatis, im-
bre denso, atque perpetuo, via teterrima; difficultati-
bus praeterea, vt in eiusmodi regione, maximis; exiguo
& aperto sese committere nauigio, ventis pluuiāq; adeo
expositi, vt non commeatus modo corrumpereetur hu-
more nimio, sed & ipsa quibus erant induti vestimenta
pae putrescerent. Eo nauigio leucas quattuor & se-
ptuaginta Banam vsque prouecti, maioris formae nauis
in eo portu conducta, Augusto mense denique ad insulas
Tertiarias, Aloisium Regiū Praefectum, & e nostra Soci-
etate Franciscum Castrum, & quinque fratres, qui
antecefferant, assequuntur. Hic Aloisius, nauali turba
velis-

vehementius imminuta, q̄ & ex oneraria ipsius in tam difficili, ac diuturna mensum quindecim nauigatione viri sexaginta perierāt, & ad Antilias (id loco nomē est) multi subfiterant, multi etiam laboribus periculisq; defatigati, mutato consilio in Lusitaniam inde reuerterāt; cum superesset vectorum & nautarū vix quod in vnā satis esset onerariam (in quibus tamen ipsis fœmina quinque & viginti, imbelli cum puerorum grege numerabatur) reductis in vnum omnibus, captum iter vnica nauī peragere instruit; soluitque feria quarta, octauo Idus Septembris. Porro e Societate nostra (totidem alijs fere tempestate disiectis, de quibus nihil dum certi compertū est) quattuordecim aderant, Patres duo, Petrus Dias, & Franciscus Castrius; duodecim Fratres; Alfonsus Ferdinandus, Gaspar Gois, Andreas Pais, Ioannes Aluares, Petrus Dias, alter eodem, quō Sacerdos nomine, Ferdinandus Aluares; & ex nouitiorum numero; Michael Tarraconensis, Franciscus Paulus, Petrus Ferdinandus, Sebastianus Lopes, Didacus Ferdinandus, Didacusque Caruallus. Dies octo in altum Oceanum prospero flatu prouecti; naues quinq; sole iam occidente conspiciunt, quarū erant Gallica quattuor, vna Anglica. Ea, dissimulato in noctem vsq; consilio, conuersis deinde repente proris, vento secundo nauem nostram insequuntur. Id vt animaduertit Aloisius, ratus (id quod erat) & hostes esse, & hereticos; aduocata statim concione, socios nauales ad prælium acriter ineundum hortatur, mortemq; vt Christianos deceret, p̄ Catholica religione fortiter obeundam. deinde arma expediri, culcitrās locis opportunis pratendi, saxorum vim congeri, sulphurei pulueris cados promi celeriter imperat: dispositis denique ad pugnam stationibus, peccata rite confessus est ipse, &

ceteri, quibus ea nocte confitendi spatium datum est. verum in albescente iam die, rostrata hostium navis ex earum genere, quos Galeones appellant, ad nostram appropinquauerat, amplior & eminentior multo; duabusque tormentorum significationibus, de more, iusserat a Lusitanis vela submitti. Cum illi nequaquam parerent; tum hostes facto ter in onerariam impetu, quinque ex eorum numero occidunt, septemdecim, eosque fere omnes in crucibus vulnerant, sic, ut funibus, ne caderent, altera manus apprehensis, non nisi altera decertare possent. Et quamquam haeretici e superiore admodum loco pugnabant; haud tamen incruentum eis fuit certamen: siquidem initio dimicationis homines fere viginti amisere, vulneratis praeterea circiter undecim; & deinceps tribus bombardae ictibus lesi grauissime sunt, quorum vno diffractus malus & vela prostrata; altero perforatum carinae latus non sine magno eorum discrimine aquas accepit; tertio discerpti decem simul haeretici: quae tametsi erant omnia non leuia incommoda, nihil tamen hostes aque perturbauit ac vela deiecta, prorsus ut de se actum iam arbitrantur. Tum vero ex ipsa desperatione omnibus commixti viribus, quartum iam nostros inuadunt, & minore quam putauerant negotio superant. decem quippe non amplius propugnatores erant relictī, quorum quinque in prora collocati, primo impetu cecidere. Itaque patefacto iam aditu, haeretici ad sexaginta vi maxima irrumpunt, quos Aloisius, cum duas ferreas glandes alteram accepisset in pectore, alteram in crure, quamquam exhaustis iam corporis viribus, magno tamen animo constituit opperiri; gladioque & scuto nunquam abiecto, ad extremum usque spiritum dimicauit egregie. Eius morte a reliquis deditio facta. quae tamen ad mitigandam hostium crudelitatem mi-

nime valuit. nam diabolicis instincti furys, obuios quosq;
 obruncant: Aloisium, ignari quis esset, nudatum, itemq;
 aliorum corpora, multis adhuc spirantibus, in undas pro-
 iiciunt. Versus deinde in Sanctorum reliquias, & sacras
 imagines furor, quarum erat ingens in ea naui numerus.
 Has heretici Catholicis per vim extorquere, trahere per
 tabulata, calcare pedibus, in ignem deniq; gratulabun-
 di coniungere: simul, ore impurissimo, in Sanctos quorum
 erant illa reliquia, blasphemias euomentes, quas horret
 animus scribere. quin etiam, repertas vigesimo post die
 statuas duas, alteram sacratissima Virginis, alteram An-
 geleni, elatas in publicum, sacrilegis fregere manibus, caput
 Angeliper ludibrium tota naui circumferentes. Tertiū
 & trigesium vagati diem, capto etiam Algarbiensi na-
 uigio, pradam exposuere postremo ad Oruium promonto-
 rium ora Callaica. Clasi prepositus erat Ioannes Cada-
 uilius hereticus vehemens, & Ecclesiasticorum ordinum
 inimicus acerrimus. rostrata vehebatur eadem, qua Ia-
 cobus ante Soria Ignatium Azebedium, & comites cepe-
 rat & occiderat. In Aloisium vero prefectum incidere
 Caluiniani, cum ab insula Gomera, eam depopulati, sol-
 uissent. atque is fuit Aloisii & Lusitanorum obitus. cui-
 us de fortitudine, virtuteq; frater noster ita multa com-
 memorat; vt pro certo habendum sit, animam eius in cæ-
 leste domicilium commigrasse. Nunc veniamus ad no-
 stræ Societatis homines, quod maxime nobis propositum
 est. Ii, cum hostes infesti aduentarent, a media nocte ad
 lucem vsque expiandis per Cōfessionem criminibus quis-
 que suis vacarunt. Deinde tabulata subire iussi, non nisi
 commisso praelio ascenderunt ad animandos milites, ci-
 bo recreandos, & curanda vulnera. Sed quo tempore
 facta est deditio, in summa naui, præter Castrum exsta-
 bat

bat eorum nemo : namq; is paulo ante ad excipiendam
vnius e gubernatoribus Confessionem ascenderat, ad imā
prora turrim ex vulnere agentis animam. In eo munere
occupatum, heretici vulneribus quā plurimis punctim
castrūq; confodiunt, ira maxima perciti, nimirum eo q̃
Ecclesia sacramenta ministrantem offenderant. Nam in
ceteros nō adeo sauiere: in Castrū vero certatim omnes.
Sub idem tempus Petrus Dias, qui ad eam vsque horam
Confessionibus eorum qui sub tabulatis erant, operam de-
derat, atque hilari semper ac sereno vultu animauerat
ceteros, Gaspare Goe sequente, in apertum prodijt. Vt
primum apparuere, virunque Caluiniani confestim oc-
cidunt : nec puero quidem etatis admodum tenera par-
cunt, qui a Petro agre sese diuelli patiebatur. Atq; hoc
maxime modo tres ij primo congressu casi ac nudati, deij-
ciuntur in mare. Tum vndecim reliqui, sedato iam pau-
lisper tumultu sese inuicem plevis pietate sermonibus ad-
hortati, vltro in editiora naui euadunt : nec modo, la-
tendi caussa, in ceteram turbam sese non inserunt ; sed
etiam in vnum, dedita opera, conglobati omnes, aperte
profitentur se & eiusdem esse religionis, cuius tres modo
perempti, & aequae paratos ad mortem communis Domi-
ni gratia subeundam. Quos, circumfusi confestim here-
tici, dictis factisq; eo die toto contumeliose, ac petulan-
ter illudere ac diuexare non desinunt, cum illi responde-
rent nihil, nisi siquid ad honorem Dei, vel ad dignitatē
Ecclesia Catholica pertineret. Vbi nox adsuit, manus
ad terga religantur insonitibus : atque inter vinciedum,
accidit vt Michael Tarraconēsis e vulneribus quae in bra-
chijs principio acceperat, ingemisceret. Quae res tantum
abfuit, vt ad misericordiā permoueret hereticos ; vt etiā
arreptū furenter hominē, multa ingerentes probra, e na-

ui precipitauerint; & ne in comitatus abiret, Franciscū quoq; Paulū (nam is erat proximus) eodē impetu deturbauerint. Ceteri omnes, vinclis (vt dicebamus) iniectis, in Aloisij cubiculū deiruduntur: adhibitisq; custodibus totam eam noctem, partemq; insequentis diei, prope per inediā transigunt: cum interea super alios alij ad ositium adessent carceris, modo lata, modo tristia nūtiantes: quidam etiam truci obtutu, strictis minaciter gladys fremarent: Papista, Latrones, ecquis erit aliquando qui vitam vobis eripiat? & alia eiusmodi. Interea nostri, quasi futura prospicientes, magno animo sese ad extrema quaq; parauerant: nec eos fefellit opinio. Nam educi e carcere, damnantur capitis. Iamq; parabantur laquei vt suspenderentur singuli e maximo nauis malo; cum Praefectus, maioris prada spe, q; eos putaret pecuniam, ad templum in Brasilia exadificandū, secū attulisse, rem in praesentia distulit; sed eorum comperta deniq; inopia, Petro Dia, Didacoq; Caruallio ibidem relictis, septem reliquos in rostratā ex oneraria transferunt. Hic eos haeretici denuo circumfistere; nec solum in fratres nostros, verū etiā in Romanū Pontificem Christi Vicariū, in Ecclesiasticos ritus, in Sanctos eorūque venerationem, denique in Sacramentum ipsum altaris, contumeliosa atque impia verba proferre, ad quae cum illi fortiter admodum responderent, cadebantur pugnis, alapisq; frequentibus, defensores Catholicae fidei: quin etiam exquirebātur diligenter in summis caputū verticibus, sacra quas appellant corona, quarum haeretici si quas inuenerant, has vero iterum iterumq; singuli tundere; & simul iurgijs & maledictis in eos de inuehi cū alijs multis, tum illis praesertim, Canes, fures, veteratores; per vos stat quo minus cōspirēt vniuersi mortales atq; consentiant; sublatiq; discordijs

ac tumultibus, tranquilla omnes pace, atq; otio persua-
mur. Vestro scelere non modo Germania, & Gallia, ve-
rum etiam Brasilia, atq; adeo toto terrarum orbe praua
doctrina diffunditur. Erat e nouitiorum numero Petrus
Ferdinandus, faber lignarius. omnium recentissimus ille
quidem; sed apprime humilis & magna virtute vir. Is,
initio deditiois, pileo talariq; tunica exutus ab hostibus;
ne deinde fallente vestitu pro seculari haberetur, & præ-
claram pro CHRISTO moriendi occasionem amitte-
ret; aggregabat se ad fratres idētidem, vultu oculisq; ad
modestia religionisq; significationem ita cōpositis, vt vel
ex eo satis intelligerent heretici, hominem esse de nostris.
Quo etiam vehementius irritati, caput eius arreptum, v-
traq; manu subrigere, colaphis petere, digitis oculos ape-
rire, palpebrasq; distendere, paxillo deniq; mento subde-
re, ne vultū demitteret. ad hac, illum contumelijs inces-
sere eiusmodi; Canis, attolle faciem; frontem exporrigere.
quæ ille nimirum excipiebat tanta non solum animi aqui-
tate, sed etiam oris hilaritate, vt eo bono se indignū exi-
stimans, conuersus ad Deum, diceret: Quo meo mihi me-
rito hoc tribuis, vt pro te patiar, Domine? Per hanc simul
procacitatem atq; seuitiam heretici cum sese miseri diu-
tius oblectassent, alij demum alio varios in vsus digressi
sunt; spatiumq; fratribus datum ad inflammandos mu-
tuis cohortationibus animos, viresq; recolligendas: quo in
genere Petri maxime Ferdinandi, eius quem modo dixi
caritas ac virtus enituit, cum in singulos congressus, latif-
simo semper vultu, ceteros ad constantiam, ac fidem ac-
cenderet, atq; ad agnoscendam insignem hanc in se Dei
beneficētiā, multis rationibus excitaret. Cuiusmodi ser-
monibus dum se inuicem confirmant fratres, magna rur-
sus circumuenit eos hereticorum manus. Instituitur de


religione certamen, ex quo, & genus videatis, vnum at-
 rigisse sat fuerit. Oppugnabant heretici supplicationes &
 preces, quibus auxilium a Sanctis mors Catholico expo-
 scimus. qua in disputatione acrior coortus quidam ex ijs,
 Nónne, inquit, cernitis, in nostra potestate vos esse capti-
 uos? quin vos igitur Maria virgo, Sanctiq³, quorū opem
 implorandam affirmatis, e manibus nostris eripiunt? cui
 fratres: Si expediat nos esse superstites; Sacratissima Vir-
 go Sanctique, & vitam nobis à Domino, & libertatem
 obtineant utique: sed quia praestat emori, iccirco non im-
 petrant. Hac & alia id genus respondebant fratres: quā il-
 li cum ferre non possent, amentes iracūdia, & rabie, con-
 sputabant ora subinde nostrorum: quin etiam quodā Al-
 phonsi Ferdinādi responso permotus vnus ex ijs, furensq³:
 ob id ipsum, inquit, quodd ita dixisti, peribis. cui Alphonsus,
 utpote Prominister: Non solus ego, sed omnes plane mori
 parati sumus. Atqui exspectate (ait hereticus) Molo si ca-
 nes, caput egomet vobis praecidam, vosq³ (meam fidem
 testor) in mare proijciam. Hac altercatione in cēnam vs-
 que ducta, discedunt heretici: fratres vero tempus nacti
 rursus molestia vacuum, de integro adhortari se mutuo;
 diuinā opem in tali tantoq³ salutis aeterna discrimine ex-
 petere; Christi morte cruciatibusq³ memoria repetendis,
 sese ad perseverantiam, atq³ fortitudinem incitare; Deo
 deniq³ pro tam praecleara sibi oblata bene moriendi occasi-
 one gratias agere. Interea heretici expleto epulis ventre,
 animi quoq³ feritatē extremo supplicio nostrorū exsatu-
 rare constituūt: nec mora: singulos octoni denive circum-
 stant, exutosq³ tunicis, quanta maxima vi, quā possunt
 longissime a nauibus, eiaculantur in pelagus. Ac Petrus
 quidem Ferdinandus, & Ioannes Aluares, natandi mi-
 nime periti, fluctibus hauriūtur ilico; ceteri quinq³ vnum


in locum diuinitus congregati, diu sese sustentant, postremum vale sibi dicentes inuicem, ac veniam inter se delictorum petentes. Didacus vero Ferdinandus, quem vna cū Sebastiano Lope (qui deinde superstites ambo fuere) sub noctē heretici quidam quasi diuino iussu, cibo potuq³ refecerant, validus viribus, classē, quod e repentina pluuia venti quiuerant, tardius euntem assequutus, & nescio quo pacto in vnā nauium acceptus, diuina consilio prouidentie mansit incolumis. Luctantur cum fluctibus reliqui, et quamquam in summa difficultate ac defatigatione, Apostolico Symbolo, precibusq³ fundendis ad Deū, sese contra spirituales nequitias communire non desinunt. iamq³ nox erat media, cum Alphonso Ferdinando in verba praeunte, certos e quinquagesimo psalmo versiculos decantare caperunt, atq³ illum praesertim: Tibi soli peccauit, &c. Verum lassitudine tandem victus, & aquarum vi obrutus Alphonsus extinguitur, spectata probitate, ac religione vir, cuius praecipue robur animi, ac virtus in hereticis modo refutandis eluxerat. Hunc autē eo consilio e Lusitania secum abduxerat Azebedius, vt philosophiam, cui magna cū laude vacauerat, in Brasilica prouincia profiteretur. Alphonsum secutus est mox, I E S V M inuocans, Andreas Pais, postremus omnium Ferdināus Aluares mergitur. Tum Sebastianus Lopes in mari medio, nocte intempesta, densis tenebris, imbre maximo derelictus, elatum sorte quadam in classe lumen eminus intuens, mille circiter, & quingentorum passuum interuallo distantes consequitur naues, quarum ad vnā, itemq³ alterā accedens, & vt admitteretur suppliciter postulans, cum acerbè minitantes hostes, intentaq³ in se tela sensisset, quasi ad extremum perfugium, contendit ad vnā e scaphis: cū ad marginem stans forte quidam hereticus paulo

mitior, tum Sebastiani arumma, tum etiam fortassis ab se
 deserta vera fidei, religionisq; recordatione commotus,
 excepit hominem: penulag; contectum, ac furtim in na-
 uem impositum, commentis quibusdam hostium furori,
 atq; immanitati subtraxit. Duos autem illos qui in Lu-
 sitanica navi relictī fuerant, eodem genere mortis, eadem
 animi magnitudine defunctos accepimus. Porro nobis hac
 omnia Sebastianus ipsemet Lopes exposuit. nos totam rei
 gesta seriem his cōsignatam litteris eidem Sebastiano re-
 cognoscendam ostendimus: cuius ille narrationis verita-
 tem ac fidem suo rursus testimonio comprobauit. Quo eti-
 am studiosius fecimus, vt hanc ad vos mitteremus episto-
 lam, rati eo vobis gratiorem futuram, quo certiora per-
 ferret. Quod reliquum est, vestris omnium sacrificijs,
 precib;que, nos etiam atque etiam Domino
 commendari percipimus. Vlyssipone

5. Idus Decembris 1571.

FINIS.





= Libros Antiguos =

F. Puigill

Boters 10 · Barcelona · Tel. 221 70 53



